





De Gemitum Carolae
Lonsium prope Varsiaum





CONFESSIO
&
INSTRVCTIO
IDIOTÆ.

Exemplis IV E Canaliculi
MODVS EXCIPENDI
CONFESSIONES SACRAMENTALES
Rusticorum, Puerorum, in pecca-
tis inueteratorum; ac ignorantium
profectum in vita Christiana.

AR. Patre GREGORIO TERETIO,
Ordinis FF. Eremit. S. PAVLI Primī Ere-
mitæ in Polonia Professo.

EDITIO SECVNDA,
*Adiectæ sunt sententiæ à Sede Aposto-
lica Condemnatæ & Bulla Cane*

Marci Domini. Regij ad Vagari
Per Fr. AMBROSIVM NIESZPORKOWITZ,
Ordinis S. PAVLI Primī Eremitæ S. T. D.
SUPERIORUM PERMISSU.

Anno Domini 1686.

C R A C O V I Æ,

Ex Officina FRANCISCI CEZARY, S. R. M. Illustr:
ac Reuerendiss. Dñi Episcopi Crac: Ducis Se-
neriæ, Necnon Schol. Nouoduorice, Typ.



Conticuit populus meus, eò
quod non habuerit scientiam :
quia tu scientiam repulisti : re-
pellam te, ne sacerdotio funga-
ris mihi. *Osee 4.*

Labia Sacerdotis custodiunt sci-
entiam, & legem Dei requirent
ex ore eius. *Malach. 2.*

Facite dignos fructus poeniten-
tiæ. *Luc. 3.*



By Biem. B. III. 5

Admodum Reuerendo, in Christo Patri,

F. RAPHAELI MICHALSKI,

S. T. D. Ordinis S. PAVLI Primi
Eremitæ, per vtrâq; Poloniâ Pomera-
niam, & Silesiam, Fratrum Ordinis
eiusdem

PRIORI PROVINCIALI,
Cæterisque

Admodum Reuerendis, Reueren: Venerabilibus,
Ordiniseiusdem Prouinciarum Poloniæ,
Pomeraniæ, & Silesiæ
DILECTIS IN CHRISTO,
Patribus & Fratribus.

Fr. AMBROSIVS NIESZPORKOWITZ,
S. Th: D. eiusdem Instituti.

Vtramque Vitam & Felicitatem.

INstructionem Idiote, Opus pla-
ne singulare, quamuis non à meo
profectum genio, meo tamen oppor-
tune subseruiens desiderio, Tibi af-
fero,

fero, & offero Admodum R. P.
PROVINCIALIS, ceterique Ad-
modum Reuerendi Reuerendi,
Venerabiles in Christo dilecti Patres
ac Fratres, dignum sanè erga V'os
grati animi argumentum. Iam pri-
dem complurium Illustrium Viro-
rum ex utraque Secularium ac Re-
gularium Republica illud recusum
videre exoptabant, quòd probè nos-
sent quanto legentium, & maxime
animarum saluti seruientium, com-
modo in lucem prodire posset, cum
solidam Christianæ perfectionis do-
ctrinam, & rudis, scrupulose, dubie,
intricate, ac in praua vitiorum
Consuetudine inueterata conscien-
tiæ medicinam, atque ad facilem
perfectionis ineundam viam me-

rhodum

thodum demonstret. Seruiendum
itaque fuit, & externorum deside-
rijs, & domesticorum obsequijs, qui
in plerisque & principalioribus
Conuentibus cum animarum salu-
ti seruiunt, tanquam percommo-
dum sue instructioni Subditorum-
que institutioni instrumentum,
utpotè mei erga se propensioris
affectus, testimonium; gratitudi-
nis, pro experta sepius in hoc Sa-
cro Ordine Fraterna beneuolen-
tia, tributum, & mutue Charita-
tis arrham non dedignabuntur.
Cum primis tamen ad hoc Tibi de-
dicandum Opusculum, meum pro-
uocabat, urgebatque debiti affe-
ctus obsequium, Tua Paterna be-
neuolentia Admodum Reueren-

dePa-

de Pater PROVINCIALIS,
ut omnium votis, ad tuum hono-
rem velificando, hoc munere Te
in hoc Anni nascentis exordio ho-
norarem, quo pateret quantum
interesset Prouincie Nostrae, Tibi
quoquomodo gratificari labores,
& sudores Scholasticos, quos in
Philosophicis ac Theologicis Di-
sciplinis, instituendaeque in Virtu-
tibus & scientijs Religiosae Iuuen-
tutis, spectauimus, ne ingrati vi-
deremur, qui altioribus in Or-
dine Nostro functionibus admo-
tum merita prudenter aestimamus.
Vicem omnium gero, & quod Ti-
bi munus literarium dedico, alijs
eandem gratitudinis obligationem

ingero

ingero, ut dum Tibi sibi què de-
dicatum legerint, tum ad gratitu-
dinem erga Te, tum ad anima-
rum lucra animum adijciant, no-
uerintque sicut me non mihi na-
tum, sed omnibus ad obsequium,
ita communis inde boni promo-
uendi capiant exemplum. Hoc
unicè labore suo desiderabat pro-
moueri Noster Gregorius Tereti-
us, Vir Ascetici Spiritus, hanc
Instructionem edens in publicum,
communi bono opus suum subser-
uire voluit, magnum ad implan-
tandam, tum in rudiorum, tum
in sapientiorum animis Sancto-
rum scientiam, momentum, quod
ut ad merita, & emolumenta

Spiri-

Spiritualia Vobis Admodum
Reuerendis Reuerendis ac Ve-
nerabilibus Patribus ac Fratri-
bus, profectusque maiores in spi-
ritu seruiat animitus exopto.
Datum in Claro Monte Cze-
stochouiensi. Die 29. Decem-
bris Anno Domini 1686.

Præ



Præfatio ad Lectorem.

FRequens & acris fit querela quorundam, Confessariorum, eorum præsertim, quibus iuxta regulas Theologicas Sacrum Pœnitentiæ Sacramentum exactè perficere est cordis, contra rusticos aliosq; idiotas, qui accedentes ad Sacras Confessiones, ob tuam crassitiem ingenij & hebetudinem intellectûs, aut etiam, tuam socordiam, minùs se capaces exhibent ad absolutionem Sacramentalè obtinendam: adeò, ut ij Confessarij audacter asseuerent, malle se decem literatorum, quàm vnius stupidi villani confessionem excipere. Et quidem illorum querela ex parte non videtur improbanda; siquidem Officij sui partes cum istiusmodi hominibus, nequaquam commodè possunt exercere: Non officium Doctôris; quia illa subiecta ob sui stoliditatem, instructionis sunt incapacia: non Iudicis, aut Medici; nullam quippè ad iudicandum, vel medendum materiam exhibent: non denique benigni Patris Spiritualis; siquidem suâ insulsâ stupiditate, & importunitate ad iracundiam porrigunt incitamenta. Verùm altera ex parte, si quis miserabilem satis conditionem horum animaduernerit, potius ipsorum spirituali penuriæ ac indigentix compatiendum, quàm de illis conquerendum, vel ipsis irascendum, facile censebit: nam rudes inter rudes nati, ferè inter

iumenta

Præfatio ad Lectorem.

iumenta educati, ex natura ut plurimum ingenio obtusi, forte à nullo ut par est in salutis necessarijs instructi, ferè assiduis laboribus distenti ac distracti; quid mirum si tantum imperiti, ignavis, ac inanes rerum spiritualium appareant?

Refertur non multis abhinc annis (*Filius Tom. 2. tract 22 cap. 2. num. 46*) in agro Romano repertum esse rusticum, qui Solem adorabat, & nihil audiebat de fide, sed pascendis gregibus ouium & armentorum continuam operam dederat: Si ergo in partibus illis, ubi à tot sæculis Scientiâ Domini plena est illa terra, tam miserabilis persona inuenta est, & succensibimus tot imperitos, rerum ad salutem animæ pertinentium, apud nos reperiri, in villis præsertim ubi illi miseri ob crassitiem ingenij, ob continuos labores, ob inopiam instructorum vix aliquid de Deo audire vel percipere possunt. Consideret Confessarius, si in eodem statu in quo hi degunt positus esset, destitutus donis naturæ & fortunæ, alijsque ad instructionem animæ necessarijs, quantum optaret secum benignè & clementer, præsertim ubi agitur de æternæ salutis bono, agi & tractari.

Et ideo optimè quadrare possunt Confessarijs respectu istiusmodi status hominum illa verba Apostoli: *Vos qui Spirituales estis, instruite huiusmodi in spiritu lenitatis.* Hos ego existimo magis idoneos ad spiritualia Dei dona percipienda illis, qui scientiâ inflati, voluptatibus diffuentes, diuitijs aut vanis honoribus turgidi,

Prefatio ad Lectorem.

turgidi, in cura suæ salutis videntur sibi multum sapere: Diuinæ quippè Sapientiæ cum simplicibus sermocinatio promptius instauratur, & corda ipsorum facilius, vtpotè à grauioribus vitijs liberiora ad pietatis studium afficiuntur. Christus Dominus, ad nostram instructionem, cum rudibus Apostolis familiariter supra tres annos conuersatus, ipsos patienter, affabiliter, dilucidè mytheria Regni cælestis edocebat; addens illa suauissima verba: *Intellexistis hæc omnia*: libentiùs & frequentius vicos & castella quàm vrbes visitabat; turbis quoque rudibus etiam importunis ac se prementibus, quâ corporali, quâ spiritali refectione sese beneficentissimum exhibebat: idem & eius amicis (vt in Historijs Ecclesiasticis videre licet) in sancta patientia & salutari doctrina factitare in vsu fuit, vt nobis etiam non sit molestum tantis exemplis animas istorum; à fæce illa terrea, inscitia rerum Diuinarum, & sordibus peccatorum vindicare; & spiritali ipsorum bono pro viribus prospicere. Anima quippè etiam vilissimi rustici, iuxta sanam Philosophiam, in sua essentia tam est perfecta, quàm Aristotelis, aut ipsius Magni Alexandri, aliùsuè excultissimi & nobilissimi Principis, aut aliquorum Procerum, æquè ac illorum pretioso lytro sanguinis Filij Dei redempta, & in altiore fortè gradu cælestis gloriæ constituenda.

Quapropter vt suauius hoc sacrû negotium circa salutem harum miserabilium personarum à Confessarijs peragatur; operæ pretium duxi, aliquot

Præfatio ad Lectorem.

aliquot insinuare modos, quibus & Pœnitentia-
riorum molestia alleuietur, & pœnitentium
confusio in Sacris ipsorum Confessionibus arce-
atur: Et quia pueri pares etiam sunt in rerum
spiritualium ignorantia rudibus, inueterati quo-
què malorum, non animaduertunt grauitatem
peccati mortalis, pretium inæstimabile Diuinæ
gratiæ, & pericula suæ æternæ damnationis: in-
super propter suum in peccatis obduratum cōr,
ad percipiendam absolutionem Sacramentalem,
magis fortassè ineptiores, quàm illi propter su-
am ignorantia: idcirco etiam pro istorū mede-
la, media quæ potui oportuniora ex approbatis
Auctoribus in hunc libellum, breuiter collegi.
Et quia non satis est viam perditionis relinquere,
nisi etiam via salutis confestim & seriò ineatur,
& continuetur; pro omnibus pœnitentibus, mo-
dum de profectu in vita Christiana peragenda
superaddendum censui: vt omnes dignos pœni-
tentia: fructus facientes, de virtute in virtutem
procedant, donec ab ipsis videatur Deus Deo-
rum in Syon cælesti. His beneuole Lector, si
tibi alia desunt, tanquam primis principijs vtres,
quæ in ampliores processus per frequentiore
praxim, & lectionem aliorum Auctorum, in
Maiorem Dei Optimi Laudem & proximorum
salutem in te, & per te, in alijs feliciter
excrefant.

FACVLITAS.

Admodum Reuerendi Patris Fratris,

TOBIÆ CZECHOWICZ, S. Th. D.

*Fratrum Eremitarum S. PAULI Primi E-
remita per utramq; Poloniam & Silesiam
Prioris Prouincialis, ad presentis opu-
sculi Reimpressionem.*

CUm plurimorum è Sæculari ac Regulari Clero intercesserint desideria, vt Liber sub Titulo INSTRUCTIO IDIOTÆ &c. R. P. GEORGII TERETII Ordinis Nostri, olim in Prouincia Nostra Viri Doctrinis Asceticis celeberrimi, antehac approbatus, iteratò lucem publicā communi laborantium in Vinea Christi bonè aspiceret; authoritate mihi facta à Reuerendissimo Patre Nostro Fratre GEORGIO BEBERIS Ordinis Nostri Priore Generali Recursionis, seu Reimpressionis eiusdem curas, cum additionibus condemnatarum ab Ecclesia Sententiarum, Patri Fratri AMBROSIO NIESZKORKOWITZ, Ordinis Nostri Sacræ Th: Doctori committo. In quorum fidem præsentem dedi manu propria subscriptas, & officij Sigillo munitas, in Nostro Conuentu Clari Montis Czeſtochouiensis Anno Domini 1686. Die 7. Martij.

(L. & S.)

FR. TOBIAS CZECHOWICZ,

Idem qui supra mpp.



APPROBATIO.

Librum Cui titulus Confessio & Instructio
ID IOTÆ Anno Domini 1655. cum ap-
probatione in lucem publicam editum, omni
prorsus contra fidem, & bonos mores, erroris
suspicionem carentem; imò Cunctis Penitentia-
rijs, tam Secularibus, quàm Regularibus in
Vinea Christi laborantibus summopere neces-
sarium, cum additionibus Propositionum ab
Ecclesiâ damnatarum, & Bulla Cane Domini,
iterum reimprimi facultatem concedo. Da-
tum Crac: in Collegio Maiori die 12.
Decembris Anno Domini 1686.

M. FRANCISCVS PRZEWOSKI,
S. Th. D. Decanus S. ANNÆ,
Ordinarius Librorum Cen-
sor mpp.



MO.

MODVS EXCIPENDI
SACRAS CONFESSIONES
Rusticorum, Puerorum, in peccatis inue-
ratorum; & ignorantium profe-
ctum vitæ Christianæ.

C A P V T I.
De Confessione rudium.

§. I.

De iuuandis rudibus circa mysteria fidei.

Q V Æ R E S I.

*An teneantur rudes sub peccato mortali scire
mysteria in Symbolo Apostolorum contenta?*

Respondeo, cum communi senten-
tia Doctorum affirmativè: tenentur e-
nim illa credere, igitur debent & scire,
saltem rudi aliqua pro suo captu cogniti-
one; nam quid credent, si nihil ex ijs intellectu
percipient? actum enim credendi præcedit actus
sciendi. Vnde Fillucius Tom. 2. cap. 2. n. 4. e-
andem rationem obligationis, asserit in credendo
explicitè articulos fidei & sciendo, ideòq; eo
modo quo fides aliquorum articulorum dicitur
necessaria explicitè, debet etiam dici eorundem
scientia explicitè necessaria, quamvis non ita di-
stineta, sicut à doctioribus solet haberi.

A

Deinde

Deinde quia illa mysteria fidei, sunt initium, radix, & fundamentum salutis; non simpliciter omnibus, sed illis tantum, qui illa intellectu proprio posse apprehendunt, ac firmiter illis propter auctoritatem DEI reuelantis assentiuntur; tandem quia hoc Symbolum (vt D. Aug. ser. 181. de tempore, & Leo ser. 11. de Pass.) Apostoli ideo composuerunt; vt statuerent, quæ essent à fidelibus credenda; & propterea hæc in Ecclesia publicè circumferuntur, & omnibus proponuntur, quasi explicitè scienda & credenda.

QVÆRES II.

Quæ sunt præcipuè mysteria fidei, à rudibus explicitè credenda?

A Ntequàm huic quæsito respondeam, prius exponendum est, quæ dicitur fides explicita, quæ implicita: Explicita fides illa vocatur, dum aliquis credit in particulari, & in seipso, illud quod ei ad credendum proponitur. *v.g.* Siquis credat CHRISTVM FILIVM DEI assumpsisse naturam humanam ex MARIA Virgine; dicitur habere fidem explicitam, de FILIO DEI incarnato, &c. Implicita est, dum quis credit non in particulari, vel in specificatione alicuius articuli expressa, sed in aliquo alio: ideò qui credit, quidquid credit S. Mater Ecclesia; vel quod ei proponitur à prædicatore Christiano, licet id non percipiat, dicitur habere fidem implicitam. *v.g.* de modo justificationis, de merito, &c.

tō, &c. Hoc ergo posito; respondeo ad propositum: hæc quatuor mysteria, fide explicita esse tenenda. Primum DEVM esse: secundum DEVM esse remuneratorem animæ æternæ beatitudinis, & punitorem malorum: Dicitur enim Hæbr. 11. *Sine fide est impossibile placere DEO: credere enim oportet accedentem ad DEVM, quia est, & inquirentibus se remunerator sit.* Quoad primum, intellige non quomodocunq; credendum, quod sit; vt vocantur aliqui Dij, propter aliquam participationem excellentiæ DEI; sed quod sit Ens à se, & independens ab alio: Dominus infinitarum & innumerabilium excellentiarum, &c. quod indicant illa verba Symboli *Creatorem celi & terræ*; ipsum à nullo creatum. Quoad secundum, intellige; quod non in hac vita mortali sit remunerator tantum istis bonis temporalibus; sed magis in alia, bonis æternis, & quod anima sit corruptionis expers, imò capax æternæ beatitudinis. Ratio autem huius doctrinæ ista est; quia qui vult attingere finem, debet ipsum præcognoscere; cum autem Deus Opt. sit etiam rudissimorum hominum finis ultimus in cælesti gloria videndus, & in sua beatitudine participandus: ideo hîc ipsum per lumen fidei debent cognoscere, ipsum præ omnibus maximi æstimare, honorare, ipsi obedire, &c. Et quamuis quis possit DEVM lumine rationis cognoscere, vt potè primam omnium causam, primum Motorem, Ens Entium; non tamen illius potest eo modo, & tam certo, quod

fides ostendit, cognitionem assequi; videlicet Creatorem omnium ex tempore, ex nihilo, illum esse: necessario à se, & per se, sine principio & sine fine, gloriosum existentem, scelera æternis supplicijs punientem, &c.

Et ideo ad hunc finem supernaturalem cognoscendum, requiritur etiam lumen supernaturale, quod est fides. Hæc consulto posita esse velim propter rectificandum quorundam idiotarum intellectum, qui conceptus de DEO satis futiles sibi confingunt, ipsius gratiam minus curant, animam instar alicuius venti, aut vanæ imaginis apud se depingunt, magis ad præsentis, quam futuræ vitæ bona propendent. Tertius articulus fidei explicitè sciendus est. MYSTERIUM SSS TRINITATIS, de quo ipse CHRISTVS Matth. ult. *Docete omnes gentes baptizantes eos, in nomine Patris, & Filij, & spiritus Sancti, &c. Qui non crediderit, condemnabitur.* Quartum mysterium de FILIO DEI, non quidem quoad omnes articulos rudibus explicitè de eo credendos; sed quoad principales, qui sunt fundamenta salutis nostræ; videlicet, quod sit incarnatus, verus DEVS & homo, mortuus, resurrexit pro salute generis humani, &c. De hac fide sunt verba expressa CHRISTI apud S. Iohannem. *Sic dilexit DEVS mundum, &c. Hec est vita æterna ut cognoscant te verum DEVM, & quem misisti IESVM CHRISTVM. His qui credunt in nomine eius, dedit eis potestatem, &c.*

Qui

Qui non credit in nomine FILII DEI, iam est indicatur.

Mirum profectò (justè conqueritur Iacob. Marchan. in Candelabro Myst. tract. 5. c. 2.) quanta passim in pagis ignorantia circa hæc, ita ut nihil distinctè vel explicitè nòrint istorum, eò quòd à Confessarijs non interrogentur de his. Nam regulares Confessarij dùm eos accedunt rustici, præsupponunt hæc edoceri à Pastoribus: Pastores cùm aliquoties hæc in Cathecismis dixerint, supponunt suos ista non ignorare. Sed falsa est suppositio, quia frequentissimè quæ publicè in genere dicuntur, contingit non apprehendi à multis rudioribus in particulari. Unde necessarium est tales sigillatim interrogari, imò & repeti, ac eis morosè inculcari. Obsecratos igitur velim in Domino Confessarios ac Pastores rudium, ut hîc diligentem operam naut cum suauitate & patientia, & per experientiam reperient se non infructuosè laborare. Varijs in locis confessiones rusticorum excepi, & eos interrogans de TRINITATE, pro responso accepi, tres esse DEOS, vnâ personam, vel vnum DEVM esse, sed tria corpora. Item dùm interrogarem quæ persona carnem assumpserit? Respondebant satis ordinariè, esse Patrem. An Pater esset homo? an etiam Spiritus Sanctus esset homo? respondebant affirmatiuè. Et maximè errorem vniuersalem plerisq; in locis deprehendi, quod putarent vinum, quod aliquando datur communicantibus esse CHRISTI san-

guinem. Hæc verò difficulter doceri possunt; maxime senes, nisi à Confessarijs interrogentur, & erudiantur. Quod breuiter potest fieri, de his quæ sunt necessaria, necessitate medijs, nam si ignorent fortè decem præcepta, aut Symbolum; sufficit quod firmiter proponant illa successu temporis se conaturos addiscere. Substantia autem præcipuorum articulorum debet eis hic & nunc ante absolutionem proponi, vt fidem explicitam illorum concipiant; nempe IESUM CHRISTVM esse FILIVM DEI, & verum hominem, natum ex Virgine, pro redemptione nostra mortuum, postea resurrexisse, deinde ascendisse in cælum, deniq; venturum Iudicem.

QVÆRES III.

An præter articulos Symboli ad salutem alia necessaria rudes scire teneantur?

Respondeo. Orationem Dominicam, salutationem Angelicam; Decalogi, & Ecclesiæ præcepta: Tenentur enim orare ne succumbant tentationi indeq; pereant; vt testentur suam subiectionem excellentiæ DEI, &c. Oratio enim est medium hominis rationi compotis ad salutem omnino necessarium, necessitate medijs, scilicet ex præcepto Diuino naturali, quia necessaria est ad obtinendam à DEO gratiam SPIRITVS Sancti, quem CHRISTVS promittit dandum à PATRE cælesti petentibus se. Quare SS. Patres, nominatim Hieron. & Aug. aduersus.

uersus Pelagianos docent, tam esse necessariam Orationem, quam DEI gratiam & auxilium. Item debent mandata DEI seruare, si volunt ad vitam ingredi, tenentur certis diebus ieiunare, festis diebus Sacro interesse, decimas dare, &c. Igitur quâ obligatione hæc tenentur facere, eâdem etiam ista nôsse, cum hæc sint omnia connexa. Insuper obligantur ad notitiam Sacramentorum quibus vtuntur, puta, Pœnitentiam, Eucharistiam, Matrimonium, & secundum probabilem sententiam Bannez & quorundam, Confirmationis & Extremæ Vnctionis Sacramenta nôsse: alias nec humano nec Christiano more illa percipient.

QVÆRES IV.

Quomodo prædicta rudes teneantur scire?

Dico I. Non est opus scire illa ipsis, secundum eam declarationem quæ habetur in Cathecismis, sed sufficit quoad substantiam, id est secundum significationem generalem & simplicem vocum, quæ continentur in eo articulo. v.g. In articulo SSS. TRINITATIS, satis est si intelligant PATREM, & FILIUM, & SCRIBITUM Sanctum vnum esse DEVM, & non plures Deos, & non est necesse vt quis percipiat processiones Diuinas, &c. Sic etiam ad incarnationis mysterium, sufficit CHRISTVM esse FILIUM DEI, verum DEVM, verum hominem, non est autem opus intelligere esse vnâ personam & duplicem naturam. Item de Ec-

clesia Catholica; neminem posse saluari, extra hominum congregationem, quæ tenet fidem, CHRISTI & religionem eius; sed tantum eos posse vitam æternam consequi, qui intra eandem congregationem, CHRISTVM ritè colentium perseverant.

2. *Dico*, Symbolum Apostolicum, præcepta Decalogi, &c. non obligantur ut illa sciant eo ordine, & verbis quibus proponuntur, sed satis percipere sensum & veritatem eorum, imò etiam sufficit, si interroganti sciant respondere. Esset tamen veniale graue non mandare memoriæ Symbolum Apostolicum ex negligentia; secus ex impotentia, uti DD.

Quod attinet Orationem Dominicam (Bress. lib. 5. cap. 8. num. 67.) docet, quod partim CHRISTI institutio, partim orandi necessitas, partim Ecclesiæ consuetudo vim legis adepta obtinuit, ut ea ab omnibus discenda sit memoriter, idq; sub mortali, quod de ea, ut etiam Decalogo affirmant Angelus & Tabiena, quos tamen explicat Azor, & Sanches de eorum substantia. Sed quamvis hæc explicatio rectè conveniat decalogo, cuius finis obtineri sic potest, scilicet eius observatio, modò sciatur quādo obliget, & quæ peccata illi repugnent; minus tamen orationi Dominicæ: quā memoriter recitata DEVM quotidie orari convenit. Imò verisimile est ob rationes indicatas, eum qui per longum tempus orare negligit peccare mortaliter vitio irreligiositatis. Verisimilius id diceretur

retur sub veniali, de salutatione Angelica; quamvis reuera communi Ecclesiæ vſu, quo publicum ad eam signum datur. Catholicorum sensu & æstimatione etiam grauitè videatur dedecere, adeoq; peccatum esse mortale nescire, illam memoriter, quia quotidie salutanda esset & oranda B. Virgo: præsertim vbi habitant permixti hæreticis Catholici, quorum preces eo quasi signo discerni solent à precibus Hæreticorum. Quare etiam ob rationes indicatas de oratione Dominica, idem verisimile videtur saltem sub veniali, vnumquemq; teneri intra longius tempus ipsam salut. Angelicam recitare. *Hætenus Bresserus.* Idem sentiendum de signo Sanctæ Crucis, quamvis Syluester eius ignorantiam culpabilem mortaliter esse sentiat.

3. *Dico.* Symbolum Apostolicum addiscendum esse ea lingua quam, quisq; intelligit: Scire enim memoriter & non intelligere est nescire, vt rectè Fillucius Tom. 2, tract. 22, q. 2. n. 37. De oratione Dominica, vt vulgari lingua sciatur esse obligationem sub veniali docet; de alijs precibus aliter sentiendum esse, asserunt Authores requirentes saltem attentionem & intentionem illas dirigendi ad DEVM: nam si (inquiunt) verba magica, etsi non intelligantur à proferente, nihilominus habent quandoq; suum effectum, multò magis verba Diuina ritè probata. Ad deuotionem tamen maiorem excitandam, & Spiritum refouendum consultius est illis orationibus vtis, quæ intelliguntur, de quo infra latius. Plu-

us. Plures Authores his de rebus citantur à
Dianna prima part. tract. 16. Miscel. 11. Resp.

14.

QVÆRES V.

*An propter hebetudinem ingenij possit aliquis
excusari ab explicita cognitione pradieto-
rum?*

Ratio dubietatis est: quia magna pars rusti-
corum etiam post instructionem dum ad
confessionem accedunt, ipsos ignorant saltem
explicitâ scientiâ, & vix pertinenter de illis re-
spondent. Tàm facile enim respondent tres esse
Deos, & vnâ personam, quàm contra, nec va-
lent naturam aut personas distinguere, aut con-
cipere, personasq; Diuinas, PATREM, & FI-
LIVM, & SPIRITVM Sanctum, tanquam
tres homines percipiunt, & tria corpora. De
Patre si interrogas eos, tibi respondebunt esse ho-
minem, &c. & post multam inculcationem ad-
huc in his vel ignorant, vel errant.

Ad hoc quæsitum respondent præcipui Au-
thores: non facile esse excusandos in hac igno-
rantia omnes idiotas; plurimi enim sunt, qui
sciunt aliquas cantilenas, norunt suos contra-
ctus, virtutes, ac vitia herbarum, animalum,
callent multas astutias: quare nullus poterit ex-
cusari ab explicita fide illorum articulorum, qui
sunt necessarij ad salutem necessitate medij. Quod
vt melius intelligatur, sciendum est duplicem ne-
cessitatem respectu salutis animæ à Theologis
assigna-

assignari; vnam medij seu finis; alteram præcepti; illud dicitur necessarium necessitate medij, quod secundum D. I. ordinariam legem ita necessarium est, vt sine illo salus obtineri non possit, etiam si inculpabiliter omittatur, quo pacto baptizatus re ipsa susceptus, est necessarium medium ad salutem infantibus non baptizatis, adultis, saltem in voto; quia sine illo nullo modo saluari possunt, secundum legem D. I. ordinariam. Item adultis in peccato mortali existentibus vera contritio, vel saltem supernaturalis, id est, respectu D. E. I. aliquo habita, cum firmo proposito & efficaci peccata vitandi attritio coniuncta cum Sacramento. Illud autem est necessarium necessitate præcepti, quo culpabiliter omisso salus non obtinetur, eo verò inculpabiliter prætermisso potest obtineri, vt patet in ieiunio, auditione Missæ, sumptione Eucharistiæ pro Paschate, &c. nam ex præcepto omnes tenentur ieiunare diebus assignatis, Missæ interesse, communicare pro Paschate sub peccato mortali, si tamen ob impotentiam vel aliquod iustum impedimentum omittant, non peccant, & possunt saluari.

Hoc ergo posito, censent omnes, hos articulos quòd D. E. V. S. sit, quòd sit iustus iudex, per consequens quòd sit anima immortalis, altera vita post mortem; debere à rudissimo quoque (dummodo sit rationis compos.) necessario necessitate medij, explicitè sciri & credi, nec posse quenquam etiam si inculpabiliter hæc igno-

ret

ret saluari; nam sine hac fide, juxta Apostolum, impossibile placere DEO, accedentem enim ad DEVM oportet credere quod sit, & quod sit remunerator. Hæbr. 11.

Nam ex eo (vt Becanus Tom. 2. tract. 1. cap. 12.) quod homo creatus sit ad beatitudinem supernaturalem, & DEVS non velit illi dare sufficientia media ad illum finem consequendum, nisi suppositâ fide; necessario oritur obligatio in homine ad habendam fidem, sine qua hic finis haberi non potest.

De explicita fide SSS. TRINITATIS & Incarnationis, sunt aliqui & quidem graues Theologi à Dianna citati. Par. 3. tract. 5. Res. 46. & part. 5. tract. 13. Resp. 84. qui docent hos duos prædictos tantum esse necessarios necessitate præcepti. Nam DEVS non plus requirit ab hominibus, quàm illi possunt; sunt autem inter Christianos adeò rudes, vt huiusmodi mysteria non apprehendant, quod etiam euenit in surdis, simul & mutis; licet aliqui putent hos diuinitus illustrari. Azor tamen ait Tom. 1. lib. 8. cap. 6. q. 6. quod rudis, qui non potest percipere mysterium SSS. TRINITATIS, satis est quod credat explicitè alios clariores, scilicet CHRISTVM FILIVM DEI, natum esse ex MARIA Virgine, passum, crucifixum, &c. Tannerus autem in 21. disp. 1. q. 7. d. 2. dicit, quod qui nullo pacto ea mysteria percipere potest, comparandus est in hac re fatuis & infantibus, quos præceptum non obligat, perconsequens

quens ad S. Eucharistiam non admittendus; saluari tamen ille potest, vti legimus in historicis Eccl. de illo, qui nullam orationem potuit addiscere, quàm istam. Miserere tui *Deus*. Et de alio, qui solùm hanc didicit, & sæpius usurpauit. *Aue MARIA.*

Pro hac autem difficultate apta est distinctio Sanchez in opere moral. lib. 2. c. 2. n. 9. quæ distinguit inter scire explicitè, & credere explicitè: explicitè scit qui interrogatus, rationem, scit reddere, explicitè credit, qui rei auditæ assentitur. Ab explicita scientia eorum quæ explicitè ex necessitate præcepti debent sciri, rudes tarditas ingenij (si scientiam huiusmodi impossibilem efficiat) excusabit; sed non excusabit ab explicitè credendo ea quæ necessitate mediij, credenda sunt. Sufficit autem illis si (Confessario aut alio narrante & explicante eos articulos, quos necessitate mediij credere opus est) illorum fidem credendo percipiant. Explicitè enim credere, inquit Sanchez, est rei, quam quis audiuit assentiri: & sic mysterium *TRINITATIS*, Incarnationis, audientes à Confessario, vel alio docente credunt explicitè rudes, licet non ita assequantur; de qua clarior praxis infra dabitur.

Aliorum quoq; articulorum & quidem omnium fidem implicitam necessario necessitate mediij habere tenentur, ipsamq; actu cùm opus fuerit (de quo infra) exhibere, vt profiteantur omne id se credere, quod credit S. Mater Ecclesia, per se clarum est,

QVÆRES VI.

Quid censendum de illis, quibus mysteria fidei nunquam sunt proposita?

Respondent plures Theologi apud Becanum, Tom. 2. tract. 1. cap. 12. q. 1. fidem supernaturalem quæ est medium necessarium ad salutem posse haberi ab omnibus adultis etiam Gentilibus, quantum est ex parte DEI; nisi ipsimet impendant. Colligitur ex illo Ioan. 1. *Illuminat omnem hominem venientem in mundum.* & ex illo 1. Tim. 2. *DEVS vult omnes saluari, & ad agnitionem veritatis peruenire;* scilicet quantum in ipso est, modò ex parte nostra non sit defectus. Clariùs hoc ex illo ad Ephes. 5. *Surge qui dormis & illuminabit te CHRISTVS.* Et ratio est, quia media quæ ad salutem requiruntur sunt inter se subordinata, & vnum datur mediante alio. Vnde qui benè vtitur vno medio, quod ipsi à DEO offertur, paulatim accipit maiora, donec ad finem perueniat; qui verò non benè vtitur, non est dignus maiora accipere, & suâ culpâ à DEO deseritur. v. g. homo adultus, qui nihil de fide audiuit, solet frequenter à DEO illustrari & excitari ad obseruantiam legis naturæ, quæ in Decalogo comprehensa est; si obseruat hanc legem, vterius iuuatur & promouetur à DEO, donec ad fidem & justificationem perueniat, juxta Rom. 2. *Factores legis iustificabuntur apud DEVM.* Si non obseruat, merito deseritur à DEO, juxta Rom. 1. *Cùm cognouissent*

DE

DEVM non sicut DEVM glorificauerunt; & ob-
scuratum est insipiens cor eorum. Ita S. Franciscus
Xauerus Iaponibus à se quærentibus, cur DEVS
de salute aliarum nationum sollicitus suis præces-
soribus, sui notitiam non impertiuert? respon-
dit: Legem diuinam naturaliter plantatam esse
in omnium hominum mente, qui ratione vtun-
tur, quam si eorum Antecessores obseruassent,
dubio procul fidei splendore illuminati fuissent,
dum autem eam violarunt, se sempiternæ da-
mnationis effecerunt obnoxios.

Nihilominus tamen licet ipsorum ignoran-
tia mysteriorum fidei orta sit ex culpa ipsorum,
non tamen dicitur culpabilis, dicit enim Apost.
Rom. 10. *Quomodo inuocabunt in quem non cre-
diderunt, aut quomodo credent ei quem non audi-
uerunt? fides enim ex auditu.* Multi autem nihil
audiuerunt de CHRISTO eiusq; fide, ideòq;
nullam habuerunt occasionem de ea dubitandi
aut inquirendi. Et si fortè modò aliqui instin-
ctu aut scrupulo quopiam dubitant de sua infi-
delitate, putabunt se conscientie satis fecisse, si
consilium petant à sapientioribus se: neque ipsis
in mentem fortè venit, vt DEVM rogent, vt
sibi reuelet aliam fidem, quæ an sit prorsus igno-
rant. Vnde tales mortui in hac sua infidelita-
te negatiua, non damnantur ad pœnam sensus
propter infidelitatem, sed propter alia peccata
contra dictamen rationis commissa. v.g. paga-
nus aliquis non ideò cruciabitur quòd non fue-
rit Christianus, cum nihil de CHRISTO audi-
perit,

uerit, sed ideò quia dolis se inclinauerit, quòd ratio ipsa illud dictabat non esse DEVM, vel ob aliquam incontinentiam, &c.

Etiam inter Hæreticos (dicit Bress. lib. 5. cap. 10.) multi laborant ignorantia inuincibili mysteriorum fidei, Catholicæ veræq; ac Romanæ Ecclesiæ, præsertim vbi sunt pauciores Catholici; cum ipsis orthodoxa fides, vel articuli controuersi, non fuerint satis expositi; vel non satis intellecti præ naturali hebetudine aut alia causa. Non enim sufficit ad vincibilem ignorantiam, quòd vel cognitionem veræ fidei diuinitus acquirere potuerit, si fecisset quod est in se viribus naturæ, obstacula diuini auxilij remouendo, vel gratiæ, vel quod aliquid de Catholica fide & Ecclesia audiuerit; nisi ea sic proponatur & explicetur, vt habeat occasionem prudenter dubitandi & inquirendi: constat autem multis fidem, vt vocant Papisticam, sic descriptam ac depictam esse ab eorum Ministris ac prædicatoribus, vt sincerè putent eam esse manifestam idololatriam, & Ecclesiam Romanam, Synagogam Diabolicam, eiusq; caput Antichristum; quam proindè juxta dictamen conscientiæ suæ horrere potius debeant, quam inquirere nec dum amplecti.

Ex quibus collige inter hæreticos multò esse plures, qui verè & formaliter hæretici non sunt: nam excusantur à formali hæresi, ignorantia, non tantum inuincibili, sed etiam vincibili licet mortali, modò hæc non sit affectata, quæ peccatum

catum augeat, & pertinaciam non impediatur: erunt igitur istiusmodi hæretici, tantum materialiter etsi positivè discredant articulos controuersos.

Collige secundò: Satis multos ejusmodi præsertim iuuenes, quamuis inter hæreticos viuentes ac morientes saluari, quia receperunt vt suppono Sacramentum Baptismi, & cum eo habitualement fidemq; (quæ est magna differentia inter illos & infideles) nec illam per vllum peccatum mortale perdidit. Imò nec video causam, cur aliquando perditam, vero actu contritionis, vel amoris DEI supra omnia recuperare non possint, quamuis id rarò putem contingere extra veram Ecclesiam. Quod si obijcias neminem saluari extra veram & Romanam Ecclesiam: atqui isti sunt extra talem Ecclesiam, ergo non saluantur: tunc negabo minorem, quia per baptismum sunt adscripti veræ Romanæ Ecclesiæ, & receperunt veram & Romanam fidem licet habitualement; sicut & infantes Catholicorum, nec vt suppono ab ea defecerunt per veram & formalem hæresim. Aduerte tamen primò, rarò contingere vt retineant ignorantiam inuincibilem fidei Catholicæ adulti, qui sæpius cum Catholicis versantur, & per Catholicas prouincias mercaturæ, aliæ causæ proficiuntur. Vix enim potest contingere, quin illi habeant rationem prudenter dubitandi: quam si habent, tenentur sub grauissimo peccato rei veritatem diligentius inuestigare. Aduerte se-

cundò habitâ ratione prudenter dubitandi, de negotio tanti momenti, quo agitur de æternitate ac salute animæ, requiri ad conservandam inuincibilem ignorantiam, studium ac diligentiam maiorem humanâ & naturali; atq; adeo preces easq; feruentes, & assiduas, aliâq; pœnitentiæ, vel aliarum virtutum opera eo fine præstita. Ea enim est huius negotij natura ac pondus, vt ordinaria diligentia illi non sufficiat, etsi sufficeret alijs. Ita Sanchez secutus multos in opere Moral. lib. 1. cap. 6. n. 39. *Vt si quis (inquit) in materia fidei hæsitans non haberet Catholicorum Doctorum copiam quos consuleret, sed tantum hæreticos, nec per se posset se ea dubitatione liberare.* Verùm idem ob eandem rationem dicendum, etsi habeat copiam Catholicorum Doctorum, si ijs auditis maneat dubius, eò quòd v. g. Doctores vel prædicantes hæretici afferant rationes dubitandi illorum rationibus contrarias. Tunc igitur oportebit recurrere oratione alijsq; modis ad summum Doctorem Spiritum Sanctum: *hætenùs Bresserus.* Et quidem optimè ad ipsam proxim. Similem doctrinam habet lib. 5. cap. 23. ad deponendam conscientiam erroneam, vt primò diligenter casus discutiatur per notitiam legis, & lumen scientiæ apud semetipsos: Secundò per inquisitionem ex viris doctis, tertio per orationem, exemplo Iosaphat Regis 2. Paral. 20. *Cùm ignoremus quid agere debeamus, hoc solum habemus residui, vt oculos nostros dirigamus ad te,* Nam sicut ignorantia rerum fidei potissimum

num est vita mala, juxta illud: Non introibit Spiritus sapientiæ in maleuolam animam; neglectus orationis, & gratiæ DEI; ita remedium, erit vita bona, oratio, & cum gratia cooperatio, eaq; constans & assidua: quod ipsum est facere quod est in se, vt loquuntur Doctores antiqui, scilicet viribus suis & gratiæ. CHRISTVS Dominus lib. 3. Reuel. cap: 26. S. Birgittæ declarat, qui infideles gratiam sanctificantem consequantur. *Si inquit nihil retraxit eos in querendo verum DEVM, & baptizando; non timor, aut labor, aut dispendium bonorum vel honorum; sed impedimentum solam humanam fragilitatem superans; istos ego qui Cornelium & Centurionem nondum baptisatos vidi, altius & perfectius remunerare scio sicut eorum exigit fides, &c.* Vnde Catholici debent esse gratissimi pro beneficio orthodoxæ fidei, ad quam sunt præ alijs vocati; ad hoc enim CHRISTVS monet eandem S. Birgittam ibidem dicens. *Ideo teneris tu multò regratiari DEO, quia de Christianis nata es, & in tempore salutis, quia multi desiderabant hoc obtinere & videre, quod offertur Christianis & non obtinuerunt;*

QVÆRES VII.

An Confessarius teneatur interrogare pœnitentem de notitia articulorum fidei?

Respondeo cum Reginaldo de prudentia Confess. cap. 2. & cap. 3. §. 3. & alijs. Quamuis officium Confessarij per se & directè non sit interrogare pœnitentem, sed illum confitentem

audire; nihilominus in quantum fungitur officio iudicis ac medici ad intelligendum statum ipsius, & dandam præseruatiuam ad vitanda peccata; tenetur sub peccato mortali ad faciendas interrogationes debitas, quoties aduertit & credit aliquid esse, de quo necessarium sit pœnitentem interrogari, qualis est ignorantia de fundamento salutis, id est, articulorum fidei, quæ ex parte magna in rusticis alijsq; mysteria scienda, vel nunquam clarè fuerunt explicata, vel si explicata non satis intellecta præ naturali stupore ac hebetudine, vel si etiam explicata & intellecta è labili memoria exciderunt. Quare ignorantes omnino edocere debet saltem de principalibus articulis (de quibus supra) & de ijs Sacramentis quæ suscepturi sunt: Ratio aperta horum patet jam ex dictis. Quare non benè faciunt ij Confessarij, qui cum increpatione reijciunt istiusmodi ignorantes, injungendo, vt discant ab alijs: nam populus juxta Malachiam ab ore ipsorum requirit scientiam; hi miseri non habent communiter à quibus doceantur, cum vel ipsorum parentes, aut socij, sint etiam idiotæ; atq; ita reiecti pro consolatione spirituali in maiores animi angustias cum horrore Sacramenti pœnitentiæ congiuntur.

Dices: Si Confessarius tempore concursuum ignorantes doceret; valde paucorum confessiones cum nausea & murmure multorum expectantium expediret. Respondet Reginaldus cit. cap. 1. Pertinet ad prudentiam Confessarij.

sarij, vt velit potius duos audire benè, quàm viginti perfunctoriè vel illicitè. Accipe hic cautelam quam Bass in suis floribus Theologicis, ex alijs Authoribus collegit v. Confessio §. 5. n. 5. Notandum tamen est hîc magnum concursum prementium se pro confessione non esse iustam causam dimidiandi confessiones, nec esse liberum Confessario confitentes ita urgere ad expediendû se, vt non sinat eos detegere integrè suam conscientiam, vel vt omittat iuuare interrogationibus necessarijs.

Deindè per experientiam compertum est; poenitentes velocius expeditos non fuisse contentos, & alios Confessarios cum quærela adiisse; partim propter aliqua peccata omîssa, à quibus in conscientia mordebantur, partim propter capiendam instructionem in scrupulis, vel dubijs rationabilibus, &c. quod præsertim illis accidit, qui ex locis remotis ad aliqua loca sacra, peregrini veniunt, pro finali pacificatione conscientiarum suarum.

Demum non multum temporis in ijs docendis Confessarius absument, si vel in charta rusticano stylo necessaria fidei, & morum conscripta dederit alicui, etiam puero coram illis relegenda, vel ipse breuibus ac simplicibus verbis illa declarabit; vel doctioribus adstantibus iniunget, vt illos rudes instruant. Hic modus aliquando feliciter successerat in quadam numerosa Parochia rusticorum pro Pascha confitentium, vbi puer illis turmis miserabiliter igno-

rantibus, relegabat necessaria salutis (desperante ipsorum Parocho de possibilitate illa addiscendi) quæ illi faciliè capiebant, postea operâ Vicarij ex illa charta plenius didicerunt, vt non fuerit opus in posterum cum illis circa hæc molestiam perferre. Hunc etiam modum Possseuius in Praxi curæ Pastoral. cap. 7. n. 16. tradit,

Scripti huiusmodi potest esse talis tenor.

Interrogatio. Propter quid homines DEVS
Ireavit? *Responsio.* Vt hic illum noscant, omnibus rebus præferant, honorent, ipsi obediant, postea habeant vitam æternam, vbi DEVM glorificent in omni sufficientia deliciarum.
Interr. Vnde hæc discis? *R.* Ex Symbolo Apostolico cum dicis. Credo in DEVM, credo vitam æternam. Item ex oratione Dominica cum dicis. Pater noster, Sanctificetur nomen tuum. Adueniat regnum tuum: vbi hi duo fines. Honor DEI & vita æterna proponuntur, quæ maximè desiderare & curare per totam vitam homines debent. *Interr.* Quid auertit hominem ab isto fine? *R.* Peccatum, id est, cum aliquis mala cogitat, mala loquitur, mala operatur, nec curat viuere secundum legem. DEI. *Interr.* Quomodo recuperat iterum gratiam DEI, & aditum ad vitam æternam? *R.* Per veram poenitentiam; vnde homines ideo confitentur peccata sua DEO coram Sacerdote, vt ipsis dimittantur. *Interr.* Vnde hæc discis? *R.* Ex Symbolo Apostolico cum dicimus.
Credo

Credo remissionem peccatorum. *Interr.* Quid est DEVS, an audiat, an videat? R. Est supremus DOMINVS cæli & terræ, qui maxima & minima creauit, videt omnia, qui dedit oculos, audit omnia, qui dedit aures, scit omnia, qui dedit vnicuiq; intellectum. *Interr.* Quid est SSS. TRINITAS, siquidem dicitur DEVS vnus esse in TRINITATE? R. Sunt tres personæ Diuinæ, prima PATER, secunda FILIVS, tertia SPIRITVS Sanctus, has nominamus in prolatione S. Crucis; in Symbolo Apostolico cum dicimus: credo in DEVM PATREM, in FILIVM, in SPIRITVM Sanctum. Nam sicut sol vnus est in tribus rebus; in splendore, in lumine, in calore, ita vnus DEVS in PATRE, FILIO, & SPIRITV Sancto, ideò in memoriam huius recitamus tria Pater, & vnum Credo. *Interr.* Quis natus de MARIA Virgine? quis pro nobis crucifixus, an PATER, an FILIVS? R. FILIVS DEI. Nam dicimus in Symbolo: Credo in FILIVM DEI, qui natus ex MARIA Virgine, crucifixus, &c. & ideò festum Natiuitatis Domini celebratur, vbi memoria recolitur, quomodo FILIVS DEI factus sit homo; in Parasceue quomodo crucifixus; in Resurrectionis festo, quomodo resurrexit, &c. In Ascensione, quomodo cælos ascendit; idemq; in fine mundi descendet de cælo, vt iudicet omnes, & qui mortui sunt, & qui viuunt; bonis dabit cælum, malis infernum. &c. Et ideò homines modò debent confiteri peccata sua cum

dolore, quod DEO non obedierint; & cum proposito ea vitandi; vt ipsis dimittantur, ne postea propter illa in æternum dampnentur. *Interr.* Intelligitis hæc omnia? Melius intelligetis, si recitantes Credo, intra vos hæc trutinabitis, vobisq; particulariter applicabitis; cogitantes, quia etiam pro me FILIVS DEI natus, passus, me iudicabit: deinde in fine mundi suscitabit, & si hîc eius voluntatem observauero, ipsi me per pias orationes commendauero, dabit mihi vitam æternam. *Interr.* Quid est anima? R. Est per quam homo viuit, sentit, intelligit; anima tua es tu, qui per hos oculos aspicias, per has aures audis, per hanc linguam loqueris, per hoc caput intelligis, hoc tuum corpus, cum per morbum, aut per aliquem casum destruetur, tu ex illo veluti ex domo ruente, debebis exire, & sisti coram Domino DEO, qui requiret à te quomodo hîc vixisti, DEVM neglexisti, templum non frequentasti, maledixisti, &c. tunc recipies mercedem iuxta opera tua, post diem autem iudicij, totus cum corpore & animâ, vel vigebis in cælo, in delicijs æternis, vel ardebis in inferno sine fine, sine fine, sine fine. *Interr.* Quid est Diabolus? R. Est malus Spiritus, à DEO ex cælo propter superbiam & inobedientiam deiectus: est noster hostis, &c. *Interr.* Quid hominibus datur cum ad altare accedunt? R. Datur Corpus verum CHRISTI: nam dum per verba CHRISTI consecratur panis, fit ex pane corpus

CHRISTI & sanguis: dùm vinum in calice, fit sanguis & corpus CHRISTI; in utroq; integer CHRISTVS cum anima & Diuinitate. Et sicut in speculo, vel in aqua tota facies hominis apparet, sic etiam sub specie panis & vini, totus CHRISTVS continetur. *interr.* Ad quid homines corpus CHRISTI sumunt? R. Vt animæ ipsorum sanctificentur & pascantur ad vitam æternam: de quo sunt clara verba in Euangelio ipsius CHRISTI. Hæc rudes faciliè percipiunt, licet non possint suos conceptus clarè eloqui. Qui autem de supradictis nihil prorsus capere potest, non video quomodo sit ad sacram Eucharistiam admittendus; quamuis ipsi absolutio Sacramentalis, saltem sub conditione (si est capax) possit impendi.

QVÆRES VIII.

Qui magis obligantur ad docendos rudes, an Confessarij, an Parochi?

Resp. Parochos magis obligari, ac per se: Porro tenetur Parochus ex officio (sunt verba Eligij Bassæi V. Parochus) docere populum necessaria ad salutem, puta Symbolum, Decalogum, Pater noster, & peccata communia, generalesq; virtutes; signanter mysterium Trinitatis & Incarnationis; & negligentia magna in his docendis est mortalis. *Ve* Pastoribus, *ve* Episcopis, *ve* Prælati, inquit Emanuella V. Parochus, qui contenti docuisse Symbolum latinè, non explicant rudibus mysteria fidei; & ad-

& addit V. Fides. Potius credideris condemnari istorum Parochos ob negligentiam docendi. Vtiq; non sufficit panem (addit Iacob. Marchant. in Horto Pastoral. tract. 1. de fide Christiana) præbere paruulis, sed frangendus est, sed comminuendus, mastigandus, & in fauces inferendus: hoc est simplices sunt instruendi verbis facilibus, in fidei rudimentis: *docendo eos Elementa exordij sermonis DEI.* Si enim inquit Aug. aternus pater, ut verbum suum aternum captui nostro coaptaret, & vsibus hominum adijceret, demisit adeo, ut carne & corpore degeneri se vestiret, cur pigeat Doctorem & Magistrum verba & conceptus mentis sue deprimere, & vulgaribus abiectisq; vocibus subijcere, ut rudium auditorum aptum non superent? Sunt ignorantes multi negligentia Pastorum, qui dedignantur hanc humilem instructionem, quam Paulus & Apostoli, & insignes Ecclesiæ viri non refugerunt; simplex ista instructio longè fructuosior altioribus inuolutis sermonibus ac concionibus, quod indicatum videtur in Canticis. *Meliora sunt vbera sua vino.*

Cum dolore animi excepi de quodam Parocho, qui gloriabatur se suas conciones per subtiles conceptus in gratiam Domini Parochianorum, quem doctum virum fuisse aiebat facere, cum interim ipse miser de qualitatibus corporum post resurrectionem glorificandorum nihil cognosceret, suosq; auditores jejunos spiritualis pabuli sæpius dimitteret. Profecto non vide-

videtur intelligibile quomodo tutâ conscientia audeat ille ad sacerdotium aspirare, qui saltem Catechismum Romanum ex integro non percepit; vel ad confessiones audiendas se conferre, qui vnum saltem summulistam Casisticum integrum intelligibiliter non percurrit. Scriptum est enim Osee 4. *Quia tu scientiam repulisti, repellam te ne sacerdotio fungaris mihi.* Deinde Confessarius imperitus (prout audiui ab illo magnæ Authoritatis viro Sebastiano Nucerino) potest multis animabus esse causâ perditionis. Quare optimo consilio Synodus Prouincialis Petricouæ, Anno Domini 1628. de tradenda doctrina Christiana rudibus hanc legem. de Profess. fidei constituit: nimirum; *Episcopi & omnes Curati tenentur erudire populum curæ & fidei sue commissum: quoniam in Regno hoc & Magno Ducatu Lithuania maior est pars villarum, quam ciuitatum vel oppidorum, & in villis ad executionem difficile deduci potest, ut rustici, vel incolæ villarum ad discendam doctrinam Christianam, pomeridiano tempore conueniant; ipsiq; Parochi in villis præsertim impediti esse possint, quominus eidem doctrinæ Christianæ docendæ attendere valeant. Præcipitur omnibus Parochis, vel eorum Vicarijs ut quolibet die Dominico, absolutâ concione, orationem Dominicam, salutationem Angelicam, Symbolum fidei, præcepta Decalogi & Ecclesiæ cum populo recitent. idq; omnino in omnibus Parochijs obseruetur. Præterea ut Parochi in villis constituti, conciones ad populum habeant ex Catechismo Concil. Trid. ad Pa-*
rachos

rochos tempori accommodatas, ex materia orationis Dominicæ, salutationis Angelicæ, Symboli fidei, aut præceptorum Decalogi, alias iuxta præfationem dicti Cathechismi Concil. Trid. ad Parochos. In quem finem idem Cathechismus Polonico idiomate est impressus ex præcepto S. Synodi.

QVÆRES IX.

Quando tenentur rudes actus fidei exercere?

Non satis est articulos fidei audire, addiscere, sed opus est insuper illis assensum firmum præbere; non ob aliud motiuum, quam quia à DEO illæ veritates sunt reuelatæ; nec adhuc sufficit illas credere, sed omnino necesse est ex illa fide viuere; fide & charitate Theologica suas actiones, vt sint meritoria vitæ æternæ, sublimare. Vnde valde dolendum est fidem orthodoxam cum mutatione Dominorum, aut locorum à rusticis & famulis aliquando mutari: actus vitæ suæ non secundum DEI placitum, legesq; diuinas, sed iuxta dictamen suæ phantasiæ, sensuum, ac inclinationem carnalium affectuum dirigi. Hinc oratio Dominica perperam dicitur, ad Sacramentum poenitentia, Eucharistiæ ex consuetudine, sine deuotione acceditur, casu viuitur, peccata miserè multiplicantur.

Quare Theologi assignant aliquot tempora, quibus etiam rudes tenentur elicere actus fidei. Primò cum rationis vsum assecutis veritates à DEO reuelatæ proponuntur, quibus tam firmiter

miter debent assentire, ut nullis modis ab ijs auellantur: secundo cum debent actus amoris, siue æstimationis DEI super omnia, cultus diuini, contritionis elicere, Sacramenta suscipere, tentationibus resistere, & ex hac vita cum spe salutis decedere: nam horum omnium fides est radix & fundamentum; ideoque moribundis proficue inculcatur Symbolum Apostolicum.

§. 2.

De iuuandis rudibus quoad materiã Confessionis Sacramentalis.

QVÆRES I.

Quid faciet Confessarius cum illis, qui nullam materiam afferunt pro absolutione Sacramentali?

Resp. Hic inprimis armandum esse animum Confessarij, & phantasiam roborandam ad perferendas ineptias idiotarum, corq; compulsionem erga miseram ipsorum ignorantiam munendum: deinde istum defectum in ipsis debere suppleri per ipsius Confessarij affabiles interrogationes; ita censet cum multis Iacob Marchat. in Rel Past tract. 5 n 5. Si Confessarius (inquit) existimet se pœnitentis defectum, qui nullum examen, vel insufficiens fecit posse supplere interrogando, & is paratus sit examinari, potest audiri & absolui; nam magnam supplet diligen-

tia

tiæ partem (maximè in idiotis) voluntas quâ desiderant interrogari & respondere. Et ita ordinariè practicandum circa rudes: nam experienciâ comperimus inutiliter remitti, quia vel non redeunt, vel æque imparati veniunt. Et ratio est, quia idiotæ non possunt ita suas conscientias scrutari, sicut doctiores. Quod si pœnitens aliquantum peritus sit, & à longo tempore non confessus, inuolutusq; varijs generibus peccatorum, suauiter quoad fieri potest ei persuadeatur, ut præuiè per aliquid temporis se disponat. Hæc ille. In hunc etiam sensum Bress. lib. 1. cap. 2. n. 194. ait. Potest imò sæpè debet Confessarius pœnitentem interrogando supplere partem diligentia; non tamen totam: quia etsi sæpè expediat non permittere, imò prohibere; ne rudes, vel scrupulosi multum examinent conscientiam suam, ne turbent caput suum, vel magis intrincent scrupulis; facile tamen possunt, ideòque debent illam examinare, saltem obiter: tum quia alias vix fieri potest, ut repentiè interrogati absq; vlla præmeditatione verè de singulis respondeant, (cùm præsertim confitentur de longo tempore) tum quia incertum est, an Confessarius interrogaturus sit de singulis peccatis, quorum ipsi sibi conscij sunt. De quo examine faciendi sunt docendi à suis Parochis in Concionibus.

In praxi ergo accomodando se informationi Ritualis Romani (à qua nullatenus tanquam à principali norma est recedendum) Confessarius
primò

primò aduertat, an ille rudis rectè proferat, aut
formet signum S. Crucis (inueniuntur enim &
inter politiores, qui vel illud omittant, vel per-
peram faciunt) & ignorantem ne sibi timeat à S.
Cruce, doceat: deinde an præmittat confessio-
nem simplicem generalem; aliqui enim putant
confessionem fieri tantum soli sacerdoti, indeq;
celant sua peccata, & ideò saltem hæc verba pro-
ferunt. Confiteor D^EO. Beatæ M. V. omni-
bus Sanctis, & tibi Pater quia peccaui. Tertiò
interrogetur quàm pridem confessus: hoc enim
punctum conducet ad cognoscendam quantita-
tem peccatorum in illo qui numerum ipsorum
nescit indicare. Quartò: an pœnitentiam in-
iunctam expleuerit: quam si per longum tem-
pus distulit, pro hoc peccato coram D^EO do-
leat, siquidem illa satisfactio est pars Sacra-
menti pœnitentiæ, quæ cum alijs debet quanto-
cùnq; coniungi: & dilatio illius per annum pro
peccatis mortalibus facit peccatum mortale.
vt passim DD. Quare seriò inculcetur illi negli-
genti, ne vltèrius illam differat. Est enim quo-
rundam magnus abusus, quòd cùm habeant
tempus ad comedendum, bibendum, dormien-
dum, &c. & pro quinque Pater & Ave, dicunt
se non posse habere: vel etiam suas priuatas pre-
ces (quas aliquando ex delectatione propriæ
phantasiæ persoluunt) anteponunt huic parti
Sacramentali, à Vicario CHRISTI sibi assi-
gnatæ. Tandèm jubeat pœnitentem vt sua pec-
cata recenseat; qui si respondeat ipsa à D^EO, vel
ab ipso

ab ipso Sacerdote cognosci; vrgeat Confessarius an ipse etiam aliquid contra se sciat, & dicat, à quo absoluator? Si asserat nullius peccati se conscium esse; examinetur ex communibus peccatis. v. g. An sacro Missæ aliquo festo non habens iustum impedimentum (nam hîc futiles aliquando excusationes adferunt) omiserit? An ex animo maledixerit? An voluerit aliquid surripere (nam voluntatem efficacem ad malum pro peccato ipsi non reputant) damnum volens alicui intulerit? se inebriauerit? Luxuria aliqua oblectatus fuerit? An vxor marito maledixerit? &c. Si nullam prorsus materiam præbeat, tunc Confessarius non debet angere, vel ipsum angere, disceptando cum ipso de incuria peccatorum, vel acrius increpando eius negligentiam, &c. in casum enim hæc cum talibus fiunt. Sed vno ex his modo, cum ipso procedat. Primò si hominem aduertit bonæ voluntatis, nec diu confessionem suam protraxisse: tunc cum ipso præmittat actum contritionis in hunc sensum quærendo ex ipso. *An DEVM plus æstimet, amet, magis quam omnia in mundo? An ex animo doleat, quod aliquando DEVM offenderit, ipsum neglexerit, ipsi non obediuerit? An habeat propositum firmum peccata vitandi? voluntatem DEI in omnibus facienda?* Quo affirmante (alias benignè doceatur) dicat supra ipsum Misereatur, Indulgentiam, &c. formâ absolutionis & alijs prætermittis; & ad S. Eucharistiam admittat. Peccata enim venialia, quæ ipse in se minimè aduertit, non sunt materia

necessaria

necessaria confessionis (juxta Concil. Trid. Sess. 14. c. 5.) Vnde si quis tantum venialia habeat quamvis sit tempus Quadragesimale, siue Paschæ, non tenetur illa confiteri, sed debet sumere Eucharistiam; nisi sequatur scandalum, tunc enim debet accedere ad confessionem saltem ut dicat se non habere conscientiam peccati mortalis. ita Tol. lib. 3. cap. 3. n. 7. & alij apud Bass. V. Confess. §. 1. n. 18. ut plurimum autem rustici qui modico victu vix suam vitam trahunt, laboribus assiduus atteruntur, ferè sub continua custodia Dominorum degunt; raro propendent ad peccata mortalia, ideoq; non sunt ita rigorosè in confessione examinandi, sicut illi qui otio, voluptatibus, alijsq; vanitatibus laxantur in mala, quæ aliquando pro peccatis non reputant, vel mortalia pro venialibus æstimant.

Si quis tamen pro tutiore sui conscientia & majori fructu spiritali pœnitentis, maluerit eundem cum Sacramentali absolutione dimittere, tunc prius extorqueat ab ipso aliquam materiam absolutionis, v. g. An doleat quod peccaram vixerit, non aduertendo suas cogitationes, verba, opera, an sint licita, vel illicita, an quotidie, an deuotè Orationem Dominicam recitauit, an patiens in aduersis fuerit &c. Quod si ista vel similia penitus neget, leniter erit coarguendus de tali vecordia, circa obediendum Deo & salutem suam curandam, cum sit impossibile, quin aliquod peccatum veniale non commiserit: & hæc jam erit materia absolutionis, quod in-

consideratè vixerit, & ideo nullum defectum in se aduerterit. Quare pro hac negligentia, ac præteritis vanis cogitationibus, verbis, operibus, coram DEO doleat, & in posterum diligentius suos actus prospiciat, vt in istis declinet à malo, & faciat bonum propter DEVM, ac sese Christo per pia suspiria sapius commendet. Nam & idiotæ non debent casu ad instar belluarum viuere, sed iuxta rationem & legem DEI, suoq; modo tenentur ad perfectionem tendere, vt peccata magis magisq; deuitent, & opera bona amplius exerceant, aduersa promptius perferant propter DEVM, cælum & virtutem, seq; in omnibus diuinæ voluntati resignent. His ipsi inculcatis, pænitienciâ iniunctâ, ac præmissio actu contritionis, vt supra, eum Sacramentaliter absoluat.

Et hic secundus modus, multò magis cum illis seruandus, qui v.g. ante medium annum confessi, nullum peccatum afferunt: nam fieri potest, vt aliquis directè à veniali absolutus, etiam à mortali indirectè absoluator, si quod fortè per illud tempus commiserit.

Porro Confessarius potest esse contentus, si saltem vnum peccatum veniale à talibus audiat: non enim tenetur pænitens omnia venialia recensere, nec pro omnibus dolere (Bass. V. Confess. §. 3. n. 7.) nullus etiam tenetur vt docet Bress. lib. 1. Cap. 20. ad exactum examen conscientiz, si non est conscius peccatorum mortalium; sed sufficit in confusio illud facere, ut ali-

vt aliqua saltem dicat; Imò talis, numerum & speciem peccatorum tacens, validè confitetur: dicens in communi se venialia peccata commisisse. Hanc sententiam Homo bonus citans aliquot D.D. probabilem esse putat.

Ista propter illos dixerim, qui se accusant de peccatis venialibus, & propter ruditatem non possunt illa explicare: nec non propter eos qui nimis scrupulifant in recensendis peccatis venialibus, & interim nullam diligentiam in ipsis corrigendis adhibere volunt, indeq; in grauiora labuntur, quibus cautela circa hæc infra dabitur.

Quapropter illi rudes qui dicunt se nullo modo posse sine peccatis viuere, sunt admonendi vt saltem illam vecordiam à qua Ecclesia se præseruari orat in illo versiculo. Sint pura cordis intima, Absistat & vecordia, in suis actibus vitent, & in posterum talem prudentiam adhibeant, vt pro posse à delictis gratiam Dei inuocando caueant.

Circà satisfactionem vulgò dictam penitentiam rudibus vtriusq; sexus, qui grauioribus laboribus fatigantur, est obseruandum: vt ipsis magna ieiunia, præsertim in siccis, disciplina eis insueret, vel alia per quæ in suis laboribus impediri, vel in aliquam sinistram suspensionem apud suos deuenire possint; non imponantur. Iunioribus tamen ad refranandum feruorem luxuriæ, iniungendus est parcus vsus cibi ipsis obuij, vt v.g. certis in hebdomada diebus, feriâ 2. 4. 6. dimidium tantum prandij sumant, vel

aliquod ferculum sibi subtrahant, aut nocturna flexio, vel aliqua diurna separata per septem Pater & Ave extensis per modum crucis manibus, vel in faciem ipsorum, spontanea verberum inflictio, aliæq; commodæ ipsis carnis afflictiones per quas assuescant corpori suo dominari. Item non sunt onerandi multis orationibus, sufficiet enim aliquibus, vt tria in die profesto Pater & Ave, bis vel ter vespere, mane, meridie orent, vel quinq; aut septem in honorem passionis Christi, & compassionis B. V. in diebus autem festiuis, quindecim Pater & Ave bis, aut ter. Interim autem crebrius ad DEVM aspirant per illam orationem. DEVS propitius. Et labores suos Passioni Christi aut laboribus eius commendent simplici suspirio. Pro grauioribus tamen peccatis, prout aliquando accidunt in lixis aut famulis militum, vel aulicorum; pœnitentias Confessarius iuxta canones pœnitentiales temperabit, ac prœmonebit: vt siquidem tam paruas pœnitentias propter suam fragilitatem pro tantis peccatis habent assignatas, ipsi sibi alias sponte injungant, aduersa patienter tollerent, alios à malo auocent, ad bonum pro posse suadeant &c.

A P P E N D I X.

Peccata communia pro examine rudibus in concione aliqua, vel ante confessionem sacramentalem congregatis proponenda. Ex Ioanne Herloto Dominica tertia Quadragesime.

PRimi sunt qui scienter jurant per **D E V M**, quod non est verum; Tales peccant mortaliter siue joco siue seriò id faciant in vendendo, emendo &c. Secundi qui falsificant fidem, qui scilicet credunt carminatricibus, quæ carminant benedicentes oculos, pueros, & pecora, vel qui litteras portant in collo pro oculis, vel quod non possint capi, vel vulnerari. Et qui tenent fatum, augurium, somnia, dies Ægyptiacos, vel vadunt ad phitonissas, quando res sunt furto ablatae; tales omnes peccant mortaliter. Vnde dicitur in Decr. *Diuinationi qui intendit damnationem animæ incurrit. 26. q. ult. Non obseruet.* Tertij sunt, qui soluunt festa laborando, & sic negligunt Missam, & S. Sermonem. Similiter qui soluunt ieiunia Ecclesiæ sine causa & necessitate. Quarti sunt filij & filia, qui friuolè offendunt parentes, & sunt eis inobedientes, & infideles in vita ipsorum; & post mortem non subueniunt animabus ipsorum, & tales pueros punit **D E V S**, quandoq; in rebus, quandoq; in corpore. Quinti sunt, qui murmurant contra **D E V M**, & contra Sanctos, propter auram, & propter mortem puerorum, consanguineorum, in tribulationibus, in infirmitatibus, in paupertate, in diffortunio. Et etiam qui maledicunt sibi ipsis, & ex impatientia optant sibi ipsis mortem, tales possunt sic damnare animas suas, per impatientiam suam. Vnde Matth. 5. In patientia possidebitis animas vestras. Tales cogitare deberent quod nullus saluari poterit sine tribu-

lationibus. Vnde Actor. 14. Per multas tribulationes oportet vos intrare in regnum celorum. Similiter quod grauius, qui frangunt scientes, & sine causa vota, quæ Deo & Sanctis vouerunt in tribulationibus. Sexti sunt luxuriosi. Nam omnis actus luxuriæ, qui scienter & voluntariè committitur, extra Matrimonium, est peccatum mortale. Septimi sunt, qui damna inferunt proximis, & usurpant sibi injustè res alienas, vt sunt illi qui inferunt damna proximis in gramini-
 bus, rapis, piris, oleribus, & etiam qui cum equis damna proximis inferunt. Similiter serui & ancillæ qui bona dominorum suorum furtiuè subtrahunt, sine scitu dominorum suorum. Similiter lusores, usurarij, raptores, vel etiam qui res malè acceptas comedunt, vel etiam emunt, vel etiam qui falsam pecuniam proximis scienter trihuunt. Et etiam qui non dant plene decimas, offertoria & iura Parochialia. Et etiam qui non persoluant debita proximis suis, sicut promiserunt. Isti omnes non sunt absoluedi nec communicandi nisi iuxta posse suum velint restituere. Vnde dicitur in Decr. *Non dimittitur peccatum, nisi restituatur ablatum.* dist. 34. *generalis.* Octaui sunt, qui detrahunt & infamant proximos, & etiam qui fraudulentè loquuntur cum proximis, & etiam qui perturbant proximos verbis iracundis, derisorijs & vituperijs. Insuper qui libenter audiunt, & citò credunt detractoribus. Vnde dicitur in Decr. *Qui falsum de alio profert, etiam qui crimine citò credit,*

uterg

uterd, reus erit. 11. q. 3. Non solum &c. Noni sunt, viri & mulieres etiam virgines quæ DEVM offendunt chorizando, & etiam superbiendo in vestibus. Nam quæcunq; mulier & virgo sic se ornat, in crinibus, in facie, in peplis, in cingulis, in vestibus, inspiciendo se in speculo, & hoc facit ex superbia, alliciendo masculos ad malas concupiscentias, talis persona peccat mortaliter. Vnde dicit August. Melius est mulierem lanam suam texere, quàm impudicè chorizare. Decimi sunt qui excedunt mensuram in comedendo, bibendo, seq; inebriant. Undecimi sunt iracundi & inuidi, quia qui irascuntur cum deliberatione, & consensu rationis, & cogitant in animo suo, quomodo possint se vindicare. Et si illam iram ostendant verbis, scilicet maledicendo proximis, vel etiam percutiendo, vel vulnerando, tunc grauius adhuc peccant. Duodecimi qui in Matrimonio malè viuunt, scilicet quando vir percutit ex ira, & sine causa vxorem, & etiam mulier, quæ est inobediens marito in rebus licitis, & insuper maledicit viro, vel etiam quæ prouocat scienter maritum ad blasphemandum vel maledicendum. Et etiam parentes qui permittunt filios, filias, jurare, maledicere, blasphemare, damna proximis inferre, chorizare, fornicari. Et si non corrigunt peccata puerorum, tunc ipsi parentes lugebunt. Vnde ad Rom. 2. *Digni sunt morte non solum qui faciunt, sed etiam qui consentiunt facientibus.* Vnde etiam dicitur in Decr. *Pari panā puniendi sunt agentes & consentientes*

entes 14. 9. 4. *Omnis*. Hic adde temeraria iudicia, cogitationes, delectationes luxuriosas aliaq; peccata interna, quæ pro nihilo reputantur; suffurationes, seu dicta odiosa, vel facta relata alijs, quæ lædunt amicitiam. Hic etiam adverte circa choreas; illas à Doctoribus simpliciter non damnari, sed tantum illas quæ fiunt ex mala intentione vel abusu &c. Vide Bass. pag. 465. n. 20.

QVÆRES II.

An Confessarius si videat penitentem omittere vel obliuisci alicuius peccati, teneatur illum de eo interrogare?

Resp. Ordinariè teneris qui cum agat partes Iudicis, munus eius est curare integritatem Sacramentalis huius Iudicij. Dico ordinariè, nam quandoq; contingit, quod penitentes non existiment esse peccata mortalia, quæ talia iudicat Confessarius, & ex bona fide vel ignorantia non putent se teneri ad ea confitenda, nec fructus speretur interrogando & monendo; tunc potest non interrogare, de quo infra clariùs quaesito tertio. Sed quid si interroget Confessarius, & neget pœnitens se fecisse, cum tamen sciat Confessarius, tale peccatum ab eo commissum? *Resp.* Si sciat viâ aliquâ extra confessionem, potest eâ uti ad eum conuincendum; Quodsi nihilominus neget, regulariter tenetur ei credere, aut existimare illum esse confessum, aut alia ex causa posse excusari, ad non aperiendum peccatum. Nam ordinariè in hoc foro standum est peni-

pœnitenti pro te. Quod si viâ confessionis alterius complicitis nouit, non potest eum conuincere: prudenter tamen (idq; propter varia pericula) potest interrogare, ita vt non aduertat pœnitens, ex alterius confessione venire. Et tamen si neget, non potest absolutionem negare, quia non magis tenetur vni, quàm alteri credere. Frequenter contingit in confessione quod vxor asserat aliquid, & illud maritus neget, sic & in alijs pœnitentibus complicibus peccati, vnus suo modo, alter planè diuerso factum enarrant. Quid faceret Confessarius? Licet pro vna parte magis, quàm pro altera veritatem stare moraliter colligat, tamen non potest aliud dicere, quàm iudicet Dominus inter me, & te? Potest autem fieri, vt proprijs oculis peccatum viderit, vel peccantem blasphemis & iniurijs verbis audierit, sciâtq; certò personam, non esse de ea confessam, sed perniciosè mentiri, nec vllò modo posse excusari: tunc non debet absolvere, cum certus sit de indispositione. *Iac. March. Res. p. tr. 5. n. 6. Cap. 2.*

QVÆRES III.

Quid faciendum cum illo, qui numerum peccatorum non potest exprimere?

R^{Esp. cum cit. March.} Aperiendam esse consuetudinem quanta & quam diuturna fuerit, vt quantum fieri potest status pœnitentis intelligatur, dum tempus & frequentia aliquo modo indicatur, vt toties in hebdomada, vel mense vel anno,

anno. Qui autem non potest hæc etiam specificare, dicat se valde sæpè hæc fecisse, aut quasi quotidie, aut frequenter in septimana; hoc enim sufficiet ad aliquo modo statum aperiendum, prout potest. Ex his resolutio patet casuum frequentium. Primus est. Si accedat concubinaris; sufficienter statum suum declarat, & numerum dicendo, se vno vel duobus annis concubinam tanquam vxore vsum fuisse, continuam cum ea cohabitationem & carnali consuetudine.

2. Si meretrix dicat se tot annis expositam fuisse, & omni occasione oblata peccasse fornicando & inducendo, si tamen specialiter exprimere possit actus specie differentes, à simplici fornicatione, vt puta cum coniugatis, aut consanguineis, aut Sacerdotibus, aut Religiosis, carnale commercium habuerit, tenetur id exprimere. Alioqui si non possit dicat se quibuslibet viris expositam fuisse.

3. Qui in odio proximi hæsit per annum; sufficit id exprimere, quia in tali mora temporis, status declaratur, & confusè in ea explicatur numerus humano modo possibili; dicendo se quasi continuo, aut toties quoties persona illa menti occurrat, quod frequentissimè factum fuisse agnoscit, odium renouasse, vel malum voluisse, illiq; maledixisse aut mortem optasse.

4. Si miles accesserit, dicat se per sex, aut septem annos iuramentis, blasphemijs, concussibus deditum fuisse; sic & alia vitia militiæ ordi-

ordinaria exprimere poterit. Putantq; aliqui
sufficienter exprimi saltem tali modo. Si ta-
men concussiones & violentiæ sunt quandoq; e-
normes, vellem specificari.

5. Si vsurarius accedat, & dicat se decem
annis vsuras cum omnibus accedentibus exercu-
isse, satis aperit statum.

6. Nummularius qui multis annis, vacauit
cudendis, quibuscunq; adulterinis aut circum-
cidendis monetis probis; satisfaciet dicendo se
talem statum tot annis exercuisse. Confessarius
tamen aduertat, quæ restitutio sit facienda vel
Principi, vel Principis nummulario, vel alijs da-
mnum passis, vel pijs causis, id etiam notet in
prioribus casibus.

Item satisfacit qui rem alienam detinuit,
quàm potuit Domino restituere, explicando
tempus quo rem detinuit: quia præceptum ex-
plicandi numerum peccatorum, non obligat ad
impossibile, sed id quod moraliter fieri potest,
vnde Confessarius in prædictis casibus, non de-
bet se scrupulosum gerere, cogendo pæniten-
tem, ad exprimendum certum numerum, nam
sæpè accidit; vt pænitens explicando numerum
facilius erret, quàm explicando solum
tempus consuetudinis, aut iniquæ detentionis.
March. cit. Cap. 3. Addit Bass. V. Confess. §. 4.
n. 21.

Interni actus peccatorum declarari possunt,
dicendo se fuisse paratum ad committendum

vel

vel desiderasse tale peccatum, quotiès occasio vel memoria illius occurrebat.

Hic insuper aduertendum est quod rudes, qui agresti, & inculto modo confitentur sine numero & diligentia, cogendi non sunt repetere confessiones factas, cum indoctis Parochis: eùm enim bonâ fide confiteantur, & vniformem vitæ modum, & viuendi rationem habeant; statim ex confessione vnus anni conijciat prudens confessarius, quantum in reliquis annis peccauerint, & quot numero peccata commiserint. Quæ benè post Nauarrum & Herinques, adnotant Fagundes, Syluius, Diana & alij.

Porro Confessarijs debet maior cura esse, de excitanda contritione, in suo pœnitente, & firmo proposito non peccandi amplius, quàm de numero peccatorum nimis anxie inquirendo, dùm aliquo modo status pœnitentis agnosci potest. Nam velle rudes ad specialio rem numeri specificationem vrgere, potius est velle eos diuinare, quàm verisimilia confiteri; cum experientia constet, si vrgeantur verisimilem numerum dicere in specie: non nisi coniecturam parum, verisimilem facere: videnturq; solùm importunitatem Confessarij vrgentis voluisse fugere, coniecturalis alicuius numeri expressione: in diuersis enim peccatis ferè eundem numerum exprimunt, licet vnum præ altero longè frequentius commiserint. Melius itaq; faciet Confessarius, si tales pœnitentes inducat, vt simpliciter aperiant statum, modum viuendi, consuetudines,

dines, conuersationes inclinationem, occurrentias & incentiua, vt ex illis prudenter colligat, constitutionem & malitiam, quibus huiusmodi peccatores grauantur. Vnde potest aliquis rusticus celans etiam per quadraginta annos enorme peccatum; per mediam horam expediri, quia cum vniformem duxisset vitam, facile eius status poterit cognosci, breuiter examinando ipsum, de cursu adolescentiæ & matrimonij.

QVÆRES IV.

Quid faciendum Confessario, qui videt penitentem versari per ignorantiam in statu de se malo?

Resp. Reginaldus de pruden. Confessarij Cap. 4. Sect. 1. & 2. per sequentes propositiones.

Prima est: quando confitentis obliuio, vel ignorantia vincibilis fuerit (quod colligi poterit ex eiusdem confitentis conditione, ex dubitationibus quas facit) Confessarius obligatur illum instruere, & admonere de eo, quod nouit debere in confessione exprimi, & aduertit per talem obliuionem, aut ignorantiam taceri. Hanc propositionem (quam sine controuersia receptam esse notat Canus) satis confirmat obligatio, quam Confessarius habet supplendi in confessione, quod necessarium est ad ipsius validitatem. Nam talis siue obliuio siue ignorantia, quæ de se culpabilis est non excusat à peccato mortali: ideoq; in tali casu obligatur sacerdos

penit.

pœnitentem instruere, quidquid sequatur: & siue pro sit, siue ob sit admonitio, eumq; informare de veritate vt eâ cognitâ, respiciens con-
teratur de tali peccato, siq; legitimè confitea-
tur. Quod si non faciat, & nihilominus absolu-
tionem petat, peccat mortaliter, peccato sacri-
legij commissi, contra Sacramenti sanctitatem;
in eius notabilem iniuriam; siq; Confessarius e-
am impendat, tanquàm malè fungens Iudicis
& Medici officio in re grauissima, infideliterq;
dispensans De i mysteria, peccat quoq; mortu-
liter, neq; absolutio valet.

Iam quod visum est quibusdam, tunc Con-
fessarium teneri quoq; ad restitutionem, si pec-
catum fuerit commissum in damnum proximi,
reijci potest: quia Confessarius ex officio, quod
gerit, tenetur quidem animæ consulere pœni-
tenti sibi confitenti: nec quicquam consulere
in malum proximi. Sed aliorum bono consu-
lere non tenetur, nisi de communi lege charita-
tis. Vnde si interrogetur à pœnitente, an resti-
tuere debeat, ipseq; neget, tunc quidem tanquam
cooperator injuriæ, tenetur ad restitutionem;
sicut teneretur quivis alius similiter interroga-
tus, si consuleret non restituere: sed si pœnitens
non interroget, Confessarius ex eo quod audiat
vsurarium. v. g. & culpabiliter tacens, nihil e-
um de restitutione moneat; quamvis peccet
contra charitatem, non tamen contra iusticiam;
quia ex officio quod gerit, non tenetur bono il-
lius tertij, cui facienda est restitutio, ita consu-
lere;

lere; vt contra debitum iustitiæ agat, non admonendo faciendam esse restitutionem.

Secunda propositio est. Quæcunq; ignorantia sit pænitentis, si dubius de aliqua re interroget Confessarium, hunc teneri veritatem illi aperire; quantumcunq; id nihil sit profuturum, ratio est: quia pænitentis conscientia sic læsa est illo dubio, vt ipse desinat esse in bona fide: taciturnitatem verò Confessarij posset ipse interpretari, in fauorem, approbationemue sui erroris. Verùtamen restringi posse videtur hæc propositio, vt non habeat locum quando pænitens interrogat, non vt verè dubius, sed vt scrupulo agitatus: quia per scrupulum, cum sit dubium carens fundamento, non aufertur bona fides, & inuincibilis ignorantia: adeò vt Confessarius ad vitanda grauius incommoda secutura, possit tacere aut dicere, vt abijciat scrupulum.

Tertia propositio est. Quando pænitentis obliuio, vel ignorantia fuerit inuincibilis, tenetur Confessarius admonere eum de eo, quod ex tali obliuione vel ignorantia dicere prætermittit, si fructum verò similiter sperat, ex data informatione de veritate: hoc Canus confirmat; tùm quia Confessor absoluens pænitentem errantem, circa materiam peccati mortalis, & in omnibus paratum corrigi, opere suo errorem illius confirmat; tùm quia Confessarius quidem vt Confessarius, tantum est Iudex & Medicus, qui circa peccatum (à quo excusat ignorantia inuincibilis) munus suum exercet; tamen vt simul est

proprius Sacerdos & Pastor, ac Doctor, infideliter ageret contra Magisterium sibi commissum, nisi errantem doceret: cum videamus penitentes ad eum tanquam ad DEI vicarium, accedere: non tantum ut absoluantur, sed etiam ut instruuntur.

Quarta propositio: Cum nulla Confessario datur spes, quod penitens ex informatione veritatis profecturus sit: satius tunc esse illum in sua ignorantia relinquere, siue ignorantia sit juris Diuini, vel humani, siue ignorantia facti; & siue peccatum sit continuatum in damnum proximi, siue non sit. Pro hac multos Sanchez citat, & cum Navarro censet eam procedere, non modò quoad peccatum commissum, sed etiam quoad committendum: quando ipsum inuincibiliter ignoratur, nec est spes probabilis, quod is quod admissurus est illud, si moneatur, acquiescet abstinendo ab illo. Et ita (ut exemplo proposito rem illustremus) in sua ignorantia inuincibili relinquendus est: tum is qui matrimonium contraxit, cum impedimento dirimente: tum etiam is qui simili modo contracturus est; quando probabiliter creditur in proposito perseveraturus, non obstante monitione. Addit præterea Sanchez procedere, quantumvis confessarius ita sciret illud, de quo moneret ut ipsum probare posset; item quantumvis malum, quod timeretur secuturum ex admonitione provenire deberet non ex infirmitate, sed ex malitia admoniti. In confirmationem autem propositionis
huius

huius Medina, & Canus adferunt dictum D. Augustini quod refertur in Cap. Si quis 2. de penit. dist 7. *Si scirem nihil tibi prodesse non te monerem, non te terrerem.* Itemq; alterum, quod ut rationi consentaneum usurpatur à Theologis ex Salustio in Catilinaria. *Frustra niti & nihil aliud laborando, quàm odium querere; extreme dementiæ est.* Quibus accedit ratio; quòd nulla lex obliget ad actus inutiles, & otiosos: qualis censeretur dicta admonitio, ut potè quæ longè aberret à fine in quem ordinatur. Is enim est bonum confitentis, sicut finis correptionis fraternæ, est bonum eius qui corrigitur; bonum autem confitentis per talem admonitionem non promoueretur, sed impediretur: ut ex eo patet, quòd tali casu, si ille monitus de veritate non acquiescat monitioni, incapax sit absolutionis; manens verò in ignorantia sua invincibili non informatus de veritate, sicut potest sufficienter conteri de omnibus peccatis suis, & confitens de omnibus quorum memoriam habet, discussa diligenter conscientia; sic etiam dignus potest haberi absolutione. Quod autem Adrianus in contrarium adfert, ostendendo scandalum permittendum esse potius, quàm omittendam veritatis declarationem, Canus admonet; intelligendum esse de publico Doctore, cuius doctrina licet alijs sit odor mortis in mortem; debet nihilominus tradi populo. Itaq; doctrina quidem, quæ ordinatur ad bonum publicum, non est intermittenda ob malum priuatum;

tum; sed doctrina quæ pro fine habet bonum priuatum, cessante tali fine, ipsa quoq; cessare debet. Vnde sequitur præfatam admonitionem cessare debere, quando ea creditur non cessura in contentis priuatum bonum, quod est illius finis. Excipe casum in quo ex ignorantia timeretur notabile detrimentum boni communis; cui postponendum est bonum priuatum: cuiusmodi casus Sanchez exemplum proponit: si Parochus ex ignorantia populum suum erroribus in fide aut in moribus imbueret; aut si publica fama esset de inualiditate Matrimonij suorum cohabitantium.

Ex dictis resoluitur facile, quid à Confessario in multis euentibus agendum sit, vt censeatur cum istiusmodi prudentia procedere: nempe si Berta bona fide contraxit matrimonium cum Petro, credens probabilibus argumentis priorem suum maritum esse mortuum, quod est laborare inuincibili ignorantia facti, seu nescire inuincibiliter, quod defacto prior ipsius maritus adhuc viuat. Vel si Petrus nupsit Marthæ cuius antea sororem cognouerat, bona fide putans matrimonium esse validum, & dispensationem moraliter impossibilem, aut summè difficilem. Item si aliquis contractum usurarium fecerit ignorans inuincibiliter talem esse, eò quod in illo palliata usura sit valde occulta, atq; ille adierit viros doctos & fide dignos ad habendum consilium, & responsum acceperit tale quid sibi esse licitum. In omnibus & similibus prudenter (prout tenetur)
aget

aget Confessarius, si credens suum consilium profecturum, admoneat; sin minus, non admoneat, siue id sit in detrimentum proximi, siue non: & siue sit contra jus humanum, siue contra Diuinum inquit Canus, addens id intelligendum esse, cum nec statim nec postea fructus admonitionis speratur. Quam doctrinam Medina quoq; inculcat inquit: si verisimile est quod confitens, si ei veritas quam inuincibiliter ignorat, notificetur, ita scandalizabitur quod nunquam finis notificationis enemet: nempè quòd propterea non recedat à peccato, nec proximo læso satisfaciat: Confessarium malè agere informando illum de tali veritate, debereq; sine tali informatione ipsum absoluerè. E. g. Si quis iuridicè in iudicio torquendus, putet omninò sibi licere veritatem negare ad liberandum se à morte, & infamia, non est monendus id ipsi esse illicitum, sed sufficiet interrogare in vniuersum; an sit paratus quiduis pati potius, quàm DEVM offendere? Si enim pœnitens non tenetur particulares comparationes sumere (vt pati extremi supplicij ignominiam, & sic de similibus) ad explorandam suam contritionem, multò minùs tenetur Confessarius ab illo eas interrogare.

Iam si scandalum quod euenturum timetur momentaneum sit, ita; vt non speretur quidem tunc fructus admonitionis, spes sit tamen eum secuturum, Confessarius tenetur pœnitentem ipsum informare de veritate, quam ignorat; pro quâ doctrinâ Sanchez plures Authores referens: addit

cum eo Medina : præstare monitionem fieri post absolutionem, quàm ante ; nè ex perturbatione, gratia, & fructus Sacramenti impediatur.

Addit adhuc Canus, si alicunde constaret fore ut pænitens moneatur ab alio Confessario ; qui imprudenter malo ipsius medebitur, consultius esse ignorantem admonere : nisi adhibendum sit remedium intollerabile, quale censebitur, si exemplis supra positis addas susceptos esse filios ex existimato matrimonio, diuturnam cohabitationem, scandalum publicum, & similia : Quò eventu inquit Canus, nullus tam imprudens erit, quin præsens horreat periculum, tum perplexitatis, & difficultatis, in quod coniicientur, qui sunt in bona fide : tum occasiones peccandi capiendas ab alijs, qui alioquin sunt in bono statu. Id quod (alijs citatis) Sanchez ita verum esse vult, ut in eiusmodi casu Confessarius nolentem debitum coniugale reddere, debeat ad id cogere, tanquàm à peccato excusatum ob ignorantiam inuincibilem, si reddat : & peccantem contra conscientiam, si non reddat. Neq; mentietur dicendo illum esse suum coniugem, cum sit communi existimatione ; sicut nec mentita est B. V. cum dixit CHRISTO, *Ecce Pater tuus, & ego dolentes querebamus te : Luc. 2.* quia quamvis S. Ioseph, non esset verè Pater CHRISTI, erat tamen reputatione communi. Infert idem Sanchez argumento à maiori : quando pænitens sub lethali culpa tenetur ad aliquid adeo difficile, ut Confessarius credat ipsum non esse

esset tunc æquo animo accepturum admonitionem, alias verò admissurum melius, quàm diu nouit eum excusari, per ignorantiam inuincibilem, posse tacere, & in tempus opportunius admonitionem differre: adeoq; prudenter agere Confessarios eos, qui non omnia ad quæ tenentur penitentes, simul, primaq; vice aperiuunt; nè deterriti abstineant omnino à confessione; sed ipsos paulatim docent de ijs, ad quæ tenentur. Quà quidem in re opus est magnâ circumspeditione, in eaq; vt plena periculi implorandum est serio diuinum auxilium, vt vnctio Spiritus S. nos doceat. Hæc Reginaldus cit.

QVÆRES V.

Quale iudicium feret Confessarius de illo, qui putat actum suum, v. g. comestionem frustipanis vesperti die veneris, peccatum in genere, non determinando suam voluntatem ad peccatum mortale vel veniale.

AD decisionem huius difficultatis ex qua plures dissolui possunt, sunt quædam supponenda.

I. *Hominem* vt more humano agat, necesse est, vt actus suos (non disputo hic an dentur aliqui actus indifferentes) puta cogitationes, verba, & opera, non perperam, non temere, aut inconsideratè; sed iuxta rationem ac conscientiam bonis legibus informatam dirigat: decet enim rationalem hominem, nihil velle protequi nisi bonum rationale seu honestum, ac rationi con-

sentaneum ad quod ipsa natura humana (præcisa corruptione peccati originalis) propendet: nam & ipsi Ethnici vanum & belluinum esse iudicarunt sectari delectationes carnales, & quæ ad rem non pertinent, quod & Apostolus ad Ephes. 5. reprehendit. Apertius & acrius Saluator noster, nos hæc de re commonet Matt. 12. *Dico autem vobis, quoniam omne verbum otiosum quod locuti fuerint homines, reddent de eo rationem in die iudicii.* Vbi verbum otiosum explicant DD. quod caret aut ratione justæ necessitatis, aut intentione piæ utilitatis, aut quod sine fructu aliquo, puta necessariæ re-creationis proximi, aut subventionis alicuius, profertur. Sanctus quoq; Paulus ad Rom. 19. *Omne quod non est ex fide peccatum est.* Id est (juxta doctrinam interpretum) ex dictamine rationis, aut rectæ conscientiæ, nisi vt addunt Theologi indeliberatio vel ignorantia excuset. Vt autem aliquis actus sit meritorius vitæ æternæ, præter dictamen rationis, necesse est, vt fiat in gratia ex charitate, seu intentione ac desiderio placendi Deo, quod Apostolus ab omnibus Christianis requirit, per illa verba. *Quidquid facitis in nomine Domini nostri, in honorem Dei facite.*

2. *Suppono.* Magni momenti esse iudicium ac dictamen conscientiæ ad omne peccatum, non tantum vt sit, vel non sit; sed etiam vt graue sit vel leue: imò ab eo pendet totum; non tantum cum conscientia sit erronea; sed etiam cum
vera.

vera. v. g. putat quis crucem stramineam transcendere peccatum mortale, & tamen transcendit, peccat mortaliter; existimat veniale, venialiter: quia cum voluntas feratur in obiectum, non ut est à parte rei; sed ut sibi ab intellectu proponitur (nam ipsa cæca est) talem etiam ab illo obiecto contrahit bonitatem vel malitiam; juxta scripturam. *Qui adheret DEO, unus cum eo Spiritus efficitur. Accedite ad eum, & illuminamini. Abominabiles facti sunt, sicut ea quæ dilexerunt.*

3. *Suppono.* Cum in actu quopiam occurrit ratio aliqua dubitandi, vel rationabilis suspicio, fitne malum graue vel leue; tenemur sub peccato mortali, vel illud non prosequi, vel illud examinare, nè nos periculo DEVM offendendi exponamus: qui occursum (ait Bress. lib. 5. Cap. 20.) ordinariè occurrit intelligentioribus; nam rudioribus ut plurimum nè quidem in consilio occurrere solet vlla ratio dubitandi, vel cogitandi de peccato graui, etiam contra leges naturales, quæ remotè deducuntur ex primis principiis naturalibus, uti sunt aliquæ detractiones, susurrationes, aspectus lasciuui &c. Nam enormia peccata in quibus clara malitia apparet, facile eorum conscientias mouere possunt, ratione primorum principiorum. *Declina à malo fac bonum. Quod tibi non vis fieri, non id feceris alteri &c. Homini iuxta rationem viuendum, DEVM esse colendum &c.*

His præmissis: respondeo ad propositam diffi-

De

ficultate

facultatem, ille pœnitens est inquirendus, an per illam confessionem putauerit, vel dubitauerit se peccaturum grauiter uel leuiter? tunc ex sua responsione de peccato mortali vel veniali erit iudicandus; ratio patet ex præsuppositis. Quod si dicat se putasse peccatum in communi, tunc censendus est reus peccati venialis, quia peccatum in confusò apprehensum, iuxta plures DD. quos citat Bassæus. V. Conscien. n. 39. non excedit peccati venialis limites, præsertim si homo sit timoratae conscientiae, paratus, si ipsi rationalis suspicio suboriretur de grauitate peccati mortalis, relinquere illam confessionem: sin autem maliciose voluntatis deprehenditur, vel prorsus negligens DEVM, & suam salutem, est præsumendum contra ipsum, quod se exposuerit peccato mortali &c. Confessarij enim prudentiores (Bress. lib. 5. Cap. 6.) excusant à peccato formali, saltem mortali eos, quos aliundè norunt, teneros conscientiam & timentes DEVM: etsi constet materialiter peccasse: secus laxos conscientiam & peccatis mortalibus assuetos.

Ideò benè præmonet Bress. cit. ut Confessarij (dum ratio subest) examinent pœnitentes quàm conscientiam malum fecerint? & admoneant de nullitate peccati, vbi non est; nè postea peccent in simili, ex conscientia erronea. Deinde quia pœnitens potest sibi post actum commissum vel omissum formare conscientiam erroneam de peccato mortali, illudq; inutiliter confiteri.

fituri. E. g. spuit aliquis in terram postquam benè deglutivit hostiam Sacram; postea se reflectens putat se commisisse peccatum mortale, quod illo die quo communicauerat, spuerit in terram: similiter æger non valens Sacro interesse die festo, arbitratur se peccare mortaliter, &c. Isti non sunt censendi obnoxij esse peccato mortali, nec ab eo absoluedi, quia nullam materiam afferunt: nam voluntas ipsorum non fuit determinata ad malum, ante illam commissiorem, vel in ipsa omissione; per consequens nullam malitiam contraxit. Ut enim quis reatum culpæ in foro conscientie contrahat, debet primò cognoscere, vel dubitare, aut rationabiliter suspicari illum actum quem committit, vel omittit esse contra legem Diuinam, deinde illum per voluntatem approbare, vel reprobare: alias ipsi in culpam non reputabitur. Dixi rationabiliter suspicari; nam ex leuibus suspicionibus non tenetur homo libertatem suam agendi relinquere, ac se scrupulis & perplexitati in suis actionibus exponere. Dixi in foro conscientie; nam in foro fori præsumitur contra sic delinquentem culpa.

Ex his collige primò. Peccata per ignorantiam, inaduerentiam, & obliuionem inculpabilem commissa, non esse pro peccatis reputanda, quia ab intellectu non sunt apprehensa, nec à voluntate approbata. Secus si quis aduerteret obligationem discendi, considerandi, vel recordandi, & voluntariè negligeret, tunc postea actus

actus mali qui ex illa ignorantia, obliuione, in aduertentia sequerentur; culpabiles essent. Vnde rudes dum aduertunt necessaria salutis sibi omnino addiscenda, possuntq; addiscere ac negligunt, per illam ignorantiam non excusantur à peccato. Item Confessarij expositi pro confessionibus excipiendis diuersi status hominum, negligentes studium casuum conscientiae. Item Iudices, superiores, aliq; officiales ignorantes obligationes suorum officiorum, si contra illas delinquant per ignorantiam; rei sunt culpæ mortalis, vel venialis &c. In contrarium si in aliquem cogitationes vindicatiuæ, luxuriosæ, inuidiosæ &c. incidant, non peccat mortaliter in ipsis immorando, nisi postquam aduerterit illas esse contra legem Diuinam; peccatum enim non in parte interiori animæ, sed in superiori, quæ res æternas & diuinas considerat, committitur juxta DD.

Petes: Quid censendum de eo qui in aliquo casu ita est perplexus, vt in quacumq; partem se verterit, quidquid ager vel omittat peccare debeat? *Resp.* Faciat diligentiam quam potest, & vbi minus malum viderit eligat, non quâ malum, sed quasi medium necessarium ad euadendum peccatum mortale. Quod si aduertere non potest, vtrum sit minus malum, vel saltem aliqua species boni, estq; vrgens necessitas agendi vel omittendi; liberum est illi vtramuis partem eligere: nam tunc ratione defectus libertatis non peccabit, quia peccatum adeo est liberum, vt si liberum non sit; peccatum non maneat. v.g. Opi-
lio

homo putat se peccare die Dominico, siue deferendo gregem, eat ad templum audiatq; Sacrum; siue non eundo, gregem custodiat: nec habet à quo in illa perplexitate consilium petat, tunc ex defectu libertatis censendus est quidquid eligat non peccare.

Dices poterat ille gregem deferere & ire ad templum. *Resp.* quod per hoc non fuisset liber in conscientia ab alia perturbatione, quod videlicet contra iustitiam exposuerit gregem periculo; unde licet hic fuisset libertas Physica, non tamen fuit moralis, quia (vt supponitur) siue defereret gregem siue non, contra conscientiam æquè videretur incurrere offensam Diuinam.

Non repugnat tamen posse dari talem perplexitatem ratione conscientie erroneæ; præsertim in ijs qui nesciunt discernere inter actus ex se intrinsecè vel extrinsecè malos, vel in aliqua necessitate iusta nesciunt vti æquiuocatione, vel mentis restrictione.

QVÆRES IV.

An qui ex ignorantia, obliuione, impræparatione, omisit aliquod peccatum mortale, vel circumstantiam necessariam, in confessione: vel non habuit debitum dolorem, aut propositum pro peccatis; inualidam faciat confessionem, eamq; repetere teneatur?

Antequam his difficultatibus quæ multas anxietates Confessarijs quandoq; pariunt, respon-

spondeam, suppono primò; Confessionem esse inualidam, & iterandam, quoties pœnitens contriuit voluntariè aliquod peccatum mortale, sine iusta & legitima causa; aut non præmisit debitum examen conscientie. Item quando non habuit debitum dolorem, id est saltem attritionem supernaturalem, quam Concil. Trid. SS. 14. Cap. 4. uocat donum DEI, & Spiritus S. impullum, non adhuc quidem inhabitantis, sed tantum mouentis, quo pœnitens adiutus viam sibi ad iustitiam parat; dolendo pro peccato quatenus est offensa DEI; sed non ita feruè & super omnia vt par est, vel illud detestando propter malum æternum, vel temporale, cum respectu ad DEVM punientem. Attritio enim naturalis, puta, dum quis dolet ob amissionem bonorum, ob inquietudinem conscientie, ob periculum vitæ &c. quæ propter peccatum incurrit, nihil valet, etiam ad pœnitentiam informem. Vnde malefactor si talem dolorem pro confessione affert, quod sit v. g. capite plactendus, nullum habendo respectum ad DEVM, non saluaretur. Ita DD. citati à Bass. v. Attritio.

Item illa attritio, quæ non est vniuersalis; non sufficit: id est dum quis de omnibus peccatis quæ menti factò examine occurrunt, & de alijs commissis, quæ in mentem non veniunt nullum dolorem ostendit; debet enim se extendere supra omnia peccata sicut & contritio. Putata quoq; attritio (bona etiam fide) pro

Sacra-

Sacramento pœnitentiæ, prorsus non est sufficiens; sicut si quis putaret se orthodoxam fidem habere, quâ caret; non justificaretur.

Insuper illa confessio iteranda est, in qua pœnitens firmum & efficax propositum peccata omnia mortalia vitandis, & saltem aliqua venialia, dum sola venialia confitetur in se non stabilit. Vnde & ille timor, quò quis dolet ob metum gehennæ, sed ita est affectus, vt si pœna non esset, non præcaueret peccatum, reddit irritum Sacramentum: nam non excludit simpliciter voluntatem peccandi. D. Thom. 2. 28. 9. 19. ar. 4.

2. *Suppono.* Ignorantiam, obliuionem, dolorem insufficientem &c. oriri ex triplici negligentia, vt vna sit leuis, dum videlicet pœnitens tantam inquisitionem circa peccata mortalia præmittit, quantam adhiberet in aliquo negotio graui, vel arduo excitatq; in se dolorem supernaturalem per gratiam præuenientem, cum proposito firmo & efficaci amplius DEVM non offendendi: nihilominus aliquem defectum ex humana fragilitate in his committit. Alia negligentia potest esse grauis, ac mortaliter culpabilis; dum videlicet aliquis aduertit se teneri ad diligens examen, aliaq; requisita pœnitentiæ Sacramenti, attamen rebus alijs ex inordinato affectu distractus, vel acedix deditus, minus quàm mediocri diligentia suam conscientiam discutit; vnde aliqua peccata mortalia non aduertit; vel cognita, absolutè non detestatur propter DEVM.

Tertia

Tertia dicitur crassa & supina quando circa salutem animæ suæ tam segniter agit, vt parum vel nihil censeatur egisse.

De ignorantia igitur, obliuione, impræparatione &c. quæ ex leui negligentia procedunt, certum est quod confessionem non irritent; verum circa illas quæ ex graui negligentia proueniunt, sunt multæ difficultates apud DD. nam ex parte integritatis, dicunt quidam, quod cum ad valorem confessionis & de substantia Sacramenti, sit integritas formalis necessaria, vt nihil scienter & voluntariè reticeatur; ad hanc integritatem sufficiat, quod sit per se intenta, quantum est ex directa voluntate pœnitentis, & quod aliqualis diligentia ad eam adhibeatur, quamuis non sit illa rota, quæ præcepta est, etiamsi ob defectum eius peccetur, dummodò defectus, nec sit directè voluntarius, nec summâ quadam negligentia; sed solum communi & ordinaria, sit culpabilis, etiam culpa mortali. Vnde infert hæc sententia, posse aliquam esse confessionem validam in ratione Sacramenti; & non ad effectum gratiæ justificantis; sed quæ informis maneat sine illa, propter defectum integritatis. Idem asserunt alij ex parte coloris: multi enim ad Confessionem veniunt Spiritu humano; vti propter infamiam, vel ex quadam honestate ciuili, vel quia ita consuetum est fieri &c. qui gratiam quidem non recipiunt propter defectum dispositionis; tamen verè se accusant, & subiiciunt se clauibus Ecclesiæ; cum proposito amplius non peccandi: Ergo Sacramenta-

mentaliter confitentur, & recipiunt Sacramentum pœnitentiæ, licet sine gratia. Ita inter alios Nauarus in Man. Cap. 9. n. 13. dicens. Minorem contritionem sufficere ad veritatem Sacramenti, quàm ad eius effectum obtinendum: deinde licet ignorantia vincibilis opponatur gratiæ; non tamen opponitur validitati Sacramenti: nam huic solum aduersatur ex certa scientia.

Idem quoq; docent quoad propositum: fit enim aliquando, vt pœnitens putet se habere propositum abstinendi in posterum à peccatis, qui tamen non habet: nam vel in re non est paratus adhibere efficacia remedia, & vitare occasiones proximas: vel habet tantum velleitatem quandam, & non perfectam volitionem non peccandi: licet bona fide putet se sufficienter dispositum, & talis potest se verè excusare, non tamen recipere gratiam, quàm postea potest habere; dùm illas res omittas, (non habens aliud peccatum mortale) supplet, expressius confitendo, aut magis generalius & perfectius dolendo, ac firmitus proponendo.

Ex his colligunt sequentes assertiones. Prima, illos qui ex ignorantia mortaliter culpabili, committunt peccata mortalia, v. g. delectationes morosas, pollutiones, tactus impudicos, vltionem iniuriæ, aliquos contractus usurarios &c. non tamen confitentur, nec dolent, nec proponunt ab his abstinere, quia nesciunt esse peccata mortalia, si tamen scirent, & parati essent illa
confi.

confiteri; excusari possent ab iteranda confessione; & satisfacerent repetendo peccata illa cum dolore & proposito, qui defectus ut plurimum accidit in pueris, puellis, rusticis, alijsq; rudibus. Idem dicendum de numero & circumstantijs peccatorum omissis ex prædicta ignorantia: sufficit enim cognita obligatione illas confitendi, in confessione explicare. *Bassius V. Confess. §. 6. n. 6. 8.*

Eadem ratio currit, si quis ob aliquam causam, bona fide putet, licet fallatur, se non teneri ad confessionem alicuius peccati, quamvis sciat illud esse mortale; ut potest accidere in ijs qui habentes animum ad aliqua Sacra loca peregrinandi, grauius peccata coram suis Parochis reticent, vel nè illos scandalizent, vel quia putant se non posse ab illis peccatis per hos absolui, aut rationabiliter suspicantur se per eos aliquo calu, coram alijs infamandos.

Colligunt secundo, qui in prima confessione culpabiliter prætermisit aliquod peccatum ex ignorantia vincibili, aut etiam scienter; sed in reliquis confessionibus prætermisit bona fide, eò quod nullam de tali peccato, aut de tali omissione cogitationem habuerit facto diligenter examine: aut eò, quod in reliquis confessionibus prudenti ratone iudicauerit, illud non fuisse peccatum: non tenetur repetere confessiones bona fide factas, sed sufficiet illam reassumere, in qua culpabiliter ex ignorantia vincibili, aut etiam scienter peccatum commisit, illudq; peccatum
& eius

& eius omissionem coram Confessario cum dolore confiteri. *Ita plures Authores sentiunt citati à Bassio. V. ignorantia, n. 9.*

Plus addit Posseninus de pœnitentia C. 7. n. 28. quod ille qui prae verecundia omisit sciens quidem malè se agere, sed nesciens confessionem non valere: tantum teneatur illud quod reticuit dicere, cum illa confessione inualida. Hanc tamen ipsius doctrinam Iacob. Marchan. improbat, dicens: hanc ignorantiam, ut plurimum non esse culpabilem; nam hoc Sacramentum à CHRISTO etiam ad hunc finem institutum est (ut docet Bellarminus de pœnitentia) ut hîc pœnitens erubescat tam intus apud semetipsum de turpitudine & fœditate animæ propriæ, quàm foris apud Confessarium de opprobrio, seu quod defectuosus habeatur à Confessario: & qui se ab hoc pudore subtrahit, videtur ob amorem sui inordinatum quo excœcatur, non sincerè cum DEO & Confessario agere, per consequens absolutè inualidam facere confessionem.

Colligunt tertiò. Ut ille pœnitens qui dolebat pro peccato & habebat propositum non peccandi amplius, sed imperfectè & insufficienter tantum doleat de illa imperfectione illamq; confiteatur. Toletus lib. 3. Cap. 10. n. 3.

His assertionibus opponunt se alij DD. apud Bass. v. Confess. §. 5. n. 7. Et quidem quoad integritatem dicunt eam tantum esse formalem, in qua homo nihil omittit peccando mor-

taliter; siue ex scientia, siue ex ignorantia, aut obliuione culpabili; ac proinde nullam dari confessionem validam & informem ob defectum integritatis. Similiter ex parte doloris, quod hic sit pars essentialis Sacramenti, ideò non potest confici tale Sacramentum, quin recipiatur in subiecto disposito, & consequenter in illo habeat effectum, atq; ita formatum: proinde istas confessiones esse iterandas. Hæc sententia quia in praxi est securior, ideò optimum consilium, censet esse Bass. citatus suadere talibus vt vnã generalem confessionem totius vitæ faciant: tum vt pluribus scrupulis & fortè sacrilegijs liberentur, tum vt ad maiorem profectum in vita Christiana, maioresq; gratias præparentur.

De ijs autem qui crassâ ac supinâ negligentia in suis confessionibus laborant, siue quoad integritatem, siue quoad dolorem & propositum, non est dubium quin illas vtpotè inualidas repetere debeant. Inueniuntur enim aliquando non tantum inter rudes; sed etiam inter politiores, qui amore sui inordinato, passionibus animi indomitis, concupiscentiâ carnalium voluptatum, nimia solitudine pecuniæ, & diuitiarum; superbia vitæ in seipsis corrupti & exæcati; aliquos suos actus, quibus grauitè DEVM & proximum offendunt; pro iniquitatibus non reputant. Vel etiam consuetudine peccandi obdurati, vel nimium de misericordia diuina præludentes, vel minus offensam DEI æstimantes peccata mortalia pro venialibus æstimant;

proinde

proindeq; de illis non compunguntur, nec illa confitentur. Quapropter illi qui res alienas, decimas legata, mercedem, aliaq; debita, per plures annos vanis prætensionibus delusi detinent; qui concubinas, odia, proximas occasiones peccandi fouent; subditos opprimunt, qui citò & facile sine vlllo studio emendationis recidiunt, & alij his similes; nulliter confessiones suas persolunt, etiamsi optimâ fide confiteantur. His enim tantum vt docet Melchior Cano in Relect: de pænitentia p. 6. bona fides in confessione suffragatur, etiamsi fallantur; qui saltem mediocre curam animæ suæ gerunt; non autem impijs.

Petes quomodo Confessarius istam crassam negligentiam in pænitente deprehendet. Respondet Nugnus in 3. p. tom. 4. 9. ar. 1. quoad integritatem, si plura peccata pænitenti memoriæ occurrant, quàm ipse sit confessus; examen non fuit sufficiens, & sunt confessiones iterandæ; si autem multò pauciora confessis, tunc satis erit confiteri omnia cum ista negligentia saltem ad cautelam. Item si plura venialia fatebatur, & saltem vnum mortale temerè celauit, tot sacrilegia commisit quot confessiones hoc modo non integras persoluit.

Hic etiam aduerte dùm Confessarius extrahit per examen ex corde pænitentis aliquod peccatum mortale; quod ille temerè ex crassa negligentia, aut ex pudore erat celaturus, si non

examinaretur; pœnitentem moneat de inualiditate confessionis, & vt pro ista vel impræparatione, vel præconcepto sacrilegio grauitè doleat. *Bas. V. Conf. §. 4. n. 6.*

Quoad defectum doloris & propositi respondet Nauarus, Suarez, Grassius. In quibus per aliquot tempora nullus apparet profectus; de ijs præsumitur, quod ficticiū habuerint propositum. Igitur dū Confessarius deprehendit in aliquo pœnitente inueteratam consuetudinem peccati; inquirat quanto tempore hoc malum frequentet? An sciuerit dolorem & propositum in confessione adhibendum esse? si respondeat pœnitens affirmatiuè, seq; his vsum fuisse, tunc ad cautelam admoneat, vt pro his, & antea confessis, maiorem dolorem ob DEVM offensum eliciat, ac pro tot confessionibus ac sacris Communionibus fortè sine debito dolore ac proposito peractis, animum suum affligat; firmitusq; propositum assumat dignos fructus pœnitentiæ DEI auxilio faciendi: si autem aliquam friuolam excusationem attulerit: v. g. Se non esse iure victum de soluendis (quas aduertit debitas) decimis, debere se amicis accommodare, sese ab inimico grauissimè læsum non potuisse illam offensam condonare, plures esse huius faris homines in mundo &c. tunc iubeat repetere præteritas confessiones; & si non potest sine scandalo ipsum ad se præparandum remittere, ipse per interrogatoria eum adiuuet; admoneatq; attritionem quæ est sine firmo & efficacia.

efficaci proposito emendationis, etiam cum Sacramento nihil valere.

Verum obijcies cum Sancio in select. q. disp. 9. n. 6. Confessarium non habere jus interrogandi pœnitentem de consuetudine peccandi, quia si contritus sit & propositum habeat non peccandi dignus est absolutione.

Respondet Dianna cum alijs par. 1. Tract. 7. Res. 15. & § 5. quod quamvis pœnitens non teneatur explicare consuetudinem peccandi, nisi oriatur ex occasione proxima, quàm vitare tenetur; potest nihilominus Confessarius ad discernendum propositum pœnitentis, illum de consuetudine interrogare; nam consuetudo peccandi arguit infirmum propositum, & in tali casu pœnitens tenetur illam confiteri, quia Confessarius jure interrogat; potestq; si opus sit consuetudinario absolutionem differre, plus vel minus ut eius prudentia dictabit. Deinde Sancio requirit extraordinaria signa contritionis & propositi, quæ rarò vel nunquàm in consuetudinarijs præsertim rudibus, qui minùs valorem diuinæ offensæ & gratiæ æstimant, inveniuntur. Insuper Dianna p. 5. tract. 14. Res. 104. addit ex Palao: Sancij hoc dogma bene procedere de Confessario ut Iudex est: quia tamen est etiam medicus, debet medicamentum adhibere ad præcauenda peccata futura, qualis est dilatio absolutionis &c. Quantumvis enim contritionis & propositi signa in pœnitente agnoscat, semper potest justè timere non fore remouendam

occasionem, si absolutionem concedat. Maiora ex Megala: Absolutionem non esse impertientiam concubinario antequam concubinam expellat, etiamsi absit recidiuæ periculum, si adest scandalum vnius vel duorum; idq; etiam in articulo mortis si tempus suppetat; idem etiam procedere; si illa cum non sit, iudicatur tamen à populo vt concubina; nam etiam à specie mali cauendum est. Ita cum citatis DD. Dianna.

Certè hic Author multarum grauissimarum difficultatum, summo cum commodo Confessoriorum, præsertim qui ex professo Sacris confessionibus passim ad se recurrentium vacant; benignas resolutiones ex pluribus collegit; nihilominus censente Eminentissimo Cardinali Lugo; potius ab ijs qui stabilia fundamenta in doctrina Casistica jecerunt, quàm ab incipientibus vsurpandus est: ne fortè necessarias circumstantias, quas ipse in multis casibus supponit, minùs aduertentes, grauius errent; cum etiam illi qui ipsum compendiarunt (excepto R. P. Ausonio Noctinoti: quanquam & hic consideratè legendus est,) sensum eius non sint assecuti, quos contra ipsemet Dianna in principio suæ primæ partis Lectorem præcauet: deinde ne quis sibi, vel alijs habenas peccandi laxet; in ipso corpore præmonet se perfectionem Christianam in suis resolutionibus non profiteri, sed languenti animæ mederi: demum indicat, vt confessorius pœnitenti ante factum illa quæ videntur

dentur vergere in libertatem agendi; non suadeat, post factum non condemnet. Et quidem iustissime, quia natura nostra ex se ad malum prona, potius est stringenda, quam laxanda. Vide hâc de re Laurent. Aponte in Cap. 7. Mart. Digress. 1. satis doctè & zelosè discurrentem.

Petes: quid si Confessarius dubitet de pœnitente, an ille ex graui vel grauissima negligentia aliquid substantiale in præteritis confessionibus omiserit, an cum eo debeat omnes repetere. *Resp.* affirmatiuè quia possessio stat pro Sacramento, ne indignè tractetur, & ne pœnitens in periculo damnationis relinquatur. Addit *Bass.* *V. Confess. §. 5. n. 7.* quod iuxta communem DD. sententiam Confessarius mortaliter peccet, absolvens illum, quem contritum, vel saltem attritum non esse certò vel probabiliter sibi persuadet, aut non integrè quatenus ipsi possibile est confessum. Proindè tenetur Confessarius ante absolutionem talem de hac ipsa re examinare, & si defectum reperiât, pœnitentem salubri exhortatione disponere, similiter & pœnitens cui constat de insufficientia doloris, aut propositi ad gratiam obtinendam; non potest licitè absolutionem petere, aliàs committet sacrilegium, deficiendo sciens volens in substantialibus Sacramenti: Idem *V. Confess. §. 6. n. 8.* Cæterum negari non potest, esse tutiorem sententiam illorum, qui docent, per se loquendo, semper esse necessarium, ut homo bonâ fide accedat

ad Sacramentum penitentiae, putans se esse contritum. Quamvis enim practice verum sit, attritionem cognitam cum Sacramento penitentiae sufficere, tamen hoc non est de fide certum, & idem fallum esse potest; quia viri maxime sapientes oppositum sentiunt.

Proinde quidam DD. sapientissime aduertunt, hominem in fine vitae ex charitate erga se, teneri ad perfectam contritionem procurandam.

§. 3.

De quibusdam similibus in ignorantia rudium.

QVÆRES I.

Quid faciet Confessarius cum fatuis, semisatuis & Daemoniacis.

Resp. Bassæus cum alijs DD. In articulo mortis potest Sacra communio administrari amenti & phrenetico, si amentia & phrenesis sit continua; modò antequàm incideret in amentiam vel phrenesim petierit explicitè, vel etiam implicitè, id est piè viuendo, Sacram Eucharistiam, & non sit periculum vomitûs, vel alterius irreuerentiæ. Ratio est, quia hic homo amens vel phreneticus potuit peccare mortaliter, & in amentiam incidere tantùm attritus, & nondum perfectè contritus, vnde fieri potest, vt per Eucharistiam efficiatur contritus ex opere operato, & sic gratiam obtineat, & consequenter saluetur.

saluetur : Nec refert quod necessitas dementati, vel phrenetici possit aliundè suppleri : v. g. per extremam vñtionem, vel absolutionem ; contingere enim potest, vt neutrum horum Sacramentorum applicari possit ; possit autem Eucharistia : vt si iam consecrata sit, & Diaconus adsit, non autem Sacerdos. Imò quamuis Sacerdos adsit, qui illum absoluat & vngat, nihilominus non est deneganda Eucharistia propter vtilitatem & fructum, qui ex ea percipi consuevit, quia infirmus jus habet ad Sacramenta, & Pastor non potest sine iniustitiâ, per se loquendo, denegare. Si autem amentia non sit perpetua seu continua, expectandum esset donec infirmus haberet dilucida interualla, vt ei possit Sacra communio administrari ; nisi necessitas superueniens aliter suaderet. Aduerte autem hic Paulum V. in sua prohibitione Ritualis Romani, de communicandis amentibus, loqui tantum de annua communione, non autem de communione in articulo mortis, in quo iura & Concilia communionem concedunt, etiam non habentibus actu lucida interualla, modò antea petierint, & nullum sit periculum irreuerentiae.

Cum energumento qui ita obsidetur à dæmone, vt priuetur omninò rationis vsu, eadem seruanda sunt ac cum amentibus : si autem maneat compos sui, potest prudentis arbitrio, absq; irreuerentiæ periculo communicare ; (& si fieri commodè potest præmissis exorcismis ante
commu.

communione) quia nullo jure probatur huiusmodi obsessum priuandum esse Sacramento Eucharistiae, cuius ope à dæmonio potest liberari (& de facto, aliqui liberantur) vel certè iuuabitur homo, vt patienter & cum fructu laborem suum sustineat.

Tempore Paschatis, & in articulo mortis, habentes imperfectum rationis vsum, vt semisati, sunt admittendi ad Sacram communionem, si nullum irreuerentiae periculum adsit: quia hi tenentur præcepto Ecclesiastico: & nullo jure tempore præcepti deneganda est illis Eucharistia. Frequentius autem huiusmodi homines ad synaxim admittere, etiam sacerdotes non decet: nisi quatenus prudentia dictauerit, & reuerentia Sacramenti postulauerit. Experienciâ enim compertum est, in istiusmodi, etiamsi petierint, phantasiâ tempore communionis variari, (aliâ enim cursum habet natura, aliâ gratia) post communionem statim spuere, insulsa proloqui, aliquando in furias verti. S. Eucharistiam eijcere: ideoq; zelus inordinatus promouendâ in ipsis deuotionis vel sanationis, hîc etiam postponendus est, cum DEVS miracula sine necessitate non faciat. Extrema quoq; vntio quamuis perpetuò amentibus dari non debeat; secus tamen si aliquando sani fuerunt, & hoc Sacramentum petierunt expressè vel tacitè in receptione aliorum Sacramentorum, & probabile sit illos petituros fore si possent. Ita Zambran

branus de Sacramento extremæ vnct. Cap. 5. D.
 2. Qui aduerit in tali casu furiosum resistentem;
 ligandum esse & fortiter tenendum, seclusis ta-
 men Laicis ad tollendum scandalum. Quod sa-
 nè necessarium foret, si aliud Sacramentum re-
 cipere non posset.

QVÆRES II.

Quid cum surdis & mutis agendum.

Resp. Si est solum surdus totaliter & loquitur
 (quod potest alicui accidere per morbum,
 tonitru, aliumuè casum) cum eo per nutus, vel
 scripturam si nouit, est procedendum. Si sur-
 daster, sola necessaria cum ipso in remotiore lo-
 co; cum fœmina autem etiam in patulo, vel non
 clausis januis tractanda: vbi aliquando cum
 istiusmodi summa patientia Confessario uten-
 dum est, quando veniunt cum enormibus & in-
 tricatis casibus, vel ignari rerum ad salutem per-
 tinentium. Multò facilius negotium est; cum
 muto qui audit, nam potest & tenetur per signa
 vel nutus confiteri. Idem intelligendum de eo,
 qui aliquo casu non potest alium habere con-
 fessarium, quàm surdum, nullum enim ex hoc
 sequitur inconueniens. Imò Confessarius dum
 vrget præceptum confessionis potest absoluerè
 mutum, si signa doloris ostenderit, etiamsi nul-
 lum potuerit ex eius signis peccatum percipere,
 dum non est alius Confessarius qui melius intel-
 ligat. Ita DD. apud Diannam p. 5. tr. 6. Res.
 3. 12.

Vnde

Vnde à fortiori dicendum est mutum & surdum à natiuitate posse & teneri communicare, quia tales vt notat Sanchez de Matr. Tom. 1. lib. 4. Cap. 8. n. 12. vt plurimum perspicacis ingenij sunt, & facile quæcunq; difficilia per signa & nutus percipiunt, quibus & ipsi suos conceptus facile manifestant. Confirmatur; quia talis tenetur confiteri per nutus & signa; nec minus difficilia cognoscenda sunt, ad consequendum fructum Confessionis, nam ad confessionem scire debet, quod peccatum mortale occidit animam, & pro eius liberatione recurrendum esse ad confessionem, & hanc faciendam esse integram quoad speciem & numerum peccatorum, item cum dolore & proposito amplius non peccandi. Ad communionem verò sufficit scire, quod ad illam requiritur confessio mortalium, ieiunium, & deuotio, quæ multò facilius sciri possunt quàm prædicta. Solum esset difficultas de transubstantiatione; sed etiam hæc per fidem æquè cognoscibilis est, ac prædicta, cum æquè reuelata sit à prima veritate; quamuis alioqui difficilius naturaliter cognoscatur, quàm quod per absolutionem gratia conceditur. Neq; dicas, quod non eò ipso, quod quis tenetur confiteri, possit & debeat communicare, cum supra dictum sit, pueros teneri ad confessionem & non ad communionem. Nam surdus & mutus à natura, si perfectè secundum eius intellectum, percipiat, quæ geruntur, æquiparatur maiori: unde non est cum pueris comparandus. Igitur
arbitrio

arbitrio confessorij remitto, quandonam tales
sufficientem intellectum habeant ad communi-
candum. Dian. p. 5. 6. R. 7. Si tamen aliqui sint,
qui post diligentem instructionem per nutus &
signa, non potuerunt huius Sacramenti natu-
ram & valorem percipere, sunt ab eo arcendi.

His superaddit Bassæus V. Confessio §. 5. n.
3. Confessorius antequàm muti & surdi à nati-
uitate confessionem excipiat, debet priùs edoce-
ri ab his quibus cum mutus & surdus habitat,
quomodo cum illo nutibus agere debeat, ut vim
spiritualis Sacramenti aliquo modo percipiat, &
aliqua peccata quatenùs potest signis declaret,
ad absolutionem accipiendam. Vel si hoc ne-
quit in aliquo casu, qui moram non patitur fieri,
tunc Confessorius Socios eius moneat, ut ipsum
instruant de valore Sacramenti, atq; ex illis in-
telligat, si aliquando confessus est, quàm pri-
dem, & qualis eius conuersatio? ut ipsum po-
stea doceant modum piè viuendi, ipsis inculcet,
antequàm illius confessionem excipiat, hæc enim
nullo modo lædunt sigillum Confessionis, cum
extra illud fiant. Idem dicendum de eo cuius
idioma ignoratur, quod de muto intelligente;
posito quod non sit alius Sacerdos, qui ipsum
intelligat. An verò teneatur per interpretem
confiteri? variant Authores, sicut de muto per
scripturam: in hoc tamen conueniunt; quod
si probabiliter dubitat se non esse contritum; te-
netur confiteri, tum ex præcepto diuino, tum ex
naturali propriæ charitatis, nè damnationis æter-

næ periculo se exponat. Non tenetur autem in tali casu confessionem facere integram materialiter, id est omnia quorum meminit dicendo: sed tacere potest illa peccata ex quibus notabilis infamia sibi vel alteri sequi potest; cum per interpretem confiteri sit extraordinarius modus DD, apud Dian. p. 3. T. 4. R. 129.

Petes 1. An extra Pascha & articulum mortis illi defectuosi possint confiteri & communicare? *Resp.* Id prudentiæ Confessarij videntur committere Doctores, certè tempore Iubilæi, aut alicuius Festiuitatis dùm conceditur plenaria indulgentia, si petant; non videntur esse rejiciendi.

Petes 2. Quid si aliquis sit simul surdus, mutus & cæcus à natiuitate? *Resp.* Præter baptismum nulla Sacramenta potest recipere. Etiam matrimonium vti docet Sanchez Tom. 3. lib. 1. disp. 8. n. 12. contra Angelum; Nec extremam vñtionem: ad quam requiritur saltem attritio.

Petes 3. Quid si æger qui tempore sanitatis solebat confiteri & communicare, existens propè articulum mortis, ex morbo vel senio fiat cæcus, mutus, surdus? *Resp.* Si adhuc apparet compos esse mentis; ita cum ipso procedendum censebimus, vt primò per signa ad confessionem aliquibus nutibus faciendam adducatur, v. g. ipsius manu propriâ, signum crucis faciendo in ipso: pectus eius percutiundo, manus sursum iungendo. Vt autem Sacerdotem agnoscat, admouenda est ipsius manus, ad vestem Sacerdotis, ad sus-
perpel-

perpelliceum, & stolam: ac de percipiendâ Eucharistia, per circulum faciendum in ore suo edoceatur. Quod si Sacerdos prædicta nihil viderit profutura; extremâ vñctione muniendus erit, si more Christiano vixit.

QVÆRES III.

Quid cum Idiota Sectæ Schismaticorum aut Hereticorum?

Istos vt supra dictum est §. 1. 9. 6. non esse statim condemnandos de formali Schismate aut hæresi; nec sunt in forma Ecclesiæ absoluedi, sed potius sicut rudes instruendi in rebus fidei & morum, serioq; admonendi nè relabantur. Cum verò à Catholicis pro veris Schismaticis aut Hæreticis habentur, & ad reconciliationem Ecclesiæ adducuntur, abiurent hæresim vel schisma, & inquiratur de articulis fidei, de præceptis Decalogi, Ecclesiæ, oratione Dominica, Angelica salutatione integrâ; prout solet dici à Catholicis, post absoluantur etiam ab illo Confessario; qui caret facultate ab hæresi vel schismate, positò quod formali schismate aut hæresi non sunt infecti; nè si fortè scrupulosè cum ipsis agatur desperent, ac retrocedant.

Imò etiam schismaticus vel hæreticus formalis, potest à simplici Confessario approbato (positò quòd non sit qui habeat, facultatem absoluedi à reservatis) absolui: docet enim Granadus in 3. par. Contr. 7. Tract: 10. disp. 7. n. 12. quod si alicui non pœnat aditus ad Episcopum
aut

aut Papam, vel eorum Legatos, nisi cum magna difficultate, mora, aut legitimo impedimento; ille possit absolui à simplici Confessario approbato; cum est necessitas communicandis celebrandi: cum onere tamen (vt alij addunt) præsentandi se prædictis, cum ipsi dabitur commoditas. Multò magis hoc faciendum si pœnitens præcipitaretur in periculum probabile desperationis: nam tunc reseruatio cessat, cum non sit ad ædificationem.

Hic insuper notandum, vt quotiès aliquis ex rudibus dicit se hæreticum, inquiratur cuiusnam sectæ sit, nam si sit ex Arrianis parentibus, nec more Ecclesiæ baptizatus; non audiat eius confessio, sed potius ad Baptismum præparetur. Idem examen est seruandum cum talibus, ante contractum matrimonij, vt illud fiat Sacramentum: docuit experientia præfatos casus accidisse.

§. 4.

De inuandis ijs qui per ignorantiam superstitionibus vti solent?

QVÆRES I.

Quomodo cum maleficâ materiali aut formali agendum Confessario?

Resp. Materiales maleficæ siue veneficæ illæ dicuntur quæ implicitum pactum habent cum Dæmone; id est quæ vsurpant illas superstitiones quas à formalibus sagis expressum pactum

Et cum dæmone habentibus didicerunt, ipsæ nihil de vlla familiaritate cum Dite cogitantes. Istas DD. propter ignorantiam à peccato mortali excusant, quàm diu de illa iniquitate non edoceantur. Et quia eiusmodi illos suos actus, ut plurimum in confessionibus cum summo sui periculo subtrahere solent: ideo Confessarius rationabiliter suspicatus aliquam personam hoc malo laborantem, inquirat more rudibus consueto, an v. g. crediderit in aliquas superstitiones, an audierit aliqua consilia vel documenta, ad mala circa valetudinem, pecora, segetes auertenda, vel bona augenda? An eis via fuerit? An nimia solitudine vel tristitia pressa Dæmonem inuocauerit? &c. His enim & similibus tempestiue est obuiandum. Plura enim comperta sunt etiam hoc æuo exempla istarum; quæ primò materiales magæ existentes, postea in formales, ac tandem in Magistras aliarum euaserunt. Ante aliquot annos acciderat, quòd quædam mulier vidua per consilium supersticiosum formalis veneficæ, pecora sua à communi contagione illa-
sa conseruasset; & quia diabolus per illud tanquam per aliquod præambulum, ad illam mulierem aditum sibi fecerat, ipsam etiam in persona virili sub vespertinum crepusculum inuasis-
set, utq; in domo eius pernoctaret obtinuit; cumq; hæc iret cubitum, ipse etiam se illi associauit, ac quis esset edixit, nempe se illum esse cuius consilio & opera, sua pecora salua quæserunt: sibi

consentiat, se ad consortium sui admittat: hæc DEI oblita ac vano timore perculsa, assensum præbuit, peccatum nefandum commisit, inde Diabolus factus est eius quasi maritus. Et certè ad finem sub iniquâ sua lege miseram detinuisset nisi illa in Claro M. C. (ad quem vice sui mariti defuncti Sacram peregrinationem, frustrâ diabolo se impediante susceperat) beneficio D. Virginis per ministerium Confessarij soluta fuisset. Quare deprehendens Confessarius istiusmodi, serio præmoneat, diabolum pro certo suis hisce vanitatibus sese immiscere, cooperari, ac intrinsecus plura suggerere, donec visibiliter appareat, clarius plura edocturus, deinde in grauissima peccata impulsurus per maiorem excæcationem animi & duritiem cordis; idèd protinùs tam invisibilem quam visibilem Dæmonem perhorrescat, & omnem amicitiam cum eo deuitet; insuper à confortijs suspectarum maximè declinet, sæpius vtatur signo S. Crucis, sacris nominibus I E Z U S M A R I A, ipsis sese commendat. Formales veneficæ rarò resipiscunt, nam vel pudore, vel timore, vel obduratione, vel minis, quandoq; verberibus, aut promissionibus magnarum rerum in altera vitâ, alijsq; astutijs dæmonum deceptæ, à resipiscencia & confessione peccatorum impediri solent: si tamen Confessarius in aliquam vel in aliquos inciderit, examinet illos ex punctis sequentibus.

1. An intercesserit aliquod pactum cum dæmone? in quo promittant se negaturos CHRI-

STVM,

STVM, & fidem Christianam abjuraturos. Vel si Diabolum adorârint; actionesq; nefandas ac Sacrilegas erga venerabile SACRAMENTVM exercuerint. Confessarius autem curare debet, vt maleficus dissoluat pactum cum Dæmones peragendo pænitentiam patrati criminis, & perfringendo chirographum, si apud se habeat, vel eius exemplar.

2. An in tali peccato aliquam hæresim habuerit credendo Sacramenta nihil valere, &c.

3. Quomodo confecerit maleficium; an scilicet ex rebus Sacris; aquâ benedictâ, oleo Sacro; cerâ benedictâ, imò etiam ex Sanctissimo Eucharistiæ Sacramento; & an crediderit illis rebus talem virtutem inesse ad tales effectus; tunc & sacrilegij & hæresis reus esset.

4. An alicui personæ; vel rebus damnum intulerit: quia tenetur ad restitutionem omnium damnorum cum sit causa efficax damni, imò si constet pecuniam à dæmone traditam alicui surreptam esse; Domino restituenda esset.

5. An expressè sacrificauerit dæmoni; vel cum eo rem carnaliter habuerit, vt solent lamix & striges, &c. Quamuis autem difficile sit, non tamen impossibile, è potestate diaboli eripere eos quos sibi inito pacto deuinxit; hinc Confessarius magnam adhibere operam debet. 1. Vt cognoscere incipiant hostis infestissimi mendacium, fraudes, & falsa promissa. 2. Vt abiurato diabolo, fidem, ac spem in DEUM concipiant;

qui peccatores omnes ad se inuitat, & reuerti volentes recipit: Eximenda enim ipsis est persuasio, quam multæ Sagæ habere solent propter pactum initum, à Dæmone liberari non posse.

3. Vt frequentes preces *v. g.* Litanias Sanctorum, & varias collectas, Spiritu fidei feruente pænitens recitet, vel coram ipso ab altero recitentur.

4. Vt crucis signo, imaginibus Sacris, & reliquijs Sanctorum, aquâ benedictâ, & similibus vtatur.

5. Vt Sacramentum confessionis frequentet apud eundem Confessarium, qui statum illius cognitum habet, vt congruas interrogationes formare, & apta remedia præscribere ei possit.

6. Vt fidei Catholicæ professionem sæpius repetat, & Symbolum Apostolicum frequenter recitet.

Quod si fortè ad maleficas in carceribus inclusas, vt ipsas DEO reconciliet vocatus fuerit; primò re ista Christo, & Matri suæ, Sanctisq; DEI commendata, exhortatiunculam ad ipsas, si verè reæ sunt faciat, compatiendo inprimis amissæ famæ, ac periculo vitæ ipsarum; præcipue autem deperditæ gratiæ DEI, quæ ipsis improuidis accidit: deinde doceat hominem à D. DEO ad hunc finem creatum, vt hic illum noscat super omnia, maximi æstimet, honoret, eiusq; diuinam voluntatem in omnibus faciendo; vitam æternam consequatur: vbi cum ipso, in perfecto amore eiusdem perfruatur delicijs semipternis. Dæmones, summo odio DEVM experuersa sua voluntate, & ob priuationem cele-

stis

His beatitudinis prosequi; summo odio ac inuidia contra homines vt pote imagines DEI, & quod ipsorum loca in cælo, ex quibus ipsi ceciderunt, sunt occupaturi, ardere; ac per hanc inuidiam mortem, plurimaq; mala in mundum inuexisse, modò ex occulto DEI iudicio humano generi nocere, donec tandem vltimo supplicio post diem iudicij in inferno totalitèr includantur. Nouerint quòd in Baptismo diabolo abrenunciauerint, CHRISTO adhaerint, fidem in vnum & trinum DEVM professæ fuerint, quod istam fidem, orationem Dominicam, salutationem Angelicam edoctæ, & cum hominibus Christianis vitam æternam sperantibus educatæ fuerint: modò autem & DEO & cælo, & societati hominum miserè renuntiarint, ad hostem sibi infensissimum æternæ damnationi obnoxium delcuiuerint. CHRISTVM esse paratissimum hos errores sibi condonare, atq; facile posse potestati diabolicæ subducere, dummodò seriò conuertantur. Vnde hic & nunc nihil sibi à diabolo timentes signo S. Crucis se muniunt, pectus percutiant. Diabolo abrenuntient, CHRISTO se subijciant, ipsum humiliter deprecantur, per veram cordis contritionem, per sinceram peccatorum confessionem, gratiam exposcant, &c. Verùm dùm hæc mea reuiderem, incidi in cuiusdam anonymi Authoris insignia documenta mihi oblata, quæ in cautelam Confessariorum in libello dicto Cautio criminalis doctè conscripsit, quæ istis meis appono.

Documentum 1. Quando audio, nunc passim ad has causas adhiberi Religiosos, curent eorum superiores, ut eos mittant, qui CHRISTI Domini nostri Spiritu sint præditi, mites, mansueti, deuotionis laude commendati, iudicij accurati, & probatæ prudentiæ in Domino, quique animis hominum occupandis, pernoscentis, scrutandisque cordium sacretis, tum & conterendis peccatoribus operam & experientiam sumpserint: Non impetuosus, nec affectibus seruientes, sed omnia ad libellam rationis & doctrinæ expendentes. Curent etiam per adiunctos eis socios diuersos intelligere, nunquid iudicentur imprudenter, aut secus gerere? plurima enim sæpe admittunt nimis quam corrigenda.

Documentum 2. Confessarij ad Carceres destinati postulent inprimis directionem à liberalissimo Patre luminum, commendent deinde eis animas liberatoris nostri sanguine redemptas, agant denique cum reis ipsis suauiter & paternè, ut ad veram eos penitentiam adducant, seu reas se falsæ sint, seu non sint. Nec de hoc ut fateantur eis primum facient mentionem sed differant, & prius ea in genere afferant, quæ cedere contritionis motum possunt; explicent illis cum aliquo affectu & facundia Christianâ, qui noster ille mitissimus sit DEVS, Pater misericordiarum & totius consolationis, qui vel Vnigenito suo pro nobis non pepercit. Adducatur parabola indulgentissimi illius Patris, qui reuertenti Filio suo perditissimo se in collum lachrymans infundit,

dit, & quantumvis antea peccatis Filij constri-
ctum pectus, in omnem nihilominus clementi-
am dissoluit. Non esse DEVM nostrum, qui
Dij sunt gentium, qui iras ponere non possit:
captum semel incredibili humani generis amore
longius progressum, quàm vt reuocare amoris
sui pacta nunc liceat: Exstare in Diuinis libris
pacti æterni iuramentum eius irreuocabile per
semetipsum. *Quia si fuerint peccata nostra sicut
coccinum, quasi niuem tamen dealbanda fore: sed
& Aduocatum apud eum esse Filium eius vnige-
nitum crucifixum, qui & nouerit figmentum
nostrum, & verè causam nostram, quantum-
cunq; grauissimis criminibus confossum, sua ad-
uocatione erigere, sustentareq; velit, &c.*

His & similibus magno studio laborent, sin-
gulos ad dolorem de peccatis concipiendum a-
gendamq; seriam pænitentiam inuitare. Neq;
enim negare se Legifer noster potest, vt non a-
nimos quorumcunq; peccatorum saluberrimâ
compunctione frangant viri ij, quos se homi-
num piscatores facturum, ipse verbis veris pol-
licitus est: Clarissima verba sunt, & oracula FI-
LII DEI, quibus fidem detrahere, naufragari
est in fide. Hâc igitur sponfione subnixi, jus su-
um sibi vendicent: vsurpent datum sibi ministe-
rium reconciliationis: reducant per contritio-
nem, qui per vitæ licentiam à DEO longius
aberrarint. Ita enim fiet, vt peccatorum vin-
culis attritis, mollitisq; animis per colloquia
Sanctorum, nihil obster. quin omne virus non

solūm ad Sacrorum Sacerdotum, sed etiam Iudicum Tribunal facilius effundant. Hac est enim contritionis seu pœnitentiæ natura, ut ubi in animum recepta semel est, obstinatio & taciturnitas (si modo verè rei sunt, quod querendum non supponendum est) habitare non possint. Optimum hoc & suauissimum torture genus est ad vocem soluendam. Hic artem suam exerceant Sacerdotes illi, de quibus supra conquerebar, & si zelum habent, non prius Iudices instigent ad expediendas torturas illas sæuas, & sæpe nimium crudeles, quam ipsi hanc suam torturam sacrā vti sint, id est: salutaris, de peccatis compunctione animos reorum lacerauerint: hinc acuant ingenium & vires suas omnes explacent, ut laxea multorum pectora Divini sermonis vi, & impetu Spiritus comminuant. Nec est denique quod Sacerdotes probos, & ferventes non paulò plus docebit, quam si Iudicum sæuitiam imprudenti instigatione excandescere faciant. Nam inuehere inhumaniter in captivas & afflictas: identidem illis molestum esse, & quasi certissimo de earum reatu jam constet, nullam eis sinere quietis partem: odiosis cognominibus lacerare: apud Iudices traducere, & similia quæ supra memorata sunt dubio 19. Non est sane quisquam in foro rabula tam hebes, qui non æquè possit. At verò pertinaciam hanc talem Divinam vi sermonis frangere, molire animos, cor inpenitens compungere nemo potest.

potest, nisi manifesto DEI Spiritu instructus.

Documentum 3. Non probo igitur Confessarios, qui hoc primum, hoc vltimum, imò solum agere videntur, vt modò confiteantur, rei nil celent. Itaq; non nisi confiteri, & confiteri ingeminant; cæterum autem de conuersione seriâ ad DEVM, de dolore animi vehementi, de detestatione peccati super omnia vix tenuitèr meminerunt, nedum vt præcipuum hic conatum & sollicitudinem adhibeant, quo tales actus, tam difficiles, à peccatoribus & quidem talibus, si verè rei sunt impetrent.

Itaq; dùm confessi duntaxat rei sunt, id est omnia peccata sua ad longum, & enucleatè recitauerint, iam salua & tuta sunt omnia; jam appellant Filios æternæ vitæ, jam verè pænitentes moriuntur, quicquid tandem sit de contritione. Existimo autem ego nisi me Theologia mea fallit, non ita facilè reconciliari posse infinitam Maiestatem, sed insigni quâdam opus esse sollicitudine, vt ad vulgarem animi dolorem, preces, gemitus, & clamores cordis cum confessione coniungendos.

Documentum 4. Non putant pleriq; expedire, vt Rei antequam in foro externo causam suam transegerint ad internum vocentur, sed suadent eò vsq; hoc differri, dùm in externo omnia liquida sunt; ita Delrius lib. 6. cap. 1. Sect: 3. atq; vsu fere ordinario recipitur.

Documentum 5. Expedit tamen, vt paulò ante dixi, per visitationes, & colloquia Sacerdotum

tum reos disponi ad pœnitentiam, compunctio-
nem, & seriam ad DEVM conuersionem, cum
primum fieri potest: id enim profuturum scio,
non solum ad confessionem Sacramentalem, sed
etiam profanam, quæ hâc via tutius, feliciusq;
quàm per torturas obtinebitur. Et ad Sacra-
mentalem quidem omninò hæc compunctio
necessaria est, vt præcedat: Sacramentalis enim
esse non potest, nec ad salutem proficua, nisi
ex præuia compunctione orta sit: illius hæc fi-
lia debet esse, aut esse non potest. Vnde rur-
sum confirmo quod dicebam: id potius labo-
randum Confessario vt conterantur Rei, quàm
vt fateantur. Nam fateri quid attinet, ni con-
triti sunt? si contriti autem, jam spontè sequi-
tur confessio, siquidem sunt Rei.

Documentum 6. Et si amplecteremur senten-
tiam Delrij, docentis, licere Iudici æquiocati-
one sermonis, aliove dolo bono reos circum-
scribere; id tamen fieri à Viris spiritalibus
nullatenus permetteremus.

Ratio est, nè ministerio eorum, atq; ordi-
ni inuratur nota, quæ non tam facilè sæculari
Iudici adhærescit. Scio contigisse vt cum sacer-
dos quidam Reo cuiquam æquiocè promississet
mitigationem supplicij, nec eam deinde conse-
queretur; ita turbatum esse hunc deceptione,
vt vix tandem obtineri potuerit, vt ante mor-
tem le extremâ expiaret pœnitentiæ purgatione.

Caueat igitur Confessor, vt aliter, quàm fi-
delem CHRISTI imitatore decet, in hac rese-
gerat;

gerat; ne se deceptum esse quisquam merito quæratur ab eo, quem DEI fuisse loco agnouit.

Documentum 7. Omnino autem dedecet si viri spirituales, ut nonnullos audio fecisse, suggerant ludicibus torquendi modos, nisi forte mitiores. Lætorum hoc non Sacerdotum munus est.

Documentum 8. Sed nec decet si tormentis palam intersint, & spectent: ut bene monet Delirius lib. 6. cap. 1. Sect. 3. propter irregularitatis periculum, ut ipse ait, & scandalum. Sed interrim tamen non video, cur non alibi ex occulto ea arbitrari per rimam aut fenestrellam. Ratio, nam aberit & irregularitatis periculum, & scandalum, cum nemo sciat: & verò proderit, ut quam cruda & periculosa res ea sit, ipsi suis oculis usurpent. Quodsi concilium Antisiodorense Can. 33. vetat Præbyteris ac Diaconis ad Trepalium stare ubi rei torquentur, id explicandum puto; ut vetet stare palam.

Documentum 9. Imò vniuersim non planè negliget prudens Confessarius, ut scire saltèm ruditer labores, quam ritè judiciales processus instituantur. Ratio est, tum ut secundum ea prudentius possit cum reis in foro conscientie procedere; tum & Iudices, si opus esse videretur, officij commonefacere. Ita nuper totidem verbis religiosi cuiusdam ordinis visitator monuit suos, qui ad carcerem itarent, in epistola quadam encyclica, quam quidam eius ordinis Religiosus mihi monstrauit.

Documentum 10. Displicuit mihi nuper Confessarius, qui primò suo in carcerem ad quampi-
am aditu, vt eam tantò melius ad confessionem
adduceret, denuntiabat ei, conclusum esse apud
Iudices de eius morte, faceret igitur officium.
Præclara utiq; benevolentia captatio? Existi-
mo enim Sacerdotem dedecere, vt cuiuspiam mor-
tis nuntium afferat, neq; id aptum esse medium
(nisi fortè in planè impænitentibus ac despera-
tis quibus alia non profuerunt) ad rectè hominem
Deo conciliandum, cum habeam experientia
plerosq; aut saltem multos, etiam alioqui stre-
nuos viros, audita mortis denuntiatione, ita ve-
hementèr cōsternari, vt ad adeò præclaras mentis
functiones sint inhabiles. Tristitia igitur alios
nuntiare sinant; Sacerdotes ipsi ea afferant, quæ
consolationi esse possint.

Documentum 11. Laboret autem prudens
Confessarius, vt reorum animos sibi potius ar-
ctissimè deuinciat; quòd fiet, si declaret venire
se, non vt Iudicem, sed Patrem, qui Personam a-
cturus sit Paraleti in Spiritu FILII DEI. Ex-
plicet igitur, quid inter Sacerdotum & Sæculari-
um Iudicium officium & intentionem intersit:
Apud hos si qui reus sit, de pœnis agi: apud illos
de condonatione; non esse igitur quid metuant,
quin omnem animum penitus aperiant, & quis-
quid angat, explicent; agant secum fidentissi-
mè: non suspicentur quidquam fraudis, non dis-
fidant: se monstraturum esse eis affectum eum,
quem fidelissimus Pater, amantissimis suis pigno-
ribus

ribus vnquam possit. Condolere verò & compati eorum miserijs: sed & tangi dolore cordis intrinseco, non secus quàm si propria res agatur: Quod si eos adiuuare quâ ratione posset, non dubitaturum proprio sanguine subuenire: atque igitur non parum sibi ægrè esse, quod id non liceat, nec nisi soli animæ prodesse possit. Et nunc huic sanè omni studio consulturum, nunquàm verò se eas deserturum, sed vtcunque res cadant affuturum ad extremum articulum; erecturum animos, additurum spem, & robur, ne concidant, aut abundantiore tristitiâ absorbeantur; & id deniq; omni modo acturum, vt quæri non possint, vllum sibi defuisse consolationis genus. Hæc enim & similia, quæ fidelitatem, & Apostolicum Spiritum sonant, si propoluerit, mirificè sibi reos astringet, vt ad hunc velut charitatis funiculum seu habenam duci se sinant, quo libeat prout sæpè sum expertus.

Documentum 12. Potissimùm verò eos securos reddat, etiam stipulatâ manu & si opus sit iuramento appposito, quicquid secum vt potè viro spirituali, etiam extra confessionem locuturi sint, ne verbulum, quod ipsis nocere queat, seu quod nolint, ad externi fori præsides foras effluxurum.

Documentum 13. Imò & iuuerit distinctè addidisse: quod quicquam secum agant, id nec si maximè nocentes sint, obesse eis possit; nec si maximè innocentes prodesse. Si enim nullum cum judicialibus personis in his causis commerci-

um ser-

um sermonis esse, nec illos Sacerdotibus in his quicquam credere, aut audire; sed juxta propria jura & ordinem procedere: tantum igitur se inter eos, & DEVM posse medium intercurrere, & quicquid fiat de corpore id efficaciter agere, ut Spiritus seruetur, & ad illa domicilia perueniat beatorum, quæ cum DEI FILIUS poenitentibus pollicitus semel sit, & mercatus à Patre, iure iam suo reperi possint à peccatoribus omnibus, etsi altè demeritis. Ita dum nec obesse nec prodesse, nisi quoad animam eis posse persuaserit quæ secum secretò communicent, obuiabitur tum ijs, qui à Confessario iuuarentur innocentes esse vellent, tum ijs, qui & nocentes esse mallent, ne proderentur, & ad torturas reducerentur.

Documentum 14. Doceo Confessarios ut certissimò sciant plurimos esse, qui etiam in ipso Sacramento nocentes se cum non sint fateantur (ut ipse sapius, & alij mecum Religiosi viri maxime nos ipsos conuicimus) idq; ideò, vel quia importuni Sacerdotes sunt, quorum impetum aliter euitare non possint, vel ne in quæstiones repetantur. Sic enim simpliciores multi existimant oportere Sacerdotes, quæ, quomodo à reis audiant, personis Iudicialibus referre, atq; ob hanc industriam eos ad se expiscatum mitti: nec nisi difficulter quidam in contrariam sententiam reflecti possunt, maxime cum & id eis persuadeant liciores; dum verentur, nè quomodo sibi prædæ elabantur, si quid reuocent apud Sacerdotes. Miseria hæc est oppido notanda, & inscitia

Iuue-

Iuuenum Sacerdotum lachrymis deflenda. Atq;
ego quidem qui sic in Sacramento mentiti sint, dam-
nare non ausim: quin potius excusari posse
nupèr docui, ob simplicitatem, perturbationem,
& similia. Verùm tamen quod & non reuocent,
quos complices nominarunt, & vehementiori hoc
conscientiæ scrupulo pressi, maiore cum dolore
(quem quò rectiore causâ, eò feruentioribus pæ-
nitentiæ signis apud DEVM contestantur) de-
cedant; atq; hinc fiat vt tantò confirmatius, &
ipsæ tam eximie pænitentes, & aliæ ab eis de-
nuntiatae reæ habeantur. Porro cum vt dixi multi
metuant, vel ex ipso Sacramento prodi, quid mi-
rum, si quando extra illud, cum ijs Sacerdotes a-
gunt, plures sunt qui formidant? Itaq; mihi con-
stat, nonnullos etiam aliàs prudentes viros ma-
gis falsò insimulatos & captos, tum ob eum
metum, quem dixi, tum quia nihilominus de se
actum videbant, nec vllam solidam Sacerdotum
accedentium consolationem sperabant, ideòq;
præ desperatione & stomacho loqui amplius pro
se dedignabantur, tum quia alia ratione declina-
re nonnullorum importunitatem non liceret,
non aliter quàm pro reis se apud quoscunq; ex-
tra confessionem gelsisse: ac cum vltèriùs multa
rogarentur, omnia consequenter arguisse, & fin-
xisse, quæ cæpta semel fabula exegisset. Quare
cum hæc ipsa, deinde spirituales illi viri simpli-
cissimi passim spargerent, & hinc criminis illius
contagionem mirè exaggerarent, quid poterat fi-
eri aliud quàm ita omnes in concepta semel opi-
nione

nione de multitudine maleficorum confirmari, ut nemini iam sano de eâ dubitare in posterum liceat? Væ Confessarijs qui committere se rei periculosaudent, & non plurima cogitatione omnia versant, ac creberrimo gemitu dies noctes DEVM pullant, ad obtinenda consilij & scientiæ dona.

Quicquid sit, animaduertat diligenter Confessarius. Et cum non aliter apud reos egerit, quàm induta persona Christi: cumq; eò solum reos adduxerit, ut ipsi planè confidant, admiranda quædam sensim discet, quæ adhuc ignorat.

Documentum 15. Non solum autem reos securos reddat de taciturnitate sua Sacerdos, verum etiam re ipsa eam seuerè colat: Ita, ut neq; quæ extra confessionem cum eis agit, temerè foras exportet: Id quod ante citatus visitator omnes suos in dicta Epistola disertè quoq; admonuit? Et quidem omninò prudenter. Nam rationes istæ sunt.

1. Sic sæpe incauti quidam, dum consulere captiuis volebant, nouam eis torturam causarunt.

2. Irregularitatis sæpe periculum est, eum facile garrulitate suâ aliove signo, mortis sententiam efficaciter promouere possint. Sunt enim Iudices pleriq; ut ipse annotaui, & monet quoq; Delirius qui id agunt, ut à Confessarijs signum aliquod captent quò captiui constantes, id est nocentes, innuantur: quod ubi fortim incautis abstulere (quanquàm nunc iusturari tale quid non sit opus, cum passim insulti Sacerdotes (absit verbo iniuria) ipsi sponte persuant rimarum ple-

ni) tūm

ni) tūc demum abruptā vltiore hæsitatione ad condemnandum accedunt. Quopacto gloriantem nuper Iudicem audiebam, cū diceret: se verò nē impingat in neminem adhuc hactenus capitali pœnā animaduerti iussisse, nisi quem prius à Confessario intellexisset in culpa versari: satis innuens, quā efficaciter ad reorum condemnationem Sacerdotes concurrerent. Placet Sacerdos ille, vir mihi amicus, quem cū Iudices subinde rogant, maneat nē hæc vel illa constans, sic enim loquuntur respondere solet: Ego verò inquit, vt quod res est dicam, an constans sit necne, sanè nescio, neq; curo, an fateatur nec ne, an nocens sit, nec ne: nam talis, an talis sit, ad me non spectat, sed ad Iudices. Id autem spectat, vt qualiscunq; fuerit tandem, nocens an innocens, bona an pessima, ad cælum eam ducam: id quod Deo adiuvante pro meo munere me facturum spero: de cætero quid me affligam, & mittam falcem in messem alienam? Ita ille, sed ni valde suauiter, & modestè fiat, offendi solent Iudices.

3. Periculum est, ne reueletur interdum sigillum Sacramentale, aut saltem reuelari videatur, quòd omninò omnes maximè cauendum clamant, neq; enim populus distinguit, quid intra, quid extra confessionem acceptum sit. Vt mirari sanè subeat Religiosi illius nuperam prudentiam, qui cum esset ordinarius reorum Confessor (nec de loco, nec de persona rogare volui) publicè de suggestu in magna populì

concione pronunciare ausus est : non esse quod Magistratus vereretur in Sagas acerrimè procedere ; sibi enim certissimò constare, nullam adhuc eo in loco ad supplicium ductam esse, quæ culpâ vacauerit. Sic ille. Mihi autem scire lubet, vnde id etiam certò constiterit. An quia iudicio publico damnatæ erant ? Sed id scilicet non æquè populo erat notum, nisi & sibi hoc constare concionator diceret ? Amplius aliquid voluit dicere, & majori certitudine rem firmare : sed hæc ipsa maior certitudo vnde erat ? An extra, an intra confessionem hausta ? si intra, vbi nunc tandem tam Sacrosancti secreti ratio est ? si extra autem, cur id additam non fuit, & occursum suspicioni, ne id dicere sic affirmatè Confessarius non videretur, nisi quid altius certiusq; quàm communi modo cognouisset. Itaq; non parum scandalizatus esse populus dicitur, cùm solum hoc Sacrosanctum Confessarij nomen multorum iudicia insigniter & merito irritasset. Non tam ipsum ego Confessarium hunc miror, quàm Religionum superiores, qui hos, tales in res difficiles exponunt, quos quâ sint iudicij inopiâ ; jam tum vtiq; exploratos habent, aut habere debent.

Documentum 16. Quæri possit quid faciat Confessarius, si (quod impossibile non est, vt vide apud Iannerum) ex confessione vel aliunde cuiuspiam innocentiam cognouerit ? An indicabit ? posset si indicet, periculum enasci reuelandi Sacramentalis sigillis, dum scilicet alios quoq;

quoq; audiens de illis taceret: nam innueret tacendo hos igitur non esse, qualis prior: Quod si periculum hoc absit, quia V. G. alios non audit &c. atq; etiam putat non frustra apud Iudicem se laboraturum, nec aliud aliquod incommodum secuturum, vt scandalum magnum, populi, &c. non video cur non modo non possit, sed debeat curari vt subueniat, ita enim charitas jubet, & ita scriptura: *Erue eos, inquit, qui ducuntur ad mortē, & qui ducuntur ad interitum liberare ne cesses* Prou. 24. 11. Caueat tamen, nè innotescat alijs reis Confessarium pro innocentibus intercedere, nè occasionem sumant hinc sacrilegè confitendi, vt monui docum. 13. Caueat quoq; ne contra Iudices quicquam agat aut dicat, seu ante, seu post mortem reorum, quod eos infamet, aut iudicia publica perturbet. Si quid erit, id non apud alios, sed apud ipsos proferat, & moneat, cū hoc utiq; Apostolicos viros, non dedecere dicat Apostolus, cū ait: *An nescitis quoniam Angelos iudicabimus, quantò magis secularia.* 1. Corint. 6.

Documentum 17. Nec minùs quæri possit quid agendum, cum quis alios innocentes denuntiavit tormentis coactus: Res intricata: sic tamen dicendum, seu grauitèr peccatum sit, siue non sit, quod quis tantis tormentis victus, innocentibus culpam afflauerit, hoc tamen certum est, teneri eum vt id reuocet, quàm efficaciter possit. Cū autem Iudices nihil faciant, (quam rectè ipsi viderint & tu vide infra du-

bit 40.) reuocationem eam quæ fit à reis post latam sententiam prope mortem; tenebitur vt reuocatio sit efficax reuocare tempestiuus ante latam sententiam, & hoc quidem iuxta communem sententiam, et si metuat, seu prouideat se ad pœnas reuocandum, quia in pari sui & proximi necessitate, rationem potius habere debet innocentis, cui fecit injuriam, dùm eum falsâ accusatione iniq; læsit.

Documentum 18. In hoc verò casu, si Titius ob apprehensionem pœnarum adduci non potest, vt sub tanto discrimine palinodiam canat, difficultas existit: dicam quod sentio. Nam

1. Quid si dicat Titius, reuocationem, quàm immediatè ante mortem ablato tormentorum metu facere palam cupiat coram populo, meritò sufficere, quippe quæ affirmatione, prudentium maximi sit momenti, ac proinde de se efficax? quod si verò vitio Iudicium inefficax sit, ac proinde delati non eximantur, id Iudicibus non sibi imputandum.

2. Deindè, quid si Titius tempestiuè in Carcere reuocationem faciat, seu voce seu scripto coram Sacerdote suo, & altero adhuc teste, atq; hic postea, cum euauit tormentorum metus, id est vel immediatè ante, vel post Titij mortem reuocationem hanc exponat à Titio præsentis animo in conspectu DEI & testium factam? an non hæc saltem sufficiens, & valida censerì debet? & si nondum admittere eam Iudices velint,

sint, excusato apud DEVM Titius est, & illi si cōtra denuntiatis procedant, iniqui homicidæ sunt.

3. Deniq; quid si clarè ostendam Titium fecisse, quod in se est, & quidquid tandem ab eo postules, non tamen futurum, vt semel accusati vllâ reuocatione exculpentur? Nam quid Titium vis facere? An reuocare tempestiuè apud Iudicem, & reductum in quæstiones, eas constanter elicere persistendo in reuocatione, vt habet sententia communis, & paulò ante dixi? sed hoc frustra: nouit jam imbecillitatem suam, scit certò futurum, vt quæstiones eas non toleret, vti nec priores, tolerare potuit: Rursum igitur dolori cedit & reuocationem suam damnabit: ac sic redibitur quo prius, in easdem miseras: imò tunc tantò amplius, accusati habebuntur nocentes.

Pæniteat igitur & DEO commendet, & reuocet ijs modis quibus potest, vt dixi. Si Iudices id non curant, ipsi viderint. Id verò dolendum vehementer, quod cū plurimæ metu repetendorum tormentorum non audeant reuocare denuntiatis, valde exaggerent Iudices, has vtiq; certissimò nocentes esse, cū tam multæ pænitentes super eis mortuæ sint: quis enim

hæc audiens vim magnam non putet in his

locutionibus inesse? Et tamen quæ

vis insit, ex dictis satis patet,

& infra adhuc patebit.

Q V Æ S I T A.

Aliquot vtilia circa superstitiones communiter usurpatas cum suis responsionibus ex Iacob. March.

Resol. pastor.

Q V Æ R E S I.

An omnis superstitio sit mortale peccatum?

Resp. negativè, nam quædam superstitio quæ est tantum superflui cultus, quædam etiam quæ vocatur observantia vana, potest esse venialis. Pro qua re adverte resolutiones casuum sequentium qui sat frequentes sunt, inter plebeios maximè rusticos.

1. Quandoq; præter morem Ecclesiæ ponitur Religio in quibusdam circumstantijs, vel rebus in quibus non est ponenda: v g. in numero, colore, situ, vt tot sint candelæ non plures, tot orationes dicantur, ad singulas orationes candela extinguatur, &c. In his & similibus non videtur plusquam veniale peccatum. Absq; tamen nota superstitionis. (vt idem Marchantius cit. & Bress. lib. 5. Cap. 27. n. 293. docent) signa aliqua etiam cum certo numero adhiberi possunt, cum spe non quidem certa; sed probabili finem ijs intentum obtinendi, non à Dæmone, sed à D E O. & Sanctis.

Ita non est dubium quin licitum sit & pium gestare collo appensas reliquias, & recitare quous

vis sine, quinquies Pater & Ave in honorem,
quinq; vulnerum CHRISTI, seruare octa-
uam, vel etiam nouenam, potius quàm septe-
nam, *v. g.* in honorem nouem chororum Ange-
lorum, similiuè motiuo: celebrare item triginta
sacra, quæ dicuntur Sancti Gregorij; eò quod
hic tot diebus curârit, orari pro defunctis. Si-
mili ratione nulli superstitionis periculo obno-
xium est, aliquam specialem gratiam spirituales,
vel corporalem ab vno potius sancto petere &
sperare, quàm alio, & ab eodem. *v. g.* B. Virgi-
ne, vno potius loco: vt Sichemij quàm alio,
&c.

Item non esse omninò illicitam & impro-
bandam piorum ac simplicium consuetudinem,
colligendi herbas festo S. Ioannis Baptistæ; eo-
dem vel alio festo secandi iumentis venam;
eadem iumenta nouies circumducendi circum
templum S. Antonij; ex primâ pecuniâ obla-
tâ crucifixo in die Parasceues comparandi annu-
lum, ad sanandum contractionem neruorum,
aliorum uè morborum. Quæ & similia super-
stitiosa essent, si tribueretur vis causis illis natu-
ralibus, non tamen si supernaturalibus, meritis
ac precibus Sanctorum, aut si fiant in honorem.
DE 1 vt communiter DD. Qui tamen pruden-
ter monent eiusmodi consuetudines abrogandas
esse, si facile abrogari possint, eò quod sapiant
superstitionem; si non possint, non esse damnan-
das, sed simplices docendos, vt ea faciant bona
intentione.

2. Observatio somniorum potest esse venialis, ratione simplicitatis personæ. Item qui licet fidem adhibere videatur somnijs, putans ob illa sibi aliquid prosperum vel aduersum fore, tamen non firmiter, sed tenuiter credit. Nec propterea aliquid facit, aut omittit, quod sit contra præceptum aliquod DEI, vel Ecclesiæ.

Si quis tamen ita deditus esset observationi somniorum, aut passim illâ in rebus agendis vteretur, non possit facile à peccato mortali excusari. Nam Leuit. 21. expressè DEVS prohibet: *Non augurabimini, nec observabitis somnia.* Dæmoni quoq; occasio sese illis intermiscendi suggeritur. Aduerte tamen absq; superstitione & scrupulo fidem aliquando haberi, scilicet probabilem, somnijs, vel profectis à causis naturalibus v.g. humoribus: quâ ratione medici colligunt ex somnijs corporis constitutionem, & humorem prædominantem, vel immixtis à DEO, Angelouè bono, cuius signum est secreta conscientię quies, & monitio seu excitatio ad bonum. Contrarijs signis deprehenditur eorum auctor esse dæmon. Vnde sequitur, peccatum esse eâ expressè intentione se ad somnum componere, vt somnijs reuelentur occulta: nam ita velles doceri à dæmone vel explicitè vel implicitè. Vnde in somnijs extraordinarijs est recurrendum pro consilio ad prudentes & timoratos.

3. Qui observant dies, credentes hunc esse felicem & tenent tales observationes, tanquàm regulas

regulas vitæ, non excusantur à peccato mortali, saltèm post monitionem. Qui hæc solum observant quandoq; , sed cum tenui fide, non videntur nisi venialiter peccare. Sic Sanchez putat solum veniale esse peccatum ordinariè, dum lutores chartarum mutant loca, vt abijciant malam fortunam; quia non credunt id firmiter. Et de similibus similiter judicandum est.

4. Qui observant euentus fortuitos, ex quibus coniectant aliquid alicui feliciter vel infelicitè euenturum; peccant vanâ superstitione; sed ordinariè non videtur plusquàm veniale; tum quia fides omninò certa non adhibetur; tum quia à maioribus se ita accepisse dicunt, nec apprehendunt id vt gravè malum; tum quia hæc ad causas sibi ignotas referunt. Sic ex occurso quorundam animalium, felis, vulpis, lupi, solent aliquid indicare felix vel infelix obventurum: sed sæpè vanissimè & stultissimè.

5. Ad divinationem quoq; necessarium esse (Bresserus citatus,) vt certius vel plus ex his signis colligatur, quàm naturaliter significatur: nam non est omninò illicita Astrologia naturalis, quâ non prædicuntur futura contingentia, sed naturales inclinationes. Quanquàm etiam circa has, est illa valde fallax, non tantum, quia difficile scitu est præcisè punctum cæli, cui natiuitas respondet; sed quia inclinationes aliarum causarum impediuntur. Simili ratione, non est omninò illicita nobis Chiromantia, pars physiognomiæ, nisi ex illa prædicentur non tantum

tum inclinationes; sed euentus liberi, matrimonium, paupertas, vel diuitiæ. Quare peccant mortaliter ij qui erroneos & vagos homines quos nos Ægyptios vocamus, (alij Zingaros appellant) percontantur, animo ipsis credendi de fortuna & de rebus futuris, quasi ipsi ex corporis lineamentis possint hæc cognoscere. Ratio est, quia cum hæc non nōtint ipsi nisi ex diabolico pacto, & suggestione; illos interrogando huic pacto communicas; & ne quidem causa, joci puto hoc facere licitum, cum ipsis datur occasio aut causa ad malè agendum. Isti homines non sunt digni qui in aliquam civitatem vel domum admittantur, cum etiam compertum sit per artem magicam pecuniam ipsos suffurari, templa clanculum ab ipsis expoliari; Multa scelera, tam virorum quam mulierum ipsorum. Martinus Delrio Dis. Mag. lib. 4. cap. 3. q. 5. recenset; & justè miratur quomodo Principes ista faciem hominum in suis terris tolerant.

QVÆRES II.

An licitum sit quod duo inter se paciscantur, ut qui prior defunctus fuerit, alteri appareat, & statum suum aperiat?

Resp. Id ordinariè loquendo non licere, tum quia vel culpa curiositatis hoc vix carere potest; vel quædam etiam DEI tentatio intervenit, dum volunt scire per media extraordinaria, quid in altera vita alteri contingat. Deniq; quia est periculum ne Dæmon inde capiat occasionem

tionem decipiendi; non enim infrequenter se-
immiscet his apparitionibus, quæ animarum
putantur apparitiones. Quod si aliquando le-
gitur factum in historijs Ecclesiasticis; vel DEI
instinctu speciali factum est, vel per bonam &
simplicem paciscentium fidem excusandum.

Q V Æ R E S III.

*Quomodo discernendi sunt spiritus apparentes,
an boni sint an mali?*

Resp. Aliquot regulas probabiles à Theolo-
gis hîc proponi: primò exemplo Iosue ma-
gna fiducia interrogandus est initio. *Num noster
sit, an aduersariorum?* S. Athanasius in vita S. An-
tonij. An sit ex parte DEI vel non. Si autem
fuerit à DEO, timor vertetur, mox in consolati-
onem & gaudium; si verò formido grauis per-
manferit, Spiritus malus videtur. Sic Angelo-
rum apparitiones olim primò visæ sunt cum ali-
quo terrore, at postea placidos reddiderunt eos
quibus apparuere. 2. Nihil promittendum his
spiritibus, si quidpiam exigant, nisi dicendo se
prius velle consilium inire cum pijs, & maximè
cum Pastore proprio aut Confessario; quod si
dissuadeat nè cuiquam reuelet, quod commu-
nicauit, omnia suspecta sunt. 3. Si superstiti-
osa, aut curiosa, aut falsa, aut contra sanam do-
ctrinam, aut in speciem mala tibi suadere con-
etur; Dæmonem esse iudica. 4. Si exhorret
signum crucis, aut res Sanctas. 5. Non facile
præsumitur bonus Spiritus, qui non in forma
huma-

humana, sed belluæ alicuius, aut in extraordinaria aliqua deformitate appareat. Interdum tamen in forma columbæ apparuisse animas legimus, & in illa non apparet Dæmon. Collige etiam dæmonem esse, si immanem strepitum & terrorem & molestiam excitet; nam, vix damnatæ animæ sic cerni solentur. Gemitus verò & suspiria seruire possunt etiam animabus de purgatorio venientibus; nisi impatientia iuncta sit, vel quid simile, quod damnationem arguat. Quod si nocumentum & damnum uiuentibus afferant, censentur potius Dæmones esse quàm animæ.

Ex his collige quid dicendum de quadam apparitione (subiungit idem Marchan.) paucis abhinc mensibus apud nos: Puero duodenni pecora pascenti apparuit mulier flexis genibus orans in veste candida, quæ se dicebat auiam defunctam quatuor abhinc annis, & ei planè in lineamentis similis erat, & ut talem puer agnoscebat. Petebat autem fieri duas peregrinationes vnam in vicinia ad Sacellum B. Virginis propè Mariæburgum; alteram ad B. Virginem dictam de fide, propè Dionatum: seq; aiebat voto ad hæc obligari: & addebat proxima Dominica, primam debere fieri, alioqui se quinq; annis adhuc in purgatorio mansuram. Puer indiscretè promisit, se cum matre eas peracturum. Quò non obstante adhuc ei apparet altera vice & die altera; tuncq; multa interrogat de Matre, de auunculis, an maritati sint, an adhuc uiuant, &c.

Tertia

Tertia vice apparens post aliquot dies puero offert duo pyra : at vbi signum crucis puer jam edoctus fecit, ceciderunt ibi pyra & mox euauit. Quarta rursus vice apparuit post dies aliquot; at post signum crucis etiam illicò disparuit. Itaque licet in candida veste apparuerit, & quasi flexis genibus & manibus complicatis orans, ac postea non nisi rem bonam, nempe peregrinationes fieri, & missam celebrari petierit, tamen cum ad signum crucis bis disparuerit, & cum pyra præsentârit, quæ & ibidem cecidere factò signo crucis & multa curiosè interrogârit; non est censenda fuisse anima purgatorij, sed deceptio diaboli. Item si excitet mentem ad superbiam, vanam gloriam, ad præsumptionem animi, ad desperationem, vel ad alium minus ordinatum affectum.

Item si vbi semel præstitum est quod subsidij causâ petijt, rursus quæsitis alijs occasionibus friuolis redeat; animæ enim vbi satisfeceris, vel non redeunt; vel semel tantum, vt gratias agant.

Item si blandè accedat, sed postea relinquat mærorem, desolationem, turbationem animi, tenebras mentis : boni enim Spiritus est illuminare, solari, & tranquillitatem animi asserere. Quod signum etiam habet locum, & obseruandum, quando non statim se Spiritus prodit vel dicit quid cupiat. Huiusmodi enim ordinariè pro malignis haberi solent, qui non statim indicant, quid velint; præsertim si turbent domum, aliq;

aliaq; faciant quæ tendunt ad nocendum hominibus.

Aduertant etiam sedulò curam animarum gerentes ad fallacias & technas dæmonum, quomodo se soleant teste Apostolo transformare in Angelos lucis: proinde etiam si initio se prodant, ut Spiritus boni solent, inquirent de secunda, tertia, & sequentibus apparitionibus, & faciliè deprehendent fraudem; non enim diu possunt lupi se tegere sub quina pelle.

Si autem post diligentem indagationem apparitio maneat dubia, an sit à bono vel malo Spiritu? adhibeant remedia & exorcismos Ecclesiæ ad se manifestandam.

QVÆRES IV.

Quomodo superstitio agnosci possit generali Regula in verbis adhibitis in aliquem effectum?

Resp. Quando verba adhibita, vel aliæ res, non habent naturalem ad id virtutem, ad quod adhibentur, vel supernaturalem ex DEI vel Ecclesiæ instituto; semper est pactum saltem implicitum cum dæmone. Hinc illi mares vel faminae peccant mortaliter post seriam admonitionem, qui dolorè oculorū, capitis, &c. Siue hominū, siue pecudū pecorumuè sanant vanis suis orationibus, signationibus, mēsurationibus (non includo hīc noscentes virtutem herbarum, illasq; per modum medicinæ, siue lauacro, siue alio modo applicantes) qui curant febres charutis, qui cribrum vertunt cum nominibus Sanctorum,

clorum, vel caseo certis literis signato vti iubent,
aut specula ex vitro, vel oleo cum fuligine mi-
sto inspiciunt, ad deprehendendum furem, qui
excantant arma: vtuntur characteribus, &c.
Addit Bresserus lib. de Consci. Qui adhibent
imagines, Reliquias, signa crucis, preces: quibus
supradictis certò confidunt se sanandos & eui-
taturos pericula, pestem, idq; quamuis adiun-
gantur medicinis, habentibus quidem aliquam
sed incertam vim curandi. Prædicta tamen, ex
deuotione portare licet, sed sine impertinentibus
circumstantiis ac signaturis. Orationes autem
si piæ sunt potius recitandæ.

Defendunt hîc aliqui suos errores per oc-
cultam sympathiam, aut antipathiam natura-
lem; verum id irritò conatu; cùm nec ratio-
ne aliquâ, nec longâ certâ & vniuersali experi-
entiâ physicâ id probare possunt: quare in du-
bijs ad peritos Physicos eosq; bonos Catholicos
est recurrendum. Multò minùs ipsis suffragetur
opinio ex peruersa Philosophia quæ dicitur oc-
cultæ, sumpta de familiaribus spiritibus, quasi à
DEO in nostrum ministerium missis; à quibus
aliquando isti miserimè suffocentur, & ad eos re-
currentes damna maiora pro lucro, si quod
aliquando reportant, referunt: insu-
per & excommunicationem
maiores incurrunt.

§. 5.

De remedijs contra maleficia.

QVÆRES I.

Quomodo maleficia sunt tollenda?

NE maleficia maleficijs, quod aliquando inter rudes euenit tollantur; operæ pretium dixi aliqua hîc remedia pro dando consilio per Sacerdotes hominibus maleficio afflictis apponere. Maleficia igitur, præter illa quæ fiunt per puncturas imaginum, assationes certarum materiarum, percussiones saccorum, aliasq; peruersas actiones; vt plurimum quadruplicia inueniuntur. Quædam enim abconduntur sub liminibus, lectis, vel ipsis lectisternijs, vestibus, aut in ijs locis in quibus homines, vel iumenta solent morari; aut per illa transcurrere, aliquando abduntur in puteis, sub cacabis, cadis, ad corrumpendam cereuiciam, crematum; Martinus Delrio (cuius librum sextum suadeo legendum Sacerdotibus prout Iudicibus & quintum Laymanis ac Tannensis de maleficis) recenset quoddam exemplum de defosso in puteo maleficio contra partum cuiusdam foeminae nè conciperet. Quædam dantur in cibo vel potu ab ipsis maleficis, aut in somno operâ diaboli in hominem ingeruntur. Quædam ex humore aliquo aut liquore confecta: quædam deniq; ex pulueribus venenatis asperguntur in ostia domorum, in habitationes, ac in ipsos homines, per quæ

quæ dæmon juxta pactum cum sagis initum multa mala operatur, ac sensim magis magisque suam malitiam radicât, usq; ad totalem obsessi-
onem, vel internecionem hominis, nisi tempesti-
uè obuietur.

Nè tamen Parochus aut alius Sacerdos in-
his decipiatur, inprimis non facile credat, ali-
quem obsessum aut maleficiatum: nam potest
alicuius caput aut corpus melancholiâ, dictâ hy-
pocondryacâ, quam medici paruum dæmoni-
um appellant, plicâ vulgò dictâ Gozdziec quæ
ex aquis infectis, vel vitio nativo parentum
(præter facturam maleficam) aliouè noxi hu-
more in stomacho fortius hærente, ipsumq; in-
ficiente oritur: aut nimia solitudine, aut
phantasiæ apprehensione, aliouè morbò extra-
ordinariò, attamen naturali, variari, contor-
queri, affligi: præsertim in fæminis propter ob-
structionem menstruum etiam in primordijs,
aut partûs cruditatem, &c. Potest aliquis per
phantasiam minùs bene compositam, vel mor-
bum acriorem multa exotica sibi imaginari, de-
inde effutire, cum motu furioso, quæ rudes mi-
rantur, illaq; tanquàm à dæmone obsidente ex-
citata pertimescunt.

Deinde videat an appareant signa verâ ma-
lefici (obsessionis enim faciliùs deprehendun-
tur) quæ hîc ex Manuali exorcismorum appro-
bato deprompta appono.

I. Si periti medici non cognoscunt morbum
vel malum, quò afflictus laborat, nec aliquid

certi de illa nōrunt, vel possint iudicare, nec remedia conuenientia adhibere: vel si adhibita videantur non solum non prodesse, sed potius malum augere.

2. Quod morbus sit valde inconstans, & licet periodorum naturam referat, raro tamen periodos seruet, & licet similis videatur naturalibus morbis, in multis tamen discrepet, vt potè quod instar naturalium morborum non crescat paulatim, sed statim ab initio nullis præexistentibus peccantibus humoribus, cum grauissimis symptomatibus & doloribus prodeat: quod ægrotans emitat luctuosa suspiria absq; manifesta causa.

3. Solent præterea veneficiō læsi habere oculos constrictos, totam cutem, præcipuè faciem, vt plurimum flauo, seu cinereo colore suffusam, humores desiccatos, & totius corporis extenuationem & extraordinariam maciem, virium imbecillitatem cum summo languore. Omnia membra videntur habere ligata & constricta, præsertim cor, & os: videntur sibi habere bolum in orificio stomachi, vel aliquid instar boli videtur in guttur ascendere & descendere. Extraordinarias instar acuum puncturas sentiunt in corde, vel alijs partibus corporis. Aliquando cor illis quasi corroditur, & renes dilacerantur.

4. Solet instar venti frigidissimi, vel etiam flammæ per ventrem aliquibus discurrere cum tortionibus acerbissimis.

5. Solent aliqui ad Venerem reddi impotentes præter naturam.

6. Maleficiati vt plurimum præter naturam toto corpore extraordinariè extenuantur, & debilitantur cum summo languore, & mentis stupiditate, & varijs melancholicis delirijs. Laborant etiam diuersis febrium generibus, medicis multum negotij exhibentibus: habent conuulsiones ita vt epileptici videantur. Aliquando omnes corporis partes tumescunt, aut talem circa corpus sentiunt lassitudinem, vt vix se mouere possint.

7. Veneficio affecti sæpè faciem Sacerdotis vix aspicere valent, oculis saltem intentis, & albam oculorum varijs modis illis immutatur.

Prudenter & discretè Exorcista desumat indicium veneficij ex signo quod quidam tradunt; nimirum quod quando venefica ad visendum ægrotum accedit, statim infirmum ingenti molestia afficit terrore & tremore corripitur: si puer sit, statim plorare, oculosuè ad fuscum colorem mutare, vel alias mutationes in ægrotis obseruari. Si quando Sacerdos illa signa aduertit, cauebit illa indicare parentibus, aut amicis, aut assistentibus, nè hinc det occasionem malæ suspicionis, rixæ, odij, aut aliorum incommodorum: ipse autem pro discretionem suam illis poterit vti in bonum suum finem.

Licet præter prædicta signa sumpta ab effectu, & alia considerare sumenda, à causâ morbi vel mali inflicti, vt si morbus vel malum experit ex intensissimo alicuius amore, vel magno vel iniquo odio: si præcedentibus maledictis

vel minis alicuius suspecti de maleficio subito oriatur; si instrumenta maleficij inueniantur.

Aduertat autem Exorcista, non fore necessarium, ut omnia hæc signa in ægro inueniantur; sed sufficere si aliqua pro diuersitate morbi seu maleficij concurrant, quæ moralem aliquam certitudinem vel magnam probabilitatem dant. Maximè attendet ad iudicium medicorum qui licet absolute non iudicent malum esse à maleficio; si tamen de eo dubitent, hæsitent & ambigui animo huc & illuc agitentur, nec quicquam certi de illo norint, vel audeant proferre: in remedijs applicandis varient, & nihil solaminis adferant: signum erit esse veneficium operâ dæmonum illatum, modò saltem concurrant alia signa superius posita.

Licet Exorcistæ fuerit moraliter certum, aliquem morbum esse à maleficio, vel quempiam esse obsessum non idèò reijcere debet medicamenta naturalia, vel illa dissuadere; sed dando primas spiritualibus remedijs, procurabit etiam, ut afflictus subinde ex præscripto medici utatur huiusmodi medicinis, quæ corpus eius possunt reddere minus aptum vexationibus dæmonum: nam licet nulla sit naturalis rei corporeæ vis, quæ dæmoni possit præualere, aut directè in illud aliquid agere, teste Sacrà Scripturâ Iob. 41. indirectè tamen & mediatè naturalia possunt iuuare contra eius conatus, impediendo vel auferendo eius dispositiones illas, quibus dæmon dele-

deleatur, vel utitur ad nocumentum juxta
Lyran. in 1. Reg. 16. Huiusmodi tamen reme-
dijs naturalibus nullo modo se intromiscebit
Exorcista, sed illa committet peritis medicis, sed
bonum erit ut antequam applicentur vel suman-
tur, prius benedicantur ab Exorcista, vel alio
Sacerdote, juxta illud Adriani Papæ 1. Elemen-
ta quoq; tam ea quæ prædiximus, quàm cætera
diuinis apta vsibus, & humanis necessaria in-
firmitatibus Sacratè, infirmos curate, & cætera
quæ ad vos pertinent diligenter perficite. Bene-
enim aduertit Sanchez lib. 2. Mor. cap. 24. Ma-
leficiatos per solos Exorcismos rarò curari;
nam idem experientiâ constat.

Si ergo rationabilis suspicio de absconditis
maleficijs subintrat, ipsa in illis locis supra no-
minatis inquirantur, inuenta statim ne noceant,
aquâ benedictâ aspergantur, & extra domum,
vel in quopiam loco separato à rebus utensili-
bus nè fumò illò inficiantur in vase aliquo (nam
in terra nuda ob eius frigiditatem non possunt
consumi) cum recitatione orationis Dominicæ,
salutationis Angelicæ & Symboli, cum aspersi-
one aquæ lustralis, ubi non adest Exorcista,
comburantur; reliquum in luto subterretur,
nè inde aliqua malefica quidpiam recipiat.
Hanc destructionem instrumentorum passim
moderni Doctores approbant. Quisq; enim
(Bassæus V. Malef. n. 5.) habet jus tollendi &
destruendi ligaturas, nodos, volumina capillo-
rum, & alia signa malefica posita à maleficis cō-

fine, vt Diabolus desinat nocere; etiamsi ex ablatione signi malefici aliquod damnum malefico, aut alteri sequatur; eò quod ita dæmon pactum inierit cum ipso malefico; quia ex parte tollentis hæc signa nulla intercedit dæmonis inuocatio vel cooperatio. Imo vt docet Lessius lib. 2. cap. 34. dub. 6. licet illa ponere, quibus positis expirat vel destruitur pactum prius; & diabolus desinit nocere; vel certe priora signa vim suam amittunt.

Hinc resoluuntur hi casus quotidiani. 1. Si Saga te tangit vt inficiaris, & reperiendo impediatur nocumentum, id tibi licitum erit; siue quia dæmon statuerit tunc non nocere, siue quia tunc signum veneficæ non est tale, quale ipse requirit. 2. Dum quis est infestus à Saga, dicitur cessare nocumentum, vel reddi inethicax, si infestus det illi panem & salem, vel ab illa panem accipiat; id si verum est, licitum erit: quia cum forte statuerit diabolus his positis non nocere, mihi licitum est aliquid facere, quod sit indifferens, vt eius pactum expiet. Hæc Lessius in particulari, hos casus per modum exempli posuit. Vide plura exempla multum pro praxi conducentia in lib. 6. Martini Delr. Disquisit. Magicarum.

Petes quomodo cognosci possunt loca in quibus maleficia sunt abscondita? *Resp.* Ipse maleficiatus obseruet in quo maximè loco maleficijs affligitur. v.g. Si in suis stratinis nullatenus potest quiescere, & potest sine dolore in alienis; si
in sua

in sua domo semper ægrotat, & extra fit sanus, &c. Rem breuiter de tali calu, cui præsens aderam affero. Per inuidiam quædam procuratrix alodij Claromontani, subordinauerat Sagam contra sibi in illo officio successorem, vt ipsam impotentem cum suo marito ad omnia faceret, vnde hæc denuo recipereur. Facturam malam pessimus effectus est consecutus: nam tres dæmones hanc possederunt, ac se per maleficia ingressos edixerunt, quartum autem dæmonem in ipsa domo expectare tempus quò maritum suum obsidere posset. DE I gratiâ, tres illi datis signis per exorcismos expulsi, quartus domi terrores nocturnos excitabat. Vnde domus debuit benedici & exorcisari; sub tempus exorcismorum, illa in qua adhuc maleficia hærebant, orabat Canticum D. Virginis. *Magnificat*; cum cære Sacro, cumq; peruenisset ad cornu mensæ vbi ordinariè solebat sedere, cepit repente vociferari, indicareq; se in illo loco graui dolore concussam. Vnde suspicio suborta statim est, nè aliquid ex instrumentis genialibus lateret; vnde in illo spatio terra effossa, vbi terræ exhalationis materia est inuenta, post cum aqua & igne benedictis combusta.

Si autem maleficia sumpta fuerint in cibo, vel potu, contra illa sunt adhuc bendæ medicinæ, vide Thesaurum Exorcismorum, cum Exorcismis, nè dæmon virtutem illarum impediat; quæ in defectu libri exorcismalis possunt benedici ad instar aquæ; mutato vocabulo aquarum in

nomen elementorum prout habetur in oib. Manuali, hæc autem pharmaca medicus; vel in villis aliquis probatæ experientiæ præpareret. Noui quendam nobilem qui sanctè affeuerabat se ad quinq; millia florenorum polonicorum pro recuperanda valetudine expendisse, sine villo profectu sanitatis, tandem cum deprehendisset, ex maleficio illum morbum sibi accidisse, sumptis benedictis medicamentis, & adhibitis exorcismis per duas hebdomadas sanitatem integram adeptus est.

Contra maleficio ex liquore vel puluere confectum, adhibendum esse lauacrum ex herbis benedictis, vel sale exorcisato tempore congruo; juxta qualitatem complexionis personæ, prout prudentes judicauerint: Item si sint maculæ aut signaturæ; ad illas delendas vtendum est vnguento v. g. in villis ex farina albi synapis cum melle viscoso & cremato misto, cui saltèm aqua benedicta vel sal exorcisatum addatur; post vnctionem, & lauacrum signaturæ, loca oleo benedictio inungantur.

Maleficio quoq; quod in liminibus domorum per puluerem constructur, ex quo illud transgrediens acerrimò dolore ad grauem defectum, vel mortem contorquetur; potest tolli in patiente per lauacrum ex herbis vel saltèm sale benedicto paratum, & per vsum olei benedicti tam in sumptione, quàm in vnctione. Si necessarium fuerit poterunt prædicta aliquoties iterari, præsertim dum sunt maleficia inuenterata.

terata. Fores, limina, vel aliqua pars domus aliquo modo ex supradictis vitiata radatur, & illæ rasuræ cum conspersione aquæ benedictæ, in loco remoto ab utensilibus comburantur, postea partes rasæ herbis benedictis lauentur, oleo benedicto vngantur, loca in quibus maleficia delitescabant, sale vel aqua benedicta mundentur, & si videbitur terra recenti impleantur. Hæc proportionaliter accomodentur ad destruendas facturas circa cereuissiam, crematum, &c. Ut illa lustrentur, aquâ benedictâ vasa benedictis herbis lauentur, &c.

Generaliter loquendo doceantur isti miseri, magnificare res ab Ecclesia benedictas, illasq; adhibere, vti sunt sal, aqua, herbæ, thus, frondes palmarum, oleum oliuarum (cuius benedicendi formula habetur in Rituali Romano) cerei Sacri, cera paschalis, seu grana S. Sabbathi: nam non ob alium finem ista benedicuntur, nisi vt per illa tollatur omnis immunditia, omnis potestas aduersarij, prout in formulis benedictionum clarè apparet, & non recurrant ad Magos aut Sagas, nè fiant istis mediantibus discipuli, amici aut subditi diaboli. Nam si ille permissu diuinò per illos aliquid boni istis fecerit; licet ignorent illud esse beneficium diaboli: nihilominus illè aditum & quodammodo ius ad eos acquirit; cuius rei vtinam nunquam exempla habuissimus. Profecto eligibiliora esse verbera, quàm beneficia à diabolo præstita, probant historia Ecclesiasticæ. Vnde S. Leo

Serm.

Serm. 19 de passione dicit beneficia diaboli esse nocentiora vulneribus, & Less lib. 2. cap. 42. dub. 13. n. 71. Omne diaboli beneficium ait esse maleficium.

Deniq; magnam habent vim ad depellenda, vel saltèm alleuianda malicia exorcismi Ecclesiæ. In defectu approbati Exorcistæ, dùm superuenit aliqua grauis necessitas, meo iudicio sufficeret ille solus Exorcismus qui in Agendis nostræ Prouinciæ, contra maleficia cum suis documentis habetur; si aliquoties inter psalmos graduales, aut inter horas officij D. Virginis supra patientem, vel afflicta pecora insimul congregata repetatur. In dubio autem an sit maleficium, Exorcismi debent primò proferri priuatim sub conditione, ac per modum deprecationis ad DEVM, vt ipse per inuocationem nominis sui benedicat recurrentibus ad se: nam exorcizare nihil aliud est, quàm increpare & imperare demoni nomine DEI; vnde exorcisatio similis est iuramento, quod debet non temere fieri. Charitatiui Parochi poterunt per supradicta multis rudium abusibus obuiare & multa mala non tantùm animæ, sed etiam corporis impedire, DEO adiuuante & suos defectus supplente. Exorcismos supra obsessos ex maleficijs non ausim supra tres horas continuas facere, nè natura per eiectionem maleficiorum violentam; grauitè cum periculo mortis lædatur.

QVÆ-

QVÆRES II.

Quid consilij contra philtrea amatoria.

Resp. Cum Manuali. Curabit curam animarum gerens, ut huiusmodi afflicto, vel afflictae tempestiuè applicentur remedia, tam naturalia, quam spiritualia. Naturalia ut per medicinas refrigerantes & imminuentes ardorem libidinis, & per expellentes, sumptum venenum tollant, vel imminuant. Spiritualia, quæ carnem macerant, & doment: qualia etiam sunt vitatio conspectus rei amatae, occupatio mentis in curis grauioribus & pijs, lectio bonorum librorum, cogitatio mortis, iudicii & inferni contemplatio, vilitatis corporis humani, quid fuerit ante animationem; quid nunc sit, sublatâ cutis tenuissimæ pelliculâ, quid cum anima recedet, futurum: meditatio deniq; passionis & mortis Domini nostri, & alia quæ mentem ægrotantis auertere à nefario amore possint, & inducere possint sanctum feruorem erga DEVM.

Suadebit ei etiam frequentem vsum Sacramentorum, Confessionis, & Sacramenti Altaris, aliaque pia opera.

QVÆRES III.

Quid contra Incubos?

Resp. Dæmones incubos & succubos hominibus infestos ex D. Aug. lib. 15. de ciu. Cap. 23. & alijs Patribus cognoscimus, illosq; esse ex numero eorum, qui in isto aëre caliginoso propter exercitium nostrum versantur. Hinc illa fabulae
quæ

quæ inter vulgus fertur; quasi incubus nascatur ex sæmina grauida mortua sepulta, & de sepulchro exeat baptismum requirens, quem si non obtineat, transuolat in aëra, &c. omninò exterminanda est. Hæc enim aliquando dæmon vsus, decepit quandam sæminam, cuius animum viderat contra suam dominam valde exarcebatur, indeque persuasit fingens se ipsius modo supra dicto cognatum, vt ipsam grauissimis maleficijs inficeret suam injuriam ultura; quod ipsa illo dæmone cooperante strenuè effecit, postea capta, pœnas promeritas exoluit. Verùntamen non faciliè in similibus omnibus fides adhibenda, præcipuè sæmineo sexui, mirabilium formarum in imaginatione susceptiuo. Proinde Exorcista vel curam animarum habens, examinabit hæc prudenter cum Medicis & Theologis peritioribus. Si constet probabiliter aliquem dicto modo vexari, contra voluntatem suam, adhibebit remedia & Exorcismos. Confiteatur Sacramentaliter frequenter summâ quâ poterit animi contritione, præmuniat se Sacramentum, in precibus sit assiduus: inter omnes preces sæpius legat Orationem Dominicam & salutationem Angelicam, his enim multos ab hac vexatione liberatos constat varijs exemplis. Alia deniq; adhibeat, quæ superius præscripta sunt contra ligaturas, philtrea, &c.

Volunt aliqui loci mutationem contra hoc malum aliquid posse: sed potius dormitorium & lectus afflictæ sæpè benedicenda ordinarijs
Eccle-

Ecclesiæ benedictionibus, & rebus benedictis
suffumiganda. Videat etiam prudens Exorci-
sta, verum hæc afflictio non infligatur à D^Eo
aliquando feminis, ob nimiam curiositatem in
vestibus, ornatu crinium, & similibus, quibus
non contentæ, naturali suâ pulchritudine, vari-
is fucis & medijs student alicere viros in sua-
morem. Quid sit D^Eo permittente, vt fiant
Iudibrio dæmonibus, quæ nimium gloriantur in
suâ pulchritudine. Tales adducendæ ad com-
punctionem peccatorum suorum, & emenda-
tionem vitæ, quæ in posterum ab huiusmodi la-
queis abstineant, & se componant ad mode-
stiam, humilitatem, & verecundiam decentem.
Simili modo agendum est, cum ijs qui se dæ-
moni siue per sygraphas, siue alio modo de-
nouent, eiusque operâ vtuntur; vt isti statim
ac veniunt ad Sacerdotem abrenuntient diabo-
lo, per contritionem sinceram CHRISTO se
subijciant, & alia præstent quæ sunt posita de
formalibus maleficiis. Consultissimum est vt
huiusmodi maneant per aliquot tempus penes
timoratas personas, vel in aliquo Monasterio.

QVÆRES IV.

Quid cum terroribus nocturnis agendum?

R^{Esp.} Hos aliquando vel ab insolentibus ho-
minibus vtriusque sexû, per certas astuti-
as fieri, etiam cum damno domesticorum, vel à
dæmone per cooperationem alicuius personæ,
quæ vel cum incubo, vel alio malo spiritu ha-
bet fa-

bet familiaritatem, excitari. Quare præmature est res consideranda; & si tales personæ deprehensæ fuerint, vel puniantur, vel expediantur. Si autem à solis spiritibus terribilissima cau-
 fantur, præmissis jeunijs orationibus, Sacro mis-
 sæ officio, adhibitisq; cereis Sacris, Agno DEI,
 cerâ paschali, suffitu benedicto, aquâ lustrali, pal-
 mis, instauretur exorcisatio, in eum modum
 quem fecit P. Ioannes Gobi Ord. Præd. prout
 habetur in prima decade quæstionum peregrino-
 rum q. 2. Cap. 4. Is enim vocatus in quandam
 domum, in qua anima purgatorij noctu pœnas
 lugebat, post crepusculum vespertinum cum so-
 cijs officium Defunctorum recitabat, post stre-
 pitu exurgente ita orsus est. *In nomine Patris &
 Filij & Spiritus Sancti adiuro te creatura DEI,
 per potentiam DEI infinitam, per eius sapientiam
 ineffabilem, per eius bonitatem indicibilem, per vir-
 tutem Sanctissimæ Trinitatis, quibus omnia crea-
 uit, per mysterium Sanctæ Incarnationis, Passionis,
 & Resurrectionis Domini Nostri IESU CHRI-
 STI, per virtutem omnium ordinum Sanctorum,
 Angelorum, & per omne illud quod DEI virtute
 te potest plus astringere, constringo & astringo, nè
 recedas de loco hoc, ad ea de quibus te interroga-
 uero veraciter responsura. Vbi primò quæsiuit an
 esset Spiritus bonus vel malus? quis esset & quid
 vellet? &c. Quibus cognitis illam animam di-
 misit, & pro illa quæ petebat facienda deman-
 dauit, vbi amplius illa infestatio non est audita.*

illa

Illā quoq; f-bula, quæ inter plebem in aliquibus locis spargitur, quali mors tempore pestis, plateas aut compita viarum obambulet, est per Sacerdotes si quando deprehenditur comprimenda, idq; potissimum propter pericula furtorum, vel homicidij, aut grandiores perturbationes, quæ ex ipsa oriri solent: Mors enim nil aliud est quàm separatio animæ à corpore. Quod si aliquando istiusmodi spectra tempore pestis appareant, illa non sunt mors sed immisiones per Angelos malos in pœnam peccati factæ, de quibus scribit Baronius sub Anno D. 544.

Q V Æ R E S V.

Quis modus Exorcisandi circa animalia per maleficia afflictā?

In primis attendendum, an fortè ex causis naturalibus animalia ægrotent, vt potè ex deuoratis araneis sese pabulo ingerentibus, aut aliorum venenatorum, animalculorum morfu, ex aëre præ stabulorum immunditia vitiato, à bufonibus alijsnè serpentibus, qui sæpè dum lac exugunt vbera lædunt.

In iuuandis brutis animalibus maleficiatis, procedet Exorcista, exhortando inprimis patrem & matrem familias omnesq; domesticos ad feriam pœnitentiam & vitæ emendationem, vt cum verâ cordis humilitate & Spiritûs contritione ad D E V M conuersi agnoscant damna hæc ipsis immitti, à bono iustoque D E O propter peccata; inter quæ numeranda sunt iuramenta,

& ex-

& execrationes animalium, ad correctionem & probationem ipsorum.

Quôcirca peccatorum suorum per bonam & salutarem coram Sacerdote confessionem, à DEI misericordia veniam implorantes, meliora serò proponant; & sic in statu gratiæ constituti, in DEI clementia fiduciam omnem collocent; parati se Divinæ voluntati, quidquid ei placuerit, conformare.

A superstitionibus alijsq; diaboli, & ministrorum eius hominum imposterum fraudibus cauebunt, scientes ab Ecclesia vetari omnia illa quæ non sunt instituta à DEO, vel ab Ecclesia ad consequendos effectus supernaturales. Unde in colligendis herbis pro alimento bestiarum nullas adhibebunt circumstantias vanas, & ad rem non facientes, sed legent Orationem Dominicam, Salutationem Angelicam, vel Symbolum fidei; expectantes subsidium à DEI misericordia, quâ illos exaudiet suo tempore. Et quia Ecclesia pia & sollicita mater, etiam exorcismis & adiurationibus secundum potestatem sibi à DEO factam, diaboli conatus & insidias repellere studet, & creaturas humanis necessitatibus destinatas non modo in naturalem; sed etiam in salutarem usum per orationes ac benedictiones sibi iterum asserat & benedicat; prout videre licet in benedictione salis, aquæ, & similium rerum, quæ in sacrationem usum, ab Ecclesia assumuntur, iuxta doctrinam Apostoli dicentis, omnem creaturam bonam esse, & sanctifican

Sanctificari per verbum DEI & orationem, licet etiam hanc sanctificationem extendere ad peccora & eorum pabula, quæ quidem quoad præsens attinent, in hoc posita est, ut ad convenientem & salutarem usum, repurgentur à diaboli fraudibus & nocumentis, nè (quod scriptura ait) creaturæ quæ ad commoditatem homini subseruiunt, per insipientiam fiant decipulæ & captionis laquei.

Formulas Exorcismorum & benedictionum, nullus Sacerdotum & Exorcistarum uti præsumat, sed illas retineat quæ ab Ecclesia in usum receptæ sunt, & à veteribus usitatæ: non tantum ut tutiores simus à superstitionibus & erroribus alijs; sed etiam quia efficacior est oratio nostra, quando cum Ecclesiæ precibus viuaciter coniungitur. Ad quam rem confert etiam, ipsa verba ab Ecclesia usitata, in quantum fieri potest retinere. Hoc negotium potius consistit in confidentia ad DEVM, charitate & perseverantiâ orandi, exorcisandi, quàm in novis exorcismis.

Quæ iam generaliter dicta sunt, ad particulares usus facile applicari possunt pro loco & rerum occurrentium necessitate. Sed (ut diximus) præcipua cura esse debet de apparatu, hoc est, ut per veram penitentiam ad DEVM ex corde conuertantur, qui in afflictione remedia quærunt. Hoc autem dicitur potissimum, propter formularios illos, qui diuersas agendi formulas conquirunt; & si per unam non succedit,

dit, subiinde aliam atq; aliam adhibent: tanquam sic in forma agendi principalis virtus collocanda esset, cum multò maior sollicitudo esse debeat de pietate & præparatione ad orandum, quàm de forma agendi.

Absq; scrupulo in omnibus (modò nihil admisceant superstitionis) vti possunt aquâ benedictâ, sale & pane benedictos, ramos palmarum ab Ecclesia benedictos suspendant in domibus & stabulis suis, cereum benedictum in die Purificationis accendant, & in locis infestatis collocent, & similia approbata remedia adhibeant, quorum effectus & vis à D E o est, & expectatur per preces Ecclesiæ fusas in hunc finem.

Hâc breuiter instructione, Exorcista ibit ad stabulum & locum vbi sunt animalia afflicta, dispicietq; nè fortè sint aliqua maleficij signa sub limine abscondita, aut terræ infossa, vel in medio stabuli ad præsepia, eaq; auferri curabit. Quæ cautio nonnullis qui totius stabuli terram ad aliquam altitudinem effoderunt, optimè cessit. Deinde omnibus domesticis ad orationem inuitatis, ipsum stabulum & animalia aquâ benedictâ asperget. Postea leget clarâ voce, flexis genibus, si commodè possit, Litanias Sanctorum. Exorcizemos vel saltèm illum qui ponitur in Agendis repetendo prout iam dictum est.

Si autem saluis iumentis existentibus lac, butyrum, aliæue res per incantationes inuisibiliter auferuntur: quærantur maleficia sub limine per totum spatium incipiendo à subliminari-
bus

bus (nam contra oues quia penes illa intrant
ibi abscondi solent) ante & post ingressum;
ipsa pecora exorciscentur, suffumigentur, oleo
benedicto circa vbera iubeantur inungi, cum id
non tantum contra morbos; sed etiam contra
facturas diaboli benedicatur.

Optimum etiam medium est ad comprimen-
da maleficia, ut quoties alicubi siue circa homi-
nes, siue circa pecora manifesta apparebunt; fi-
at inquisitio à Domino loci, aut eius factore,
aut villico, qui primum habeat breuem sermo-
nem ad conuocatos utriusq; sexus subditos;
de manifestatis maleficijs, de graui offensa DEi
quæ sit per maleficia, de periculo damnorum,
&c. Vnde nē ulterius malum serpat, veraciter
edicant si aliquam de veneficijs vel alijs quæ su-
perstitutiones vsurpant, noticiam habeant; v. g.
Si aliqua persona sit quæ ossa mortuorum, ter-
ram ex sepulchris, rorem ex alienis frumentis
colligat: quæ signa passionis CHRISTI in
campis erecta abradat, illa retrò circumbeat,
quæ pecorum in campos prodeuntium vesti-
gia colligat, ad cuius domum pecora aliena
impetuosè currunt, cornibus petunt, quæ gra-
ues & frequentes maledictiones, dæmones in-
uocando vsurpat, &c. Postea cum assessoribus
duobus vel tribus, congregatos sigillatim aduo-
cent, & ab alijs relata annotet; tandem ex al-
legatis & probatis maiorem vel minorem fusti-
gationem infligat; atq; serio seuerèq; commi-

netur, nisi ab his malis desistant, mortem. Hic modus alicubi optimè successit; nam exorcismi, aliaq; remedia non proficiunt perfectè, quando malefica iteratis vicibus sua nocumenta immittit, aut sublata renouat; illum abusum Parochi alijq; Sacerdotes omnibus modis current exterminandum, quo Domini aliqui, aut Iudices ex denuntiatione vnius personæ, sine sufficientibus signis, aut iustis probationibus tradunt denuntiatus ad torturas.

QVÆRES VI.

An sit licita probatio per aquam quâ aliqui in maleficis indagantibus vtuntur. E. g. dum quas indice fama, vel aliarum depositione, aut aliquo signo suspectas habent; eas statim absq; ulteriore inquisitione capiunt, captasq; extra ciuitatem aut pagos deducunt, & in aquam frigidam ita coniiciunt; ut dextra manus sinistro pedi, sinistra verò dextro pedi sit alligata; & si supernatat, veneficas vebementius suspicantur, & id circò duriori subijciunt questioni, sin. submergantur, innocentes esse credunt: quaritur ergo an licite istud fiat?

R *Esq.* Martinus Delrio Disquis. Mag. l. 4. cap. 4. q. 4. negativè quam doctrinam solidis rationibus cum sufficienti solutione obiectorum stabilit; præcipuas autem ponit; tentationem DEI, & pactum cum dæmone tacitum. Deinde quia

de quia ista proba est incerta; possunt enim vere veneficæ ex nouo pacto dæmonis demergi; possunt aliquas innocentes maleficio tali inficere, vt supernatent. Item possunt esse aliquæ huius sceleris immunes, talis complexionis, vel ita leues reddi vt aliquando accidit lunaticis; vt non faciliè submergantur: prout etiam de effætis mulieribus dicitur, quod non citò aquis obruantur: quo argumento quædam in Cuiavia se non ineptè defendit: licet (inquit) gallina quàm diu oua parit, tam diu multum grauitat; aliàs post leuior redditur; ita vos dum me senem foeminam, marcidam, exsuccam aduertitis; inde conijcite quantum possum grauitare, vt faciliè in aquas deprimar, tam gracili complexione? Deniq; quia iste actus fit quandoque contra honestatem naturalem, & quod maius est, cum periculo iniuriôsæ infamationis.

QVÆRES VII.

Quid de Lycantropis.

Resp. Si ex vitio excedentis melancholiæ, aut læsæ phantasie, aliquis se putat esse lupum & efferascit; medicinis est curandus. Si ex maleficijs; exorcismis, & rebus ab Ecclesia benedictis muniendus. Si se talem ob lucrum aliquod fingit (vt aliquando in villis accidit) vel per artem Magicam sese in lupi figura exhibet, ac nocet, deprehensus grauius puniatur. Possunt enim dæmones (Less. lib. 2. Cap. 44. de Mag. dub. 3. n. 19.) corpora animalium & ho-

minum transformare; non quidem intrinsecè figuram mutando, sed extrinsecus ex vaporibus aliam circumponendo. Sic aliqui operà dæmonis aliquando conuertuntur in speciem lupi, & dicuntur Lycandropi, quasi dicas lupi homines: accomodant enim se ad speciem bestię, quantum possunt, manibus & pedibus incedendo: & diabolus adiicit reliqua, circumposita alia figura, ità vt speciem lupi exactè referant: deinde ingreditur, mutat phantasiam & animum, ferinum inducit, quod ei perfacile est, commotis humoribus & venenatis succis adhibitis, deniq; agilitate lupina corpus regit, hinc fit vt tales inuadant, lacerent, & deuorent homines, vt veri lupi solent. Potest etiam veram bestiam (homine repente sublatò) substituere, ita vt ipse homo oculorum iudicio videatur in lupum conuersus: quomodo D. Aug. lib. 18. de ciuit. Cap. 18. docet. Socios Diomedis conuersos fuisse in aues; & Iphigeniam in ceruam. Simili modo credibile est virgas Magorum conuersas fuisse in serpentes: non enim diabolus causas naturales virgis applicando poterat tam breui tempore, ex materia tam dissimili veros serpentes efficere. Potest etiam homine consopito, ipsemet formam bestię assumere, & in eo varia ministeria subire, & interim per alium dæmonem efficere, vt ille homo dormiens videatur sibi in bestiam mutatus; hæc omnia præstare. Hoc modo D. Aug. loco citato pu-

tat socios Vlyssis mutatos à Cyrce venefica in porcos: & alios quosdam suo tempore, veneno in caseo accepto à fæminis stabularijs conuersos in iumenta, quæ onera gestabant, quam diu illæ volebant, & postea videbantur sibi in formam humanam reuerti. Deniq; potest hanc mutationem facere quod præstig. o, sicut enim melancholici & phrenetici videntur sibi mira exterius videre, cum tantum sint interius, ex qualitate & commotione humoris; ita etiam, operâ dæmonis fieri potest, vt mira exterius videantur vel audiantur solâ humorum agitatione & infectione, hâc ratione potest exhibere palatia, vrbes, exercitus, flumina, incendia, tempestates, fulmina, tonitrua & similia. Hec pauca pro Parochis quibus aliquando in villis aut oppidis casus præfati Parochianorum occurrunt, vt tempestiue malis occurrant, dicta esse velim: nam pro illis qui ex professo in curandis energumenis operam suam nauant, datur cautela in Rituali Romano, vt præter illa quæ in ipso ponuntur, plura ex probatis Authoribus vti est sextus lib. Martini Delrio, Tyræus, Compendium Maleficarum, Thesaurus Exorcismorum, &c. discant, ideoq; in synodo Prouinciali Varsauiensi Anno Domini 1646. illa inhibitiō consultissimè posita est Ne quisquam Sacerdotum aut Clericorum tam Sæcularium quam Regularium, exorcismis passim super eos qui à dæmonibus obsessi aut maleficiati esse putantur, absq; licentiâ ordinarij in scriptis obtentâ

vtatur. Summâ enim prudentiâ & speciali dono DEI præditum esse oportet illum, qui hoc certamen contra istos malignos spiritus suscipit.

QVÆRES VIII.

Quid faciet Confessarius cum illo penitente qui venerabile Sacramentum sub cute sui corporis insertum gestat?

Resp. Illas Sacras species nouacula, vel cultro benè exacuato, in priuato, scitè exseindat vulnus medulla panis obuoluat, & ad Chirurgum mittat, vel si hic desit, lardò, aliquantisper in aqua donec sal extrahatur madefactò, vel emplastrò ex pice & adipe confectò, floccis ex mundo Strophiole derasis (vti fit in villis) quàm diu ipsemet penitens opus fuerit renouatis, vulnus illud sibi sanari procuret, Sacerdos autem illas Sacras species, in aliquo honesto strophiole inciborio reponit.

QVÆRES IX.

Qualiter nudes instituendi sunt in vita Christiana?

IN hoc etiam crassus error & magnus abusus apud quosdam inualuit; qui ad nullum profectum, in Christiana pietate faciendum se obligari putantes, eo tantùm die, quo Sacram communionem percipiunt, à peccatis utcunq; abstinent; postea verò ex inueterata consuetudine, quàm dediscere nullatenus volunt, tantum

quàm canes ad vomitum, ad diras maledictiones, ebrietates, furta, &c. redeunt. Porro scriptum est: facite dignos fructus pœnitentiæ: vera pœnitentia est commissæ deflere, & plangenda non admittere; vnde talibus seriò inculcandum est, vt non agant vitam gentium, aut in his rebus terrenis affectus nimium defixos teneant; verùm vt fideles sint CHRISTO suo cui se pro seruis & discipulis in baptismo desponderunt, quod diabolo & pompis, & operibus eius abrenunciârunt, quòd sola fides non saluet, sed magis charitas per quam abnegantes omnem impietatem & secularia desideria, sobriam seu temperatam quoad se, quoad proximos iustam, quoad DEVM piam traducant vitam, sintq; sectatores bonorùm operum, per ieiunia, orationes, eleëmofinas seu opera misericordiæ, spiritualia & corporalia; quisq; pro possibilitate sua, in miserijs huius vitæ expectantes beatam spem. Hanc pietatem Christianam vt in praxim promptius deducant, facilè illos Parochus docebit, & oratione Dominica, Symbolo Apostolico, de quo infra.

Actus contritionis si non quotidie, saltem diebus Dominicis dum dicitur confessio communis post concionem cum proposito emendandæ vitæ eliciant, suos labores non more bouum, equorum, vel paganorum, sed Christiano modo principaliter dirigant, ad satisfaciendum voluntati DEI, qui constituit vt in sudore vultus sui vescantur pane suo. Cætera illos

los doceat ex Apostolo ad Colos. 3. Obedire
 Dominis carnalibus cum timore & tremore, in sim-
 plicitate cordis sui: non ad oculum seruientes,
 quasi hominibus placentes, sed vt serui Christi fa-
 cientes voluntatem DEI ex animo: cum bona vo-
 luntate seruientes, sicut Domino & non hominibus:
 scientes quod unusquisq; quod fecerit bonum, hoc
 recipiet à Domino siue seruus, siue liber. Eodem
 spectat quod ad Titum 2. præscribit, seruos Domi-
 nis suis, subditos esse in omnibus placentes, non con-
 tradicentes, non fraudantes sed in omnibus fidem
 bonam ostendentes, vt doctrinam Saluatoris nostri
 DEI ornent in omnibus.

Per hanc patientiam laborem, pia crebra-
 que ad DEVM suspicia, (quæ labores minimè
 impediunt) ac per probitatem vitæ multos idio-
 tas in historijs Ecclesiasticis, in magnos San-
 ctos epasile legimus. Dominus DEVS enim
 omnibus qui illum non in sublimioribus hu-
 manæ sapientiæ conceptibus, sed in spiritu &
 veritate, in spiritu humilitatis & animo contri-
 to inuocant, dat suas gratias, prout cuique vi-
 det competere, affluenter.

C A P V T II.

De Confessione Sacramentali

Puerorum.

Q V Æ R E S I.

Qualiter in rebus fidei instruendi sunt pueri?

Respondeo: vt fructuose instruantur, cum ipsis
 exemplo

exemplo Saluatoris qui libenter paruulos ad se admittebat, benignè & suauiter Sacerdotibus est agendum, nè aliquo gestu acerbo territi, doctrinam eorum minus prompto animo recipiant, & diffidentiam in confessionibus cum periculo reticentiæ contra illos assumant. Vnde ille mos, quò puerulis terror Sacerdotum aut Monachorum inquitur, est reprehendendus; cum illa ætas tenacissima fiat eorum quæ in sua ruditate semel fortiter apprehendit. Porro in villis est miserabilis, horum quoad Spiritum educatio, & ideo facti etiam adultiores nesciunt, quid sit DEVS, quid Angelus, quid anima; putant totum hominem in morte extinguï, totum in sepulchrum deponi, indeque passim secundum suos affectus belluinos viuunt. Et licet Orationem Dominicam recitent, nihilominus id faciunt more graculorum aut picarum, quæ nihil eorum quæ loquuntur intelligunt.

Quare hæc ipsorum ignorantia solam à Parochis vel Confessarijs (parentes enim ipsorum aut Socij rudes nihil in hoc valent) benignam informationem in rebus ad salutem necessarijs expectat; præcipuè dum primâ vice ad confessionem adducuntur: nam qualia prima fundamenta doctrinæ & pietatis, præsertim in præparatione ad penitentiam & Eucharistiæ Sacramentum jecerint, tale ædificium per totam vitam, vt plurimum, continuare solent. Non semel
depre-

deprehendi jam adultas fœminas se in confessionibus de inobedientiâ suis matribus non præstitâ accusâsse, quorum matres jam pridem mortuæ erant; cumq; interrogarentur, cur se huius peccati reas facerent: talem (inquirebant) formam confitendi edoctæ sumus. Sunt etiam aliqui pueri qui peccata, quæ in libris legunt, vel ab alijs audiunt, adferunt ad confessionem, quorum minimè conscij sunt; ideo per affabiles interrogationes & responsiones, illa documenta, quæ pro rudibus grandioris ætatis, suprà posita sunt, etiam istis proponenda censem.

QVÆRES II.

Quid aget Confessarius cum pueris de quibus est dubium an habeat annos discretionis in ordine ad confessionem?

Resp. Quo tempore ad annos discretionis perueniant, non potest mathematicè definiri, sed relinquendum est iudicio prudentium: Pastorum & parentum; qui si viderint eos discernere bonum & malum, pudefieri de mendacio, de aliqua impudicitia commissa, laudare obedientiam, concludent illos ratione uti, quemcunq; annum ætatis attigerint. Proinde errant illi, qui existimant, pueros non peccare mortaliter, nec teneri præcepto confessionis, ante decimum annum; cum constet eos multò ante esse doli capaces, & habere discretionem boni & mali. In dubio verò, an puer habeat

beat vsum rationis, præsumendum est habere, & esse obligatum confessionis præcepto, si implevit septennium. Maximâ tamen hîc opus est prudentiâ Confessario, nam pueri multi etiam post septem, octo, & amplius annos, præsertim in villis minus sunt capaces huius Sacramenti, & licet aliqua peccata adferant ad confessionem, fortè ex aliqua instructione parentum eos ad confessionem mittentium; tamen Sacramentum pœnitentiæ non apprehendunt, vnde aliqua dicentes per modum confessionis nugantur circa Rosarium suum, vel galerum, vel digitos, vel socios circumspiciunt, nec ita seriò se gerunt, vt videantur intelligere Sacramenti rationem. Proinde tales non sunt Sacramentaliter absoluedi, sed cum instructione & monitione aliqua & benedictione dimittendi. Licet enim peccata aliqua confitentes videantur dare materiam absolutionis, non est tamen sufficiens materia, nisi accedat saltèm attritio supernaturalis, de qua vix est apparentia in dictis pueris etiam post admonitionem, seriò rem non apprehendentibus. Si tamen probabilitatem aliquam habet Confessarius alicuius dispositionis, absoluat sub conditione saltem mente concepta. Si tu es capax ego te absoluo, &c.

Hæc Bassaus V. Confess. SS. §. 1. n. 4. Laudabile tamen est dicit Jacob. Marchan. Res. Past. Tract. §. n. 8. tunc eos adducere & mone-
re parentes vt mittant, quia extunc afuescendi sunt huic Sacramento. Præter annuam confessionem.

fessionem etiam in articulo mortis tenentur pueri præcepto confessionis, in quo si dubium sit de usu rationis & aliquod peccatum confiteantur, debent absolui sub conditione; nam sic eligitur pars tutior pro salute animæ, & iniuria Sacramenti cessat per conditionem.

Insuper addo cum cit. March. Si quis dum puer esset putarit aliquod peccatum tantum esse veniale, & ideo omisit confiteri, non tenetur repetere confessiones, sed tantum illud peccatum exprimere, quia ex imperfecto usu rationis non fuit nisi veniale licet ex natura sua foret mortale. Quod aduerte ob aliquas puellas vel matronas quæ torquentur, ob impudicos tactus aliquos in ætate quinque aut sex annorum & præ verecundia non audent confiteri; nam ob imperfectum iudicium, plerumq; non fuere hæc nisi venialia, & ideo non necessario confessioni subiiciendas nisi quod per erroneam conscientiam aliter iudicassent: quod dupliciter potest intelligi, primo cum v.g. aliquam impudentiam venialem putabat esse peccatum mortale tamen ipsam exereuit, vel si nullum aut veniale, postea sibi imaginabatur grauissimum, & præ pudore illud reticebat in confessionibus, ex quo nullæ vel dubiæ in suo valore euaserunt.

QVÆRES III.

De quibus peccatis sunt interrogandi pueri?

Resp. An sciat doctrinam Christianam? De
men-

mendacijs, votis, Missa die festo, de inobedientia parentibus, præceptoribus, odijs, rixis, verberibus, inhonestis verbis, factis, lascivijs, damnis illatis, furti, &c. Prouerb. 28. *Qui subtrahit aliquid à patre suo & à matre, & dicit hoc non esse peccatum particeps homicidæ est.*

CAVTELA.

DE peccatis occultis carnalibus cautè interrogandi sunt pueri, & simplices; nè eis manifestetur aliquid quod nesciunt, neue detur illis occasio labendi.

Modus autem inquirendi poterit hic esse. An insultus, aut tentationes carnis aliquando patiantur, & vtrum delectentur tali cogitatione vel consentiant? Si negant subiungendum est: Aduerte magnum esse sacrilegium, injuriam, profanationem Sacramenti, in confessione negare peccatum; nec putare debes Sacerdotem id cuipiam posse manifestare.

Vel etiam inquireat an cogitauerit de rebus inhonestis, vel aliquà luxurià oblectatus fuerit? si negat præmoneat ipsum vt quantocyùs tentationes detestetur & **CHRISTO** se commendet; si affirmat inquiretur de verbis turpibus, de ludis inhonestis, & cum quo; tandem de aliquo tactu inhonesto: doceatq; omnem luxuriam esse graue peccatum mortale, per quam homo à gratia **DEI** & à cælo excluditur, & diabolo pro mancipio adiicitur: per hanc ingenij hebetudinem, infamiam, & plura acerba induci, quin

ci, quin & mortem ipsam accelerari. Tempesti-
uè ab hoc malo caueat, nè postea ad grauiora
quæ certissimo euenient, nisi se animosè oppo-
suerit delabatur. Alterius esse naturæ corpus,
alterius naturæ animam, quæ debet regere ocu-
los, linguam, iracundiæ motus, & seriò detesta-
ri tentationes carnis. Dùm se collocat in lecto,
manus per modum crucis in pectore ponat, &
in latera alternatim versùs dormiat: locios ne-
quam, verba turpia, & omnes occasiones quàm
maximè fugiat. Si vult gratiam DEI, & salu-
tem animæ & corporis obtinere.

Aduliores autem doceat luxuriam extra
Matrimonium semper esse peccatum mortale,
& veneno diabolico infectam: tentationes esse
cum abominatione & contemptu tolerandas, &
contra ipsas perseuerandum; cupiendo purita-
tem omnimodam: perinde enim est, diabolo
visibili ac inuisibili se ad hoc peccatum inducen-
ti morem gerere, vnde potius mortem eligat,
quàm malo consentiat: Dominus DEVS hu-
militer oranti, dabit victoriam.

Si habet animum vxorem ducendi, nullate-
nus ad aliquam carnali concupiscentiâ feratur,
nisi contracto matrimonio, idq; cum DEI ti-
more: modò autem contineat se in omni hone-
state. Puellæ quoq; monendæ, vt dum solici-
tantur etiam iocosè ad peccatum; seriò & se-
uerè etiam cum increpationibus grauioribus se
tentatoribus suis opponant statim in principio;
nè postea sensim illicitis seductæ seriò doleant.

Porro

Porro Confessarius non debet denegare absolutionem adolescenti, qui sæpius in molliem incidit carnis fragilitate, potest tamen differri absolutio, vt cum maiori abominatione hoc vitet peccatum Bass. V. Absol. n. 9. & dare ipsi remedia contra hunc morbum, vide modos seruandæ castitatis in libello Arma lucissà me edito.

QVÆRES IV.

In qua ætate pueri obligantur ad S. Eucharistiam tempore Paschali recipiendam?

Respondet Marchani tract. 4. Cap. 3. q. Quod hæc determinatio temporis non possit indiuisibiliter designari, sed in eo sequendum parentum & Confessariorum iudicium. Dicit tamen potest moraliter loquendo, nec antè decennium facile incipere, nec vltra annum decimum quartum differri. Non statim verò ac pueri attingunt ætatem, in qua licitè possunt communicare ad id obligantur vt notant DD. sed post aliquod tempus v. g. post vnum vel alterum annum: ratio est quia congruit, vt Ecclesia non obliget hîc quàm primùm potest, tam pro maiori reuerentia Sacramenti, quàm pro securitate communicaturi, & hoc ipsum vñus Ecclesiæ approbat. Quare non sunt hîc recentiores nonnulli citati à Dian; in Addit. Res. 19. audiendi qui volunt pueros mox à septennio obligari ad communionem, eisq; dandam sicut & penitentia Sacramentum, quàm primùm peccare possunt mortaliter. His illud Apostoli reme-

moro. Si quis hac in re contentiosus esse velit, nos tales consuetudinem non habemus, nec Ecclesia DEI. Ad silentium imponendum sufficere deberet, quod Rituale Romanum jussu Pauli V. editum sic habeat. Illis qui propter ætatis imbecillitatem, nondum huius Sacramenti notitiam & gustum habent, non debet ministrari. Nota illud notitiam & gustum; & vide an septennes pueri notitiam & gustum huius Sacramenti ordinariè habeant.

Q V Æ R E S V.

An pueri possint extremam unctionem suscipere?

R*esp.* Post adeptum vsum rationis vngi possunt, non enim expectari potest tempus communionis, quia maior discretio requiritur ad communionem quàm ad hoc Sacramentum. Imò si dubium sit num in puero lumen rationis irradiet, vngi debet sub conditione *Si es capax; &c.* Neq; verò necesse est, vt hoc Sacramentum suscipiens aliquando peccauerit, quia materia huius Sacramenti, non sunt peccata sicut penitentia. Vnde satis est quod infirmus peccare possit. Igitur non est illud denegandum puero post vsum rationis, quem Parochus ex confessione cognoscit nunquam actualiter peccasse: quia iuuare illum potest nè peccet, & conferre sanitatem si expediuerit; nec falsificabitur forma. *Indulgeat tibi Dominus quidquid deliquisti.* Nam sensus est: *Conferat tibi DEVS gratiam de se remissuam, &c.* Ob quam rationem non falsificabitur forma ab-

ma absolutionis cum confertur ei qui iam est in gratiâ per contritionem; nec ob eandem rationem deneganda est vñctio recenter baptizato, qui nullum post baptismum peccatum commisit. Ita DD. apud Dian. p. 3. T. 4. R. 172. & p. 5. Tr. 3. R. 86.

QVÆRES VI.

An pueri subiaceant reservationi casuum & censuris Ecclesiasticis?

R*esp.* Impuberes id est pueri ante decimum quartum annum mares, fœmellæ ante duodecimum, reservatione Episcopi non comprehenduntur, nec ligantur censuris ab hominibus vel iure statutis: exceptâ percussione Clerici (à qua vel per ignorantiam possunt excusari, vel ob leuitatem materiæ, vel ob primum motum cholæræ, à qua iuxta Scotum potius sunt acrioribus verberibus absoluedi) nec irregularitate ex delicto. Ita DD. apud Dianam pluribus locis. Datur ibi hæc ratio; nam in pueris relinqui solet esse inultum, quod in alijs prouectioris ætatis humanæ leges dicunt seuerius puniendum: minor enim ætas sicut in foro exteriori excusatur à pœna ordinaria, ita & in animæ iudicio.

QVÆRES VII.

An pueri excusentur à ieiunio?

R*esp.* Excusantur etiam pueri imò & adolescentēs, vsq; ad finem tertij septennij; ita yniuersalis consuetudo præceptum hoc interpre-

tatur. Quia cum vsq; ad illud tempus magnis incrementis augefcatur corpus, eget copioso alimento, vnde sæpius capere cibum debent, ob abundantiam caloris, nè accretio & perfectio naturæ intercipiatur. Vnde Ecclesia non intendit eos obligare, quia non obligat ad ea, quæ nimis onerosa sunt, & excedunt moralem potentiam, etiam si alioquin futura sint vtilia, vt esset ieiunium pro motibus carnis coercendis, qui alio modo superari possunt etiam ante vigesimum primum annum, quia non intendit omnes, quod vtile est, sed vult etiam, quod non sit nimis onerosum. Ita D. Thomàs, Syluius, Nauarrus, Sancius, Lezana, &c.

Tenebuntur tamen pueri & adolescentes ante vigesimum primum annum ieiunare volentes lucrari Iubileum, sub onere ieiunij concessum, vel si à Confessario imponatur pro pænitentia Sacramentali ieiunium (quanquam hoc illis ob sigilli Sacramentalis violationem cautè imponendum) vel ob placandam iram DEI, ob implorandum diuinum auxilium in aliqua graui necessitate: in his enim casibus vrget specialis ratio, ob quam non debet excludi illa ætas. Ita Sanchez, Palqualigus, Sancius, Fagundes.

Certum est etiam apud omnes, quod pueri post septennium adepto rationis vsu, obligentur ad qualitatem ciborum, ita vt non possint cibis in die ieiunij vetitis vesci: quia præcepto negatiuo de non comedendis carnibus in die ieiunij, tenentur homines, postquam ad rationis
vium

vsus peruenerunt, nisi aliâ iustâ de causâ excusentur. Dubium tamen est, an liceat pueris ministrare carnes, quando prohibentur, antequam septennium compleuerint? Respondet negatiuè, ubi non est consuetudo. Lopez Syluius, quia debet erga ipsos seruari praxis Ecclesiæ. At licitum esse, ijs ministrare carnes, siue adsit consuetudo, siue non, docent Sancius, Dianna, Caspensis, Fagundes, & alij ab ipsis citati: & à fortiori oua. Ratio est quia cum paruuli ante septennium nulla obligentur lege, nec etiam obligantur consuetudine, quæ habeat vim legis. Tum, quia nec ipsi comedendo peccant, neq; talis subministratio interdicta est; quia non fit in actione, quæ sit eis aliquo modo prohibita, sed in actione honesta & de se bona. Hæc sententia est probabilis. Ob eandem rationem licet ministrare carnes, in diebus prohibitis, infidelibus, non tamen Hæreticis, vt notant authores relati, quia infideles non subsunt legibus Ecclesiasticis, tanquam ij qui sunt extra Ecclesiam: vnde non est illis prohibitum comedere carnes, in quacunq; die, & proinde ministrans non concurret ad aliquid illicitum. Ex qua tamen sententia non infertur, licere perpetuo amentes vel pueros carentes rationis vltro provocare ad turpia inter ipsos exercenda, vel ad aliquid aliud, contra legem naturalem: quia illa actio: cum sit intrinsecè mala ex natura sua, omnibus ijs est prohibita: quamuis ob defectum rationis, & discursû, culpa illis non imputetur.

Verum licet Ecclesia non obligauerit adolescentes ad ieiunium ante vigesimum primum annum, nihilominus Confessarij, aut alij quibus adolescentum cura demandata est, debent eos inducere ad ieiunium, prout expedire indicauerint; vt incipiant asuefcere ieiunijs & turpes motus, carnis illecebras comprimant, vt monet Sancius in selectis disp 54. n. 7.

QVÆRES VIII.

Qualiter pueri in vita Christiana instituendi?

Resp. Stylo simplicissimo illos esse instruendos, & ab istis sensibilibus ad spiritualia eleuandos, v.g. doceatur puer **DEVM** supremum esse, totius mundi Dominum, qui cælum, terram, solem, diem & noctem, creauit & regit, qui fulgura, tonitrua, & casus aduersos in malos immittit; sciat hunc principalem esse suum Patrem & benefactorem, à quo accepit hanc vitam, hos oculos, has manus, intellectum, & alias potentias animæ & corporis, sine quo nè vnum punctum potest viuere. Sciat quod non debeat sibi viuere, sed **DEO**, prout in baptismo promisit, cum per suos paternos renunciaret diabolo inimico suo, pompis eius, & operibus eius, & adhæret totaliter **DEO**, cum diceret: Credo in **DEVM**. Et ideo non secundum malas suas propensiones, vel tentationes diaboli, qui sibi cælum maximè inuidet, viuatur; sed secundum legem **DEI**, quam sibi in corde suo inscripsit: viz. delis.

delicet. Declina à malo & fac bonum: **DE-
VM** & quæ **DEI** sunt super omnia æstimet.
Quòd tibi non vis non id feceris alteri; & con-
tra, quòd tibi vis fieri, &c. Homini non secun-
dum belluinas concupiscentias, sed secundum
rationem viuendum, & secundum præce-
pta Decalogi, & alia quæ ex Decalogo inferun-
tur. Sciat **CHRISTVM** Dominum **FILIVM**
DEI se expectare in cælo: vnde se illi per pia
suspiria sæpius commendet saltèm in corde di-
cendo. Domine **IESV** miserere mei, per passi-
onem tuam. Sanctissima Mater ora pro me. Ma-
nè antequam quid agat, prius se ad orationem
Dominicam conferat, similiter antequam de-
cumbat: deniq; malit mori quàm apud **DEVM**
per aliquod peccatum gratiam amittere.

Quos autem capaciores aduertit doceat eos
(*v. g.* insimul ante confessionem Paschalem con-
stitutos) de creatione mundi, primorum paren-
tum, de lapsu eorum, de Incarnatione **FILII**
DEI, & alia circa confessionem, & communio-
nem, mores vitæ Christianæ, præcipuè humilita-
tem & patientiam, & alia elementa sermonis
DEI, ex quibus suis temporibus plura sibi com-
ponant. Hæc Parochi Rectoribus Scholarum
inculcabunt, & ipsi quandoq; cum suo magno
merito ex his pueros examinabunt. Communis
est enim doctrina Theologorum, pueros cum ad
vsum rationis deueniunt, teneri elicere actum
amoris **DEI**, **DEO** se subicere; & obligari ad
præcepta naturalia & Ecclesiæ. Boni præce-

ptores non sint contenti vt semel aut iterum hæc inculcent, sed illos ex his sigillatim examinent, & ad percipiendum adigant, curantes vt potius boni Christiani, quàm Ciceroniani post peruersi politici euadant.

Libet his apponere aliquot puncta de modo instituendæ iuuentutis ex synodo Cracou. Anno Domini 1612. Primum: pietas quidem primò, ex qua propriè, cultus Dei, & aliæ virtutes prodeunt, instillanda est teneris annis, partim informando eos de doctrina Christiana, partim excitando ad virtutem frequentibus monitis, quorum ansa ex cursu lectionum sumatur. Secundò: vt verò, hæc ipsa assiduæ exhortationis seges, crescat cum ætate in adolescentibus felicius, radicesq; agat in eis firmiores, omne principium studiorum ab inuocatione Diuini Numinis auspicari: Sacrum M. officium audire frequenter, festis autem diebus, etiam cantare vnâ cum vespers, Concionibus ecclesiasticis interesse, & audita in illis referre: Pœnitentiæ & Eucharistiæ Sacramenta vsurpare, sæpius surgentes à somno, & euntes cubitum, orare; facereq; conscientiæ examen quotidie consuefiant. Tertiò: Fide autem & religione imprimis imbuantur Catholicâ sedulò, cuius rei fructus vt & ad alios rudiores ex plebe redundet, ediscant Catechismum Polonicum, memoriter Cardinalis Bellarmini, vel Ledesma, eundemq; diebus Dominicis & festis pomeridiano tempore in Ecclesia & frequentia populi clara

clara voce alternis interrogationibus recitent. Et quoniam patent magis & incitant fortius ea quæ oculis, quàm quæ auribus in animos influunt, iuuentusq; in vitam & mores Magistri tanquam in speculum inspiciens, ex eo plerumque normam & exempla viuendi desumit; prouidendum est summopere, vt is non modo doctus, sed etiam fide Catholicus, moribusq; integerrimus deligatur.

His addiderim fabulas Poëtarum, quæ aliquam lasciuiam sapiunt nullatenus proponendas pueris: imò & alias nunquam sine eruditionibus moraliibus tractandas: adolescentulus enim qui aliquo pollet iudicio auersabitur studia, existimans se vanitates vel paganismum edoceri. Mendici quoq; otio & ventri dediti, à Scholis abigantur, qui vt plurimum pueros corrumpunt, & ad furta & alia absurda assuefaciunt.

Parentes deniq; ipsi monendi sunt, nè suis blandimentis, largitione pecuniæ, alijsq; occasionibus dent occasionem lapsûs ac damnationis æternæ filiis suis, quin potius enitantur vt ipsi illam educationem, quam in Scholis receperunt ad consistentiam in aliquo statu bono continuent. Sed prohi dolor! quot tales sunt; qui ideo ineunt matrimonium, vt generent filios non DEO, non cælo, sed mundo, quos postea permittunt, vel potius instruunt vt ad infernum decendant, de quo CHRISTVS grauitèr conqueritur in Reuel. S. Birg. lib. 6. Cap. 32.

QVÆRES IX.

Anteneatur Parochus curare ut infans ex utero matris mortuae (dum is conijcitur vivere) eximatur?

Quia hic casus defecto datur, estq; necessarius ad sciendum, ac in praxi difficilis, non abs re hisce apponitur, ad quem respondet Possevinus in praxi curæ Past. de Sacram. bapt. q. 8. quod teneatur etiam inuocato brachio sæculari. In defectu autem medici aut chirurgi, uti fit in pagis, dico, istam rem committendam esse obstetrici, quæ moneatur (liquidem in re tam magni momenti necessaria est ignorantì instructio) ut primo cautè excindat ipsam matricem & eximat, si non nouerit modum, infantem ex ipsâ matre eleuandi: deinde ipsam matricem scindat, usq; ad ipsam secundinam quæ est alba membranula, obuoluens infantem ad instar cuticulæ in ouo pullum continentis: quæ etiam debet discindi, etiam præsentè Sacerdote, vel ea, quæ scit baptizare, tandem quantocûq; infans baptisetur (nam iuxta placitum medicorum plus minimè vna hora in matre mortua non potest superuiuere) ubi aqua in promptu debet haberi etiam simplex, si non potest esse benedicta. Vel si est periculum in mora ipsa obstetrix citiùs baptizet, dicendo hæc verba (posito quod non sit monstrum aut grandior vermis) ego te creatura DEi baptizo. In nomine Patris & Filij & Spiritûs Sancti. Postea si superuixerit infans, ceremonias baptismi
ex

ex Rituali Sacerdos suppleat. Infans exemptus mortuus, non potest non baptizatus vnâ cum matre sepeliri in loco Sacro, secus non exemptus quia censetur esse pars ventris.

CAPVT III.

De Confessionibus in peccatis inueteratorum.

QVÆRES I.

Quid agat Confessarius cum ijs qui per longam consuetudinem sunt in peccatis indurati

Resp. Confessario in hoc esse maxime laborandum, vt in ipsis verum pro peccatis dolorem excitet, & in proposito efficaci sese corrigendi stabiliat. Attamen cum talibus etiam si grauissima peccata afferant, zelo aliquo inordinato, puta per indignationes, increpationesq; animi, multò magis corporis perturbationes, nullatenus agat: nam per eas ad impatientiæ peccatum, vel desperationem, aut grauem animi exacerbationem in ipsum Confessarium, vt potè ex consuetudine peccandi valde fragiles, cum dispendio Sacræ pænitentiae possunt deuenire; sed potiùs cum Angelis Dei gaudendum ipsi est, quòd ad pænitentiam recurrant, & more CHRISTI, Magdalenam, latronem, aliosq; peccatores absoluentis; cum benignitate & clementia esse suscipiendos: vera enim iustitia teste D. Greg. habet compassionem, falsa indigna.

indignationem. Satis isti miseri habent anxietatis ex remorsu conscientiae propriae, & turpitudine peccatorum suorum, ipsi sponte in genua procumbunt, se reos pronuntiant, expectant misericordiam DEI & Confessarij, ut consolentur, instruuntur, & ex illis vinculis dissoluantur; unde CHRISTVS in reuel. S. Birgit. lib. 5. post interrog. 8. admonet. Cum peccatore sicut cum infirmo debere tractari. Imò ipse Confessarius sit memor fragilitatis suae, quod in maiora peccata potest prolabi, nisi DEVS se custodiat.

Quod si in aliquibus Authoribus Confessarius legerit de facienda ipsis increpatione, intelligat bonos Authores loqui de reprehensione scelerum & gravitate illorum ostendenda, quae tamen moderatè est adhibenda, non autem peccantium, qui ad resipiscendum sunt animandi; ut eo modo vinum & oleum cum pio Samaritano ad sananda ipsorum vulnera infundantur. Servabit ergo Confessarius illas conditiones suo officio debitas, quae passim circumferuntur;

Confessor dulcis, affabilis, atq; fidelis,

Prudens, discretus, mitis, pius, atq; benignus.

Nec penitentem (positò quod ipse illum absolvere possit) ad alium Confessarium pro maiori cautela remittat; gravem enim iniuriam in hoc facit Confessarius penitenti, cum hic habeat ius post inchoationem suae confessionis, ut ipsum ad finem audiat & dispositum absoluat.

Itaq; Confessarius auditâ integrâ penitentis con-

confessione, ac præmissō cum ipso debitō examine, animaduertat, an subsit aliqua obligatio, v.g. addiscendi necessaria ad salutem, vitandi occasiones peccandi proximas, non celebrandi in excommunicatione, in irregularitate, &c. restituendi honorem, famam, pecunias, aut petendi veniam ab offenso, ædificandi proximum quem scandalisauit, eaq; ipsi pænitenti indicet & iniungat. Videat deinde nūm pænitens sit sufficienter præparatus ad recipiendam absolutionem, eumque iuuet, vt si non ex amore DEI, aut regni cœlestis desiderio, saltē timore gehennæ concipiat serium dolorem, & tale propositum quod affectum peccandi excludat, in spe veniæ per CHRISTVM obtinendæ, de quo Concil. Trid. Sess. 6. Cap. 6.

Si iudicat dispositionem pænitentis esse debiliorem, quam vt per Sacramentum iustificetur, nullo modo ipsum absoluat, sed suauiter dimittat, vt melius paratus accedat: sin autem probabiliter existimet esse sufficientem, quod ferè præsumendum est, nisi contrarium constet, tunc ipsum iuuabit per sequentia monita.

Et quidem primò illum admoneat, vt gratias agat Domino DEO, quòd se in his peccatis ad æternam damnationem non demandauerit; siquidem hætenus sibi calum clausum fuit, infernus apertus, DEVS qui sese in hoc corpus infudit, grauitè offensus: quia ergo expectauit se ad pænitentiam agendam, libentissimè illam peragat. Deinde vt grauissimè doleat (etiā

am optando dolorem infinitum) quod DEVM infinitæ maiestatis Dominum, suum principalem Patrem, benefactorem, &c. cui totaliter subesse & obedire obligatus semper est, tam graviter offenderit, transgrediendo mandata eius vilipenderit, suam voluntatem Divinæ anteposuerit, plius suis belluinis concupiscentijs, quàm legibus Divinis detulerit, potius elegerit tentationes diaboli, quàm inspirationes Divinas perficere. Si patrem, si matrem, aliumvè sibi amicissimum, si Regem offenderet, quantum postea doleret, quantum satisfacere pro iniuria satageret; at DEVS plius his. CHRISTVS pro se in anima & corpore acerbissima passus, mortuus, nè suum corpus & anima æternaliter periret; ille corpore & anima contra CHRISTVM graviter deliquit. Iterum ergo renuntiet diabolo, pompis eius, & operibus eius, renuntiet naturæ suæ corruptæ, peruersæ societati, &c. & subdat se totaliter DEO suo principali Domino, Patri sibi amicissimo, qui se plus amat, quàm quisq; amicissimus sibi, vel quàm ille semetipsum diligit. Desceat per cordis lachrymas, cum Petro, Magdalena, & alijs verè pœnitentibus peccata sua, & cum ipsis excitet in se firmum & efficax propositum potius omnia relinquere per gratiam DEI, etiam ipsam vitam, quàm amicitiam apud DEVM amittere. Alias si non habet verum propositum, DEVS illud videns denegabit gratiam: dicet Confessorius credens promissis de sua emendatione: Ego te absolvo: dicet DEVS: Ego te condemno.

Quia

Quia ergo hactenus malè fuit dispositus erga DEVM, proximum, seipsum, necesse est aliam vitam inchoet, atq; erga DEVM assumat affectum filialem, vt quemadmodum probus filius parentem suum magni æstimat, honorat, obedit ipsi, &c. Sic ille DEO. Erga proximos maternalem; erga seipsum affectum Iudicis, vt se ipsum arguat, puniat, si quando deliquerit. Ad quam pietatem Christianam duo vsurpet exercitia; videlicet crebra ad DEVM suspiria, & sui mortificationem, animæ quidem per humilitatem, DEO se submittendo subter omnes homines, subter omnem creaturam; corporis autem per Sacram continentiam, in contrarium tenendo oculos, choleram, &c. Hæc sibi CHRISTI nomine appendat dicta, pro sua salute.

Et nè facile relabatur, tentationibus, amore CHRISTI inflammatus seriò resistat: sicut enim diabolus omninò statuit vt se secum ad damnationem protrahat iuxta Apostolum. *Circuit querens quem deuoret*: ita ipse omnino decernat, vt cum DEO in cælo maneat; nè autem contra se diabolus præualeat per sua vitia, per suas concupiscentias, DEVM humiliter exoret, vitia eradicet, sensuum lenocinia detestetur, compescat: ipse regat corpus cum suis concupiscentijs ac sensibus non autem eum corpus & maledicta sensualitas inflectat. Sic enim DEVS imperat. *Sub te erit appetitus tuus, & tu dominaberis illius.* Sciat autem vnum ex his omninò sibi debere contingere, vt vel in cælo eum DEO in
deli-

delicijs æternis gaudeat, vel quod DEVS auer-
 tat, in sempiternis gehennæ incendijs ardeat;
 eum anima & corpore post diem iudicij, & me-
 lius fuisset non nasci quam sic condemnari; hanc-
 que cautelam sæpius intra se trutinat; ergo eli-
 gat quod mauult; pro certo non erit in calo, nisi
 se vincere & DEO subijcere conetur; igitur a-
 morem sui inordinatum abijciat, sibi ipsi vile-
 scat, sese mortificet. Verba enim CHRISTI sunt
 sempiternæ veritatis. *Qui amat animam suam;
 perdet eam. Regnum celorum vim patitur: ideo;
 multi vocati pauci electi.* Hæc in communi pro
 omnibus peccatis ex quibus plura vel pauciora;
 puncta, vel etiam vnicum Confessarius, prout
 videbitur assumet. Pro specialibus delictis etiam
 erunt dandæ aliquæ peculiares doctrinæ, quæ ex
 libris spiritualibus, (qui DEI gratiâ in copiâ in-
 ueniuntur,) Confessarius colliget ad emollien-
 dum induratum animum. Pro maiori declaratio-
 ne prædictorum hisce appono duas comminati-
 ones CHRISTI Domini ex Reuel. S. Birgit, al-
 teram contra malos Sacerdotes, alteram contra
 dissolutos rusticos. Contra Sacerdotes sunt;
 hæc verba lib. 1. Cap. 47. *Horum iudicium est
 damnatio. Sicut maledixit Dauid eis qui non obedi-
 erunt DEO: qui cum esset iustus Propheta & Rex:
 non maledixit ex ira vel mala voluntate: seu ex
 impatientia, sed ex iustitia DEI. Sic ego qui me-
 lior sum Dauid: maledico eis qui sunt Sacerdotes;
 non ex ira vel ex voluntate mala: sed ex iustitia.*
 Male-

Maledictum sit omne quod de terra ad utilitatem suam receperint: quia non laudant DEVM & creatorem suum, qui dedit eis hæc. Maledictus est cibus & potus eorum: qui pavit corpus in cibum vermium, & animam ad infernum. Maledictum sit corpus eorum, quod resurget in infernum sine fine arsurum. Maledicti sunt anni eorum: quibus vixerunt inutiliter. Maledicta hora quæ incipit eis in inferno: & nunquam finietur. Maledicti sint oculi eorum: quibus viderunt lumen celi. Maledictæ sint aures eorum, quibus audierunt verba mea, & non curabant. Maledictus sit gustus eorum, quo gustaverunt dona mea. Maledictus sit tactus eorum, quo tractaverunt me. Maledictus sit odoratus eorum: quo odoraverunt delectabilia: & me neglexerunt delectabiliorem super omnia, &c. &c. Contra rusticos hæc lib. I. Cap. §. 6. Iustitia laboratorum est quasi taurorum, tauri habent carnem & pellem nimis duram ideo iudicium eorum est ferrum acutissimum; hoc ferrum acutissimum est mors inferni, quæ cruciabit eos qui me contempserunt, & propriam voluntatem pro mandato meo dilexerunt, &c. Quæ nisi cum emendatione ad me quasi servi & fragiles redierint, vindicabor in eos in ira mea, tunc væ erit eis in corpore & anima, quia viui in mundum venerunt, & in mundo vixerunt. Væ quia modicæ fuit eorum voluptas, & adhuc illa vana, & cruciatus eorum perpetuus. Tunc sentient quod nunc credere contemnunt, quia verba mea fuerunt charitatis: tunc intelligent quia quasi Pater monui eos (intelligi-

ge per Sacerdotes, nec enim conuenit CHRISTVM ad quemlibet visibiliter descendere.) & me noluerunt audire.

P V N C T A.

Aliquot pro satisfactione imponenda.

Postquam Confessarius aduerterit in pœnitentia confessionis integritatem, serium dolorem ratione DEI offensi pro peccatis, & firmum propositum sese corrigendi; necesse est cogitet de satisfactione imponenda, quæ duplex fieri debet: altera punitiua pro culpis admissis, altera præseruatiua pro non committendis amplius. Et quidem punitiuam (consideratâ peccatorum multitudine, grauitate, varietate) pro conditione & statu pœnitentis temperabit iuxta canones pœnitentiales, quæ sit sine nota & suspicionibus domesticorum. Pro præseruatiuis assignabit virtutes contrarias peccatis, v. g. avaris eleemosinas, gulosis, ebriosis, ieiunia (quæ tamen diuitibus in siccis propter abusum assignanda non videntur) acediosis orationes, & alia spiritualia exercitia, libidinosis corporis asperitates, &c. Quia tamen hæc ab omnibus præstari non possunt; excogitanda sunt alia quæ bonum propositum pœnitentis foueant, quorum hîc aliquot exempla pono.

1. Obduratus, manè semper per aliquot hebdomadas coram DEO, vel B. Virgine, vel aliquo Sancto Patrono suo proponat potius mori, quàm suam obedientiam per peccatum mortale DEO

le DEO subtrahere; ad cuius propositi protectionem, dicat septem vel quindecim Pater, & Aue, vel Psal. Miserere, &c. Et illius Sancti patrociniū imploret. Item testetur suum amorem erga DEVM, quō illum plūs æstimet, quā se, quā totum mundum, pluris illius sanctissimam voluntatē, quā suam malitiā infectam, dicendo Canticum D. Virginis Magnificat, & quinq; Aue Maria, vt sit a peccato immunis; vel aliquot Pater, & Aue, cum Symbolo Apostolico; quōd cūm dicet; illa verba Credo in DEVM, hoc sensu proferat: non mihi sed DEO viuo, & cunctis postpositis ac me ipso contempto, totum me cum omnibus viribus meis, resq; quibus vtar ad DEVM refero, eiusq; beneplacita exequenda.

2. Sæpius ad CHRISTVM aspiret per illam orationem Sacri Euangelij: *DEVS propitius esto mihi indigno peccatori*, per Passionem Filij tui, Sanctissima Mater MARIA, per tuam compassionem ora pro me. Sancti Patroni per vestra merita iuuatē me. Ad cuius rei memoriam reftricandam, faciat sibi aliqua certa signa, pro certis spatijs temporis, si horologium dæst.

3. Orationes aliquas de Passione Domini (cuius deuota memoria mirum in modum armat contra peccata) v. g. Sanctæ Birgittæ, vel partem dolorosam Rosarij, vel Psalmos Penitenciales in honorem septem effusionum CHRISTI sanguinis, vel quindecim Pater, & Aue pro-

stratus in terra, vel septem Pater & Ave flectens disiunctis per modum crucis manibus, &c. si non quotidie saltè diebus festiuis dicat, humiliter pro peccatis dolendo, & opem contra tentationes postulando.

4. Antequàm cubitum vadat; cogitet; quod fortasse hâc nocte moriar, & pro peccatis meis damnabor: vnde faciat examen conscientie, & pro admissis delictis pœnam aliquam spontè subeat, saltè pectus vel faciem suam percutiendo, terram osculando, protestans se coram DEO illâ indignum, durius cubando, &c. Vt semper aliquid de amore sui inordinato sibi subtrahat.

5. Aliqua fercula, vel partem illorum, potûs vel somni sibi adimat, cilicium gestet, disciplinas faciat, &c. Vt assuescat corpus suum spiritui subijcere.

6. Legat aliquem librum spiritualem ad vitia sua ex se eradicandâ; die festo duo Sacra audiat, concionem, vespas.

7. Aliquem pauperem in honorem paupertatis vel misericordie CHRISTI domi alatur per annum vel certis diebus anni.

8. Actum contritionis, manè, meridiè, vespas faciat, saltè per illa verba. Amo, Doleo, Propono, Amo te IESU super omnia. Grauiusmè doleo quòd te offenderim. Propono tuâ gratiâ corrigere me. Esto mihi per passionem tuam, & tuæ SS. Matris dolores propitius.

9. Quolibet mense, vel certis diebus festis B.

Virgi-

Virginis, & Apostolorum confiteatur & communicet.

10. Si aliquem scandalizauit curet emendare, ac pro vna anima decem conuertere in quantum poterit; & ad hunc finem faciat aliquot Missas celebrari. Si aliquo die omittat, alijs suppleat: item Confessarius inquirat, an possit sibi iniuncta exequi, vt alia substituat. Interdum, etiam iniungi poterunt quæ alio titulo debentur. v.g. in audiendo missam, in restituendo, in ieiunando, fugiendo occasiones peccandi, &c. & moneat hic nouas obligationes adesse.

Quod si viderit pœnitentem valde infirmum in animo, non aggrauet illum pœnitentijs multis, quia (quidam Doctor Parisiensis ait) est fatius vt aliquis in purgatorium propter paruam pœnitentiam, quàm propter impœnitentiam ad infernum vadat. Nihilominus præmonendus erit; sibi pro tantis peccatis longè maiorem pœnitentiam deberi, cum in primitiua Ecclesia, alij annos septem, alij triginta & diutius pœnitentiam rigorosam peragebant, quia melius apprehendebant quid sit offensa DEI, & quomodo non possit iusta à vilissimo homuncione, DEO, compensatio vnquam fieri. Alia documenta præseruatiua per modum consilij.

1. Omnino in animo decernat, aliquot vitium DEVM inuocando, in se eradicare, illudque tam diu in se puniat per ieiunia, disciplinas, prostrationes, actus contrarios, donec illud vincat, ad quod assumat patrocinium sanctissimæ

Matris, vel alicuius sancti. Quod enim aliqui post tot admonitiones, tot confessiones, tot proposita non relapsunt, imò etiam cum maiore ætate in grauiora peccata prolabuntur, & in ipsis infelicitè moriuntur; hæc à Magistris spiritualibus ratio adæquata datur: quia se magni facientes, sibiq; multum fauentes, suas malas inclinationes & prauas consuetudines ex se, per sanctam violentiam & orationem eradicare nolunt, & dum consuetudini (teste D. August.) non resistitur, fit necessitas, ex necessitate desperatio.

2. Faciat aliquem actum heroicum sui viatoris præsertim in principio tentationis v. g. graues sibi alapas vel ictus infligendo, acrem disciplinam faciendo, diutius flexis genibus orando, &c.

3. Loca pia visitet, hospitalia, carceres, ægros, funeribus mortuorum adsit, ossa cadaverum aspiciat, vt cognoscat se quotidie quid sit, quis futurus sit, & nē se alijs præferat, sed se ipsum D E O subijciat subter omnes creaturas.

4. Habeat saltē vnum quadrantem per diem, in quo cogitet de excellentia D E I ex sole, stellis, & alijs creaturis, ex Sacrae scripturae locis, de amore D E I erga se, de beneficijs à D E O sibi concessis, de C H R I S T I Domini gestis, passione, morte, propter se suscepta, de sua obligatione erga D E V M, de sua vilitate, malitia, peccatis, omninoq; sibi persuadeat, vt D E O in omnibus sit obediens: & gratus Misericordiae D E I.

5. Cūm

5. Cùm sibi aliquid aduersi euenit, siue ab homine, siue casu aliquo, cogitet se maiore malo dignum, grauiora promeruisse infernò, & persua-deat potius hîc sibi esse patiendum propter DEVM, cælum, virtutem, cum merito, quàm sine illo fortè etiam in inferno.

6. Assuescat vt in omnibus honorem & beneplacitum DEI spectet, hoc enim primum desiderium, hanc peculiarem intentionem ac studium nostrum debere esse, CHRISTVS ipse docuit, cùm dixit. *Pater noster qui es in calis. Sanctificetur nomen tuum.* Nam in omni vita sua, non sibi primò, sed DEO debet bonum optare & procurare iuxta statum suum; secundariò autem sibi vitam æternam, & quæ ad illam faciunt; cùm enim DEVS potior sit quàm omnia etiam quæcunq; possibilia; ideò primò hîc ponitur honor DEI. Secundò regnum DEI, gratiæ & gloriæ. Tertiò medium directum ad hæc, id est observatio mandatorum DEI, tùm bona spiritualia & temporalia & remotio malorum, quæ impediunt à præfatis. Ita S. Thom. 2. 2. quæst. 84. art. 9. Insuper Confessarius roget pœnitentem an aliquid restet, quod grauet ipsius conscientiam; & si nihil sit, ipsum absoluat; prius tamen ante absolutionem ab eo inquirat, an DEVM & voluntatem eius supra omnia præferat, an ex amore DEI omnia peccata detestetur, an habeat firmum & efficax propositum, peccata vitandi? siquæ pœnitens respondeat affirmatiuè: Confessarius subsumat, vt addat hæc

verba gratiâ DEI, vel DEO iuuantem; præmo-
neatq; multos in grauiora peccata, quàm fue-
rant confessi prolapsos; quia non DEI auxi-
lio, sed suis viribus fidebant, vnde & ipse sapiens
DEVM oret, & pro viribus animæ suæ profe-
ctum procuret. Tandem sic benè animatum, in-
structum, & aduersus pericula & occasiones pec-
candi munitum, DEO commendat, & offerat
tanquàm fructum DEO, sine dubio gratissimum
futurum, quia vt ait D. Iacob. Cap. 5. *Qui con-
uerterit peccatorem ab errore viæ, saluabit ani-
mam eius à morte, & operiet multitudinem pecca-
torum.*

Deniq; caueat post confessionem tristiores
aut aueriores vultum ostendere ipsi pœniten-
ti, aut circa illum exhibere aliqua signa contem-
ptus, vnde vel ipsi peccati exprobratio, vel alijs
notitia aut suspicio oriri possit. Debet ergo æ-
qualiter initio dum audire incipit, & in progres-
su exterius esse compositus, & post confessionem
eundem se exhibere sicut ante, comem, affabi-
lem, ac familiarem.

QVÆRES II.

*Quid faciendum Confessario, qui videt pœni-
tentem esse in occasione peccati?*

Respondent communiter DD. Si sit occasio
proxima peccandi mortaliter, tenetur Con-
fessarius exigere à pœnitente propositum firmum
eam tollendi; vt autem proxima iudicetur duo
debent concurrere. 1. Vt sit voluntaria, si e-

nim vitari non possit moraliter loquendo, & ab alio potius censeatur illata, quam assumpta; non reddit indignum absolutione. 2. Debet esse talis ex suo genere ut statim vel quasi statim illa data homo in mortale cadat; siue ut nata sit frequentissime homines similis conditionis ad talia peccata inducere: vel experientia doceat, talem effectum habere in hoc pœnitente. Hic verò ad iudicandum multâ prudentiâ debet uti Confessarius. Nam vni occasio proxima est, quæ eadem in alio talis non iudicatur. v. g. Frequentatio popinæ vni est proxima occasio ebrietatis, & aliorum peccatorum mortaliū, quæ alteri talis non censetur; licet aliquando etiam inde peccare eum contigerit. Item frequentatio cum hæreticis, vni est occasio hæresis, aut dubietatis in fide, alteri firmiori non est. Item conuersatio cum puellis, alicui adolescenti est causa luxuriæ, vel in actu, vel in cogitatione: similis occasio non censetur proxima alteri, qui aliquando, at raro propter hoc peccat. Item lectio librorum de amore tractantium, vni potest esse præcipitium, alteri non nisi aliquod leue, malum censi. Cum ergo occasio censetur proxima alicui, talis non potest absolui, nisi proponat tollere; si autem non sit proxima, potest absolui.

Sed quid si pœnitens dicat, se non posse sine scandalo, vel infamia, vel graui incommodo tollere? Huiusmodi sunt calus quotidiani, & mul-

tum timoratos Confessarios torquent. Exemplum sit. Famulus & ancilla in eadem domo conuersantes, sibi mutuò carnalium cogitationum & tactuum occasio sunt: & allegant se eam domum non posse deserere, sine graui incommodo, quia alibi ministerium non sunt reperiuri. Item filiusfamilias malè conuersatur cum ancilla, aut consanguinea cohabitante: vel etiam sorore: & dicit se non posse deserere paternam domum, nec idipsum fieri posse ab altera. Item adolescens in matrimonium optat aliquam puellam, nec potest eam alloqui sine motibus carnis, in quibus solet delectari, & sic est in frequenti statu peccati, sed hanc familiaritatem, ob matrimonium præensum negat se, deserere posse.

Respondeo cum Marchan. in Resol. Past. de pœnit. Primò in his & similibus casibus videndum esse, an sit aliquod remedium, quod susceptum à pœnitente, credatur posse ipsum cum DEI gratiâ præseruare à lapsu. Atq; ita pœnitens si admittat tale remedium cum proposito non consentiendi ampliùs peccato, posset absolui. 1. Moneatur resolutio animò, personæ cum qua malè veritur, repræsentare periculum in quo sunt, & quòd ob illud sibi denegetur absolutio (nisi inde Confessario crearetur periculum, v. g. à concubinario) ideoq; obsecrare eum debet in Domino, vt meliorem iam ineat rationem vitandi peccati & periculi. 2. Eliciat propositum efficax non conuersandi in tenebris cum illa,

illa, aut in loco remotiori & solitario efficacius ad peccatum inducente. 3. Paratus sit non solum loca, sed & occasiones quas indicat maxime proximas sibi, siue ordinariè initium peccato dantes, evitare: puta aspectus nimis fixos illius personæ, aut manuum, faciei quæ attactus, blanditias, illecebras quæ omnes. 4. Ordinetur ei aliqua brevis oratio iaculatoria, quæ quotidie propositum renouet non cadendi, id quæ matutino, tempore, vel etiam ter in die; mane, meridie, & vespere. Item salutatio ad CHRISTVM, B. Virginem, Angelum custodem, & ad hunc affectum, precatiuncula per Ave Maria, vel genuflexio cum reflexione mentis, ad CHRISTVM in cruce pro se pendentem, rogantem, deterrentem à peccato, &c. Item quoties cogitatio praua inciderit, cruce signet pectus, cor eleuando in DEVM, & similia. Si hæc obseruare se omnino paratum offerat, atque alia quæ Confessarius ex spiritus instinctu suggerere potuerit (inter quæ esse poterit frequens confessio & communio, frequens Missæ auditio) poterit talis absolui.

Sed quid si adhuc reincidat, & absolutio-
nem iterum iterumque reincidens petat? Respon-
deoque cum Reginaldo de prud. Confess. Non
ideo negandam, si maiorem dolorem & propo-
situm firmitus, quam antea repetat: præsertim
si aliquantum se contineat & diminuat nume-
rum peccatorum: ita vt aliqua inchoatio, aut
spes

spes emendationis, possit aduerti. Quod si nulla est in ipso cura salutis, nulla apparentia aut spes emendationis; sed potius ruina in peris, dicendum ei & remorandum illud CHRISTI: *Si oculus tuus, aut pes, aut manus scandalizat te, projice eam.* Hoc est licet aliquis tibi tam commodus, aut necessarius videtur, quàm est oculus, aut pes, aut manus, & tamen propter illum tibi est ruina salutis, melius est, ut eius emolumentis careas, quàm ob illum protraharis in gehennam; ideoque separa te ab illo quamuis coniunctissimus tibi sit, & utilissimus. Sicut enim præstat ut cum vno oculo, pede, manu, ingrediaris regnum celorum, quàm cum duobus mittaris in gehennam, ita & hic; potius enim est ut fama, & res, ac corpus pereant, quàm anima; nam ut plurimum in his occasionibus animæ interitus euenit, ut exempla comprobant. Ideoque CHRISTVS in Revel. S. Birgit. lib. Cap. 47. ait: *illum qui sic dicit; peniteo de peccato; sed non relinquam illam cum qua peccaui, ita ut amplius non faciam: quasi ferro acutissimo se pun- gere.* Imploret verò Confessarius DEI auxilium pro illis, ac pro se, ut iuxta prudentiam, spiritus illis possit consulere & opem ferre.

Hic etiam obseruandum, quod satis prudenter annotauit Card. de Lugo Tom. de penitentia disp. 24. n. 17. Quando Confessarij Principum, Prælatorum, aliorumq; magnatum, sciunt ipsos non satisfacere officio v. g. circa collationem, beneficiorum, electionem ministrorum, subdi-

subditorum gubernationem, circa eleemosynas ex bonis Ecclesiasticis faciendas, &c. regulariter tenetur Confessarius monere pœnitentem de sua obligatione: alias si absoluit, suis humeris peccata illa imponit, & cæcus cæcum ducens, ambo in foueam inferni cadunt. Ratio: quia in talibus rarò ignorantia inuincibilis; rarò item contingit, vt illa secum non adferant scandalum in subditis, existimantibus illa licere; vel certè non afferant damnum commune. Si tamen videat ignorantiam esse inuincibilem, neq; ex illa sequi scandalum, aut damnum commune; contra verò admonitionem fore in maius damnum pœnitentis; aut allaturam scandala vel incommoda, potest secundo paulò ante dicta dissimulare, nisi interrogetur, ita ille.

Novi quendam Religiosum ex Familia S. Francisci, qui Capellanus & Confessarius existens cuiusdam Magnatis, admonitus ab alijs Religiosis beneficiatis, vt Domino illi faceret scrupulum, de Decimis reddendis quæ illis Religiosis debebantur; candidè & resolutè respondit; Patres (inquit) videã vestra prinilegia, vt sim certus de his Decimis, ego in peruigilio Festi quo ipse confessurus est, admonebo ipsum de isto debito; si noluerit acquiescere; ego accepto meo Breuiario ipsum deleam, nè animam meam perdam, quam vt saluem, factus sum Religiosus. Fecit quod promisit, & illo suo zelo ac prudentiâ effecit; vt ille Dominus sine strepitu iuris (quod diutius protrahebatur) per sententiam

tiam Arbitri pij & docti hominis Decimas extraderet.

QVÆRES III.

Quid agendum cum recidivante?

NOtandum est ex Nauarro in Enchirid: Cap. 3. Si quis in idem peccatum reciderit, non esse illi eo solo nomine absolutionem negandam, tanquam impœnitenti; quia recidisse in idem peccatum, non est argumentum necessarium defectûs veræ pœnitentiæ, sed signum infirmitatis; vnde communiter absoluuntur, semel in anno confitentes, si nullum aliud adferunt impedimentum, quantumvis in peccata de quibus confessi erant, recidisse deprehendantur. Procedit autem istud ex eodem Nauarro, etiamsi confitens nolit abstinere ab eo, quod fuit ei occasio recidendi, vt conuersatio cum aliqua persona, aut aliud simile; dum modo non sit occasio propinqua (vt supra dictum est) peccati mortalis, seu quâ datâ statim aut quasi statim, cadatur in mortale, interueniatque verus dolor cum efficaci proposito, & graui causa; cum spe emendationis seu non committendi illud peccatum.

Procedit etiam in eo, qui bis, ter, aut sæpius recidit: argumentô eius quod non tantum semel, aut septiès, sed septuagies septiès in nos peccanti parcendum sit *Cap. septiès de penit. distinct. 3. ex Matt. Cap. 18. & Luc. 17.* dummodò laboret & vtatur modis præsertim à Confessario

præ-

præscriptis ad sese corrigendum. Attamen ex eodem Nauarro, videretur non absoluendus pœnitens recidiuus, tanquam non dans signum sufficiens propositi firmi non peccandi de cæterò, si nulla emendatio neq; emendationis inchoatio præteritis vicibus in eo existisse obseruaretur, aut si infirmitas, imbecillitasq; ipsius, aut ingens propensio ad peccatum, aut externæ occasionis recidendi, persuadent nullam secuturam emendationem; quia istiusmodi, vt supra patet ex dictis, præsumitur carere verò dolore & proposito.

QVÆRES IV.

Quæ sunt remedia aduersus reciduationem?

PORRò aduersus reciduum, adhibenda remedia hæc, quæ ex Gersone commemorat Polancus, & cum eo Iacobus à Graphis 1. est, sequenti die cum recidere contigerit ieiunare in pane & aqua. 2. Recitare certum Psalmorum numerum. 3. Aliquid charum vel certè aliquam pecuniam dare in eleemosynam. 4. Confiteri intra triduum post peccatum commissum. 5. Cum succumbendo tentationi contigerit, consensus in peccatum; per actum contritionis ad misericordiam DEI consequendam; aliquas orationes dicere, aut certe cum id cæterorum præsentia impedit, saltèm manu ad peccatus admotà (quòd fieri potest alijs non aduertentibus) dolere 6. Recidivanti iuxta conditionem ipsius, & peccatorum gravitatem, ultra pœnitentiam

nitentiam, quàm par fuerit ei imponi, iniungere aliquid recitandum, vt Pater & Aue, aut aliquid huiusmodi in memoriam gratiæ resurgendi, à D^Eo per Sacramentum obtentæ. 7. Ad di potest ex Nauarro in Ench. vt contra tentationem peccati, in quòd relabi contingit, imploret Diuinum auxilium per preces alicuius Sancti, qui virtute contraria plurimum enituit: & vt firmiter proponat, ac etiam interdum voueat, saltèm ad tempus; se illam, vel illam penitentiam facturum, si adhuc relabatur; tanquam sibi legem imponens, quâ seipsum còerceat, ac sibimet terrori sit: quasi D^Ei auctoritate gladio accinctus ad pugnam, pro tuendo ipsius diuino honore, aduersus proprios affectus: à quibus importunè oppugnatur, illos scilicet per penitentiam mortificando. In qua pugna difficultas ea occurrit, quòd is impugnandus sit, qui diligitur, iuxta illud ad Ephesios. *Nemo unquàm carnem suam odio habuit, sed fouet & nutrit eam.* Verùm amore coronæ, gloriæ & timore gehennæ, talis difficultas facillè superatur: dum simul in mentem venit, quòd lata & spatiosa sit via ad perditionem *quoddā non coronabitur, nisi qui legitime certauerit.* 2. ad Tim. 2. veniant item Sanctorum exempla, qui cum tanta austeritate vixerunt: ac etiam exempla illorum, qui mundanam miliciam sequuntur, in qua tam multa incommoda & plerumq; mani spe fulti, perseverant. Non voueat autem, se nunquàm tale peccatum admissurum, aut se ingressurum in religionem

onem si admittat: *Argumento cap. Clericos de co-
habitatione Clericorum & mulierum.* in quo pro-
hibetur ne Clerici concubinarij per juramen-
tum compellantur concubinas dimittere.

Ad necessarium autem diuinum auxilium ob-
tinendum, iuuerit petendo illud humilitatem
exercere (si tempus & locus patiantur) flexis in
terram genibus, vel in terram se prosternendo, o-
ram imagine Crucifixi, detestando nostram erga
ipsum nequitiam & ingratitude, atq; si pla-
cet osculando terram ipsam à qua sustineri nos
reddimus indignos. Etenim cor sic contritum
& humiliatum D^EVS non despiciet. Addi po-
test ad extremum consideratio, quòd cum turpi-
tudo & perniciēs peccati omnem aliam superet,
quiddam tamen adhuc vilius & peius inesse cen-
seatur in relapsu, quàm in peccatis primò com-
missis, iuxta illud Ierem. 2. *Quàm vilis facta es
nimis, iterans vias tuas, & illud Proverb. 26. Si-
cut canis qui reuertitur ad vomitum suum: sic im-
prudens, qui iterat stultitiam suam.* & illud Domi-
ni Matth. 12. & Luc. 11. *Fiunt nouissima hominis
peiora prioribus.*

Maxima difficultas cum vsurarijs Confessa-
rijs occurrit, qui suos perversos contractus, ho-
nestis vocabulis contegere solent, vt vix possi-
bile sit malitiam eorum deprehendere, & pæni-
tentibus abominabilem reddere: deinde cum
consuetudo vsurpata, à multis pro lege habeat-
ur, nulli scrupuli talibus circa illos actus re-
morum conscientiae faciunt, vnde pro peccatis

M

non

non reputari, in confessionibus reticentur. Con-
 cionatores si specificè contra eos publicè inuehe-
 rent fortasse pro conuiciatoribus censerentur;
 Confessarii vel illos aduertere non possunt, siqui-
 dem obteguntur; uel in bona fide illi spænitentes
 relinquunt. Proinde tenet optimo consilio
 factum est, quòd casus reservati summo Pontifi-
 ci, quorum communior sit euentus in Prouincijs,
 ad notitiam Confessariorum in Agendis siue Ritu-
 alibus promulgantur; ita valde commodum &
 proficuum, tam pænitentiarijs, quàm pæniten-
 tibus fieret, si illi contractus, qui specie latu ta iu-
 stitiæ testis in frequentiore vsu habentur, ab ali-
 quo Doctore Theologo, Doctore Iuris, & magni
 Iudicij & experientiæ Practico infimul congre-
 gatis collati ac rutinati, (siquidem modò sunt
 plures in contractibus abusus, quàm quos R. P.
 Martinus Smiglecky, satis doctè pro hoc Regno
 pro cautela exposuit) per aliquem libellum pu-
 blicâ Authoritate, pro iniquis declararentur.

Idem censendum circa subditorum oppresso-
 res, qui iuxta suam consistam iustitiam, maiores
 census & labores, quasi sibi ex obligatione subie-
 ctionis debitòs à miseris exigunt, cum magno di-
 spendio latenter imminente etiam illis ipsis, cum
 prole sua; ac per consequens ipsi Reipub. defici-
 ente stomacho etiam totum corpus deficere ne-
 cesse est; ita ex rusticis exhaustis corpus Reip.

Caute quoq; quæ propter Confessarios con-
 tra audaciam malicium bona Ecclesiastica spolian-
 tum.

tium, typis prodeunt; non multam valere ad comprimendam horum perniciam videntur; siquidem ob iuste sibi denegatam absolutionem in peius irritantur; nec videtur habere finem ipsorum malitia. Magnum fuit olim & honorabile militiæ nomen, ut in historijs etiam Ethnicorum videre licet: imò & in Sacro Evangelio milites ab illo magno CHRISTI præcuratore, salutaria monita promeriti sunt, & in suo statu confirmati; modo autem eò miseriarum interdum devenitur; ut hic status potius dissuadendus, ob pericula damnationis æternæ, & dubiam victoriam, quàm suadendus videatur. Quæ enim spes gratiæ diuinæ, & salutis æternæ istis affulgeat, quæ benedictio à Domino exercituum ad debellando hostes, quæ consolatio Reip. qui bona CHRISTO dicata nullo iure magis maiisque (missis alijs abusibus) suis stationibus & gravioribus exactionibus depopulantur, mileros subditos nimum expoliant, indeq; possessiones Ecclesiasticas & Regales devastant. Deinde si ante conflictum Sacramentalem absolutionem percipiant, non video, quomodo ipsis capaces esse possint, qui in antiquo proposito malè victitandi ex bonis Ecclesiasticis, & spolijs afflictorum perstunt. Quapropter ad obviandum huic malo graviores noxas secum trahente, talis modus esset ab illis scriptoribus, vel potius quibus interest adiuveniendus; ut potius sit exercitus Gedeonis, Machabæorum, vel saltèm veterum Romanorum, aut qualis in Chronicis nostri

Regni describitur, cum minori sumptu, & fructu maiore, quàm alias.

Item illa monita quæ ad corrigendos publicos abusus; vel per satyras etiam vsus laudabilis fuit apud Romanos, vel benigniore stylo à zelosis boni communis viris intinuantur, pungunt quidem aliquos, sed minime compungunt; magis fortasse proficius modus foret ille, cuius mentionem facit Baronius sub Anno Dñi 450. n. 6. & A. 451. n. 2. ex reffius autem in Anno 828. n. 4. Si nimirum proceres Ecclesiastici & Sæculares mutuam consilium cum efficaci executione ad obuiandum huiusmodi delictis intrent, & fortè necessarius nam multiplicatæ culpæ ad menturæ adimpletionem, maiorem Dei thesauris iram, & grauiores diuinæ iustitiæ pœnas, vt non aldat vltra misereri exgunt. Deinde felicitatem bonorum temporalium, & prosperitatem Regnorum à vera Religionis, & à virtutibus; & e contra; pendere; satis latè probat Thomas Bozius, de Ruinis Gentium, præsertim lib. 2. Cap. 1. specialiter autem lib. 7. Cap. 8. de Regno Poloniæ. His vel similibus in executionem datis; Confessarij cum maiori facilitate & fructu munus suum circa prætatos pœnitentes obibunt.

Q V Æ R E S V.

Quis processus seruandus in excipiendis confessionibus generalibus & alijs longioribus?

Respondet Bail. V. Confess. S. 4. n. 7. Audietur

turus confessionem generalem, aduertat inprimis, an aliquis defectus substantialis præcedentes confessiones inuoluerit? nam tunc accuratior diligentia, & attentione opus est, quam cum solum maior quaeritur fructus spiritualis; tunc enim Confessarius non multum illi tenetur esse intentus, & penitenti licitum absq; sacrilegio silere quæ iam, quæ infamiam præferunt? Ratio est, quia qui de venialibus confitetur, potest tacere quæ vult, & quæ vult tantum confiteri; ita hic non magis, tenetur repetere ea de quibus iam confessus, & à quibus directe absolutus est, quam peccata venialia. Nec refert quod penitens dixerit Confessario, se velle apud eum confessionem generalem facere; licet enim ita dicendo mentiatur; id parum confert, quoad hanc obligationem, nec fallit in re quæ ex se pertinet ad forum huius iudicij.

Et licet ille qui facit confessionem generalem ex obligatione, & confiteatur simul peccata aliqua commissi post confessionem ultimam, ut Confessarius ea excipiat tanquam materiam necessarias; nihilo minus in praxi dicendo, iste qui ex deuotione generaliter confitetur, debet dicere ante vel post hanc confessionem generalem, si quod peccatum mortale nouum commisit, cum propter penitentiam punitiuam, quæ non tanta requiritur pro peccato, pro quo iam satisfactum est, cum propter præseruatiuam si quæ requiratur; insuper propter casum reseruatium si quem incurrit, nam a non habente potestatem super illum

illum non potest ab eo absolui; potest autem absolutio impendi à simplice Confessario super casus reseruatos iam absolutos, quamuis inualida fuerit absolutio propter defectum penitentis à peccatis ipsius. Vide Bass. V. Cap. 1. n. 19.

Deinde instruat penitentem; ut omittat historias & omnia superflua, atq; adeò peccata, quæ constat esse venialia: dicat autem breuiter & dilucidè species, numerum & circumstantias necessarias grauiorum peccatorum: hæc enim ratione quantumuis longi temporis confessio, non tantum expedire, sed etiam integrè & perspicuè fieri potest, atq; adeò magis accomodatè ad sententiam de statu penitentis ferendam, quam si multæ circumstantiæ non necessariæ permisceantur: quod si penitens non sit capax huius instructionis, ut ferè contingit, ipse Confessarius instituat breue examen, sed tamen integrum, pro statu penitentis, (dictum est supra,) reuocando omnia ad præcepta Decalogi: non tamen omnes omnia interrogandi sunt, sed ea tantum, quæ probabiliter committere potuerunt.

Imò æquum erit Confessarijs penitentes monere, nè Sacramentaliter vel ut absoluendas imperfectiones, quæ peccata non sunt, narrent. Quod si penitentes illa peccata esse putent à Confessario doceantur, scelera non esse, nec deinceps indigere eas amplius subijcere confessioni, ut absoluendas; potius enim per orationem & mortificationem debent tolli.

Si ali-

Si aliquod graue turpenè peccatum in confessione declarari audierit, nulla signa admirationis, abominationis, aut pauoris ostendat, siue spuendo, siue se cruce signando; sit potius ac si nihil audiret, dissimuletq; vsq; ad finem confessionis. Dum venereas culpas, aut faminarum confessiones audit (à quibus periculum) commendet se Deo, B. Virgini, tutelari Angelo, castisq; Angelicis cogitationibus, imbecillum animum muniat.

Et quia contingit aliquando personas Religiosas & deuotas, quæ confitentur singulis octo diebus, & fortè sæpius, dum accedunt ad confessionem immorari tantum, quantum sufficeret pro facienda confessione vnius perditissimilatonis, & dant occasionem quòd obloquantur à stantibus. Tu Confessor vides, an benè hoc cedat, ut tollatur ista admiratio? Postquam personam noueris, non audies nisi mortalia, si quæ habet, vel venialia grauiora; reliqua omnia facias verbo generali confiteri. Vnde impertinenter & non sine peccato faciunt, qui in confessione tempus terunt instructionibus ad hoc Sacramentum non pertinentibus, de rebus & exercitijs spiritualibus, de moribus & directione nllarum spiritalium, audientes omnia, quæ eis contingere dicunt, & de eis conferentes, de multa iactura temporis, & grauib; periculis deceptionum, propter familiaritates inutiles, quæ ex eis nascuntur.

Vnde apud viros potius quàm apud mulie;

res suam operam colloquet, magis proficiens tutius aget. Viri constantiores sunt feminis; nec multum temporis impendat lubricum negotium cum feminis, longiora colloquia miscere, cum ingenti periculo, vix minimo lucro. Ne si lat, muliebri ingenio, *cunctorum enim una malorum femina principium.*

Qui morituri confessionem excepturus est, siue mors immineat ex morbo, siue ex vulnere, siue ex Iudicis sententia: primò transferat animum ipsius à cura rerum temporalium, ad curam animæ & salutis æternæ, ad quod expedet aliquando præscindere omnem spem vitæ longioris. 1. Excitet in ipso fidem necessarium, ad salutem spem veniæ in CHRISTUM, puram charitatem in DEUM, penitentiam & detestationem peccatorum, saltem ex timore gehennæ. 3. Si multum temporis suppetet, det illi spatium *recogitandi annos suos in amaritudine animæ suæ*, vt integram faciat confessionem omnium peccatorum, nam tunc maximè vrget præceptum Diuinum. 4. Hortetur illum vt disponat domui suæ, prouidendo vxori, liberis, & alijs quibus est obstrictus, condat testamentum, & relinquat negotia, quàm potest liquidissimum nè detur heredibus occasio litigandi. 5. Inducat illum vt petat viaticum SS. Eucharistiæ, & Sacramentum extremæ vnctionis. Statuat item de sua sepultura, exequijs, suffragijs, &c. Vt corpori & animæ sit prospectum. 6. Si periculum est in mora, vt quia grauissimè vulneratus,

ratus, vel breui priuandus vlu rationis, aut lingua; tunc si putetur sufficienter dispositus, statim post vnum aut alterum peccatum absoluitur; reliqua audiantur per otium, prout tempus patietur, subsequente deinde absolutione.

An autem ipse Confessarius in auditis confessionibus aliquid deliquerit, intuendum sibi est; sumat sibi spatium, inauditas confessiones inquirat; videat an aliquid peccauerit, doleat, expiet scelera confessione suâ, eaq; in posterum corrigere toto animo conetur. Confessarius tamen qui ex memoriæ debilitate, humana distractione, fatigatione spiritus, ex nimia intensione in confessionibus audiendis & similibus causis, omitteret aliqua examinare, vel totaliter à peccato excusaretur, vel non nisi venialiter peccaret: quia cum tanto sui incommodo & dispendio, & in cautelis quæ vix sunt in nostra potestate, nemo tenetur alienos defectus supmere.

Caveat præterea Confessarius nè alios Confessarios despiciat, tenere iudicet, maledictis profundis, aut eorum gesta imprudenter accuset: si enim potest, vt prudentissime egerint: quod tamen nec penitens, nec ipse percipit. Si aliquis crimen ex imprudenti confessione penitentis cognoscat, Christiano animo excuset, humanæ imbecillitati adscribat, roget Deum vt illi resipiscendi mentem instillet, sibiq; præsto sit, vt vel ex scelerum laqueis exeat, vel

nē in

nè in maiores, quam ille inciderit, vitiorum voragines, præceps ruat. Quis enim Divinâ ope orbatuſ præcipiti cursu in scelerum ambages non rapiatur, diris hostibus circumventus?

Pro coronide horum monitorum, sciendum est (idem Bissæus ibidem) gravissima & multa inter audiendos Divinô ritu pœnitentes, flagitia committi possunt: caueat proinde diligenter Confessarius nè se aliquò sacrilegiò inficiat, vel inficiâ, vel imprudentiâ, vel omissione necessariæ interrogationis, vel non præcepta restitutione, vel indignum aliquem certò quodam pauore, sacrâ absolutione donando. Ideò fortis sit & magnanimus, nec vereatur magnitudinem cuiusquam, memor agere se causam CHRISTI, non suam, ac propterea si Vir nobilis, si amicus confiteantur, habeat præ oculis gloriam DEI, & salutem pœnitentis, ad eumq; scopum suaviter & prudenter dirigat, iuxta præscriptum Concil. Trid. Sess. 14. Cap. 8. nè leuissima pro gravissimis delictis iniungendo, alienorum peccatorum particeps fiat: unde mortem magis debet oppetere, quàm homini indigno Sacramenta præbere.

QVÆRES VI.

Quomodo soluenda illa argumentatio, quâ aliqui pro defensione suæ vitæ licentiose utuntur: vel sum prædestinatus, vel non sum, si sum certissimè saluabor quidquid fecero; si non sum, certissimè damnabor, quidquid egero.

Re-

Respondent Theologi imprimis istam argumentationem ex toto fallam esse; neq; enim quisquam ex adultis damnatur nisi commiserit damnanda, neq; saluatur nisi digna cælo operatus fuerit, probant id ex multis scripturæ locis Ezech. 37. *Viuo ego dicit Dominus, nolo mortem peccatoris, sed ut conuertatur à via sua, & uiuat* Matt. 25. *Venite benedicti Patris mei possidete vobis paratum Regnum à constitutione mundi, esuriui enim &c. Ite maledicti, &c.* Ioan. 5. *Procedent hi qui bona egerunt in resurrectionem uitæ, qui verò mala in resurrectionem iudicij.* 2. ad Cor. 5. *Vt unusquisq; referat, prout gessit in corpore suo siue bonum siue malum.* ad Rom. 8. *Quos præsciuit & prædestinauit conformes fieri imagini filij sui.* In quæ verba D. Ambrosi. libr. 5. de fide & gratia Cap. 3. ait. *Non enim ante prædestinauit, quam præsciuit, sed quorum merita præsciuit, eorum merita prædestinauit.* Vnde D. August. lib. de prædestinatione & gratia Cap. 15. *qui creauit te sine te, non iustificabit nec saluabit te, sine te* Et alibi: *vasis iræ nunquam DEVS redderet interitum si spontaneum non inueniretur homo habere peccatum.* Demum iidem Doctores probant ex ijs scripturæ locis, quibus vita æterna dicitur corona iustitiæ, merces, brauium ac præmium, dicuntq; illum qui confidit se sine gratia & meritis saluandum esse in statu peccati mortalis, propter hanc temerariâ præsumptionem, (nam ex Dei præscripto bona opera sunt conditio sine qua non, &c.) cō ipso damnandum fore.

Ad maiorem declarationem horum appono hic dogma celebris hoc tempore in Sacram scripturam Commentatoris Cornelij à Lapide, supra illa verba D. Petri 2. Epist. Cap. 1. *Satagite magis ut per bona opera certam vestram vocationem & electionem faciat. Hac ergo inquit ratione in cuiusq; fidelis potestate & arbitrio est, facere, ut sit predestinatus, vel ut non sit; si enim velit cooperari gratie, sibi a DEO ad salutem date, usq; ad mortem uti potest & debet; est, & erit predestinatus; si nolit non erit, quos enim DEVS praevidit cooperaturos gratia, hos predestinavit; quos verò praevidit non cooperaturos, illos reprobavit. Quisq; ergo gratie sibi à DEO ad salutem date, strenuè & constanter cooperetur; hac ratione gratiam sibi datam, faciet congruam & efficacem (quod DEVS vult & optat) & consequenter erit predestinatus, non reprobus; quòd sanè dignationis diuinæ, aequè ac consolationis humanæ pulchrum est argumentum.*

Idem super illa Pauli. *Firmum fundamentum DEI stat, habens signaculum hoc: cognovit Dominus, qui sunt eius: & discedat ab iniquitate omnis, qui inuocat nomen Domini, sic scribit: à bona vita pendet reprobatio & damnatio; atqui bona & mala vita, est in arbitrio & potestate cuiusq; quisq; enim per gratiam DEI potest benè viuere, potest & malè si velit; ergo electio quoq; ad gloriam & reprobatio est in arbitrio & potestate cuiusq; Totum hoc significauit D. Thom. Aquinas, quando ab anxia sorore interrogatus, quomodo saluari posset? respondit, *volendo.**

Deinde

Deinde illud argumentum non tantum falsum, verum etiam purum inuentum diaboli inde esse colligitur, quod ipsum Ruffinum D. Francisci Religiosum in summas animi angustias, & grauem desperationem coniecerat; & cerè in vltimum interitum protraxisset, nì DEVS istum dolum scithanz, & illius fratris periculum Diuo Francisco reuelasset. Sanè D. August. affirmat, facto sæpius repetendi dilemmatis ratiocinio, Monachum vnum in suo Monasterio, eo deniq; adductum fuisse, vt deserto claustris, mundum, allia & pepones Aegypti malò perfidiæ exemplo repeteret, miserq; ibi periret. Vbi felicitatem infans quæsiuerat. Ex eodem Calvinus & omnes Calvinistæ, ac complures alij cornuto illo syllogismo sumplerunt cornua, tñ in omnem pietatem proteruarietes: ex eadem tentatione quendam in Reuel. S. Birgittæ lib. 6. Cap. 13. legimus esse damnatum.

Tertiò quod valde vanum, & imperitum: quali si quis diceret: DEVS præuidet & determinauit quod triticum messurus sim vel non sim; ergo non est opus arare; si enim scit quod messurus sim, hoc certo eueniet; si nescit quod messurus non sim, frustra arabo. Similiter si dicat: si DEVS determinauit me nunc moriturum, non egeo cu à Medici, vel medicinâ; si scit me non moriturum ex hac ægritudine, si perflua erit cura, quia sanabor etiam sine illa, nè fallatur DEVS.

Respondetur ergo, quod sicut scit DEVS te
saluam.

sanandum, ita scit quod per hæc media sanitatis, per hanc medici curam, & medicamenta sis sanandus; & ideo illa tibi adhibenda sunt: sic si scit te collecturum triticeum, etiam scit te seminaturum & araturum, sicq; collecturum; ideoq; arare debes & seminare. Similiter si *Deus* scit te saluandum, scit quod per bona opera sis saluandus, & ideo illa debes conquirere: si scit te reprobandum, scit quod propter peccata & mala opera, & ideo debes illa fugere. Licet ergo totum opus saluationis fiat per diuersa auxilia gratiæ Diuinæ iuxta illud Apost. Rom. 6. *Gratia Dei vita aterna*; Et illud Ecclesiæ. *Qui saluandos saluas gratis*; attamen illa exigunt cooperationem nostram, prout orat Ecclesia illis verbis. *Quos tuos fide & opere futuros esse prænoscis*. Sicut enim docente D. Thomâ *Deus* per patientiam remissionem peccatorum, ita ex meritis gloriam dare hominibus decreuit. Certè hoc argumento *Dæmon* non vitur pro parte sua; nec dicit: si iste est prædestinatus frustra laborabo ipsum tentando, quia certò saluabitur: si est reprobatus infallibiliter meus erit, non est necesse vt ipsum tentem: verum circuit querens quem deuoret, cui in viuâ fide resistendū est.

Quapropter dolosum hoc argumentum ita retorquent Theologi. Primò Becanus de prædestinatione hæc habet. Si prædestinatus sum per certa media, quæ in mea sunt potestate; certissimè saluabor, si illa seruabo. Si reprobatus sum propter mea peccata, quæ liberè committam;

mittam; certissime damnabor, si illa patrauerō.
 Tannerus quoq; disp. 3. de præd. sic ait: Certi
 sumus nos saluandos si usq; in finem in bono
 perseueremus uti possumus, nec aliter; certi su-
 mus nos damnandos, si culpā nostrā deficiamus
 in bono, nec aliter, & Greg. de Valentia 1. p.
 q. 13. disp. 1. p. 4 Si es prædestinatus, benè
 tibi operandū est, præuisus es enim benè opera-
 turus; quòd si nolis operari, signum est, te non
 esse prædestinatum; ut ergo *certam tuam præ-
 destinationem facias*, benè operare. Dicitis ver-
 bis hunc dicurium deducit Paulus Zechentner
 in libello dicto Vermis conscientie lib. 2. C. 2.
 §. 1. Hoc dolosum argutantis demonis Sophi-
 sma eludere potes, telaq; in artificis sui caput
 itura, retorquere hoc pacto. Aut sum à Deo
 insertus in album cœlestium incolarum, ab om-
 ni retrò æternitate, aut inde expunctum est
 nomen meum. Si posterius hoc, & niger Dei
 calculus in numerum damnandorum me abiicit;
 id nunc saltē agendum est, ut a vitijs & fla-
 gitijs, porrò mihi temperem, ne eò grauius plec-
 tar in flammis, quo plectenda læpius iterane-
 ro inconsideratissimā temeritate. Quanquam &
 inter reprobos me Deus posuerit, nisi scelera
 fecerint reum, & voluntatis propriæ malicia,
 cohibenda per Diuinæ gratiæ auxiliarem ma-
 num, & libertatis arbitrium. At verò si pium
 numen me inter suos electos adsciuit, nondum
 matris utero conceptum, nondum natum; tum
 verò multò maxime sum obstrictus per breuem
 huius

huius vitæ periodum, quàm officiosissimè obsequi, cui me video ante omne ævum, in corde caltisq; amoribus fuisse. Ac edic quod tamen **DEVS** per seipsum decernat adultis mortalibus gratiam & gloriam, non tamen consequar otiosus, sed adlaboraturus alienæ benevolentia, atq; in pietate, bonisq; meritis, usq; ad finem, pertinaci constantiâ perieueraturus.

Vnde etiam pessimè sic concludes: si sum olim in felici cælitum societate futurus, iam possum omnem salutis meæ sollicitudinem abijcere, vivere licenter, amandare in exilium probitatem; seueriores Numinis leges explodere, proteruius cum **DEO** ludere.

Addit Bress. lib. 2. Cap. n. 95. Si cui reuelata esset reprobatio seu futura damnatio, eum non debere, imò nec posse absolute sperare gloriam, adeoq; de ea posse positè desperare tanquam futura; non tamen tanquam de impossibili, quia reuera simpliciter, & in sensu diuiso maneret possibilis; quare etiam peccaret is, se reddendo eâ indignum, tenereturq; evitare peccata, nec se indignum reddere: quia ut Bannes inquit prima p. The. **DEVS** habet mille modos saluandi hominem.

Pulchrum est, atq; solatio plenum, quod Ludolphus de quodam Monacho posteritati cõsignauit. Hunc suus Socius quod à **DEO** semel acceperat, candidè dixit ipsum esse de numero reproborum. Et ò qualem nuntium tulit? quàm grauem? neq; tamen alter fulminatus

natus erat, tam manifesto Diuinæ vocis oraculo, neq; vellere capillos cæpit, fædare lachrymis vultum, & ærem fæmineo vlulatu adimplere: quin potius medicinam pusillanimitati reperit opportunam, & benedictus, aiebat Deus; nec sic desperabo; sed pœnitentiam quam per ingreſsum Religionis assumpti, de cætero duplicabo, & triplicabo; donec gratiam & misericordiam apud DEVM Altissimum, qui pius est inueniam. Et hem! qui nuper fulmen tulerat, redijt postliminio cum palinodia. sodalemq; suum affirmat esse in societate beandorum; ita nunc à DEO se edoctum.

Deinde etsi nulla expectaretur salus æterna, attamen recta ratio dictat seruiendum esse DEO, ac præcipienti obtemperandum, tum propter summam ipsius excellentiam ac Maiestatem, tum propter tot beneficia, creationis, conseruationis, redemptionis, aliaque in nos collata.

Habemus in speculo exemplorum de quodam Eremita, qui istud peruersum argumentum per istam doctrinam, contra ipsum dæmonem conuertit, ex ipsoq; laudabilem victoriam obtinuit: hic nequam veterator inuidens huic bono adolescenti profectum quem eximium in virtutibus, cum magno cumulo meritorum faciebat, apparuit eius seniori in specie Angelica cum certificans, de certa damnatione huius sui discipuli, ne quicquam contra prædestinationis Diuinæ decretum proficientibus suis meritis: hoc nuntio infauso percussus senex, quoties illum inue-

nem aspiceret à lachrymis sibi temperare præ dolore ex deceptoria prophetia sibi impressis non poterat. Aduertens ille iuuenis ex sui conspectu senis notabilem maiorem toties augeri, tandem importunus extorsit illius causam: nempe sui futuram damnationem, suos frustraneos conatus circa suam salutem ac DEI seruitium. Verùm animus illes, fidelis serui DEI minime mercenarius, nihil illo infelici effato prostratus, ad maiorem DEI amorem se excitauit, dicens: si ergo illuc debeo iustò DEI decreto descendere, vbi DEVS blasphematur, ideo hic quàm diu superuixerò magis magisq; DEVM tam bonum adamabo, glorificabo, ac totis viribus ipsius beneplacitis me impendam, siquidem ille est dignissimus omni amore, honore, & obseruantia, quæ in inferno præstare non valebo. Ex hac protestatione optimè dispositi animi huius iuuenis erga Diuinam Maiestatem, postea à bono Angelo reuelatum fuit; iuuenem plus promeruisse illo actu dilectionis DEI, quàm per omnes antea actæ vitæ suæ sanctè expensos labores.

Deniq; si per impossibile neq; dignitas DEI, neq; ipsius amor, neq; tot beneficia à DEO nobis præstita nos ad hoc obligarent, vt ipsi omnem obedientiam, reuerentiam & amorem præstaremus: nihilominus ipsa naturæ humanæ nostræ conditio, quæ dicat malum esse fugiendum, bonum faciendum, nos ad hoc adigeret, vt saltem postpositis carnalium affectuum propensionibus, honestam vitam semper duceremus.

Dices;

Dices; legimus aliquos per totam vitam suam rectè vixisse, in fine tandem subuersos miserè perijsse, & è contra. Vnde apparet ideò illos perijsse, quòd non fuerint prædestinati, hos saluatos ob prædestinationem. Respondet CHRISTVS Dominus in Reuel. S. Birgit. lib. 5. Inter. 13. Id non esse propter vim prædestinationis, sed propter ingratitudinem & negligentiam hominis, qui non attendit qualia accepit, nec illa DEI dona sollicitè custodit. Quia verò non omnibus datur æqualis processus & gratia; hoc est (inquit) occultum iudicium meum, qui scio & moderor unicuiq; , quod ei expedit & debetur, qui & restringo conatum hominis ne profundius cadat. &c. Vnde ad dilucidanda supradicta subiungo hîc aliquot loca ex iisdem Reuel. S. Birgit. dicitur enim lib. 4. Cap. 67. *Anima rationes præscite sunt à Deitate mea, quales futura erant præcognite, quibus tamen præscientia mea, in nullo obsuit, nec obest, quia eis dedi liberam voluntatis sue motionem, id est liberum arbitrium & potestatem quicquid eas delectat, agendis, nec in aliquo poterit præualere diabolus, nisi voluntas fuerit vitata. In hoc igitur quòd ego patienter sustinui Saulem, demonstratur ingratitudo Saulis, & patientia Deitatis meæ; quòd verò David electus est ostenditur præscientia mea, & humilitas futuræ David & contritio eius. Ergo quod aliqui indurantur hoc facit voluntas hominis mihi contraria: quia licet ego volo omnes esse saluos, tamen non perficitur, nisi homo personaliter cooperatus fuerit, conforman-*

do omnem voluntatem suam voluntati mee. Cuius voluntas praevidetur feruentior, & humilitas & stabilitas constantior, huic accedit gratia in principio, & subsequitur in finem.

Inde apparet Diuinam praeuisionem ac praedestinationem in nulla re praepiudicari libero arbitrio hominis, nec minorem iniuriam à DEO ipsi fieri, quam sit facta Angelo in caelo vel diabolo ruenti. (*Reuel. 3. Virgit. lib. 1. Cap. 1. Cap. 34. lib. 5. Interr. 8. & in alijs locis*) illudq; dictum à DEO ad Cain Gen. 4. prolatum, quod ad omnes homines DD. referri putant: *Necne si bene egeris recipies; sin male statim in foribus peccatum aderit.* Tam verum esse ab aeterno quam in tempore. Et ex his possunt facile solui obiectiones, quæ in contrarium ponuntur.

Sit ergo conclusum istud argumentum: aut sum praedestinatus, &c. esse de toto falsum, imperitum, & meram deceptionem diaboli: proinde illis qui nunquam mortaliter peccarunt, bonis operibus (nam sic magis sunt DEO propter innocentiam obligati quam peccatores) ad finem esse feruenter & vigilanter insistendum; peccatoribus autem dignos fructus penitentiae faciendos; tepidis autem & frigidis, DEVM supplicibus votis exorandum, iuxta doctrinam S. August. tract. 26. in Ioan. *Semel accipe & intellige; non traheris, ora ut traharis.* Omnes enim DEVS sincere vult saluos fieri, indeq; insufficiencia media prout cuique videt expedire porrigit: contra contemnentes illa grauitur expostulaturus.

eurus. Quid ultra vobis debui facere & non feci.
Vocaui vos & renuistis. &c. Vnde alarè omnibus
in iudicio vniuersali patebit illud Apoc. 16. Ve-
ra & iusta sunt iudicia DEI.

QVÆRES VII.

*Quid consolationis dandum illis, qui de
sua perseverantia diffidunt?*

Resp. Cum concil. Trid. S. 6. Cap. 13. De
perseuerantie munere de quo scriptum est, qui
perseuerauerit usq; in finem hic saluus erit, nemo
sibi aliquid certitudine absolutâ polliceatur; tametsi
in DEI auxilio firmissimam spem collocare, & re-
ponere omnes debent: DEVS enim nisi ipsius gra-
tiæ defuerint, sicut capit opus bonum, ita perficiet.
Et licet DEVS temporalia bona, & quædam
spiritualia non eâdem libertate omnibus promi-
scuè largiatur, vt potè non omnibus æqualiter
profutura, multis etiam obfutura; nihilominus
alia est ratio cum salute nostra & eius antea-
bulone perseuerantia: nam quisquis hæc spiri-
tualia & cælestia munera sincerè petit; de impe-
tratione optimè confidere debet. Est enim pro-
bata Theologorum sententia, iustos homines
per preces Numini fulas, aliq; pia in hunc fi-
nem frequentata opera, obtinere posse apud
DEVM, vt in gratia eius vitam suam finiât, quod
ipsum est perseuerare.

Et sumitur hæc doctrina ex Angelico Do-
ctore 1. 2. q. 114. art. 9. cuius sunt ista: Perse-
uerantia donum aliquis petendo a DEO impetrat.

sibi & alijs. Intellige tamen vt non vanis precibus à DEO velit extorquere finalem perseuerantiam; cum necessarium sit, vt pia vita fulciat orationem: nam præmonet DEVS per Iſaiam Cap. 1. Cum extenderitis manus vestras, auertam oculos meos à vobis, cum multiplicaueritis orationem, non exaudiam, manus enim vestre sanguine plene sunt. Quod si quis de suæ vitæ innocentia diffidat, oret, vt oretur pro eo: siquidem in historijs Ecclesiasticis legimus alienas preces magnum monumentum alijs contulisse ad perseuerantiam & salutem.

Nec etiam facile, qui habet desiderium, & bonam voluntatem ad DEVM, in peccatum mortale labitur: hoc insinuat CHRISTVS B. Mechtildi Spir. gratiar. lib. 1. Cap. 21. *Cor beneuolum & bene paratum de facili me non amittit, & cogitationes inutiles, quæ illi improuiso eueniunt, quasi nullius delicti sunt: si tamen non spontè & cum deliberatione, postquam aduerterit, eis immoratur.* Insuper contra hanc tentationem cuidam per eandem Virginem sanctam misit tale remedium lib. 4. Cap. 7. *Sæpius legat hunc versum Benedictus es Domine in firmamento calis, & laudabilis, & gloriosus in secula. Et si quando inciderit menti eius, vt cogitet se non pertinere ad electos, faciat more hominis, qui est in valle tenebrosa. Hic si libenter videret solem, de valle in montem ascenderet, & sic tenebras euaderet; sic & ipsa cum inuoluitur tenebris tristitiæ, ascendat in montem spei, & oculis fidei me aspiciat caeleste firmamentum, cui omnium electo-*

electorum animæ ut stelle sunt infixæ, &c. Vnde bonum est homini, ut sæpè recogitet, quam gratuitâ bonitate ipsum elegeri, quam miris & occultis iudicijs in peccatis existentem, ut iustificaretur respexi, & quam amanter de ipso cogitans, omnia etiam mala sua, ipsius in bonum commutari; & benedicet me eternam firmitatem electorum, in hoc autem verbo. Benedicant te omnes Angeli & Sancti tui, desideret omnes Angelos, & Sanctos, me, secum pariter colaudare.

CAVTELA.

De hac materia.

PRæmonent Doctores de prædestinatione in concionibus, parçè ad populum sermonem esse habendum, ne forte parum intelligentes discursus Theologicos, in aliquos errores desperationis, vel in salutis suæ incuriam incidant. Deinde non multum curiosè mysteria prædestinationis Divinæ a nobis sunt indaganda, dicit enim August. Si non vis errare, noli indagare: siquidem ista sunt ut præcauet Bellarminus in Ascension. in DEVM Grad. 13. Secreta altissima & profundissima, quæ Pater poluit in abyssu sapientiæ suæ quam Apost. non aperit, sed miratur cum dicit. *O altitudo diuitiarum sapientiæ & scientiæ DEI &c.* Hoc solum nobis scire licet apud DEVM nullam esse iniquitatem, & in nouissimo die neminem futurum qui non possit iure dicere: *Iustus es Domine & rectum iudicium tuum.* Ac propterea hoc secretum nobis vtile esse, cum

hinc fiat vt nullus improbus de salute desperet, nullus probus de salute certa præsumat, atq; etiam vt Viri probi, de nullius improbi conuersione diffidant, pro omnibus orent, ac de omnium salute solliciti sint. E contra quantumuis bonus & sanctus, non insolescat, cum nullus sciat quid crastina dies allatura sit. Sed omnes cum metu & tremore salutem suam operentur. Deniq; hortatur sapiens. *In pluribus operibus DEI non sis curiosus, sed quæ tibi præcipit DEVS, illa cogita.* Quæ autem illa sint, ostendit DEVS per Ole. m. *Indicabo tibi homo, quid sit bonum & quid DEVS requirat à te, utiq; facere iudicium, diligere misericordiam, sollicitum ambulare cum Domino.*

Nempe vt tecum rigidiùs procedas tanquam iudex, cum proximo benignè, tanquam mater, cum DEO reuerenter, tanquam probus filius, aut saltèm tanquam seruus fidelis; sedulò prospiciens ne quid contra Diuinam voluntatem, agas, imò omnia, ad placitum eius studiosè, peragas.

Ad pacificandas turbationes circa hanc materiam afferunt aliqui hanc similitudinem. Habet v. g. probus filius, parentem suum amantem; seruus fidelis bonum Dominum: nescit filius quid de se cogitet Pater; ignorat seruus quò diuertatur à Domino; nihilominùs sciens filius de amore Patris erga se, seruus cognoscens fauentem sibi Dominum; hic Dominum suum, ille paren-

parentem, amanti, honorant, illis obsequuntur, ac bona sibi de ipsis pollicentur: ita quoq; tu licet tibi sit ignotum, quid **DEVS** statuerit de te; quia tamen credis & credere debes, quod sit Clementissimus, tui amantissimus, hucusq; tibi sua beneficia præstat, &c. debes sentire de eo in bonitate ac simplicitate cordis, ipsiq; pro viribus feruire, & tunc tibi omnia salua fient. Nemo igitur (addit Marchan, in Hor. past. tract. 2. de fide Christianâ) debet angustiari aut fluctuare; quod nesciat de quo numero sit; sed inter manus Domini **IESV CHRISTI** se ex toto corde, & salutem suam collocare debet, & dicere, quod olim Ægyptij ad Ioseph: *Salus nostra in manu tua est, tantum respice nos & lati seruiemus Regi.* Optimè salutis nostræ negotium constituitur, in manibus illis, quæ pro nobis fixæ sunt, ut vincula nostra soluerent, in manibus illis, quæ (vti ait Bernar. Serm. 61.) *misericiordiâ affluunt, nec desunt foramina per quæ effluant:* Melius in illis est, quàm in nostris, non ergo turbemur. Clamat clauus, clamat vulnus, quod verè **DEVS** sit in **CHRISTO**, mundum reconcilians sibi, vbi enim tuens collocaremus. *In manibus tuis sortes meæ* (ait Plal. 30.) *Domine & tempora meæ.* Ibi tutò collocabat Paulus animam suam, omniumq; meritorum suorum pretiosum thesaurum, dum dicit: 2. Tim. 1. 12. *Scio cui credidi, & certus sum, quia potens est depositum meum seruare in illum diem iustus Iudex.*

Exemplum huius singulare refert Thom. à

Kem-

Kempis Imit. Chr. lib. 1. Cap. 25. Religiosus quidam fluctuans & anxius inter Ipem & metum, quadam vice mærore affectus Ecclesiam ingrediens ante altare prostratus hæc intra se dicebat. O si scirem quod adhuc perseveraturus essem? statimq; audiuit Dominicum responsum. Quid facere velles si id scires? fac nunc quod facere velles, & securus eris. Moxq; consolatus, Divinæ se commisit voluntati, & cessavit anxiam fluctuationem, noluitq; investigare quæ sibi essent futura? sed magis studuit inquirere, quæ esset DEI voluntas beneplacens & perfecta, ad omne opus bonum inchoandum & perficiendum?

C A P V T I V.

De iuvandis Pænitentibus in Profectu vitæ Christianæ.

S. I.

De obligatione proficiendi in vita Christiana.

Q V Æ R E S I.

Quid sit vita Christiana?

Resp. Vitam Christianam in actu signato nihil aliud esse, quam observationem legis CHRISTI; sicut enim vita humana ab observatione legis naturalis, quam DEVS rationi indidit, dependet; sicut olim verum Israelitam observatio legis Mosaicæ ostendebat; ita modo adimpletio legis Evangelicæ, verum Christianum efficit.

efficit. Vnde & ipse CHRISTVS illos, tantum veros sui sequaces, discipulos, & amicos agnoscit, qui non secundum se, aut suas concupiscentias, aliosuè respectus humanos; verum iuxta sua præscripta viuunt; dicit enim Ioan 8. *Si manseritis in sermone meo, verè discipuli mei eritis.* Et 15. *Vos amici mei estis, si feceritis quæ præcipio vobis.*

Porro CHRISTVS suæ legis Euangelicæ præcepta triplicia reliquit, nempe Fidei, Moralia, & Sacramentalia. Sacramentalia de nouo instituit. Fidei verò clariùs, quàm fuerant in veteri testamento declarauit, vt potè de Sanctissima Trinitate, Incarnatione, Redemptione, &c. Moralia quoq; sublimauit, præcipuè quoad vitam spiritualem, quam ipse à nobis principaliter requirit. v. g. non propter diuitias, aut gloriam hominum sed principaliter propter DEVM, malum fugiendum, bonum faciendum: quando dicit Matth. 6. *Attendite ne iustitiam vestram coram hominibus faciatis, vt videamini ab eis, &c.* Nemini dandum esse scandalum: *væ mundo à scandalis* Matth. 18. Affectum iræ comprimendum. *Qui irascitur fratri suo reus erit iudicio, &c.* Vade priùs reconciliari fratri tuo, &c. Matth. 5. Iudicium temerarium esse vitandum. *Nolite iudicare, &c.* Luc. 6. Inimicos diligendos. *Benefacite ijs qui oderunt vos.* Amorem sui inordinatum cum illicitis desiderijs mortificandum. *Qui amat animam suam perdet eam.* Ioan. 10. In sermone circumspersionem seruandam. *De verbo otioso reddent homines rationem in die iudicij.* Matth. 12. Affectum

Etum inordinatum ad propinquos procul seponendum. *Si quis venit ad me, & non odit Patrem, suum, & Matrem, & uxorem, & Filios, &c. non potest meus esse discipulus* Luc. 14. Internos motus libidinis frænandos, sensus corporis moderandos. *Sint lumbi vestri præcincti, &c. Qui viderit mulierem, &c.* Luc. 12. Nimiam sollicitudinem temporalium fugiendam. *Nolite solliciti esse, &c. Non potestis DEO servire & mammonæ.* &c. Matth. 6. Occasiones peccati etiam gratissimas præscindendas: *Si oculus tuus scandalizat te,* Matth. 18. Fraternali correptionem adhibendam: *Si peccauerit in te frater tuus, corripe eum* Matth. 18. Acediam vitandam, bonis operibus incumbendum. *Vigilate. Negotiamini dum venio, &c. Discedite à me maledicti* Matth. 15. Item Sacra non esse danda indignis, ut potè pias admonitiones, Sacramenta, &c. Salutem animæ procurandam magis, quàm omnia bona mundi. In spiritu & veritate DEVM adorandum, sæpius orationi vacandum, humilitatem sectandam, Pænitentiam agendam & his similia, quæ passim apud Sanctos Euangelistas, & in Epistolis Apostolorum, videre licet.

Has autem suas leges CHRISTVS in vnam generalem legem intrinsecam charitatis; videlicet in efficacè desiderium placendi per omnia DEO, redegit quod in sua Oratione Dominica, & in illis verbis Luc. 12. conclusit: *Veni ignem in mundum mittere, & quid volo nisi ut accendatur.* Equidem hæc lex CHRISTI, nimirum ardor placendi in omnibus DEO, si seriò & constanter tam in pro-

in prosperis, quàm in aduersis : postpositis omnibus respectibus amoris proprii, aut fauoribus hominum obseruetur ; tantum poterit efficere, quantum nullæ aliæ leges etiam Sanctissimæ, vigilantissima superiorum cura, sollicita & exacta directio correctio opportuna, aliorum probatissima exempla ; insuper nullæ poenæ, vel præmia legislatorum, Magistratuum, &c. in quopiam efficient. Nam hæc interna charitatis lex (prout Gaudier de Natura Perfect. Parte 3. Cap. 6. benè aduertit) pericula propulsare, excogitare præscribereq ; mediâ ad perfectionem efficacia, & ad eorum executionem virgere, & applicare voluntatem, non tantum spontè, & liberè ; sed etiam suauiter & iucundè poterit ; vt potè præ cæteris fortius & suauius animos & corda hominum penetrans & efficiens.

Ideoque Sancta Ecclesia in illo Psalmo 118. quem per Primam, Tertiam, Sextam, Nonam, horarum Canonicarum distribuit ; hoc sanctum desiderium efficaciter adimplendi beneplacita, DEI ; in nobis quotidie excitare contendit. Hic Psalmus continet in se versus 170. & nullus ferè est, qui non faciat legis vel mandatorum, vel sermonum viarum DEI, iustificationum, &c. testimonium vt per hoc ostendatur, nos nihil aliud in vita hac desiderare debere, nullumque alium finem Orationis esse, quàm vt Domino DEO in omnibus placeamus. Idem desiderium CHRISTVS lib. 4. Reuel. S. Birgithæ Cap. 115. vocat *Cor anima*.

Vita autem Christiana in actu exercitio nihil aliud est, quam constans exercitatio bonorum operum, quâ DEO propter DEVM famulamur iuxta præscriptum CHRISTI. Hæc definitio continetur in illis verbis Apost. ad Titum 2. *Christus dedit semetipsum pro nobis, ut nos redimeret ab omni iniquitate, & mundaret populum sibi acceptabilem, sectatorem bonorum operum.* Dicitur autem in definitione, constans exercitatio : ad differentiam eorum, qui cum Pharaone, Saule, Herode, &c. quandoq; compunguntur, sed postea uti homines animales ad sua desideria peruersa quæ nolunt dediscere, aut deferere, redeunt; indeque tanquam canes ad vomitum, aut porci ad volutabrum peccatorum mortalium reuertuntur; quorum vita non est verè Christiana vita; siquidem lethargo mortis spiritualis consopita, mortem secundam damnationis æternæ (nisi DEO excitante resipiscant) pro certo expectât. Et licet propter Baptismum, Fidem, Spem, dicantur Christiani, non tamen sunt amici CHRISTI, quem factis negant; alijs quandoq; scandala diuersa præbent, &c. Tales sunt ante CHRISTVM (ut habetur lib. 1. Reuel. S. Birgitthæ Cap. 37.) iniustiores iudicantibus eum, immitiores crucifixoribus eius, impudentiores venditoribus eius, & maior pœna debetur istis, quàm illis. Dicitur bonorum operum : nam Christiano non est satis declinare à malo, nisi etiam faciat bonum : per opera autem hîc intellige etiam actiones internas, utpote pias cogitationes, desideria, sacras medita-

Meditationes, actus internos virtutum, qui non tantum sunt meritorij vitæ æternæ; verum etiam actus exteriores suâ bonitate informant. Ideoq; Apost. 1. ad Titum in descriptione vitæ Christianæ præter abnegationem impietatis, & sæcularium desideriorum, ponit virtutem temperantiæ, iustitiæ & pietatis, tandem opera exteriora bonitate virtutum interiorum imbuta. Dicitur quâ DEO propter DEVM famulamur, ut excludantur illa opera, quæ vel propter lucrum temporale, aut honestatem animi, quæ etiam Pagani & Hæretici faciunt, exhibentur. Dicitur deniq; iuxta præscriptum CHRISTI, ad differentiam Gentilium, qui olim ex dictamine legis naturalis iuxta instituta à DEO illuminatorum, ritè vnum DEVM colentes, actus virtutum moralium exercebant; & ad discrimen gentis Hebraicæ, quæ laudabiliter propter DEVM secundum legem Moysis bonis operibus intendebat; demum ad differentiam illorum Christianorum, qui licet propter DEVM aliqua operentur, nihilominus illa iuxta suam voluntatem faciunt.

Porro CHRISTVS vitam nobis à se traditam, in tres partes, in quibus præcipuè placere possumus DEO, diuisit. Prima est, abstinencia à naturalibus inclinationibus ad malum. Secunda, tolleratio difficultatum circa virtutes. Tertia, imitatio CHRISTI ipsius, in agendo & patiando. Ita enim dicit Matth. 16. & Luc. 9. *Siquis vult venire post me, abneget semetipsum, tollat Crucem suam quotidie, & sequatur me.* Ex quibus si vna

si vna desit in aliquo, vita etiam verè Christiana in ipso definit. Nisi enim quis (D. Gregorius Homilia 32.) à semetipso deficiat, ad eum qui supra ipsum est, non appropinquat : tunc ergo nos relinquimus & abnegamus, cum vitamus quod per vet statem fuimus, & ad hoc nitimur, ad quod per nouitatem vocamur. E. G. non potest quis actus humilitatis exercere, nisi prius ab affectu & prosecutione honoris absteineat, & patienter sustineat, contumelias, iniurias, contemptus : nec poterit fraternæ charitatis officium prosequi, nisi ab oblectatione ex alieno malo proueniente sese abstinere, sustineat illam animi ægritudinem, quæ ex alterius felicitate posset oboriri : non potest mansuetus esse, quàm abstinendo ab vltionis voluntate, & sustinendo sibi illatæ iniuriæ molestiam. Castitas quoq; non aliter hostem suum compescit, nisi dum libidine abstinet, & generosè sustinet ortas à continentia difficultates. Quis vltus temperantiæ, nisi vt abstineas ab immoderato, aut nimis exquisito cibo, potuq; & ieiunia sustineas paruo contentus ? Amorem sincerum erga DEVM nemo poterit obtinere, nisi amorem sui inordinatum in se compescat, & difficultates, in honore DEI procurando, perferat ac superet. Idem de alijs actibus virtutum est censendum, qui nullò modò poterunt exhiberi, nisi per abstinentiam vitiatorum sibi oppositorum, & tollerantiam acerbisatum, patientiam aduersitatum, etiam ipsius mortis, ne gratiam DEI amittamus, vel si nos fuerit necesse opponi pro honore

DEI.

DE I. Ad hæc tria puncta videlicet abstine, age, sustine, aliqui omnia S. Euangelij moralia dogmata reuocant, & in ipsis conclusa esse volunt: Ita vt si quis ad exemplum CHRISTI, feruenti desiderio placendi DEO, non quæ grata animo, vel carni, vel sibi ipsi; sed quæ sunt accepta DEO seruiò inquirat; nec in procurando honore DEI, & bono proximorum, respectu DEI, laboribus parcat; & in acerbissimis casibus voluntatem suam Diuinæ voluntati plenè resignet; perfectiōnem Christianam consequi censeatur. Verum hæc infra latius declarabuntur.

Vt autem nos CHRISTVS ad sua præcepta adimplenda suauius alliceret, prius ipse illa fecit, quàm docuit, post adsequendum se, suos cultores inuitauit dicens: *Discite à me quia mitis sum, & humilis corde. Qui sequitur me non ambulat in tenebris. Exemplum dedi vobis, &c.* Et ne quis hæc verba ad solam lotionem pedum, referri putaret. D. Petrus 1. Petri 2. illa ad alia ampliāt. *Christus passus est pro nobis, vobis relinquens exemplum, vt sequamini vestigia eius qui peccatum non fecit, nec est inuentus dolus in ore eius, qui cum malediceretur non maledicebat, &c. Peccata nostra ipse pertulit in corpore suo super lignum, vt peccatis mortui, iustitiæ viuamus.* Proinde vita Christiana vocatur imitatio CHRISTI, in abstinentia voluptatum, in tollerantia aduersorum, & exhibitione bonorum operum, propter honorem DEI: & ideò iste, qui recusat bona

bona agere, & mala pati, propter DEVM, cælum, virtutem, non scit quid sit esse Christianum?

QVÆRES II.

An teneantur omnes in vita Christiana proficere?

Resp. Ex Euangelio per verba CHRISTI; *Nisi conuersi fueritis, & efficiamini sicut paruuli, non intrabitis in regnum cælorum* Matth. 18. Equidem Apostoli iam fuerant ad CHRISTVM conuersi, nihilominus, quia adhuc laborabant aliquibus vitijs, iubet eos CHRISTVS redire ad innocentiam paruulorum, & prosequi Heroicos actus virtutum, prout in eodem Capite videre licet. Ad quæ verba CHRISTI aduerte, illa sub eadem obligatione ponit CHRISTO, sub quæ etiam illa protulit: Ioan. 2. *Nisi quis renatus fuerit ex aqua & Spiritu S. Nisi pœnitentiam egeritis omnes simul peribitis.* De hac obligatione profectus, passim SS. Doctores. Non enim nos DEVS vocauit ad otium, aut delicias; sed ad laborem in honorem sui, & proximorum utilitatem respectu sui, ad mortificationem naturæ nostræ peruersæ, ad voluntariam tollerantiam aduersitatum: ideoque vita Christiana in Sancta Scriptura, vocatur via, peregrinatio, cursus, crux, militia, certamen, operatio, negotiatio spiritualis. Deinde sicut homo non ideo nascitur, ac necessarijs vitæ utitur, ut morbidus, languidus, ac defectuosus maneat; sed ut sanus creascit, recta operetur, & in virum perfectum euadat.

euadat. Ita nos non propterea vitam Christia-
 nam assumimus, vt perperam res nostræ voca-
 tionis peragamus, vel in benè captis deficia-
 mus; verum vt magis, magisq; in innocentia,
 paruulorum, in sanctitate & iustitia coram DEO
 proficiamus, vel vt S. Paulus dicit ad Ephes. 1.
Sancti & immaculati simus. Hujus etiam profe-
 ctus in Baptismo commonemur, nam præter
 abrenuntiationem diabolo, & pompis & operi-
 bus eius, vngimur oleo sancto, vt tanquam for-
 tes Athleræ pugnemus contra mundum, car-
 nem, & ipsum diabolum: præter adhæSIONem,
 per Fidem, Spem, Charitatem DEO Trino, &
 vni; linimur Chrismate, vt nos meminerimus
 CHRISTO tanquam Capii nostro insertos,
 nunquam ab eo debere per contrariam ipsi vi-
 tam diuelli; præter impositionem vestis candi-
 dæ, quâ acceptam in Baptismo innocentiam ju-
 bemur immaculatam perferre ante Tribunal
 CHRISTI; etiam nobis datæ, accensus Cere-
 us, vt irreprehensibiles custodiamus Baptismum
 nostrum, seruantes DEI mandata vsq; ad mor-
 tem: vbi etiam nomine Ecclesiæ; pro quolibet
 qui baptizatur orat Sacerdos, vt careat factori-
 bus cupiditatum, sitq; spe gaudens, Spiritu fer-
 uens, DEI nomini semper seruiens; quæ o-
 mnia pueris cum ad vsum rationis veniunt de-
 claranda sunt, ac omnibus adultis; præsertim
 in Anniversario dedicationis Ecclesiæ rememo-
 randa.

Demum, quia in Evangelio seruus inutilis

ligatis manibus ac pedibus projicitur in tenebras exteriores, ac velut arbor sterilis excinditur, & in ignem mittitur; nec otiosis dicetur in die iudicii, venite benedicti, sed ijs, qui bona egerunt in hac vitâ.

QVÆRES III.

Quæ sit Regula vniuersalis vitæ Christianæ?

R^{Ep.} Esse voluntatem DEI: CHRISTVS enim ita legem suam & vitam ordinauit, vt per eam, nostram voluntatem distortam, & DEO contrariam; voluntati DEI rectissimæ subijceret, nosq; per peccatum originale à DEO alienatos, ad eundem reduceret. Qua de re DEVS Pater, S. Catharinæ Senensis, in hæc verba: Respice in faciem CHRISTI mei, in quo mihi bene complacuit: ipse namq; exinanitus seruilis formâ accepta, factusq; in similitudinem carnis peccati est, vt vos cæcâ caligine obrutos, & à via veritatis auersos, suæ lucis splendore illuminans, ad rectum iter & verbo conuerteret & exemplo. Obediens fuit vsq; ad mortem, sic suâ perseveranti obedientia vos edocens, salutem vestram ex faciendæ solius voluntatis meæ stabili instituto pendere: nam si quis diligentis studio & consideratione ipsius, tum vitam, tum doctrinam meditari velit; perspiciet procul dubio mortalium integritatem, perfectionemq; nullâ re aliâ constare, quam in iugi perpetua ac fideli meæ voluntatis obseruatione, quod idem Dux vester toties attestando repetit.

Ait enim. *Non omnis qui dicit mihi Domine, Domine intrabit in regnum celorum; sed omnis qui fecerit voluntatem Patris mei.* Et attende, quod non frustra repetit bis, Domine, Domine, quoniam cum omnis transitoria conditio ad duo universalia generalia reducat, Religiosum scilicet & seculare: significare vult, neminem cuiuscumque conditionis sit, æternæ vitæ gloriam consecuturum, licet omnem mihi extrinsecus honorem exhibeat; nisi meam fecerit voluntatem. Item alio loco. *Non veni facere voluntatem meam, sed eius qui misit me Patris.* Et iterum: *Meus cibis est ut faciam eius voluntatem qui misit me.* Item: *Non mea voluntas, sed tua fiat.* Et licet mandatum dedit mihi Pater sic facio. Si vis ergo Salvatoris tui exemplum imitando, meam facere voluntatem, quâ constat, esse bonum tuum, necesse est, ut tuam omnibus in rebus prorsus contempnas facere voluntatem, illamque abreges & extinguas, quoniam quanto magis morieris in te, tanto magis viues in me, & quò purgatius eicies quod tuum est, eò abundantius ipse reponam quod meum est.

Quapropter quisque attendat docente S. Paulo ad Rom. 12. in singulis, quæ sit voluntas Dei bona, & beneplacens, & perfecta, & suam ei per legem & exemplum CHRISTI accomoder, actualiter eam conformitatem expressè intendendo, in singulis vitæ actionibus, tam circa bona, quàm malà, in particulari volendo bonum, & nolendo malum, siue hoc, siue illud,

quia **DEVS** vult, & non vult, applicando **Divinæ** voluntatis Regulam voluntati suæ, & suam illi aptando, plusq; se oblectando voluntate **DEI**, quàm illa sua operatione.

Porro voluntas **DEI** non tantum nobis innotescit per legem **CHRISTI**, & ejus consilia, verum etiam per inspirationes Spiritus S. per directionem superiorum, per ipsos euentus, quos **DEVS** contingere permittit in rerum humanarum gubernatione. Quod si in aliquo casu dubium occurrat, quæ sit voluntas **DEI**, tunc id eligatur, quod magis vergit in laudem **DEI**, aut proximi utilitatem, non in proprii appetitus complacentiam; vel ex quo in hora mortis maiorem consolationem sit habiturus; quod si adhuc dubium persistat, tunc in id propendat animus, per quod se statuatur in infimo loco, donec Dominus suo lumine ad altiora ascendere jubeat.

Q V Æ R E S. IV.

Quis Finis profectus vitæ Christianæ, & in quo consistat?

Resp. Præter illum remotum, qui est vita æterna; immediatus finis vitæ Christianæ est perfectio Christiana: sicut enim motus pro suo fine habet quietem quâ perficitur; exercitatio artis, consumationem sui; accensio lignorum, incendium perfectum eorum; ita profectus vitæ Christianæ, perfectionem sibi debitam, vel ut S. Thomas 2. 2. 4. 184. artic. 4. *Sicut augmentum corpo-*

corporale pro termino sibi præfigit statum perfectum nature; ita augmentum spirituale, statum internum perfectionis (nam alij sunt status exteriores perfectionis, de quibus idem, ibidem) hac autem perfectio non in alio aliquo consistit D. Thomas citatus artic. 1. quam in Charitate Theologicâ.

Charitas enim hominem cum DEO ultimo fine & bono suo, magis quàm fides, spes, & religio coniungit, acproinde hominem ex se imperfectum perficit. Sicut enim arbor à radice præcisa, manus sine Capite, infans absq; Matre, & alia suo principio & fine destituta; manent imperfecta & misera: ita homo sine DEO, imperfectissimus & miserrimus existit, ipsius actiones, possessiones, bona animi, & corporis, &c. quæ ad placitum DEI non diriguntur sunt vana, imò ipsi perniciofa: DEO autem per charitatem vnitus felix & beatus.

Et quamuis in hac vita rebus istius mundi, quatenus aliquod vestigium Diuinæ bonitatis præferunt, videat sibi esse contentus; nihilominus in altera ab eorum usu totaliter sequestratus, & carens diuinâ charitate; miserior erit (vti CHRISTVS D. Birgithæ in suis revelationibus) illò catulò qui recens natus, matri suæ ademptus, cæcus in foueam projicitur, vbi quærat vbera, aut aliquod solatium matris, nec vllum inuenit: quæ similitudo benè percipienda. Da mihi (inquit Gaudier primâ parte de Perfect. Cap. 12.) destitutum hominem omnibus vitæ huius bonis, da oppressum omnibus malis, da

ab omnibus desertum; si tamen DEI sit amicus, is certè beatissimus re ipsa est. Da contra, Principem, da Regem, da Imperatorem vitæ huius bonis quibusuis ad satietatem usq; pro arbitrio abundantem; fac tamen eum destitui gratia DEI, & illum coram DEI Tribunali statueri, nonnè meritò infelicissimum putabis? *Quid enim prodest homini si totum mundum lucretur, anima autem suæ detrimentum patiatur? aut quam dabit homo commutationem pro anima sua? & DEO suo, eiusq; æternâ amicitia?* Licet autem in aggregatione omnium virtutum, perfectio hominis possit inueniri, illa tamen sine charitate erit (vt tenet D. Thom. 2. 2. q. 184. artic. 1.) secundum quid, vt potè ad vltimum finem suum non directâ, D. Paulus etiam ipsum Martyrium sine charitate, siue sine verâ amicitia erga DEVM nihil prodesse; audacter asseuerat.

Q V Æ R E S V.

An hæc perfectio sit præcepta, seu de necessitate salutis?

Resp. Perfectionem adhærendi DEO per charitatem omnibus Christianis esse mandatam, ex varijs scripturæ veteris, atq; nouæ testimonijs discere possumus. Nam in primis omnium fidelium Parenti Abraham à DEO dictum est Genes. 2. *Ambula coram me & esto perfectus* deinde in Deut. 18. toti populo Israëlítico imperatur, *Perfectus eris, & absq; macula cum Domino DEO tuo, & alibi, Non erit inconsummatus in*

Filijs

Filijs Israël. Tum CHRISTVS in suo Euangelio, eius præcurior S. Ioannes; missus est teste S. Lucâ Cap. 1. *In spiritu Eliæ parare Dominum plebem perfectam.* Apostolus vero in altera ad Cor. Cap. 13. *De cætero (inquit) fratres gaudete, & perfecti estote.* Et in Euangelio ad hoc laborauit, vt exhiberet omnem hominem perfectum in CHRISTO IESV. Vt autem intelligatur quæ charitatis perfectio cadat sub præcepto, notandum est ex D. Thoma citato artic. 2. Tres status posse charitatis distingui, vt primus sit eminens, in quo homo per tantam æstimationem, talem complacentiam, & tam beneuolum affectum DEO adhæreat, vt licet actu frequentiore res suas non reterat in obsequium DEI; nihilominus à se, suoque affectu excludit omne id, quod contrariatur amicitix DEI; vti est peccatum mortale, & quæ proximè disponunt ad illud, malitq; omnia bona relinquere, omnia mala perferre, quàm per notabilem transgressionem mandati alicuius Diuini, DEVM offendere, amicitiam eius perdere: Et de tali charitate dicit S. Ioannes Epist. 1. *Qui seruat mandata eius in hoc charitas DEI est perfecta.*

Secundus est eminentior in quo aliquis ab affectu suo, non solum excludit, quæ ipsum ad peccatum mortale prouehunt; verum etiam plura vel pauciora relinquit, quæ ipsi remoram facere possent in seruitio DEI: imò illa assumit, quæ seipsum magis in charitate stabiliant,

& ad

& ad frequentiores & feruentiores actus vnionis cum DEO adiuuent.

Tertius est eminentissimus in quo affectus secundum suum totum posse, absq; omni macula & formidine peccati, continuo fertur in DEVM. Et hic est status Beatorum in cælo proprius; primus & secundus est viatorum in hac vita, in qua peregrinamur à DEO Creatore, ad DEVM glorificatorem.

Vnde in viatoribus charitas ad hunc secundum statum consequendum tres præcipuos suos processus exercet (D. Thomas 22. q. 24. art. 5.) Primus est qui vocatur purgatiuus, in quo per charitatem excluduntur peccata mortalia, vitia purgantur, motus illiciti compescuntur, & alia remouentur, quæ ad peccatum disponunt; in hac via etiam virtutes exercentur, sed cum difficultate; actus quoq; vnionis cum DEO fiunt; sed nondum benè per virtutes stabiliti. Secundus progressus est illuminatiuus, in quo homo magna ex parte purgatus vitijs, virtutibus illuminatus, easdem cum facilitate perficit, & actus vnionis cum DEO puriores & stabiliores elicit. Tertius est vnitiuus, in quo quis planè vacuus vitijs, amore proprio destitutus, firmatus virtutibus, purissimâ & immutabili charitate DEO adhærens, heroicarum virtutum actus, non tantum cum facilitate, sed etiam cum gaudio, & inuictâ stabilitate producit, quamuis non sine aliquibus maculis & imperfectionibus, & formidine

dine peccati mortalis. Charitas enim huius vitæ licet perfectissima, attamen respectu illius est imperfecta, vbi nulla est impeccabilitas, omnis puritas, firmissima immutabilitas, continua & semper feruens, summâ cum iucunditate animi DEO adhæsiō obtinetur.

Primus ergo status charitatis omnibus præcipitur quærendus ac retinendus ad finem vitæ, estq; (vt dicit S. Thomas cit.) de necessitate salutis: tenetur enim quilibet homo ex multis rationibus & titulis DEVM plusquam se, quam omnia bona mundi (nam qui peccat mortaliter, se ipsum & creaturam propter quam peccat, DEO quodam modo antepōit) incomparabiliter æstimare, DEO suam voluntatem totaliter deuotere, ac declinare à malo, & facere bonum vt per hoc DEI amicitiam summè æstimandam in se foueat, augeat, & conseruet. Et quia DEVS est vltimus ipsius finis, proinde non tibi sed DEO tenetur viuere, illa cogitare, loqui, agere, perferre, quæ DEO sunt placita.

Secundus status, nempe possessio illius charitatis, quæ excludat omnem prorsus amorem proprium, omnes virtutes sibi aggreget, ac firmissimo nexu animam DEO copulet, est de consilio, de quo Saluator ait: *Si vis perfectus esse uade, & vende omnia, &c.*

Religiosi tamen ad hunc statum sub graui peccato tendere per illas tres vias, purgatiuam, illuminatiuam, & vnitiuam obligantur, nam vt docet S. Thomas 2.2. q. 184. art. 5. ad hoc

voto

voto obstringunt, & a rebus sæcularibus se non tantum affectu; verum etiam ipso effectu abstrahunt, quibus licite uti poterant; quo Deo liberius vacarent. Ad eundem & Sacerdotes aspirare debent, nam teste D. Thomâ cit. art. 8. præ-
eminentia Ordinis Sacerdotalis, quantum ad dignitatem, excedit statum pure regularem; quia Sacerdos per Sacrum Ordinem deputatur ad dignissima mysteria, quibus ipsi Christo servitur in Sacramento altaris, ad quod requiritur maior sanctitas interior, quam ad statum Religionis. Et ideo magis peccat Clericus in Sacris Ordinibus constitutus, si quid contrarium sanctitati agat, quam Religiosus non habens Sacros Ordines, saltẽm quoad circumstantias aggravantes.

Eundem statum perfectionis CHRISTVS persuadet omnibus: *Estote perfecti sicut & Pater vester celestis perfectus est. Si vnus perfectus esset, vade, & vende omnia, &c.* Item viri prudentes & timentes DEVM, imò & Ecclesia hortatur etiam sæculares in statu coniugali, ut perfecti sint, cum eadem tam sæcularibus, quam regularibus cælestis beatitudo præfigatur essentialis; & legimus in S. Scriptura, & Historijs Ecclesiasticis multos extra statum perfectionis in amicos DEI perfectos euasisse. Insuper Cassianus Coll. 10. Cap. vltimo clarè docet vnumquemq; etiam imperitum ac rusticum hanc perfectionem acquirere posse. Nam licet Religiosi habeant compendiosiora & efficaciora media
 ad il-

ad illam consequendam; nihilominus etiam sæculares ad eandem non destituuntur sufficientibus auxilijs, de quibus infra §. 5. Deinde abrenuntiatio facultatum propriarum (D. Thomas cit. art. 7.) ut est actu, non est essentialiter perfectio, sed ut est in præparatione animi, ut videre est in tot Sanctis Episcopis: ideoq; nihil prohibet, aliquos esse perfectos, qui non sunt in statu perfectionis, & aliquos esse in statu perfectionis, qui non sunt perfecti: quia aliqui se obligant, qui non seruant, & aliqui implent, qui non se obligant, ut patet Matth. 21. de duobus filijs, & de Religioso malo, & de sæculari bono, ut ibidem D. Thomas subiungit. Idem docet Cassianus Coll. 4. Cap. 19. Propterea quisque omnes suæ vitæ actus, tam animi, quàm corporis eò dirigat, ut sit perfectus DEI amicus; id est purus ab omni labe, & in bonis agendis, & duris perferendis, in gratia DEI stabilis & perseverans usq; ad mortem.

Q V Æ R E S VI.

Vnde inchoandus perfectus vitæ Christianæ?

Resp. Ab abnegatione, seu mortificatione propriæ voluntatis, amoris proprii ac suæ naturæ corruptæ: hoc est enim præscriptum ipsius CHRISTI Matth. 16. Luc. 14. Ioan. 12.

Quæ autem sit voluntas propria ostendit D. Bernardus sermone 3. de Resurr. Voluntatem propriam dico, quæ non est communis cum DEO, & hominibus, sed nostra tantum, quando
quod

quod volumus non ad honorem DEI, non ad utilitatem fratrum, sed propter nosmetipsos facimus, non intendentes placere DEO, & prodesse fratribus, sed satisfacere proprijs moribus animorum. Talem voluntatem inordinatō amore infectam magnō odio habere DEVM docent SS. Patres, & disertē Diuus Bernardus 1. Cap. vbi postquam dixit voluntatem nostram propriam, exercere inimicitias contra DEVM & magnō furore Dominum Maiestatis impugnare, subiungit: Quid enim odit aut punit DEVS præter propriam voluntatem? Sicut enim voluntas Diuina est regula omnis sanctimonie, vt potè in se & ex se rectissima; ita voluntas nostra, est vt potè per peccatum originale deprauata omnis malitiæ exhibitio; sed latius hæc de re insequentibus.

Supposito ergo, quod quis ex instinctu & promotione Spiritûs S. per fidem, spem, & charitatem, post acceptum vsum rationis DEO adhæserit, vel post lapsum timore DEI percussus per contritionem vel pœnitentiæ Sacramentum, iterum se ad DEVM totaliter conuerterit, vt in seruitio DEI proficiat; necesse est omnino, vt ab hac abnegatione & mortificatione suæ propriæ voluntatis incipiat. Sicut enim in politica humana seruus dum adhæret Domino, debet relinquere voluntatem suam, sua commoda, suas inclinationes, vt Domino congruum præstet obsequium; ita qui DEO adhæret, suam
volun-

Voluntatem & illa omnia, quæ sunt contraria
DEO, opus est, prorsus deserat.

QVÆRES VII.

*Quid ad hanc abnegationem ac ulteriorem pro-
gressum in vita Christiana iuvabit?*

Resp. Sicut conuersio ad DEVM præsuppo-
sitâ gratiâ DEI pendet à cognitione DEI
& sui ipsius, mediante timore DEI; ita serui-
tium DEI per easdem cognitiones promoue-
tur, de quibus satis doctè & piè Gaudier Parte
3. Cap. 5. Posito fundamento cognitionis DEI
& nostri; ex vna parte, vilipensio, contem-
ptus, odiumq; nostri ab omni bono nostro, atq;
adeo nobis ipsis totos nos separat; ex altera æ-
stimatio DEI & amor, ad omne bonum DEO
procurandum, etiâ cum malo nostro, quo-
cunq; nos adducit, & ita DEO perfectè vnit,
eique soli nos viuere facit, in quo omnis perfe-
ctio constituta est. Quare tum in omni vita,
tum in omni prorsus actione (& afflictione)
hæc sui cognitio & DEI, tanquam vnicum ve-
rum & solidum omnis bonæ actionis & perfe-
ctionis fundamentum, diligenter constituen-
dum est; deinde duo actus tanquam instru-
menta perfectionis applicandi; nempe, abne-
gatio circa bonum & malum, & reflexio ad DEI
bonum, ex eiusdem æstimatione & amore præ-
cipuè; hi enim duo actus extremi sunt, & o-
mnem perfectionis materiam, eius deinde am-
plitudinem suo amplexu eminenter continent,

ita

ita vt re ipsa etiam pariant & efficiant, si constanter exerceantur in triplici perfectionis viæ suæ processu charitatis. Præter cognitionem DEI etiam cognitionem sui CHRISTVS Apostolis, & per eos sæpius nobis in Euangelio inculcat illis verbis. *Si ergo cum vos sitis mali, &c. Nescitis quem spiritum habetis. Non vos elegistis me sed ego elegi vos. Sine me nihil potestis facere, &c.* Ex his quoq; promouetur timor DEI reuerentialis, qui non tantum in principio conuersionis ad DEVM adhibetur, verum etiam quasi quidam neruus totius vitæ Christianæ ad finem vsque (prout CHRISTVS Dominus monuit S. Birgittam in reuelationibus lib. 4. Cap. 125.) est continendus.

Debet itaq; bonus Christianus quotidie, saltẽ dum Symbolum Apostolicum, & Dominicam Orationem recitat, vna ex parte in memoriam sibi reuocare suam vilitatem, fragilitatem, & grauitatem peccatorum: qualiter ex nihilo a DEO suo Auctore creatus, ad nihilum ex se tendit; in peccato originali conceptus, filius damnationis, nisi per filium DEI redemptus fuisset, & per Spiritum S. sanctificetur, breui moriturus, leuere indicandus: modo DEI mendicus; propter sua peccata, & ingratitude nem indignus, qui DEVM suum Patrem vocet, cuius nomen non sanctificabat, cuius imperio se vere non subiciebat, voluntatem eius non implebat, totus à DEO in necessarijs animæ & corpori dependet, sine ipso miserrimus: qualiter

liter pro peccatis dignos fructus pœnitentiæ non fecerit, quomodo facillè possit succumbere tentationibus, plurima mala incurrere, æternaliter damnari. Alterâ ex parte DEI excellentiam, potentiam, sapientiam, bonitatem, in creatione cœli & terræ, & sui ipsius, amorem DEI erga se; præsertim in Incarnatione, tot beneficia ipsius præterita, præsentia, futura, & vitam æternam, tantò pretiò sibi comparatam trutinat; indeq; assuescat recedere à se per odium salutis sui, & ab amore inordinato rerum visibilium, & magis magisque accedere pijs affectibus & vitâ spirituali ad DEVM, animalem abijciendo & omnia impedimenta in viâ salutis remouendo. Ita vt per viuitiones, siue actus charitatis elicitos, aut imperatos DEO nos quam intimè consociemus.

§. II.

*De impedimentis profectus in vita
Christiana.*

QVÆRES I.

Quot sunt impedimenta profectus Christiani?

Resp. Esse peccata etiam venialia deliberatè commissa; item vitia, occasiones peccatorum, denique corruptionem naturæ per peccatum originale viciatæ.

Fuit enim homo antequam se peccato commacularet perfectissima quædam creatura, ac velut quoddam scitè attemperatum à Diuina sapientia instrumentum, suauissimam omnium parti-

P

um ac

um ac potentiarum suarum harmoniam edens
fecerat enim DEVS hominem rectum, Ecclesiasti-
ci 7. anima eius, plena erat gratiâ: intellectus,
 sapientiâ: voluntas, purò DEI amore, memo-
 ria in Diuinis rebus firmata, imaginatio opti-
 mè ordinata, vti & reliqui sensus interiores: ap-
 petitus sensitivus, quàm optimè fuerat tempe-
 ratus, & rationis imperio obsequentiſſimus.
 Sensus verò exteriores omnes ad eiusdem rati-
 onis nutum sese flectebant, deniq; vniuersum
 corpus animæ iussis parebat. Vniuersa porro
 hæc mirabilis Harmonia, inde ortum habebat,
 quod superior pars vni DEO Opt. Max. ob-
 temperabat. Mox verò vt contigit hominem
 peccare, per illam inobedientiam infelicem; in
 partium omnium suarum dissonantiam, ac de-
 formitatem incidit adeò, vt anima gratiâ & ju-
 stitiâ originali priuata fuerit, intellectus obscu-
 ratus, voluntas obdurauerit, memoria à DEO
 facta sit alienior, & illius in memor, imagina-
 tio inconstans, & illusionibus varijs obnoxia
 reddita, sensus interiores perturbati, appetitus
 sensitivus se rationi opposuerit, corpus aduer-
 sus animam insurrexerit, sensus deniq; exte-
 res mortis, quædam fenestræ factæ sunt. Hæc
 est per peccatum originale corruptio naturæ
 humanæ inducta, quæ deindè per proprios vni-
 uscuiusq; actus mirè increuit. Vnde qui verè
 Christianam vitam ducere desiderat, hæc omnia,
 per seriam sui abnegationem & mortificatio-
 nem, in se corrigere satagat, nec iam ad primi

Adami

Adami corruptelam; verum ad secundi Domini nostri IESU CHRISTI exemplum se conformare studeat, & nisi hoc fecerit certo se ad maiora & grauiora, cum periculo damnationis æternæ delapsurum sciat. CHRISTI enim, effatum est; *Qui amat animam suam perdet eam.*

Quod vt melius intelligatur & efficacius, in exercitium deueniat; sciendum est ex D. Thomâ 1. secundæ quæst. 77. art. 4. Principium & radicem omnis peccati, esse amorem suum inordinatum, eumque continere in se quatuor causas peccatorum, quæ dicuntur intrinsecæ; quarum prima est ignorantia; præsertim culpabilis, quæ præuideri & impediri potest; ad quam reuocatur negligentia, obliuio, inaduer-tentia; secunda est malitia; seu mali volitio ex industria, vel ex defectu bonæ voluntatis; tertia concupiscentia; quarta infirmitas seu imbecillitas ad bonum arduum. Ex his promanant vitia capitalia septem (quæ S. Ioannes in concupiscentia, carnis, oculorum, & superbia vitæ coneludit) sic dicta, quia ex ipsis tanquam capitibus innumera peccata, tam mortalia, quam venialia, nisi comprimantur exoriri possunt.

Fundamentum ergo huius maledictæ structuræ est amor sui inordinatus, quatuor sunt, quali parietes ipsius, causæ peccatorum; vitia capitalia, continuatio huius ædificij: peccata quæ his superadduntur, partes sunt, tecta, turrets, pertingentes ad contemptum DEI. De hoc im-

probo ædificio S. Augustinus de Ciuitate DEI lib. 14 Cap. 28. in hæc verba. Duo amores ædificant duas ciuitates: amor DEI ad contemptum sui, amor sui ad contemptum DEI.

Qui ergo cupit hanc structuram ne post cum ipsa æternum igne infernali vratur in se destruere, prius incipiat à teoti partibus, id est à peccatis; tum ab occasionibus præsertim proximis peccatorum, deinde à vitijs tam acquisitis quàm naturalibus, tandem aliqua diruat; donec ad amorem sui inordinatum totaliter peringat, quem per contemptum sui eiciat, & in se ædificium amoris Diuini fundet, nouam structuram sanctarum virtutum, per quam Templum DEI esse possit in se constituat.

Hic aduerte propter vitandam in mente confusionem, quoties quis se respectu amoris Diuini à peccatis abstrahit, quoties malas in se inclinationes cohibet, passiones animi ferocientes edomat, corpus mortificat, &c. toties in ipso amor proprius magis per illam cohibitionem debilitatur ac diminuitur: habet enim cum ipsis magnam connexionem, & vi illius illa corruptio opponit se amorì Diuino & Sacris virtutibus.

QVÆRES II.

Quomodo sint vitanda peccata mortalia?

R^{Esp.} Inprimis summum odium contra peccatum quodlibet mortale esse concipiendum, vt potè contra malum omnium pessimum, quod

quod voluntati Diuinæ, seu D E O summo bono aduerlatur, & optimum donum nempe gratiam & amicitiam D E I demolitur, damna plurima, eaq; grauissima tam pro præfenti quàm pro futuro sæculo struit. &c. Qui enim sciens, & volens aliquam legem D E I notabiliter violat, iste amorem D E I abiicit, illud bonum propter quod peccat D E O antepōnit, obedientiam Deo debitam denegat, D E V M, in quantum est ipsius legislator vilipendit, reus læsæ Diuinæ Maiestatis efficitur, &c. 2. Meditatio nouissimorum. 3. Estimatio summa amicitia Diuinæ. 4. Fuga occasionum præsertim proximorum, siue periculorum peccandi. 5. Animus est firmo & efficaci propolito firmandus; vt potius homo mortem eligat, quàm offensam D E I committat. 6. Sit memor præfentia D E I, indeq; diligenter prospiciat, nè quid abominabile coram D E O etiam cogitatione vel affectu perpetret: contra immemores D E I, merito D. Chrysostomus Homilia 12. in Epist. 1. ad Corinth. inuehit: *In sceleribus D E O contempto, homines formidamus; & homine præfente nemo scortaretur; sed licet maiorem in modum libidine flaret; affectus tamen violentia pudore hominum vinceretur: cum autem D E V S videat, non modo adulterantur, non modo scortantur; verum, & alia longè grauiora & aui sunt & audent. Nonne vel hoc solum satis esset, quod cælitus innumeris peteremur fulminibus?* 7. Cogitet breui sibi vel nunc D E I vindictam im-

P 3

minere;

minere; ruminans illa verba Saluatoris: *Illum timeate qui potest occidere corpus, & animam in infernum mittere*; vel nè detur in reprobum sensum obdurationis, nè sibi tempus pœnitentiæ fortasse ob hoc peccatum subtrahatur; & licet peccati horrorem non videat, tamen illud plius fugiat, quàm luem pestiferam, quàm venenam, quàm ipsum diabolum, &c. quæ quamuis non videat oculis, attamen credens esse nociua, caueat sibi ab illis. Tandem humiliter DEO supplicans vim sibi sanctam inferat, juxta illud Saluatoris: *Regnum calorum violenti rapiunt*. Quod si cadere contingat, quantocyus, per contritionem, aut pœnitentiæ Sacramentum resurgat, ac in posterum fortius pugnet, opportuna remedia contra specialia peccata ex pijs libris, aut Confessarijs conquirendo: nam qui peccata non deserunt, priusquam ipsa eos deserant, illorum Confessiones suspectas, & salutem animæ damnationi æternæ expositam, clarè probat Laurentius à Ponte Tom. 1. in Cap. 3. Matth. Annot. 55. n. 10. idque propter voluntatem peccandi in ipsis permanentem; confirmat id Tom. 2. in Cap. 12. Annot. 106. ostendens quomodo aliqui moribundi planè ipsa emortua carne ac in ultimo spiritu constituti, ad consensum luxuriæ adducantur, DEI iustò iudiciò; sic eorum exigentibus peccatis, ac malis habitibus, quod nullam sibi vim inferre voluissent: ideo sincera pœnitentia peccatori est procuranda per orationem, per meditationem passionis CHRISTI,

DEI excellentiæ, beneficiorum, per eleemoly-
nas, &c. & à Confessarijs inculcanda.

QVÆRES III.

Quomodo sunt peccata venialia cauenda?

Resp. Si ipsorum damna grandia, pericula,
& indignitas trutinetur: hæc enim vt SS.
Patres docent feruorem charitatis minuunt, de-
bilitant & commaculant animam, Spiritum S.
contristant, dæmoni ad animum aditum præpa-
rant, dulci familiaritate cum DEO nos spoli-
ant, ad peccata maiora & grauiora nos dispo-
nunt, hominem languidum & pigrum ad bene
agendum reddunt, retrahunt plurimum nè præ-
sentiam Diuinam contemplemur, & sentiamus;
pænas deniq; purgatorij nobis diuturnas & acer-
rimas parant. Et quamuis omnia omninò in
hac vita mortali caueri non possunt, possunt
tamen quotidie minui, possunt in dies leuiora
fieri, possunt ex malitia, & non ex professo, ex
mera oscitantia non committi: demum quæ ex
ignorantia & infirmitate fiunt; possunt statim
confessione purgari, lachrymis saltèm cordis
ablui, & satisfactione compensari. Propterea
conandum est nobis, vt iuxta monitum S. Ia-
cobi Cap. 1. *Simus integri in nullo deficientes.* Bo-
nus enim seruus studet, nec in paruis quidem
offendere Herum: & qui nollet esse sollicitus de
venialibus vitandis, eò ipso mereretur tandem
à DEO deserì, vt in mortalia laberetur iuxta il-
lud Eccl. 19. *Qui spernit modica paulatim decidet.*

Non est verus amicus, qui deliberatè vellet amico infligere vulnus leue et si non lethale; imò omnino amicus non esset; sic qui non vellet adhibere curam, ne offendant. *De v. m.* venialiter, hoc ipso conuinceretur non esse amicus. *De l.* Similiter non est bonus famulus, qui non obsequitur Domino, nisi quando is gladium in eum stringit. Talis est qui venialiter peccare non timet (licet sciat se propterea mittendum in purgatorium) sed tantum mortaliter, quando meretur infernum.

Petes, quid censendum de venialibus peccatis quoad confessionem ipsorum Sacramentalem?

Respondeo primò. Non esse obligationem ut omnia ad confessionem afferantur, quia licet sint sufficiens materia Sacramenti pœnitentiæ; non tamen necessaria, & possunt varijs modis tolli: vnde in Pœnitentiarijs celebrioribus, ut potè in Lauretana, Czestochouensi, &c. habent Confessarij designati, potestatem talia peccata tollendi per contactum baccellorum ad humiliationem pœnitentium; nè tempore concursuum, isti confessione venialium, aliorum plurimum confessiones retardent.

Dico secundò. Quoties in confessione panduntur, toties debent exponi cum dolore & proposito, saltèm aliqua; alias committeretur sacrilegium, si materia indisposita, qualia sunt peccata, nullo dolore, & proposito affecta, for-

mæ absolutionis subijceretur. Bonaci Tomo 1.
diip. 5. q. 3. part. 2. n. 8.

Dico tertio. Confilium esse, non valde frequenter illa confiteri, de quo Ioan. à I E Z V MARIA de arte viuendi spiritualiter part. 2. Cap. 4. in hæc verba. *Quapropter aliud hoc loco mihi dicendum non restat quam breue quoddam monitum ad secundum hoc præceptum perfectius exequendum suggerere; nimirum hominem spirituales quemlibet ita se in Sacramentorum frequentatione gerere debere, ut pluris eorum faciat fructum, quam vices & numerum usurpationis; ut verò monitum hoc dignè ponderetur. Notandum est (præsuppositâ naturæ corruptione) rerum sacramentorum frequentiam, ut plurimum exiguam occasionem esse, non quidem datam, sed acceptam æstimationis; ita quidem ut & ipsa miracula eos, qui hodie eadem vident, vel parum, vel interdum nihil prorsus moueant. Vnde ipse etiam vtilius ac spiritualius esse censeo, ut qui ad quotidianam usurpationem obligatus non est (uti multi Sacerdotes sunt) moderatum confessionum & communionum numerum sibi præstituatur, nec nimis frequenter Sacramenta usurpet. Ut verò rationem quandam, quæ magni iudicio meo momenti est tangam, quoad penitentiae Sacramentum, constat viros spirituales sæpè laborare, ut dum heri confessi, hodie rursus confitentur materiam absolutionis ad Sacerdotem afferant. Nam tamen præsupponendum sit aliquod veniale peccatum interuenisse,*

nisse, sæpè tamen determinatè, ac certò quale id sit nequitur, & vt plurimum, quando determinatè id constat, est aut verbum aliquod otiosum, aut nimia quædam in oculorum coniectu licentia; vel quid simile, quorum non adeò facile est detestationem aut odium, nec firmum illud non amplius, in res adeò minutas prolabendi propositum concipere. Vt enim hæ parum voluntarij in se habent, cumque adeo exiguæ sint, nec tantam deformitatem includant, vt piam quandam mentem ad cordialem sui detestationem excitent; sequitur sæpius requiri, vt tantò plus considerationis & applicationis mentis adhibeatur, quò digna spiritualibus viris habeatur dispositio, quantò culpæ in se leuiores sunt. Cum verò dispositio hæc quotidiana non sit, multò videtur salutaris non assuescere continuo & coniunctim, sed aliquot intermissis diebus confiteri, & cum deinde confessionis usurpatur Sacramentum maiori reuerentiâ, maiori imperfectionum abominatione, & firmiori in posterum sibi cauendi proposito concepto ad illud se conferre. Idem de Sanctissimo Altaris Sacramento dico; non quod propterea raræ cuiusdam integritatis hominibus, qui quotidie de sapientum virorum consilio & suafu sacras frequentant epulas, certum præscribere communicandi diem aut numerum velim: quibus nihilominus quotidianam ipse confessionem ob supradictam rationem non suaderem. Huic monito

nito finem imponam, vbi illos commonefecero, qui in aliud extremum impingentes, non nisi rarò admodum vel peccata Sacerdoti aperiunt, vel viuificum Eucharistiæ Sacramentum ad-
 unt; qui quod hoc satis imprudenter agunt, multò sibi consulerent melius, & prudentius agerent, si sapius vtrumq; Sacramentum vsurparent. Male etiam agunt si dedita operâ cæcutientes sibi persuadent; eum qui spiritualibus hominibus auctor est, qui aliquo die Sacramentorum vsum intermittant, quò maiori postmodum puritate & fructu eadem percipiant; illorum velificari seu fauere imperfectioni ac teporibus, qui per annum integrum adeò rarò verum suum remedium vsurpant.

Dico quartò. Venialia peccata non esse vilipendenda, sicut & passionum immortificationes; nam facile dum placent ad mortalia disponunt. Demonstrat hoc Laurentius. A Ponte Tom. 1. in Caput 2. Matth. Annot. 42. *Nec equidem inquit mirandum, quod in minoribus diabolo quis succumbens, ad maiora prouocatus vincatur; quia cum causa belli nostra sit inordinata passio, quæ tentandi diabolo ansam præbet, hæc enim in minoribus ex deordinatione crescit, & amplius contra nos vires sumit; quibus auctis, accedente postea diaboli instigatione ad maiora facile ruimus.* Pulchrè hoc S. Aug. Tract. 1. super Ioan. confirmat exemplo illius, qui muscis perturbatus, impatientissimè contra illas se habebat, casu enim Manichæus quidam visitans, ex muscarum impati-

entia

entiâ ad hæresim Manichæorum adduxit. Hæc equidem ratione: nam cum ab eo petisset, quis fuerit author muscarum, eis homo pertasus respondit, quod diabolus non *Deus*. Ansam ex hoc Manichæus sumens, ex musca ad apem devenit, quam etiam confessus fuit *Deum* non fecisse: hinc gradatim ad passerem, deinde ad aves, tandem ad animalia. Ultimo (ait Aug.) persuasit homini, quod non à *Deo* factus est homo, ut videas, quàm vera sit doctrina Cassiani lib. 8. Cap. 18. Parum referre, si ira nostra sit contra calamum, quia eius crassitudo, aut exilitas displiceat, contraq; scalpellum cum incidenda hebeti acie segniter exsecet, & non contra homines. Nam quoad nostrum detrimentum, sic fortiter euadit passio ex illis minimis aliquando, ac maximis: unde ex parua illa ira contra calamum, contracta passione augmentata, impulsu accedente diaboli, contra homines postea irascemur ad maiora dilabentes.

Idem cernere licet de ijs qui silentij pertesi linguas suas pro libitu laxant, ut primo utilia, sancta non suo tempore, nec suo loco proferant, deinde otiosa, nugatoria, mendacia, post detractoria, calumniosa, ex quibus contentiones, rixæ, quandoq; vulnera, quandoq; cædes; & unde tanta mala? certè ex fractione silentij debiti.

Quapropter morales Theologi apud Bass. V. Confess. enumerant aliquot modos quibus peccata venialia in mortalia transeunt, & quidem primò ratione finis, dum v.g. quis mendacium

cium profert vt fornicetur. 2. Ratione specialis contemptus, vel inobedientiæ alicuius regulæ, legis, etiam ad mortale non obligantis: superioris quâ superior est. 3. Ratione firmæ adhæsi-
onis, delectationis, perseverantiæ in aliquo peccato veniali, vt proponat etiam mortaliter peccare. Vnde habemus in Renel. S. Birgittæ lib. 1. Cap. 32. lib. 4. Cap. 126. lib. 6. Cap. 114. &c. quod peccatum etiam minimum, quique eo delectatur, quasi vltimum finem in eo ponendo sufficiat ei ad perditionem. 4. Ratione scandali *v. g.* si quis credit ex suo ornatu aliquem induci in peccatum mortale. 5. Ratione periculi peccati mortalis cui se exponit. 6. Ratione conscientie erroneæ. 7. Dum peruenitur in paruis ad materiam notabilem, etiam in materia temperantiæ, ieiunij: laborationis in die festo: sæpius bibendo cum inebriatione, vel morbo contrahendo: comedendo ad aliam satietatem, quæ æquipollet cænæ laborando ad completum spatium trium vel quatuor horarum. 8. Ratione circumstantiarum, quæ multis officere possunt, *v. g.* ioco furari vel abscondere rem aliquam parvam, vnde graues turbationes, damna, maledictiones oriri possunt, vel si vxor cum viro leuius contendat, vnde grauioris rixæ occasio; ideo & prælati licet, sub graui obligatione, etiam sub excommunicationis poena (videatur Bassæus V. Lex. §. 4. n. 5. & Bonacina de peccatis, disp. 2. p. 3. n. 13.) aliquos leuiores defectus interdiciunt & seuerè puniunt

nunt, ex quibus notabilis destructio, obseruan-
tix regularis potest provenire, quæ subditi non
aduertunt; imò etiam de ijs inquirere tenen-
tur. 10. Si quis habeat voluntatem commit-
tendi peccata venialia, & tantum sola mortalia
vitare, nam in praxi cum multis Theologis di-
cendo (quidquid sit de speculatione) istiusmo-
di coniecit se in apertum periculum peccato-
rum mortalium, præsertim vt citatus Bassæus ad-
uertit in materia luxuriæ: vbi subdit hæc: *vn-*
de necessario dicendum est inter ea statuta, ad quo-
rum singula determinatè, non tenetur Religiosus sub
mortali, teneri ad aliqua vagè sub mortali. Quæ
obligatio nascitur præcipuè ex votorum obliga-
tione, quæ obligat ad perseverandum in Reli-
gione absque notabili detrimento & ruinâ illi-
us, & periculo transgressionis votorum: ideoq;
nullum peccatum paruum putandum, nullum
impunitum, nullum inemendatum relinquen-
dum, iuxta monitum CHRISTI datum S. Bir-
gittæ.

QVÆRES IV.

Quomodo sunt vitia extirpanda?

Resp. Inprimis, quod nomine vitij hic intel-
ligatur affectio praua, siue ex naturâ siue
per actus peccandi, acquisita, permanens in ani-
mâ, eandemq; ad aliquod opus iniquum, seu
peccatum inclinans, vti v.g. est propensio ad
irascendum ac peierandum, maledicendum, se
inebriandum, temerè iudicandum, &c. quæ ex
præte-

præteritis periurijs, maledictionibus, &c. est contracta. Volenti ergo proficere in vita Christiana omnimoda necessitas incumbit, talia vitia dediscendi, iuxta illud Isaïæ 1. *Quiescite perverse agere, discite bene facere*, & S. Ioannis Baptistæ: *facite dignos fructus penitentia*. Non est enim signum sinceræ ad DEVM conuersionis illius, qui nullum propositum, diligentiam, laborem, in eradicandis suis malis consuetudinibus adhibet, ideoq; est communis sententia DD. apud Bassæum V. Iuramentum §. 4: n. 2. illum qui aduertit se habere consuetudinem peierandi, & non adhibet remedia ad illam tollendam, mortaliter peccare, quotiès aduertit illam consuetudinem, & eam non conatur extirpare: Deinde licet eam efficaci proposito retractet; tamen ratione scandali vitandi, quod alijs præbere solet iuxta prudentis Confessarij iudicium, absolutio ei aliquando deneganda esset, aut differenda prout iudicauerit saluti penitentis expedire. Demum non facile relabetur in peccatum mortale; qui ex se vitia extirpare conabitur, ex cuius defectu aliqui peiores post confessiones euadunt, quam ante fuerant, nam crescentibus vitijs crescunt & peccata.

Pro extirpandis ergo vitijs primò est necessaria cognitio & detestatio eorum: ex eo quia sunt morbi animæ nostræ, origines peccatorum, fontes inquietudinum, fomenta affectionum inordinatarum, hostes DEI, corruptio virtutum, milites demonum, per quos bona nostra diripi-

unt.

unt, nosq; cælestibus donis spoliant. Deinde ardens desiderium & firmum propositum cum Oratione ad CHRISTVM, B. V. MARIAM, Sanctos Patronos ad profuganda vitia assumendum, nihil omnino suis viribus confidendum, manè præsertim prævidendæ sunt occasiones & causæ eorum, & qualiter præsciendæ, considerandum; cogitandum v. g. si mihi dicatur verbum asperum, patienter feram propter te patientissime IESV, gratiâ tuâ adiutus: si occurreret distractio in Oratione, deuotissime IESV tuâ ope statim excutiam, &c. Hic autem confictus contra vitia, est cogitatione, & efficaci affectu exercendus, vt potè per actus internos, abominationis, aut indignationis contra illa excitatos, v. g. Maledictum esse vitium iræ, gulæ, acediæ, &c. per quod tot mala homini obveniunt. Benedictam esse virtutem humilitatis, abstinentiæ, &c. & exemplo CHRISTI amplectendam. Deinde verbo, legendo vel loquendo aliqua de extirpatione vitiourum, vituperando illa cum se occasio offert, dissuadendo, &c. Denique opere, contrarios virtutis actus producendo. Tandem adhibendo examen conscientiæ, quod apud timoratos bis per diem fieri solet, an aliquid omissum, aut languidè factum sit, quam ob causam, &c. ac pro defectu illo, pœna aliqua sibi iniungenda, causæque mali tollendæ. Licet autem aliarum virtutum vitia opposita possunt à nobis menti

propo-

proponi, ad detestandum & vincendum; luxuria tamen actus nec expedit vnquam directè, & expressè examinare, animoq; repræsentare, imò nec à longè intueris, etiam quocunq; prætextu; sed potius amator castitatis statuât sibi, necesse est pro scopo, summam mentis & corporis puritatem, & quodammodo Angelicam Santimoniam; & in eum finem virtutum aliarum subsidium conuocet, mortificationem, deuotionem, humilitatem, &c. vt Angelicam puritatem illam acquirat, potius quàm vt directè vitium oppositum deuincat.

Et quemadmodum ille qui vnum equum sibi mancipatum ducit, alios quoque ipsi colligatos post ipsum currere facit; ita quamuis contra omnia vitia sit nobis pugnandum, consultißimum tamen est contra vnum principale, & nobis maximè familiare, tam per internam quàm per externam pugnam, per vnâ, duas hebdomadas, aut amplius pro exigentiâ necessitatis certare, *v.g.* Gulam sæpius per diem detestando, tempore comestionis animum à cibis, potu, abstrahendo, aliquid sibi de appositis subtrahendo. Item dum ira efferbescit, peculiari modo affabilem se omnibus exhibendo, contra verba otiosa ori custodiam adhibendo, & sic in alijs procedendum: pro negligentia autem præiuncta sibi assignanda, iterumque animus reuolvens. Hic autem confictus est magnificandus, nam diabolus videns eximiam vultatem

tem homini ex eo prouenientem, illum peruertere, vel saltèm debilitare conatur.

QVÆRES V.

Quomodo occasiones peccatorum sint fugienda?

R*esp.* Occasiones proximæ, etiam charissimæ, vtilissimæ, pretiosissimæ simpliciter abijciendæ, fugiendæ, & detestandæ sunt; lic enim Saluator Matth. 18. præcipit. Si manus tua, pes tuus, oculus tuus scandalizat te, &c. Neglectus consanguineorum, affinium, & contemptus rerum externarum, puta diuitiarum, honorum, voluptatum etiam licitarum; multùm ad sanctimoniam vitæ conducit, de quo illa verba Saluatoris: *Nisi quis renuntiauerit omnibus que possidet, non potest meus esse discipulus. Si quis venit ad me & non odit Patrem, &c.* Eiusmodi contemptum sæculares, si volunt saluari, tenentur habere in affectu, vt propter vllam rem etiam gratissimam **D E V M** nunquam offendant, seu voluntati eius nunquam contraueniant per iniurias, oppressiones proximorum, periuria, omissiones sacri, &c. parati omnia semper relinquere, vt docet S. Paulus 1. Cor. 7. *Reliquum est, vt qui vtuntur hoc mundo tanquam non vtantur, &c.* Et suò exemplò ad id permouet dicens: *Omnia arbitratus sum vt stercora, &c.* Minùs enim firmiter **D E O**, & supremo suo Principi atque vltimo fini, æternæq; eius legi adhærescit voluntas, quò magis inferioribus per affectum infigitur:

unde

vnde ille Regius propheta. *Quid mihi est in celo
& in terra, D E V S cordis mei, &c.*

Deploranda sanè est fors illorum, qui suo labori, suæ industriæ, circa ista temporalia, hisque bonis creatis ita confidunt, ita se illis tradunt, vel subtractione eorum turbantur, ac si propter illa essent creati, quasi in æternum ea sint possessori, ac si in ipsis eorum beatitudo tota consisteret; quasi non esset alius mundus, alia vita, alia bona his excellentiora. Et quod grauius est ita se ipsis immergunt, vt quandoq; propter eas in grauissima odia, maledictas, manias, solitudines &c. incidant: imò etiam verbera tyrannica proximis & hoc Christianis, instar illius ferui nequam Euangelici infligant, &c. Alter tot villas possidet, & vt D E V s sibi & illis benedicat, nullum templum in ipsis vult fundare: alter dimidium cordis sui in equo, cane, falcone, & alter totum cor in pecunia, turpi voluptate, ludo, honore, alijsq; vanitatibus, more paganò defigit; vt destitutus D E I solatijs, quæ non procurat; vt D E I, & sui oblitus, cum istis transeuntibus miserrimè æternum pereat: hîc etiam nullum subsidium & consolationem, quæ maxime ab ijs sperabat in necessitatibus suis maximis, in pœnam sui inordinati affectûs habere possit: & quod maximum est, etiam de vno obulo, quomodo leuatus & erogatus est, in hora mortis debet dare rationem D E O; vt CHRISTVS ait in Reuel. S. Birgittæ lib. 4. Cap. 4.

Propterea res creatæ non sunt nobis ita simpliciter considerandæ, ac si essent à DEO alienæ, vel ad DEVM minimè pertinerent, sed more Christiano velut dona DEI, munera DEI, materia meriti, quibus non nisi secundum DEVM, ad ipsius seruitutem, nostram, & proximorum, publicam, vel priuatam vtilitatem, cum timore DEI, cum moderatione, gratiarum actione est vtendum. Superfluitas in cibo, potu, in argento, auro, in equis, & famulis, &c. arcet ab homine consolationes Diuinas, sine quibus homo disperit. Vide Reuel. S. Birgittæ lib. 4. Cap. 45. Ex his patet resolutio illius obiectionis rudium, & quorundam nobilium contra personas Ecclesiasticas conquerentium. Quomodo (inquiunt) credere debeamus Prædicatoribus, qui clamant nè nos in his rebus terrenis fundemus, &c. cum ipsi Ecclesiastici bona terrena possideant, monasteria, collegia ampla ædificent, &c. Quibus iuxta supradicta respondendum est, non vsum temporalium, sed illicitam acquisitionem, detentionem, & abusum interdici: bona temporalia (ait CHRISTVS in Reuel. S. Birgittæ, lib. 1. Inter, 2. idè à me data & concessa sunt homini, vt ille eorum vsum habeat rationabilem, & ea quæ creata sunt commutentur in increatum, scilicet in me DEVM Creatorem; laudando & honorando me de bonis meis, non autem viuendo secundum desiderium carnis. Nè videlicet anima missis beneplacitis DEI defluat in concupiscenciam carnis,

con-

concupiscentiam oculorum, superbiam vitæ & multis se peccatis commaculet. Iustè reprehendit Diuinus Vates illos, qui huius mundi res magni æstimant, & dicunt beatum populum, cui hæc sunt; cum potius sit ille beatus, cuius Dominus Deus eius. S. Dorotheus suum prouisoem instruebat, vt res conuentus tanquam CHRISTO dicatas cautè tractaret & obseruaret, nec tamen propter amissionem illarum turbaretur, pro meliore instructione afferro huc verba CHRISTI ex Revel. S. Birgittæ lib. 6. Cap. 27. de bono vsu, vel abusu rerum. *Quamuis autem diabolus mouet Dominos mundi ad voluntatem suam, quamuis prosperantur ex occulta iustitia mea: attamen ego sum Dominus eorum & iudicio meo iudicabuntur, ipsi inceperunt sibi nouam legem contra legem meam. Curam quippe omnem apponunt, quomodo possint à mundo honorari, quomodo possint diuitias acquirere, quomodo voluntatem suam perficere, quomodo progeniem suam dilatare. Idco iuro in Deitate & humanitate mea; quia si in tali statu moriantur, nunquam intrabunt in terram illam, quæ promittebatur filiis Israël sub figura, quæ fluebat lacte & melle, non magis quam illi, qui desiderabant ollas carniū, & subitanæ morte moriebantur. Sicut enim illi morte corporali moriebantur, sic isti morientur morte animæ. Illi verò qui voluntatem meam faciunt, ipsi intrabunt in terram, in qua fluit lac & mel, id est in celestem gloriam; in qua non est terra subtus, nec calum superius: sed ego ipse Creator omnium & Dominus, ego sum*

sum subtus & supra. Ego extra & intra, quia ego impleo omnia, ego satiabo amicos meos dulcedine, non mellis sed ineffabili suauitate & admirabili replebo eos, ut nihil desiderent nisi me, nullo egeant nisi me, in quo est omne bonum; hoc bonum inimici mei nunquam gustabunt, nisi conuertantur à prauitate sua. Si enim ipsi cogitarent quid ego feci pro eis; si considerarent, quid dedi eis, nunquam me sic ad iram prouocarent. Ego namq; dedi eis omnia necessaria, & desiderabilia habere cum temperantia. Ego permisi eis moderatè habere honores, habere etiam amicos, & habere voluptatem moderatè. Quicumq; in honore positus cogitat sic apud se. Ex quo sum in honore positus, honestè iuxta statum meum volo me habere; exhibebo DEO vero reuerentiam, nullos opprimam, minores fouebo, diligam omnes, iste talis in honore suo mihi placet. Qui verò diuitias habet, & cogitat apud se. Ex quo diuitias habeo nullius rem accipiam iniuste, nemini faciam iniuriam, cauebo mihi à mortali peccato, subueniam pauperibus: iste talis in diuitijs suis gratus est mihi. Qui autem in voluptate est & cogitat apud se. Caro mea infirma est, nec spero me posse continere: ideo ex quo legitimam uxorem habeo, non concupiscam plures: conseruabo enim me ab omni turpitudine & inordinatione; iste talis mihi placere potest; sed pleriq; nunc legem suam præponunt legi meæ. Nam in honore suo nullos volunt habere superiores, de diuitijs nunquam possunt satiari. In voluptate sua extra modum & laudabilem constitutionem volunt excedere. Idcò nisi se e-

men-

mendauerint, & aliam viam inceperint, non intrabunt in terram meam, in qua lac & mel spirituale est, id est, dulcedo & satietas, quam qui accipiunt nihil amplius desiderant, nec aliquo indigent nisi quod habent. Profectò dignissimæ sunt illæ Reuelationes vt operâ & sumptu alicuius in suas partes: propter diuersos hominum status instruendos præcipuè statum Sacerdotalem diuidantur ac distribuuntur.

Q V Æ R E S VI.

Qualiter sint corrigenda anima potentia?

R*esp.* Debet amator amicitia DEI intellectum suum ab ignorantia rerum sibi necessariarum, & à cunctis erroribus virtuti contrarijs vindicare: item à prauis suspicionibus, temerario iudicio, ab omni vana curiositate arcere, vt non discat, non cogitet, non tantum turpia vel noxia, verum etiam quæ ad honorem DEI, & statum suum non pertinent. Et multò magis ipsum custodiat à pertinacia, iudicio proprio, opinione propria (puta quæ cum bonis non concordat) quin potius curet, vt proprium suum & principale obiectum, primam & summam veritatem, nempe DEVM, ex rebus creatis, magis autem ex scriptura Sacra, ex lectione Sanctorum Patrum, concionum auditione, &c. eiusque voluntatem cognoscat. Memoriam quoque intellectiuam abstrahat à vanis cogitationibus, imprimat sibi illud vnum quod summè est necessarium, id est: DEVM propter quem,

& secundum quem hic uiuat, resque uitæ suæ peragat.

Voluntati deneget omnia, quæ legi Diuinæ aduersantur, illamque ad nutum alterius, qui DEI vicem gerit, ut est superior, Confessarius applicet. Erga excellentiam, maiestatem, prouidentiam, bonitatem, iustitiam, aliaque attributa Diuina optimos affectus in se excitet.

Ut autem horum dogmatum veritatem altius percipiat, cogitet in quem finem deuenturus sit, si ipsis contraria agat. *v. g.* Si suum intellectum erroneum sequi, voluntati suæ vitiosæ obsequi, DEI rarò vel nunquam meminisse velit, passiones animi non corrigat, &c. nam in dies peior euadet.

QVÆRES VII.

Quomodo domanda sint animi passiones?

A Nequam huic quæsito respondeatur, sciendum est, in appetitu sensitivo undecem passiones seu eius functiones inueniri.

1. Amor inordinatus rerum temporalium.
2. Desiderium feruens earundem.
3. Delectatio quæ ex iisdem capitur.
4. Odium rerum bonarum, quæ licet appetitui sua alperitate opponantur, habent tamen in se grandem materiam meriti.
5. Fuga eorundem & obmurmuratio.
6. Dolor qui eorundem causâ oritur.
7. Vana rerum huius uitæ spes.
8. Audacia ad illicita exequenda.

9. In bonis rebus & sanctis desperatio.

10. Timor carnalis & mundanus.

11. Ira infrænis & immoderata.

Vt autem istos affectus in nobis comprimamus, sequentes rationes conuincunt, quia illi nos ad peccandum multum disponunt, perturbant, excæcant, eodemque tempore in aduersa animum pertrahunt, vt simul cupiat, timeat, lætetur, doleat, vt videre est in vindictam spirantibus, & pœnam timentibus, &c. iidem sunt insatiabiles, siquidem post unum actum acrius insurgunt. Ideoque dicuntur passiones, quia animum alterant, vt. velut mancipium aliquod multa ab ijs patiatur, ex quibus indomitis, & corporum & animarum interitus sæpius prouenit. Quod si per rationem corrigantur, fiunt materia & instrumenta multarum virtutum; hæc autem correctio fieri potest triplici ratione. Philosophicâ, quâ etiam Pagani vsi sunt; Christianâ, & Religiosâ, v. g. cum ratio per dictamen luminis naturalis ex se passioni imperat; desiste læuire, nec enim conueniens est, vt homo præditus ratione affectu belluinò, ducatur; affectus est seruus, instrumentumque animi; potior virtus, quàm voluptas, multa sibi incommoda inde prouenient, &c. Secundò per causas supernaturales, v. g. nè appetas hoc quod DEVS prohibet, nè formides hanc acerbiteriam pro DEO, & cælo sustinendam, DEVS te à tot malis vindicauit; DEO, non cupiditati obsecundes.

des. Si placet hoc bonum, serua te pro illo maiori æterno; potior gratia DEI, quam fauor humanus. Si displicet hoc malum propter quod vis opus meritorium relinquere, magis displiceant illa grauissima purgatorij aut inferni supplicia, breui & forsan nunc moriendum, & forte sine pænitentia vt alijs contigit, &c. Tertiò per CHRISTI exemplum; Beatæ Virginis MARIÆ, Sanctorum DEI qui fuerunt ab hac vel illa passione alienissimi, v. g. CHRISTVS FILIVS DEI viui, pro me Homo factus est, Dominus meus, ego eius seruus, fuit ille moderatissimus in hac passione, vt in omnibus peccatissimus, hoc mihi quoque curandum est, &c. Quod si perseveret passio, tunc voluntatis officium est minimè præbere consensum. Imaginatio quoque ipsa, quæ vt plurimum excitat motum passionum, honestis phantasmatibus imbuenda est, v. g. fortiter apprehendenda incendia gehennæ, factor & turpitude cadauerum, mortis propriæ horribilis turbatio. IESVS CHRISTVS sanguine fluens nos quoque à peccato ad virtutem alliciens, ad suum auxilium offerens: vel repræsententur aliqua acerba, tristia, dolorosa, pro necessitate occurrentis passionis: v. g. ad comprimendum inordinatum risum; aliquis casus præteritus olim, nobis horribilis, cum seria indignatione contra nos est imaginandus: ad sedandam luxuriam, cadauer semiputridum; ad auaritiam, mox mors imminens, &c. caterua

dæmo-

dæmonum quæ nos tempore mortis circum-
stabit, &c.

Porro qui omnes passiones suas breui & ef-
ficaciter vult deprimere, primam illarum, id est:
amorem statim compescat; nec enim aliæ mo-
uebuntur, si prima quiescet, à qua omnes depen-
dent. Nemo enim quidquam desiderat, nisi
quod amat; nemo de aliqua re tristatur, nisi
qui priuatur ea, quam diligit; item nemo ira-
scitur, nisi illi, qui impedit nē re amatâ potiatur.
Vt autem his ratio facilius dominari possit;
pono contra principales aliquot remedia, &
inprimis contra passionem amoris, cui potest
strenuus passionum expugnator mederi.

1. Vt cogitationes & sensus à re placita di-
uertat.

2. Illius imperfectiones consideret.

3. Damna ex amore inordinato prouenien-
tia perpendat.

4. Alijs sese quæ cogitationes distrahunt oc-
cupet.

5. Meliora & honestiora appetitui proponat;

6. Obseruet diligenter, qui in parte inferio-
ri motus, exurgere solent, vt quàmprimùm se-
riâ displicentiâ, & sincerâ ad DEVM conuersio-
ne deprimantur. Iisdem modis proportionem
ducta passio odij sedabitur.

Contra tristitiam hæc sint remedia.

1. **M**alum ipsum quod sequi potest præmedi-
tari: minorem enim præuisum in animo
impressionem facit.

2. Quan-

2. Quando malum iam aduenerit, cogitare nobis hic magnorum bonorum acquirendorum præstari materiam: scilicet virtutum, patientiæ puta, humilitatis, fortitudinis, &c. *Odit enim humilitatem, qui odit contumeliam, fugit mansuetudinem, qui odit irritantes se.* S. Lorotheus Instit. 11.

3. Considerare quid alij passi sint, vel patientur.

4. Quod tristitia cum admittitur, magis augeatur, & multa detrimenta afferat.

5. Non apprehendere malum, quia reuera tristitia magis ab æstimatione, quàm à malo quod contristat oritur, vt experientia docuit. Temporalia bona non esse tanti momenti, vt propter illa iacturam gratiæ, vitæ, virtutis subeamus, hanc tristitiam conuertendam esse pro peccatorum expiatione.

6. In principio aduersitatis ad CHRISTVM recurrere, ipsique hunc amarum calicem, primò offerre, vt ipse eum dulcorare dignetur, prout S. Mechtildem CHRISTVS docuit. *Hoc etiam tibi omninò persuasum habeas, vt in aduersis DEO hilariter & fortiter seruias, & cum proximo licet intus turbatus maneas, semper benignè agas, Melancholia enim teste D. Hieronymo est Balneum diaboli.*

Contra iram.

1. Propriam exstimationem & rerum temporalium concupiscentiam mortificare.

2. Ni-

2. Nihil agere, vel loqui dum ira feruet, nè post te pœniteat.

3. Non apprehendere iniuriam, & animum alio diuertere, vel putare se dignum hâc acerbitate.

4. Potius compati iniurianti nos, cùm plûs animæ, quàm nobis noceat.

5. Plurima damna cognoscere, quæ ira facit.

8. CHRISTI mansuetudinem sibi ob oculos ponere, propter enim nostram institutionem eam exercuit.

Placanda etiam ira alienæ remedia hic addiscenda.

1. **N**ON resistere primo impetui.

2. Cùm iam deferbuit, placidè humiliterq; irascentem alloqui.

3. Ostendere pœnitentiam & veniam precari.

4. Persuadere irascenti non eo animo rem factam vt fieret iniuria. Ad eum modum omnes passionés temperari possunt. Specialiter autem, vt est dictum paulò ante, est mortificandus amor, non solum rerum, quæ Diuinâ legē prohibentur, sed etiam superfluarum; imò etiam frenandus immoderatus necessariorum, atque etiam vt rebus, quæ ad conseruandam vitam opus sunt; non vtamur propter solam delectationem, siquidem hoc est proprium bestiarum, sed propter necessitatem, quia scilicet DEVS ita statuit, aliàs non vsuri, imò potius parati omni humanâ consolatione priuari, omnibus consan-

guineis

guineis alijsque DEO charis rebus, si sic ipsi placeret: Per talem resignationem obuiabitur multis inconuenientijs.

Deinde frenare oportet gaudium ex temporaliu bonorum præsentia ortum, ita vt non nisi moderatè lætemur DEO gratias agentes, cum hæc tantum sint nobis ad tempus breue concessa, nec propter nos solos, pro quibus suo tempore seuera reddenda est DEO ratio: recreatio quoq; quælibet sit suis terminis semper circumscripta nè sit cum offensa DEI, nè conuertatur in tristitiam. In turbatione animi nihil deliberandum, nihil concludendum, quia tunc periculum, ac impulsio affectûs præualet contra veritatis bonum.

Denique motus primi non tantum iræ, verum & timoris & audaciæ, licet non sint in nostra potestate; sunt tamen præuidendi, & sensim vt supra dictum est, rationis imperio subiugandi: hoc autem maturius est faciendum, quàm si ex primo motu v. g. hominem occidas, ipse in grauem morbum, aut periculum mortis &c. incidas; postea serò dolens velis, nolis præuideas, & te cum minori fructu corrigas.

Ex his facile correctio sensuum exteriorum sequetur; præcipuè tamen oculi, aures, & lingua corrigenda sunt, quia ex istorum custodia neglecta graues aliquando lapsus facile oriuntur.

QVÆRES VIII.

Quid de Corporis mortificatione?

Resp. Istud etiam suis modis est corrigendum; quidem corpus indomitum est, sedes cupiditatis, receptaculum passionum, vitiorum nutrimentum, & instrumentum dæmonis ad expugnandam animam. Vnde ipsi necesse est superflua subtrahere, ex licitis quandoq; necessaria dilcrete denegare: labores, ægritudines, molestias æquanimiter ferre, quandoq; voluntariè infligere, propter delectationem solam ipsi nihil concedere, præcipuè autem: *Carnis terat superbiam potius cibiq; parcitas.*

QVÆRES IX.

Quid de mortificatione amoris proprii?

Communis hostis totius perfectionis Christiæ. Contra omnibus fidelibus, dum vita superstes, vigilantissimè in omnibus semper cauendus est amor proprius: ille videlicet, quò quis selemagni æstimando, ac in se manendo, se ipsum quasi finem suarum actionum aut desideriorum constituit. Ille peruersus amor iuxta D. Thomam cit. est occasio & radix omnium peccatorum: quod facile quisq; in se aduertet, dum causam sui peccati inuestigabit, vnde D. B. V. M. in æmulationem prouocat, constituens hominem sui iuris, impedit cognitionem sui ipsius, ad salutem apprimè necessariam, facit vt peccata nostra nobis graua esse non videantur, inquinat & immutat intentionem, & vsque ad contemptum Dei
pro-

progreditur; nec esse possibile quenuquam in amore DEI proficere, nisi prius ab isto peruerso amore discedat. Vnde rectè D. August. sermone 47. in Matth. *Disce amare te non amando, quia qui amat animam suam perdet eam, &c.* Proinde verus amicus DEI studeat in omnibus istum amorem peruersum à se excludere; sibi ipsi vilescendo, se DEO in omnibus subiiciendo, admonitiones, reprehensiones gratò animò suscipiendo, aduersa patienter tolerando, nec tam in cursu vitæ suæ & singulis actionibus prospiciat, illa quæ sunt grata animo suo, suæ carni, vel sibi soli, quàm quæ sunt placita DEO: imò nec ideò viuat, quia sibi viuere est charum sed quia se viuere sit DEO placitum. *Nemo sibi nostrum uiuit, dicit Apost. ad Roman. 14. & nemo sibi moritur, sed Domino, ideoque 1. Cor. 10. admonet: siue manducatis, siue bibitis, siue aliud quid facitis omnia in gloriam DEI facite.* Et ad Cor. 2. Cap. 5. *pro omnibus mortuus est Christus, ut qui uiuunt, iam non sibi uiuant, sed ei, qui pro ipsis mortuus est & resurrexit.*

QVÆRES X.

Quomodo tentationibus resistendum?

Resp. Per seriam displicentiam, humilitatem, orationem, mortificationem, fugam, per actus timoris & amoris DEI. Quod si tentatio persistat, magis, magisque animus per prædicta est obfirmandus. Hic autem ex Fornario lib. 2. Cap. 2. cautelam accipe. Illorum verò tentatio
magis

magis periculosa est, qui exterius profitentur vitam spirituales, sed verè mundo seruiunt; quoniam sunt ambitiosi in rebus spiritualibus, vanam gloriam sectantur, sua commoda quærunt, sibi ipsis nimium confidunt, & plus assument, quàm par est; bona opera omittunt, nè ab hominibus contemnantur, & sæpè ea faciunt, ut ab illis probentur; nihili faciunt peccata venialia, de rebus spiritualibus nunquam loquuntur, nec eas meditari curant, cum vana quadam libertate viuunt, leues sunt & instabiles, timorem Dei paulatim à se excutiunt, conscientiam habent cauteriatam, & tamen boni Christiani haberi volunt, & putant se posse duobus Dominis seruire.

§. III.

De bonis faciendis, seu de exercitio virtutum.

QVÆRES I.

Quid sit virtus? & quotuplex?

Resp. Cum Philosopho, quod sit dispositio perfecti ad optimum. Est enim habitus qui operationes intellectus & voluntatis optimas efficit, ac perficit; per consequens partem hominis inferiorem optimè compositam reddit. Hinc ille vocatur moraliter bonus ac perfectus homo, qui clarè & certò verum à falso discernit, qui bono honesto, quàm tale est inhæret, & in quo pars inferior rationi subijctur; & e contra, per-

R

uere.

uersus. Perfectus Christianus qui fide, spe, charitate, alijsque infusis pollet virtutibus.

Virtutes aliæ sunt naturales, aliæ supernaturales. (D. Thomas 1. 2. quæst. 62. art. 1.) authorem enim naturæ DEVS omnium virtutum semina nostris mentibus inseruit, quæ nobis agentibus adulescent & firmanur. Vnde & acquisitæ dicuntur: vt verò est author supernaturalis gratiæ, eos habitus, qui ad supernaturales operationes efficiendas, naturales facultates attollunt, nobis antea dispositis ad tanta & eximia dona, solus ipse format & infundit; & dicuntur infusæ, quia cum gratia habituali infunduntur, quæ deinde per exercitium confirmantur & augentur. Acquisitæ virtutes ad principia practica, & speculativa naturalis rationis; infusæ ad sua principia virtutum Theologicarum referuntur: vnde etiam in modo operandi differunt. Modus enim acquiratarum à ratione naturali; infusarum verò à lege Diuina fideque præscribitur; quod appposito temperantiæ exemplo liquebit. In cibi potûsque Sumptione, quod ad acquiratam temperantiam spectat, ratio præscribit modum nè noceat valetudini, vel rationis vsum impediat: at in eadem sumptione, si per actum infusæ temperantiæ fiat, modus à lege Diuinâ quam docet fides, charitate formata imponitur; vt scilicet paritate cibi & potûs corpus castigetur, & in seruitutem spiritus redigatur ad seruendum DEO, & hic modus est mentiois vitæ æternæ longè melior primò;

Quar-

Quandoq; etiam accidit temperantiam infusam materia delectabili abstinere, vbi naturalis ratio per temperantiam acquisitam ea abstinendum non diceret. v. g. Dum corpus ieiunio ad maiorem gratiæ vel gloriæ acquisitionem castigatur: quod etiam pro alijs actibus est considerandum, & hoc altiori & diuiniore modo virtutum moralium actus exornentur.

Hic etiam virtutes acquisitas aduertendum est (licet infusæ nobiliores sint) hanc vim efficaciorē habere, quod vitia contraria illis conatibus, quibus conantur exterminant, ac cordis tranquillitatem conferant: infusæ verò, contrarios ac vetustos vitiorum habitus non expellunt, sed ad creberrimos congressus vires præstant, vt pax animi ad inhabitandum Spiritui Sancto comparetur. Vnde qui Sacramentis vtuntur, fortiores contra peccata, vitia, passionēs, (dummodo suam voluntatem applicent) redduntur, quod carent infideles, & in peccato mortali existentes.

Virtutum deinde aliæ sunt intellectuales, quæ intellectum perficiunt; vt sunt ars, intellectus, scientia, prudentia, sapientia: præcipuè autem fides Theologica. Aliæ sunt morales, quæ ad mores componendos pertinent: quarum præcipua est charitas Theologica: tum iustitia cum virtutibus sibi annexis, quæ voluntatem reformat, temperantia appetitum concupiscibilem, fortitudo irascibilem, cum agmine

aliarum virtutum moderatur, ex infra insinuat
tis hominem optime disponunt.

Alia erga DEVM, vti	{	Fides,
		Spes,
		Charitas,
		Religio cum sibi annexis.

Alia erga Superiores.	{	Observantia,
		Obedientia.

Alia erga omnes.	{	Iustitia,
		Amicitia,
		Misericordia,
		Affabilitas,
		Fidelitas seu veritas.
		Amoris proprii abnegatio,
		Temperantia,
Alia hominem disponunt er- ga se ipsum.	{	Castitas,
		Paupertas,
		Humilitas,
		Modestia,
		Silentium,
		Mansuetudo,
		Fortitudo,
	{	Patientia,
		Perseuerantia,

Prudentia autem praesertim infusa, cum ha-
rum virtutum exercitijs, tum in ceteris vitae pe-
riculis recte disponendis versatur.

Ceterum in ipso exercitio virtutum praeci-
puè

puè est incipiendum à mortificatione amoris proprii, aliorumq; vitiorum de quibus supra: amor enim proprius, omnia bona ad seipsum trahit, nec finit hominem, DEI bonum vt par est, & proximi procurare. Nulla enim potest esse sincera deuotio, nulla bona oratio, nullus verus DEI & proximi amor, nulla perfecta obedientia, nulla iustitia nisi inordinatus sui amor, & immodica siue quietis siue commoditatum cupiditas, suq; æstimatio facesset, vt ita possint quæ alteri debentur semota ab affectu sincere exhiberi. E contra verò Charitas Theologica ex natura sua omnem affectum à bonis creatis abducit, vt illum liberè ad DEVM transferat, bonaque omnia quæ liberaliter ab eo concessa sunt, sibi veluti totaliter resignet.

QVÆRES II.

Quomodo virtutes exercenda?

ET quia parum prodest virtutes laudare, nisi etiam ipsarum veritatem & modum ipsas acquirendi addiscas, ideò ad exercendam aliquam virtutem opus est primò cognoscere ipsius naturam vtilitatem, necessitatem, &c. Secundò magnam æstimationem, ac desiderium efficax acquirendæ virtutis assumere. Tertiò, DEVM authorem omnis perfectionis de illa exorare.

Et quia virtus per actus acquiritur; ideò omninò cum primis necessarij sunt illius actus interiores, per hos enim (Gaudier p. 4. de perfect. Cap. 3.) stultus à sapiente; verus DEI

seruus, ab hypocrisis; homo spiritualis ab animi mali dignoscitur. Virum enim veræ virtutis ope destitutum interesse Sacro quid vetat, ieiunare, eleemosynam impertiri, &c. sed absque perfectione, absque vita & spiritu. Patet hoc in bono & malo latrone, in Publicano & Pharisæo, &c. deinde quia interiores actus virtutis quovis tempore, loco, in solitudine, inter homines exerceri possunt: demum quia ab his germana hominis perfectio, & incrementum gratiæ DEI dependet; quia ille maiori meritorum cumulò augetur, & arctiori cum DEO amicitiae nexu coniungitur, qui actuum internorum studiò, sollicitiore & praxi diligentiore exerceatur. Quapropter magnoperè curandum est, ut externus actus sit cum interiore coniunctus, & tanquam ex vero suo principio, formali motivo (secus enim infructuosus & inutilis, sicut verba sine virtute sibi debita, corpus sine anima) oriatur.

Itaque in ipso exercitio virtutis cū primis intentio præter illam generalem se abnegandi & DEO placendi, hæc specialis formanda est: ut hic & nunc iste actus ideò fiat, ut hæc vel illa virtus iuxta DEI voluntatē exemplo CHRISTI; studiosè ac constanter exerceatur, vel plures virtutes in eodem actu. Deinde contra impetum contrariarum virtuti propensionum insurgendum est per abominationem ipsarum; præsertim in exercitio moralium (Theologicæ enim & virtus Religionis non ita impetuntur) cum
pro

propositæ virtutis actus interiores, animò ferventi sunt per pia propositas ac desideria coram DEO sæpius per diem eliciendi, demùm in exteriores eum datur occasio deducendi. Exempli G. interest aliquis concioni in prima Dominica S. Adventus; audit CHRISTVM venturum in fine mundi ad iudicandum; subinfert se quoque ibi sistendum, ubi etiam de verbo otioso reddenda erit ratio, &c. Ex illa concione assumit sibi præcipuum exercitium timoris Domini, excitatōque in se desiderio illum acquirendi, eum à CHRISTO humiliter postulabit: *IE- SV venture Iudex sæculi confige timore tuo carnes meas, &c.* IESV in quo Spiritus timoris Domini requieuit, à iudicijs tuis timeam, miserere meū dum tempus adest miserendi. Vel illius proferre. *Dies ira, dies illa;* &c. versus ruminabit, &c. Deinde hunc timorem DEI opere exhibebit, etiam verbum otiosum timendo proferre; superflua sibi subtrahendo, & alia agendo vel omittendo, de quibus stricta ratio est sibi proceratō faciendā in iudicio. Demùm in examine conscientie se discutiat, quomodo memor fuit supremi iudicis, suos actus modo notantis, &c. quæ perperam cogitavit, dixit, egit, omisit agenda? pro quibus doleat, aliquam poenā subeat, & iterum se ad exercitium timoris Domini melius accingat. Similiter in Dominica decimater-tia post Pentecosten, proponitur CHRISTVS Magister humilitatis, ad cuius exercitium opus erit scire, quid sit humilitas, & quot gradus habeat,

&c. Deinde necesse erit quolibet mane excitare in se odium superbiæ; desiderium, cum proposito efficaci humilitatis acquirendæ, ac **CHRISTVM** humilem de humilitate rogare, **B. Virginem, SS. Patronos**, tunc alternatis horis se coram **DEO** pro aliquo suspirio vilipendere, humiliare, saltem illâ Oratiunculâ, *DEVS propitius esto, &c.* Exteriores quoque actus humilitatis usurpandi, quorum occasiones frequentissimæ occurrunt.

Quia verò multi actus exteriores sunt indifferentes, idcirco ab interioribus actibus virtutum sunt dirigendi aut informandi vno vel pluribus. *v. g.* dum aliquis opera servilia exercet; si studio **DEO** placendi id fiat, charitas est; si personam **CHRISTI** in Dominis, prælatis, superioribus, vel **DEI** potestatem consideret, est fides; si **DEVVM** in ipsis honoret, est Religio; si abiecta amplectatur amore ministerij, est humilitas: si ut mandata **DEI** exequatur, est obedientia: si pro peccatis præteritis satisfaciendi voluntate, est pœnitentia: si alendi, reficiendi, sublevandi alios intentione, est charitas & misericordia, &c.

Multò autem commodius tale exercitium facundandi in actibus bonis succedet, *v. g.* in sacrificio Missæ, nam si quis ministret Missa, vel illam perficiat, ad obediendum superiori, est actus obedientiæ; si ut placeat **DEO**, est actus amoris **DEI**, si ut prosit quoque proximis, est charitatis actus; si ut per id assequatur beatitudinem,

dinem, est actus spei? si vt satisfaciat DEO, pro peccatis, est actus pœnitentiæ; & quotquot fines honestos concipit, tot virtutum species contrahit. Qui autem cupit viâ compendiosâ ad acquisitionem plurium virtutum peruenire, seque habilem ad exhibitionem bonorum operum reddere; operæ pretium est, vt omnes vires & conatus suos, ad omnimodam expugnationem, vitij prout supradictum est, aut passionis quæ illum maximè infestat, & ad perfectam possessionem vnius virtutis serio ac sedulo, sese conuertat (quanquàm & aliæ non sunt per occasionem relinquendæ) vsque ad heroicum seu excellentem gradum, ita vt careat omni oppositò vitio, sit in se activissima, etiam ad proficiendum alijs, & stabilissima: præstat enim vnum artificem in sua arte excellere vnâ, quàm plures imperfectas tenere. Deinde quia vni virtuti si est perfecta, necesse est alias quoq; virtutes copulari. v. g. temperantiam comitatur prudentia, quia debet esse discreta, item fortitudo vt sit constans, amor DEI, vt sit meritoria, &c. Et ideo videmus diuersos status Religiosorum, quia ab ipsis diuersæ virtutes præcipuò modò exercentur. In exercitio virtutum perfectius exhibendo proponenda sunt exempla CHRISTI Domini, Beatæ Virginis, Sanctorum DEI: insuper opus est, vt non tantum quis consideret virtutes CHRISTI; sed etiam illas à CHRISTO postulet, suosq; actus, actibus eius piâ intentione

tentione uniat, quod ipse CHRISTVS S. Mechildi lib. 1. Cap. 13. insinuat.

Denique ad continuandam hanc viam id etiam pertinet, vt bono exemplo alijs præfulgeas; alios pro viribus ad bonum instruas; humilitatem præstantiore modo exerceas; onera patientiæ alacriter perferas; vt illa virtus, v. g. humilitatis, patientiæ, &c. quæ in principio fuit difficilis, in processu fiat facilior, demùm cum gaudio perficiatur, in maiorem laudem DEI & fructum aliorum.

Ad virtutes morales & Theologicas suauius & promptius exequendas, dantur homini dona Spiritûs S. ex quibus tanquam ex optimis operibus nascuntur fructus Spiritûs S. & octo beatitudines; quæ omnia à DEO sunt deuotis ac humilibus Orationibus expolcenda.

QVÆRES III.

Quæ præcipuè virtutes sint exercenda?

R^{Esp.} Quatuor CHRISTVS Dominus ostendit S. Mechildi lib. 2. Cap. 8. cum enim ex ipso quæreret quid designaret CRUX, quam ille apparens ei gestabat in pectore suo, respondit: superior pars crucis amorem meum designat, cui nihil homo præponere debet; inferior verò humilitatem, quâ homo se omni creaturæ debet subicere propter me. Dexterâ timorem DEI non postponere. Sinistrâ aduersa propter me patienter tolerare. Si quis hanc crucem in corde suo per iugem memoriam gestauerit,

uenit, hæc erit merces laboris eius, quod cum primò anima eius à corpore exierit, nusquam nisi in corde meo mansionem habebit.

QVÆRES IV.

Quotuplex sit exercitium virtutum?

R *Eff.* Triplex. Primum esse vniuersale per bonam voluntatem affectum vniuersali iustitia. v.g. si intra se more Christianò cogites. Ego DEI gratiâ nolo simpliciter malum, quia DEVS seuerus Iudex me considerat. Volo efficaciter quò poterò meliore modò facere bonum; quia DEVS tot me beneficijs cumulat. Cupio in omnibus tibi optime DEVS. quàm maximè placere, quia es omni honore & seruitiò dignissimus. Vel si dicas; non propter me, nec secundum me, sed viuo propter DEVM, secundum voluntatem eius. Nolo quod DEVS non vult; volo quod DEVS me vult velle. Utinam quàm perfectissimè honorificem DEVM, & quæ ipsi sunt placita faciam semper. Non vtile, non delectabile, non honorificum mihi, sed quæro beneplacitū DEI in omnibus. Tu IESV adiuua me, &c.

Secundum est speciale, dum aliquis modò peculiari eligit sibi aliquam virtutem exercendam per hebdomadam, mensē, vel etiam per totam vitam, de quo suprà dictum est.

Tertium est specialissimum cum videlicet quilibet actus in particulari aliquâ certâ vnâ virtute, vel pluribus imbuatur. Ut enim actio bona sit,

na sit, necesse est, vt, non solum obiectum illius & finis maneat bonus; sed etiam, vt nulla circumstantiâ malâ vitietur: vt autem sit perfecta, opus est vt virtutum præsertim supernaturalium, (quarum capax est,) splendore imbuatur, quod in processu virtutum exemplis dilucidabitur.

QVÆRES V.

Quotuplex sit processus virtutis?

Resp. Triplex: primus; puritas per fugam oppositi vitij; abnegationem proprii amoris; per victoriam tentationis; secundus, actiuitas; per rectam voluntatis intentionem, intellectus attentionem, virium seriam contentionem: tertius, actiuissima stabilitas; directa per charitatem ad DEVM. Hæc nobis DEVS inuinit per Prophetam & Apostolum Petrum, dicentes. *Declina à malo, & fac bonum; inquire pacem, & sequere eam.* Vnde quilibet actus noster, vt sit bonus ac meritorius, ita est persoluendus, vt careat vitiô, aliquâ virtute imbuatur vel pluribus, & ad DEVM sincerè & firmiter dirigatur.

Petes, quibus modis isti tres processus pro commodo exercitio in mentem reuocari possint? **R**esp. Hisce tribus verbis. Nolo. Volo. Cupio. v.g. in Oratione. Nolo hic mentis distractionem, irreuerentiam, teporem, &c. Quis enim ego sum vt audeam propter me, aut aliquem humanum respectum, aut aliquam vanitatem, &c.

tantam

tantam Maieſtatem vilipendere, &c. aliàs iudicium ſeuertiſſimum DEI me inſpicientis, & pœna grauiſſima mihi ſubeunda, &c. Modò poſſum corruere & mori, &c. DEVS eſt à me omni honore digniſſimus, &c. ſatis antea in orando deliqui, pro quo infinities doleo; pati ar, moriar potius quàm irreuèrèter cum DEO agam, &c. Volo exemplo CHRISTI, B. Virginis MARIÆ, Sanctorum DEI omnimodam attentionem, reuerentiam, deuotionem, &c. Cupio quàm perfectiſſimè hanc Orationem propter DEVM perficere. Tu IESV deuotiſſimè, per tuas Orationes adiutua me, quibus ego hanc mileram meam, cum ea qua poſſum humilitate adiungo, ac cum eiſdem Orationibus tuis ac meritis iſtam meam exilem, cum eo qui eſt poſſibilis feruore, in gratiarum actionem, in ſatiſfactionem pro peccatis meis, in laudem æternam, in adimplètionem Diuinæ voluntatis, ac vniõnem æternam, in impetrationem mihi neceſſariorum, ac NN. ſupplex offerò tuo Patri cœleſti; vt illi tibi què, vnà cum Spiritu Sancto, quam maximè infinities placeam. Tu quoquè Sanctiſſima Mater, impetra mihi gratiam, voſquè S. Patroni.

Idem modus in aliqua aduerſitate ſeruan-
dus erit. E. G. Nolo hîc impatientiam; quis enim ego ſum, vt contradicam permiſſioni Diuinæ, tot criminum reus? &c. Aliàs poſt grauiora, feram inuitus, cum maximo meo damno, ſine vilo merito. Patientia mihi omninò eſt neceſſaria.

cessarias in hac possidebo animam meam. Iam
 satis antea impatientiæ fuit, de qua dolco, &c.
 Volo CHRIS TI patientis seruare patientiam
 &c. Cupio ad finem persistere, &c. Tu IES V pa-
 tientissime per tuam patientiam me adiuua. Hanc
 ego afflictionem tuæ Sanctissimæ Passioni sup-
 plex adiungo: tibiq; ac tuo Patri æterno, cum
 ea quâ possum humilitate & seruire in satisfac-
 tionem meorum peccatorum, in adimpletio-
 nem Diuinæ voluntatis offero: vt quàm maxi-
 mē tibi infinities placeam. Adiutor meus esto
 &c. Tu quoq; Virgo Dolorosa iuua me, Diuini
 Patroni. Similiter agendum in recreatione, in
 refectione, v. g. Nolo hīc vitium gulæ, dissolu-
 tionis. Quis enim ego sum, vt propter hanc va-
 nitatem, &c. Speculator adstat desuper, qui mo-
 do me potest in infernum mittere &c. de minis
 mo verbo, potu, cibo, reddenda est stricta ratio
 &c. Alias cibus in venenum, recreatio in afflictio-
 nem, homo in lupum, Deo, quem offende-
 rem permittente mihi verteretur. Satis antea
 peccaui, &c. Volo etiam cum modestia mea ex-
 emplō CHRIS TI, omnem temperantiam
 modestiam. Cupio & hīc Deo Optimo place-
 re. Tu Domine IES V temperantissime, mode-
 stissime, per tuas virtutes adiuua me, quibus ego
 hanc meam refectionem, recreationē adiungo &
 offero ad tuam gloriam, in adimpletionem Diui-
 næ voluntatis tuæ, &c.

Et per consequens ita faciendum in alijs af-
 fectibus, vt in memoria, & amore præsentia

DE I, in abnegatione nostri, in timore DE I, in humilitate, patientia, quæ virtutes præcipuè sunt colendæ fereque in omni actu exhibendæ efficaciter nullum velimus vitium, optemus virtutes, cupiamus quàm maximè placere DE O: nam sicut non nobis, sed soli principaliter DEO, viuere debemus, ita & cogitare, cupere, loqui, & ea quæ sunt officij nostri exactè, (quia propter DE VM fiunt) exemplo CHRISTI perficere.

QVÆRES VI.

Quid maximè officiat exercitio virtutum?

Resp. Tepiditas; siquidem ipsa est profectus Christiani, somnus, macies, sterilitas, iam quali defatigati satietate rerum spiritualium, aut potius deterriti difficultatibus in via perfectionis occurrentibus, ita vt vltà progredi non laboret; sed quasi de via languens subsistat.

Contra istam sit diligens consideratio gravium periculorum, tepido propè impendentium.

1. Relapsus in peccata vitæ prioris.
2. Perdendi omnem fructum vitæ, hætenus benè institutæ.
3. Periculum alicuius maioris ruinæ, quæ etsi non impendere videatur, tamen est certa, nisi tepor ille excutiat.
4. Nunquam emergendi ex gurgite tepiditatis, cum eius vis semper detineat.

Deniq; periculum excidendi gratiâ, & spe salutis, idque propter ingratitudinem donorum tot acceptorum, & negligentiam tot occasionum, ad bonum tot exemplorum, Sacramen-

torum.

torum aliorumq; subsidiorum ad cumulandas merita repudiationem. Tepidis enim ira DEI procerto imminet, quia potius tibi, quàm DEO; & secundum se, non secundum DEVM vivere appetunt.

Quapropter quisq; assuescat amore perfectionis, linquere blanda, quæ potest; perferre aduerbia, vt potest; orare sicut potest; laborare, vigilare, se punire, corrigere, quantum potest: memor illius moniti Sacræ Scripturæ: *Quidquid potest operari manus tua, instanter operare, quia, &c.* Miseri sunt illi (dicit B. Virgo M. S. Birgittæ lib. 3. Reuel. Cap. 28.) qui sic dicunt: sufficit si ero in cælo minimus, nolo esse perfectus. O insensata cogitatio, quomodo erit ibi imperfectus, vbi sunt perfecti omnes; alij ex innocentia vitæ, alij ex innocentia pueritiæ, alij ex purgatione, alij ex fide & bona voluntate. Idem dicit CHRISTVS lib. 4. Cap. 62. Nemo veniet ad portam gloriæ, nisi perfectus, aut perfecte purgatus, & nemo apprehendet gloriam, nisi perfecte desiderando eam, aut perfecte pro ea laborando.

§. IV.

De exercitio Charitatis Theologica.

QVÆRES I.

Quæ sint præcognoscenda ad intelligendam naturam Charitatis Theologica?

Resps. Præcognoscendam esse naturam amoris;

ris; multi enim (vt bene aduertit Ioannes à I. M. Carmelita discalceatus, Cap. 1. de arte amandi DEVM) reperiuntur, qui eum se DEVM amare profiteantur; attamen quid sit verus DEI amor ignorantes, in infinitò interuallò se ab amoris Diuini veritate & puritate sequestrāt. Amor itiq; in communi consideratus (D. Thomas 2. 2. quæst. 16.) dicitur principium motûs in rem amatam, isque est triplex: primò naturalis, qui est quædam connaturalitas appetitûs propendentis ad bonum sibi competens: secundò sensitiuus, qui est complacentia boni, necessario consequens apprehensionem appetentis ad id quod appetitur: tertio est rationalis, qui est motus complacentiæ inclinans voluntatem ad bonum cognitum propter conuenientiam illius non necessario, sed secundum iudicium liberum. Vnde in rationali appetitu præter complacentiam à bono in voluntate impressam, reperitur insuper electio, quæ dilectio vocatur; & apprecatio boni, quæ dicitur charitas.

Amorem consequitur concupiscentia, quæ est quædam amoris extensio seu progressus ad bonum nondum possessum; quæ dum rationem comitatur, appellatur desiderium, quod absente bono, vel nondum totaliter possessò, aliquando inualefcit vsque ad ardorem; qui dicitur feruor, quem solet comitari languor, seu grauissima quædam mæstitia; quæ hominem etiam potest interimere. Si verò bonum concupitum ex voto succedat, subit quædam vnio indeque delectatio

(quæ si cum opere rationis fiat, propriè dicitur gaudium) est quæ animæ in bono, quod sibi placet constitutæ, motus delectabilis & fructio: ab alijs vocatur secunda complacentia, seu amor complacentiæ, in qua natura amoris completur.

Amoris affectus multi sunt, nam præter febre uorem & languorem, est Exstasis, quæ significat exitum appetitûs à seipso, ut existat in bono quod affectat: secundò est animi dilatatio, & quædam liquefactio: tertio est stricta coniunctio: quarto ardor mutuæ benevolentiae: quinto animi immersio: sexto zelus: per quos omnes effectus, complacentia extenditur. Unde & quidam amorem per solam complacentiam definiuerunt; nam illa cessante, cessat & amor, quò appetitus tanquam aliquo pondere iuxta sententiam S. Augustini fertur in bonum, dicens: Amor meus, pondus meum, & quò feror illo feror. Prædicti affectus maxime elucescunt in amore Diuino, qui dum alicuius animum occupat, ita illum alterat & constituit, ut suæ voluntatis, suorum commodorum, ac suæ quoddammodo oblitus, cor suum totum transfundat ad oblectandum se DEO, totum se impendat ad promouendum bonum DEI, ad patiendum pro honore ipsius, ut sit totus DEI & DEO, alijs autem non nisi ad nutum DEI, nullus autem sibi. Quæ benè consideranda sunt cupienti sincerè amare DEVM, ut ad hæc sensim per partes assuescat.

QVÆRES II.

Quotuplex sit amor rationalis?

Resp. Siquidem amor dupliciter propendet in aliquod bonum; ideo in duas species diuiditur: quarum vna, vocatur amor concupiscentiæ; altera amor beneuolentiæ: Amor concupiscentiæ est ille, per quem aliquid amamus, sperantes ex eo vtilitatem aliquam nobis prouenientem. Talem amorem non esse purum, imò nec propriè amorem, sed quandam proprii commodi ac sui ipsius in materia honorum, voluptatum, aut diuitiarum sectationem Philosophi & Theologi asserunt. Amor autem beneuolentiæ est ille, quò alterum propter eius bonitatem, seu perfectionem aliquam magni æstimamus, eique benè & bonum volumus: unde Arist. 2. Rhetor. Cap. 4. dicit amare nihil aliud esse, quàm bonum velle.

Si is cui bonum volumus iam illud quod ei volumus habet, & possidet, tunc ei id volumus propter gaudium & animi delectationem, quam habemus, ex eo quod illud habeat & possideat, & ita formatur amor complacentiæ secundæ; qui nihil aliud est quam actus voluntatis, per quem illa se vnit & iungit lætitiæ cordis & bono alterius. Verùm si is cui benè, & bonum optamus, necdum illud possideat, id ei desideramus & amor ille dicitur amor desiderij.

Quando amor beneuolentiæ exercetur absq; reciprocatione ex parte rei amatæ: vocatur sim-

plex amor beneuolentiæ : quando verò est reciprocatio, vocatur amor amicitiae. *v. g.* aduertit quis aliquem virum magnis virtutibus præditum (præsertim in excellenti dignitatis gradu constitutum) tunc in ipsius virtutibus habens complacentiam, illum magni æstimat, ipsi honorem deferret, & paratus est illi sua obsequia præstare ex eo quia dignus est : Quod si ab illo in sui societatem seu familiaritatem admittatur, iam iste illius amorem qui fuit simplex beneuolentia sublimabit in amorem amicitiae, indeq; erga illum feruentiore affectu propendebit, ipsi se, & suam voluntatem viuò & verò affectu deuouebit, eidemque illi bona sincerius optabit & efficacius procurabit; quæ scit ipsum sibi vel suis desiderare, siquidem sua voluntas eiusdem voluntati alligata est.

Si simpliciter amamus amicum, nulli aliorum amicorum eum præferendo, illa amicitia simplex est; si autem præferamus alicui tunc vocatur dilectio: quasi si quis diceret, quòd rectus amor sit electio; quia inter plures quos amamus illum eligimus, alijsque omnibus præferimus.

Quod si æstimatio & prælatio quam habemus & faciamus de amico, sit magna, & non habeat æqualem; nihil tamen obstat quo minus veniat in comparisonem, & cum alijs habeat proportionem; amicitia illa vocabitur eminens dilectio. Verùm si eminentia illius amicitiae non veniat in villam comparisonem & proportionem, sed sit supra omnes; tunc dicitur dilectio incomparabilis.

bilis, summèque eminens, super omnes alias; & vñò verbò erit charitas, quæ vñi D E O debetur.

Q V Æ R E S III.

Quæ sit differentia inter amorem sensitiuum & rationalem?

Resp. Magnam esse differentiam: nam amor sensitivus cum tendat in bonum, quod est animæ minimè proportionatum, neque illi proprium & quandoque à D E O sibi prohibitum; ipsam animam non tantum de sua dignitate deijcit; verum etiam turpissimè fædat, Deoque & hominibus reddit exosam, iuxta illud Prophetæ Oseæ 9. *Abominabiles facti sunt sicut ea quæ dilexerunt*, prout videre est in omnibus luxuriosis, avaris, ebriolis, &c. nam sicut corpus sordibus, sic anima amore animali fædatur, & enecatur. Rationalis amoris obiectum est honestum, puta, prudentia, iustitia, temperantia, &c. quæ animam quidem exornant, non tamen absolutè perficiunt, quia ipsam ultimo fini in quo eius beatitudo consistit coniungere minimè possunt; hoc enim solus amor Divinus efficit, de qua vnione infrà.

Vbi etiam aduerte, quod cum in amore concupiscentiæ homo voluntati suæ aliquod bonum subijciat, vt eò ad virtutes aut vitam suam ordinate utatur: quàm peruersè illi faciant, qui amore vnus canis, equi, voluptatula, lucri, &c. voluntatem suam ita constringunt; vt quasi mancipia eorum esse videantur. Amico quoque vo-

luntas nostra ita deuouenda est, vt potius publico bono, quatenus maiori pateat, magis autem imò incomparabiliter ipsi DEO, vt potè bono infinito obstringatur.

QVÆRES IV.

Quid sit charitas?

Respondet D. Thomas 2. 2. q. 23. art. 1. quod sit amicitia, (seu consensio) quædam hominis ad DEVM: nam si ille amor apud homines habet rationem amicitia, qui est cum mutua beneuolentia, quæ fundatur super aliqua communicatione v. g. sanguinis, officij, Ciuitatis, &c. etiam amor beneuolentia hominis ad DEVM, dicitur vera amicitia siquidem est reciproca: DEVS enim homini vult bene; homo vicissim DEO, deinde inter DEVM & hominem non est latens hæc redamatio; non enim latet DEVM propter suam scientiam, nec hominem propter fidem, per quam nouit DEVM diligere diligentes se: diligi verò se ipsum defacto saltem nouit ex signis probabilibus. Hæc autem beneuolentia fundatur in communicatione bonorum supernaturalium; amantes enim DEVM participant cum ipso tum in eius natura per gratiam, tum in bonis omnibus per beatitudinem ad quam ius accipiunt per merita CHRISTI. Hoc beneficium Apostolus ad considerandum nobis sæpius commendat ijs verbis: *Videte qualem charitatem dedit nobis DEVS, vt filij, DEI nominemur & simus.* *Iam non estis*

estis hospites & aduena, sed ciues Sanctorum: benedices DEI, coheredes Christi, ad societatem DEI & filij eius admissi, &c. imò & ipse Christus. Sic DEVS dilexit mundum, &c.

Hoc beneficium, primi Christiani tanti æstimarunt, vt omnia sua etiam gratissima, imò ipsam vitam propter illud contemnerent in gladios, bestias, ignes, aliosq; horribiles cruciatus, se ipsos exponerent; modò illud sicut & alia etiam miracula stupenda apud quosdam pro nihilo habentur, quia præstantia & magnitudo illius pro debito non consideratur, quasi hæc ad se minimè pertinerent, vel sibi ex merito debeantur. Porro ita sunt hæc & similia illis considerata, ac si modò propter vnumquemq; nostrum sigillatim exhibita fuissent, quasi modo ex Paganismo vel Iudaismo ad spem Filiorum DEI, Ciuitatem sanctorum, societatem CHRISTI vocatus esset.

Et licet (vt aduertit D. Thomas citatus) hoc vocabulum (amor cum sit in appetitu sensitivo,) sumatur interdum in malam partem, dum aliquid amatur sine electione ac iudicio; nihilominus quia amor rationalis dicitur quid diuini dilectione, nomenq; amoris plus præferat feruoris, efficaciam, & actiuitatis, quam nomen dilectionis; ideo charitas seu amicitia hominis ad DEVM nominatur ordinariè à Sanctis Patribus Amor.

Confessio & Instructio
Q V Æ R E S V.

Quod sit obiectum amoris Diuini?

Resp. Amor Diuinus non solum versatur circa ipsum D E V M, eius omnipotentiam, bonitatem, iustitiam, sapientiam, atque alias perfectiones; sed etiam circa illud omne bonum, quod illi desiderare & procurare possumus; ut sunt, laus, honor, adoratio, &c. Insuper nos ipsi & proximi nostri etiam inimici, etiam Iudæi & infideles: quia quamdiu viuunt, sunt capaces beatitudinis æternæ cum D E O, sicuti & nos, à quâ diabolus est exclusus, cum quo nullum consortium est vnquam habendum & damnati. Denique & res aliæ creatæ omnes, etiam minimæ, quidquid sint, habent & possunt, sunt obiectum charitatis; sunt quippe propter eius gloriam vniuersæ; ipse eas conseruat, & per amorem cum ipsis operatur: & hæc omnia vocantur materiale obiectum amoris Diuini.

Formale obiectum eiusdem, est infinita bonitas propter quam D E V M amamus, non quatenus nobis proficua est; nam sic est obiectum spei; sed quia ex se digna est cuncta supereminens omni infinitâ æstimatione. Propterea tenemur D E O optima velle, etiam eâ charitate, quâ se ipse diligit, non ob nostrum præmium aut gloriam, sed purè & simpliciter ob bonum, & delectationem quæ in illum derivatur. Et ideo qui D E V M amat sic, etiam ex æquo iustitiam eius, sapientiam eius & misericordiam amat, vnum

attri-

attributum quemadmodum & aliud, cum omnia infinitatem bonitatis huius æqualiter participant.

QVÆRES VI.

Quotuplices sint actus charitatis?

Resp. Duplices esse. Alij enim sunt elicti, qui proximè & immediatè ex ipsa charitate prodeunt. Alij sunt imperati, dum videlicet charitas alijs virtutibus imperat, ut in honorem & beneplacitum DEI suos actus producant. v. g. ut aliquis obediat Magistrui non tam ob timorem pœnæ, aut spem præmij, quàm ut DEO placeat, ut aliquis abstineat à delectationibus non tam propter sanitatem conservandam, quàm ut DEO seruiat, ut aliquis non tam ob temporale lucrum laboret, quàm ut DEI voluntati præcipienti, in sudore panem acquirere satisfaciat. &c.

Actus elicti charitatis præcipui sunt tres: primus est electio, qui actus cuius est maximè momenti, & quoddam fundamentum cæterorum. Proinde debet cuius firmiter se determinare, ut inter omnia bona creata etiam sibi gratissima, solam Divinam bonitatem sibi præcipuè sequendam eligat, ut fauores hominum, voluptates, omnia commoda, omnia honorifica respectu bonitatis Divinæ arbitretur ut stercora; & cum sibi aliqua & his offeruntur, nunquam cæcò impetu ad instar equi & muli, in ipsa feratur; acerbè cernendo nè ista cum offensa Divina acquirat, vel detineat; meminerit, quantas pœnas huius suæ stultitiæ Susannitæ, Holofernes, Herodes, Divus Epulos.

pulo, Iudas, Ananias, Saphyra, alijsque sexcenti stulti rerum æstimatores dederunt. Proinde sollicitè semper aduertat, nè vnquam amorem Diuinum, amori proprio, vel alicui bono caduco postponat. Ad hunc actum amoris Diuini primò capit Elias populum Israëliticum adducere dicens: *Vsquequò claudicatis in utramq; partem &c.*

Secundus est appretiatio. Cuius functiones sunt. 1. Plus DEVM facere quam omnia etiam possibilis. 2. Magis velle omnia non esse & se ipsum, quam aliquam perfectionem DEI, puta iustitiam, sapientiam, &c. 3. Velle omne bonum fortiùs & magis, quam alteri & sibi. 4. Ipsi ita obedire, vt nulli alteri, magis se inclinare ad odium omnium subeundum, quam ad offensam DEI, ipsamque plùs omnibus abominabilibus inde detestari; deniq; nihil æquè, nihil suprà, nihil infra DEVM diligere.

Tertius est complacentia secunda, in bonitate DEI. Dum enim voluntati bonitas DEI per cognitionem intellectus obijcitur, subito concipit gratia DEI præueniente, & adiuuante primam complacentiam erga DEVM, aliciturq; spretis omnibus ad ipsi firmitèr adhærendum; vnde magis apprehensâ ipsius excellentiâ, amore, beneficijs; maiore etiam complacentia erga ipsum exardescit, ex qua promanant sequentes functiones; videlicet DEVM amare in ipso DEO, vt potè, oblectari recordatione honorum, quæ DEVS habet, eò maximè

lætari

lætando, quòd DEVS sit, cuiusmodi est, vt si res
 vel minima eum deficeret (si ita loqui fas est)
 & eam ipsi largiri posses vltro id libenterque
 præstares. Quin si in facultate tua situm esset,
 DEVM vnum eligeres non alium, quàm IESVM
 electurus esses, solemne illud Dauidis vsurpan-
 do. *Dixi Domino DEVS meus es, erisque in*
perpetuum, quamuis honorum meorum non e-
geas. Si ea tribui tibi optares tribuerem uni-
uersa, vel illud Augustini. Si ego essem DEVS,
tu Augustinus, cederem iuri meo & tu sis, DEVS
& ego Augustinus. 2. Amare DEVM in suis
 beneficijs, in suis creaturis, in nobis ipsis. E. G.
 Præsentiam DEI in se, Potentiam, Dona illius
 magni facere, vires suas, ad seruitium DEI cu-
 stodire, partem superiorem animæ ad inhabitan-
 dum DEO tutari, à corruptione partis inferio-
 ris. 3. DEVM amare in omnibus operibus,
 quæ ipse moderatur & dirigit, agnoscendo quo-
 dammodo sparsas & diffusas eius perfectiones,
 summam inde voluptatem capiendo, quod sit
 intra se perfectus atque adeo laudabilis; siue
 cum bona largitur, siue cum iuste vindicat &
 punit. Præcipuè autem in Beatissima Virgine
 MARIA, in suisque Sanctis est amandus &
 honorandus. 4. Summò benevolentia affectu
 DEO tanquam bono supremo, & Patri tuo a-
 mantissimo, in dies magis magisque appropin-
 quare. De offensis eius dolere, & desiderare
 honorem DEI, de ipso gaudere. Primi duo a-
 ctus possunt exerceri in diuersis actionibus, ope-

ratio

rationibus. Tertius præcipue in Orationibus, laudibus, missæ sacrificio. Alij adus melius patebunt ex conditionibus amicitiaæ erga DEVM.

QVÆRES VII.

Qua sint conditiones amicitia hominis erga DEVM?

Resp. Eas ferme esse, quæ in amicitia humana inueniuntur: nam sicut in vera humana amicitia primò ac præcipue spectatur vnio animorum, frequens & suavis conuersatio, &c. ita in amicitia hominis erga DEVM debet vnio, seu mansio spiritualis cum DEO, ac cum illo frequens conuersatio & familiaritas obseruari. Quâpropter qui vult verus esse DEI amicus opus est, vt omnia à se remoueat, quæ inter ipsum & DEVM faciunt diuisionem, vti est quodlibet peccatum mortale. Quomodo enim DEVS hominibus vel homo DEO, pio voluntatis affectu erit vnitus, quando per aliquam peruersam actionem, verbum scandalosum, obscenam delectationem de liberatè admissam, Diuinæ voluntati eiusque inspirationi repugnabit, plus sibi quam DEO deferet? Quomodo diligis eum (inquit D. August. tract. 9. in Epist. 1. Ioannis,) cuius odisti præceptum; quis est? qui dicat: diligo Imperatorem, sed odi leges eius.

Deinde cauendum est pro virili, etiam à peccatis venialibus, quæ enim fieri potest vt vnus spiritus cum DEO fiat is, cuius animus terrenorum bonorum amore occupatus in DEVM patet;

rum; in res creatas totus propendet, paucis & debilibus actibus DEO, plurimis & vehementibus creaturis adhærescit? Præter peccata mortalia & venialia etiam à vitijs & imperfectionibus (quæ licet amicitiam spiritualem non tollunt, magnam tamen retardationem in illa faciunt) emundare se studeat. Denique DEO se vniat per intellectum; Diuinas eius perfectiones, amorem erga se, & beneficia considerando: per memoriam, ipsius præsentia recordando: per voluntatem, pios affectus erga DEVM exercendo, denique per vires corporis, omnia illa in honorem Diuinum & beneplacitum conuertendo.

Hanc conditionem & legem vnionis perfectæ DEVS, nellò suò commodò erga nos obseruat, cum adest nobis intimè præsens, non otiosus, sed tota amoris sui infinitate nos peruadens & ambiens. Nihil enim homini magis intimum est quam solus DEVS qui ipsum solus creauit, à quo solo dependet in esse & conseruari, qui ipsius talem curam gerit, ac si solus esset in mundo: ipsum plus diligit, quam quis sibi amicissimus, imo prius illum amat, quam seipsum ille: ac magis illi bona vult, scit, & potest ea præstare, quin etiam vult vt ipse tibi benè bonò modò velit, qui solus occultissimis suis inspirationibus, cor ipsius pullat, illuminat, & ad vitam æternam dirigit: solus beneficia illi tanta contulit, confert, & in omnem æternitatem conferet, quanta nullus: solus incommutabile & summum bonum illius est, cui soli principaliter se in morte sistet, cui soli to-

tus plurimis titulis obligatus est. Vnde iustissimum & competentissimum est, vt vicissim ille (si hic potest aliqua dari reciprocatio) se ipsum ab omnibus delectationibus huius mundi, & à se ipso abstrahat, emundet, purificet, vt quasi sui oblitus, totum se ad DEVM transferat, ac coram DEO in mundo sine mundo, instar animæ à corpore separatæ, in puritate mentis, in oblatione DEI & attributorum eius, in zelo laudis Diuinæ, & totali sui resignatione hinc studeat permanere.

Ad quam vnionem vt nos DEVS suauiter attraheret; factus est HOMO, & tanto nent se naturæ nostræ sociavit, vt idem & DEVS esset & HOMO, vnus omnino CHRISTVS IESVS, qui vt tantam DEI charitatem ad nos extenderet, non solum ita Patrem compellat. *Non pro eis autem tantum rogo sed & pro eis, qui credituri sunt, per verbum eorum in me, vt omnes vnum sint, sicut tu Pater in me, & ego in te, & ego in nobis vnum sumus.* Verum etiam vt statim post ista addit, claritatem illam & gloriam vnionis hypostaticæ quam à Patre acceperat per Eucharistiæ institutionem in nos transfudit. *Vt sint vnum (inquit) sicut tu, & ego vnum sumus. Ego in eis, & Tu in me, vt sint consummati in vnum.*

Altera conditio veræ amicitiae est, vt tanta vnio non nisi virtute & sanctitate nitatur: est enim aliud nihil, quàm infiniti illius amoris, quò suam ipse bonitatem prosequitur deriuatio quædam, quâ eodem illo actu, quò suam ipse sancti-

tatem

ritatem & bonitatem amat, eandem ab homine participatam diligit.

Tertiam condicionem amicitia requirit, ut amor in paucos, imò si fieri potest ad unum tantum deriuetur. Id etiam per charitatem, ex parte nostra est faciendum. Satis clarè, & gratiosè DEVS Pater hanc conditionem charitatis S. Catharinæ Senensi proponit his verbis: *si me perfectè amare vis, voluntatem tuam ab omni amore affectus, terreno & carnali prorsus amoveas, segreges, mundifices, ita ut in ista vita, nihil transitorium, nihil temporale ames, nisi propter me, nec quod magis & maximum est ames me propter te, aut te propter te, aut proximum propter te; sed ames me, propter me, te propter me, & proximum propter me; quoniam Diuinus amor terreni affectus, aut alterius cuiusvis amoris consortium pati non potest. Vnde quantum te, terrenarum rerum contagione infeceris, tantum & in mei amore peccabis, & de tua perfectione deperdes. Mentem quippe, ut munda & sancta sit, omnia quæ corpus sentit fastidire necesse est. Effice igitur ne quidquam ex his, quæ à bonitate mea vestros in usus profecta sunt, te ad me amandum impediat, sed omnia adiuuent, accendant inflamment. Quoniam vobis illa creando concessi, ut bonitatis meae largitatem latius ex ipsis dignoscentes, me abundantiore quoque amore prosequeremini. Perstes igitur appetitu lumbisq; succincta, ac vigilantia custodiâ te semper obseruans, terrenis concupiscentiis, quas undecumq; tibi mortalis vitæ miseria, & corrupta suggerit natura, alacriter resiste; ut cum Propheta*
meo

meo dicere possis: qui perfecit pedes meos id est affectus qui animi pedes sunt tanquam ceruorum ad fugiendum canes; id est laqueos concupiscentiæ terrenarum rerum: super excelsa statues me; id est in contemplatione.

Ex parte DEI hæc conditio minimè deficit, nam licet ille totum mundum magnâ ratione gubernet, nihilominus quia ipsius natura & potentia est infinitæ actiuitatis, ita curat vnumquemque nostrum (S. August. lib. 3. Confess. Cap. 11.) tanquam solùm curaret, & ita omnes tanquam singulos, *qui finxit sigillatim corda ipsorum, & intelligit omnia peccata eorum*, inquit. Psaltes Diuinus. Christus quoque Dominus ita pro omnibus, ac si pro singulis est crucifixus & mortuus, vt vnusquisq; possit sibi iuste vindicare illa verba S. Pauli. *Et qui dilexit me tradidit semetipsum pro me.* Quam charitatem CHRISTVS Dominus omnibus trutinandam per S. Melchitidem lib. 1. Spir. Grat. Cap. 22. commendat: cum enim hæc Sancta illum interrogasset, quid sibi in homine maximè complaceret, respondit ei Dominus: vt quilibet cum magna gratitudine perpendat, & iugi memoriâ reuoluat omnium virtuosorum operum exercitia, quæ in terris operatus sum, & omnium poenarum & iniuriarum, quas sustinui, triginta tribus annis in quanta vixi miseria, & quanta mihi exhibebatur contumeliâ à mea creatura, & tandem mortuus sum in cruce morte amarissimâ, ob amorem huius animæ, quam mihi sponiam merceatus sum meo pretio-

pretioso sanguine. Hæc omnia unicuique ita
sint accepta & grata, ac si ad ipsius solummodo
sim perpeſſus salutem. Vnde grauiter con-
queritur contra quandam animam damnandam
propter neglectum passionis suæ lib: 6. Reuel.
S. Brigittæ Cap. 8. *Ecce illa anima non est mea,*
de vulnere quippe lateris mei & cordis mei non plus
compaſſa est, quam si perforaretur clypeus inimicæ
eius; de vulneribus manuum mearum tantum cura-
uit, ac si pannus gracilis rumperetur; vulnera eti-
am pedum meorum tam mollia illi fuerunt, ac si vi-
deret scindi molle pannum: Et subdit; Sic ego tan-
tò pretio, tantâ amaritudine te redemi, sicut ali-
quem Sanctorum meorum, licet tu modicum curasti.
Verum sicut puer abortiuus non habet dulcedinem
de uberibus maternis, nec consolationem de verbis,
neque de pectore calorem, sic tu nunquam habebis
dulcedinem, &c. Item Cap. 52. anima cuiusdam
mulieris damnatæ (S. Brigittæ dixit hæc) Cere-
brum meum defluit sicut pix, quia de sangui-
ne FILII DEI non plus attendebam, quàm
de pice, &c. Porro CHRISTVS in anima &
corpore passus est, nè homo in anima & cor-
pore periret.

Quarta conditio est; quæ similitudinem,
quandam exigit, imò æqualitatem inter amicos;
nam amicitia aut parem accipit, aut facit, vt
inquit D. Hieronymus: cum autem non longè
dissimiles & impares naturâ, non modò abiectis-
simi serui, sed etiam filij iræ essemus, nec ad eam
excellentiâ aspirare possemus, quæ ad veræ &

perfectæ amicitiae coniunctionem necessaria est; eam ipse DEVS nobis à se deriuatam impetit. Nam ideo etiam homo factus est, vt Diuinæ nos naturæ consortes efficeret; & nobis similis per omnia (sine peccato) redditus est, vt eius sanctissimas virtutes imitari mur, similesque facili in vita ipsius, post mortem cum ipso conglorificaremur.

Quinta: iudiciorum & voluntatum conformitas; vnde nos idem velle quod DEVS vult, idem nolle quod DEVS non vult obligamur; DEVS vicissim voluntatem timentium se faciet. De hac voluntatis nostræ conformitate DEVS PATER S. Catharinam Senensem, & per ipsam nos commonet: Summò desiderio quæras, meditaris, & studeas, ad hanc peruenire mentis dispositionem, vt mihi ita coniuncta sis, tuaque meæ (quæ perfectissima est) ita similis sit conformisque voluntas; vt nolis non solum malum sed & bonum, quod ipse nolim, vtque eueniat, quidquid velit, & vndecunque velit in istius vitæ miseria, siue spiritualibus, siue temporalibus in rebus, minimè frangatur pax tua, turbetur quies mentis tuæ, sed inconcussa fide semper te neas me DEVM tuum omnipotentem, magis amare te, quàm tu te ipsam, meque tui diligentissimam habere curam, & multò diligentioram quàm tu. Quantò magis sic te mihi commiseris, dederisque; tantò magis te adiuuans tibi semper adero; & tu ipsa clariùs senties, circa te dulcissimam charitatem meam. Ad hanc autem perfecti-

perfectionem perueniri non potest, nisi per stabilem, constantem, ac absolutam propriæ voluntatis abnegationem, quam qui præstare negligit; simul hanc excellentissimam perfectionem negligit: qui verò libens præstat, simul integerrimam voluntatem meam integerrimè exsequitur, mihi quæ summè placet, & me secum habet; quoniam mihi gratius ac iucundius nihil est, quàm per gratiam vobiscum agere, in vobis habitare, & meæ quæ sunt deliciae, cum filiis hominum esse: & ut volentes ipsi (nolo enim liberi ius arbitrij violare) à me, in me per gratiam transformentur, ut sint vnum mecum participatione perfectionis meæ, præcipuè quæ pacis ac tranquillitatis meæ. Vnde quidam talem praxim huius conditionis præscribit. In rebus singulis voluntatem nostram Diuinæ conformando, quasi præsentem eum intueremur, nos quæ his verbis compellantem: Fili mi volo te hac horâ hoc facere vel pati; ita ut responsum illi subiiciamus huiusmodi: Volo ô D E V S meus quando ita vis sic hanc actionem exsequi, ægritudines corporis pati, miserias famis, frigoris, pestis, &c. mortem, etiam ipsam acceptare, &c.

Sexta. Benevolentiam varijs officijs veluti interni animi testibus fouere & accipere. Hæc quoque conditio à nobis in amore erga D E V M est obseruanda, ut quò maiora nostri exstabunt erga ipsum amoris signa; eò etiam certiores erimus nos ab eo diligi, atque adeo, nostram hanc amicitiam mutuam esse. D E V S optimus exhibet tot

bet tot officia, & externa sui in nos amoris signa; nam creaturæ omnes, & vniuersa DEI opera clamant, quod diligat nos; præcipuè verò ipsum redemptionis opus. Item particularia beneficia cuique exhibita, singulariter autem hoc nobis argumentum esse voluit nos à se diligere si eum diligamus. *Ego inquit diligentes me diligo. Et iterum: Siquis diligit me, diligetur à Patre meo, & ego diligam eum.*

Iam verò ad septimam, nempe secretorum & consiliorum communicationem veniamus, DEVS enim suis sinceris cultoribus in hoc statu solet fidei & sapientiæ, ac scientiæ lumen augere mirum in modum, & proficientem, in Diuinorum mysteriorum, in suæ voluntatis & providentiæ circa mundi gubernationem secreta profundiora, penitus inducere. Sic enim Apostolis dixit CHRISTVS Dominus: *Quæcunque audiui à Patre meo, nota feci vobis.* Ex nostra verò parte quanquam illi omnia cordium nostrorum arcana patefiant. *Omnia enim nuda sunt & aperta oculis eius;* ipsa tamen amicitiae ratio exposcit, vt tanquam fidelissimo amico, profundissimam cordis nostri abyssum detegamus, nostras ei miseras ex integro aperiamus; si quid aduersi urgeat exponamus nostras necessitates; si quam noxam contraximus, ingenuè fateamur. Denique ea quæ secreta hominibus esse volumus, omnia illi familiariter committamus.

Ostaua conditio est: bonorum quorumcunque mutua communicatio; & certè si charitatis

tatis ponderi obsequamur; nos etiam ipsos, nostraque omnia in Dei obsequium profundemus, siue sint illa bona fortunæ, siue corporis, siue animis, vnusquisque iuxta possibilitatem vocationis suæ & virium. Hæc enim DEVS Optimus nobis ideò donauit, vt haberemus in quo amorem erga illum nostrum testaremur, & quod illi vicissim ex verâ amicitia reddere possemus. Et quanquam fama, honores, apud homines existimatio, & authoritas, vera bona non sint, tamen vtilia ad Dei gloriam quandoque esse possunt. Quare Deus omnium author, hæc etiam quæ plerumque ab hominibus magni sunt, ita dispensat, vt suos amicos insigni apud homines auctoritate; siue ob sanctitatis opinionem, siue ob aliquam aliam excellentiam pollere velit; vt suæ etiam gloriæ in hac vita illos participes efficiat. Hæc non, ita percipiuntur, quàm si homo illis priuaretur.

Fingat ergo se aliquis carere lumine solis, commoditatibus aquæ, àëris, & alijs communibus beneficijs; item particularibus sigillatim quibus modò gaudet; demum subsidijs pro vita æterna, fingat se inquam, his modo se esse destitutum; deinde quasi ipsi denuò à Deo darentur, quantum pro ipsis esset gratus, quali charitatis affectu illas conuerteret, illis vteretur pro laude & seruitio DEI, quantum ferueret amicitia erga ipsum, &c.

Nona conditio: vt amicus non quæ sua sunt quærat, sed quæ amici; sibi non viuatur, sed ami-

co, cuius bonum etiam vitæ suæ, si opus sit anteponat: sic enim CHRISTVS Dominus nos dilexit. Nam cum in forma DEI esset, non rapinam arbitratus est esse se æqualem Deo, sed semetipsum exinanivit, formam serui accipiens, in similitudinem factus, & habitu inuentus ut homo, humiliavit semetipsum usque ad mortem, mortem autem crucis,

Reddiderunt vicem omnes eius veri amici, Martyres potissimum, qui pro Deo & Diuinis legibus, pro fide, & Religione, pro Diuinæ amicitiae iure, fortiter occubuerunt. Idem fecerunt, qui suam libertatem, commodas voluptates, honores, Dei Gloriæ posthabuerunt. In hac conditione includitur zelus, qui est intensus amorum Dei affectus, quò diligentissime quis quærat Dei honorem, proximorumque salutem. Eius functiones sunt: 1. Optare toto cordis desiderio, ut omnes Deum noscant, ament, honorent, ipsi se subijciant, præcepta eius, & S. Ecclesiæ obseruent, &c. Quidquid honori Dei & proximorum saluti opponitur, fortiter, constanterque repellere. 2. Laborare pro hoc, Prædicatione, Confessionum auditione, doctrinâ & alijs ministerijs, tantum, quantum vires; Diuinâ iuuantè gratiâ, suppeditabunt. 3. Pia desideria, Orationes, ieiunia, & alia bona opera pro salute animarum Deo offerre. 4. Pauperes, diuitibus; ignobiles, nobilibus: si maius obsequium Dei speratur, in nostris ministerijs præponere. 5. Ea, quæ solum laborem habent, si proximis utilia sunt, commodis nostris, & honorificis titulis præfer-

præferre. 6. Omnia commoda, quin etiam ipsā vitam, si necessarium sit, pro gloria Dei offerre. 7. Propriam salutem animæ, quàm aliorum impensius curare, nec enim æqualiter proximum ut nos, sed similiter iubemur amare. 8. Exemplō sanctæ conuersationis omnes iuuare, & plus operæ in eo, ut potè magis efficaci, quàm in verbis & laboribus exterioribus infumere. 9. Pro exemplo & ædificatione aliorum, aliqua commoda etiam corporis necessaria relinquere. 10. Si laboribus nostris speratus fructus non respondeat dolere, & fructum à Domino postulare.

Hanc conditionem minimè ille obseruabit, qui perpetuò proprijs vult studere commodis, labores fugere, indulgere otio, libertatem sectari, humanæ gloriæ, & fauoris auram captare.

Decima est mutua cōfidentia. Et sanè id expertus erat, qui fideles hortabatur, omnem fiduciam proijcere in Deum, quoniam inquit *ipse cura est de vobis*, quare hoc etiam amicorum Dei proprium est, ut qui habitant in adiutorio Altissimi, in protectione tutissima, tam bonis, tam potentis, tam fidelis amici perpetuò commorentur, ne quidquàm humanorum casuum vereantur; certi, nihil euenire posse, quod non in bonum eis cōoperetur. Vicissim Deus ipse magnis suis amicis, magnam ut ita dicam habet fiduciam; nam si quod magni momenti negotium urgeat, si graue & periculosum negotium contra fidei hostes, contra mundi potestates imminuat, si difficilis instet expeditio, illis utitur liberè ad

suam gloriam, & charissimam sibi hominum salutem, & Ecclesiæ suæ procurationem, quales boni Pastores animarum, parochi, zelosi Religiosi, &c.

Vndecima tandem veræ amicitiae conditio est, ut sit constans & sempiterna, nec unquam, ullô casu dissolubilis. Equidem Divina charitas nunquam excidit, ex parte enim Dei sine penitentia, est donum eius, nec unquam nisi ipsi initam cum Deo amicitiam discindamus, à nobis recedit. Æternus est eius erga nos amor, & si volumus, sempiternus, dicit enim: *in charitate aeterna dilexi te, & ideo attraxi te miserans tui.* Restat ergo ut hæc dissolutio ab humana voluntate pendeat, quæ cum totô se studio ab omni peccati impuritate integram & illibatam conservare nititur, nihil ita horret, ut ea, quibus vel cum momento à Deo diuelli potest. Ad hanc stabilitatem nos S. Apost. suo & aliorum exemplo cohortatur, dicens: *Quis nos separabit à charitate Christi? tribulatio, an angustia, &c. Sed in his omnibus superamus propter eum qui dilexit nos.*

Si quis, in prædictis conditionibus amicitiae erga Deum sese exercebit, mediante oratione, & sui ipsius mortificatione, maiores, & maiores progressus faciet: Donat enim Dominus bonum spiritum petentibus se, & quem urget præcepto, præuenit auxiliô. Ad hoc exercitium D. Paulus, per suum Timotheum (1. Timoth. 4.) urget & nos, illis verbis: *Exerce te ad pietatem.*
Nam.

Nam qui nunquam incipiet, nunquam proficiet; porro nihil a suetudine maius, actius, præsertim illis qui gustant, quam suavis est Dominus: eadem & tibi Lector gratia offertur à D E O.

Q V Æ R E S VIII.

Quomodo charitas, acquirenda?

Resp. Auctorem charitatis primum esse Deum, quam tunc nobis impertit, dum fauorabile suæ inspirationis verbum in nos immittit, quæ inspiratio suauis cum violentia in corda veniens ea occupat, & cogitationes mouet, extollit, impellitque affectiones in auram Diuini amoris. Vnde hæc ipsius prima motio est concussio, quam Deus indit cordibus nostris, vt ad proprium bonum per ea nos euigilare faciat, sit equidem in nobis sed non à nobis: id enim fit ex improviso antequam cogitauerimus vel cogitare potuerimus, eò quod *sufficientes non sumus*. 1. Cor. 3. *cogitare aliquid à nobis, tanquam ex nobis* (quod ad nostram salutem faciat) sed nostra sufficientia ex Deo est, qui non solum antequam essemus dilexit nos, sed etiam vt essemus, & quidem sancti & immaculati essemus: in quo nos præuenit in benedictionibus Paternæ dulcedinis suæ impellens animos nostros ad salutarem penitentiam & conuersionem.

Ex parte ergo nostra opus est, vt has eius benignas præuentiones grati suscipiamus, eiusque sanctis inspirationibus, vocationibus, alle-

tionibus libenter correspondeamus: præbet ipse per Sacras scripturas, prædicatores, &c. modos quibus nos ad suscipiendum hoc donum celestis gratiæ & charitatis disponere possimus. Sunt autem hi præcipui; primò complacentia in Deo, dum eius nobis Diuina bonitas, & amor erga nos per fidem innotescit, timor D E I, humilitas, Oratio, vera contritio, vel saltem attritio, cum Sacramentis legitimè susceptis; de quibus illa verba Sacræ Scripturæ: *Ego diligentes me diligo, Initium sapientiæ timor Domini, super quem requiescet spiritus meus. Conuertimini ad me, & ego conuertar ad vos. Quantò magis dabit D E V S spiritum bonum petentibus, se, &c.*

Vnde si interoges, quid fiat, quod in Diuino amore non eos facimus progressus, quos S. Augustinus, S. Franciscus, S. Catharina Senensis: S. Francisca, &c. faciebat. Respondet Franciscus de Sales id inde fieri, quod D E V S nobis ad id non elargitus est gratiam. Si autem infles rogans, cur elargitus non sit? in promptu est responsum: Quia ex parte nostra Sacris eius inspirationibus defuit consensus & mutua conspiratio. Pergis vltèrius vrgere: cur autem non conspirauerimus? quia cum libero essemus præditi arbitrio, eo abusi sumus. At inquis: cur nostro abusi sumus arbitrio? Hic iam gradum siste, quia vt dicit S. August. deprauatio nostræ voluntatis ex nulla prouenit ratione, sed ex defectu causæ, quæ peccatum committit: stultum autem esset non solum dicere, sed vel cogitare, quod

quod reddi posset ratio defectus qui committitur peccando; quia defectus ille seu error, quem committendo, deflectimus à recto tramite, non esset peccatum, si esset cum ratione. Et quamvis peccatores aliquando allegant causas suorum peccatorum, illæ causæ non sunt causæ; nam ipsos arguet malitia ipsorum, quod nihil vel parum voluerint pati vel omittere propter DEVM, cum interim propter sua commoda multa tolerauerint, & omiserint.

Inde collige quanti momenti sit lumina & inspirationes quas Deus cordi nostro immittit, obseruare, & ad executionem deducere, iuxta illud monitum Psalmistæ. *Hodie si vocem eius audieritis, &c.* quia per hæc minora sensim ad maiores progressus Deus obtemperantes sibi deducere consuevit, uti è contra resistentes cum Pharaone, &c. reijcere.

QVÆRES IX.

An in singulis actibus sit charitas exercenda?

Resp. Cum Bassæo per sequentes, conclusiones ver. *Charitas.*

I. Quamuis nullus actus planè rationalis ac deliberatus in diuiduo indifferens sit, secundum rationem bonitatis ac malitiæ moralis, ut docent D. Thomas & alij DD. Sunt tamen in homine tum peccatore, tum iusto actiones indifferentes secundum meritum vitæ æternæ, quando nempe homo opera bona virtutum exercet, sine illâ, seu actualiter præsentem seu præteritâ & virtuali.

tualiter manente charitatis relatione in Deum, attamen tum iusti, tum peccatores possunt per opera moraliter bona de congruo mereri bona temporalia: Attentâ enim Dei bonitate & liberalitate, congruum videtur quod operibus moraliter bonis, bonum aliquod reddat eiusdem ordinis.

2. Ad promerendum singulis actionibus bonis augmentum gratiæ ac gloriæ æternæ non sufficit homini iusto, quod principio anni, mensis, hebdomadæ, diei, totum se Deo ex charitate offerat, cum proposito omnia ad ipsius gloriam operandi, sed necesse est vt propositum hoc efficax sit; id est, vera causa operum subsequentium existat; cum fieri soleat, vt postea multa ætat, non vi eius propositi, sed ex motivo meriti humano, aut etiam moralis solum honestatis. Propterea imperium charitatis virtuale, quod requirunt DD. Thomas, & Bonaventura, tanquam necessarium, vt aliarum virtutum actus possint esse meritorij; non est aliud quàm actus voluntatis, quò ipsa per charitatem informata, & à Deo per gratiam mota illos actus imperat, ipsos ordinando in finem charitatis, hoc est in honorem & gratiam Dei: Hinc omnia, quorumcunque virtutum opera, quæ ab homine iusto sunt per auxilium gratiæ, possunt dici ex aliquo imperio charitatis fieri: cuncta enim eiusmodi opera non fiunt, nisi voluntate (per charitatem informata & à Deo per gratiam mota) volente vt fiant & vel explicitè, vel implicitè, ordi-

ordinante seu referente illa in finem charitatis.

3. Nefas est ita diligere DEUM propter mercedem vitæ æternæ, principaliter & finaliter, vt vita æterna vel constituatur finis omnium vltimus nostræ dilectionis, vel sic propter eam diligamus Deum, vt aliàs non essemus eum dilecturi. Ratio prioris est quia Deus debet esse noster finis simpliciter vltimus; quamuis autem nostra vita æterna consistat in Deo, sicut in obiecto beatitudinis: ipsa tamen Dei visio, fructio, & comprehensio, non est Deus; sed aliquid creatum. Ratio posterioris est, quia Deus cum sit summè bonus, & propter se summè amabilis, debemus eum diligere propter se, etiam darò quod nobis nihil commodi proueniret ex eius dilectione. Unde talis amor mercenarius est, cuius ratio finalis ac principalis est, vt merces acquiratur; quare qui ita Deum diligit, plus se quam DEUM diligit. Tamen fas est Deum diligere propter mercedem vitæ æternæ, tanquam finem minus principalem, & causam impellentem, quia vita æterna est à Deo constituta merces ac finis bonorum operum, iuxta illud 1. Petr. 1. *Reportantes finem fidei vestre salutem animarum.* Imò de fide est licere Deo seruire, siue ipsum diligendo, siue alia virtutum opera exercendo propter mercedem, seu intuitu mercedis æternæ, vt docet & definit Concilium Tridentinum: *Si quis dixerit iustificatum peccare, dum intuitu æternæ mercedis benè operatur, Anathema sit.*

4. Quan-

4. Quandoquidem probabile sit præceptum charitatis, & dilectionis Dei, obligare paulo post usum rationis, quando scilicet quis aduertit, & secum reputat rationes, quas habet amandi Deum super omnia, et seruiendi, & sua omnia ad eius gloriam referendi, vt colligunt Scotus, Nauarrus, Bannes, & alij, & D. Thomas. Ideò Parentes, Parochi, Confessarij pueros ac rudes admonere debent, vt cogitent, à quo creati & cur in hoc mundo positi sunt, nimirum vt Deo rerum omnium auctori ac Domino seruiant, ad ipsum tanquam ad finem suum actionibus suis tendant, vt non sibi sed ipsi viuant; cui in perpetuum vniti esse debent. Ad meliorem præmissorum declarationem offero doctrinam, quam Ioannes à I. M. Carmelita Disc. vir pijsimus, & eruditissimus, in libello de Arte viuendi spiritualiter part. 1. Cap. 7. conscripsit. Mirum sanè est, multos facere cum spiritu id ipsum possint, quod sine spiritu, ac Dei non recordando, nec vllum actuum interiorum exercitium adhibendo faciunt; atque id non modò sine vllò suo dispendio, verum etiam maiori meritò ac consolatione sua facere possint; tantummodò quod viatorum rerum Diuinarum peritorum consilij nõ auscultent; vitam vniuersam sine vllò prorsus profectu & commodo animæ traducere, eaque quæ professionis suæ sunt, gentili quodam & profano modo exequi. Vt Exemp. causâ; si studiosus aliquis Academicus, qui septem octo-
ne studio literarum annos impendit; & inde do-

strinâ

Strinâ & scientiâ comparatâ digrediens, reli-
quum vitæ tempus in actionibus professioni suæ
proprijs exequendis transigit; duntaxat vt tem-
porales facultates conquirit; si hic inquam for-
tè totò illò quò studuit tempore, non aliud
sibi præfixum scopum habuit, & aliud non in-
tendit; quàm solum scientiam hanc addiscere; à
lectore ipse peto, ecquæ sit hunc inter & genti-
lem, qui Athenis olim eidem scientiæ, vel iuris-
prudentiæ, vel medicinæ arti, vel alijs compa-
randis incubuit, differentia? Gentilis sanè ille
non minùs quàm hic studuit, vt hanc scienti-
am vel facultatem addisceret; si verò ulterius
non progrediatur Christianus, nec aliquam ha-
rum studij actionum spiritualiter faciendarum
rerum adueniat, infinita bona æterna perdit, at-
que ita de reliquo vitæ tempore pro ea quam
studendo comparauit scientia vtitur; cauendum
est, nè plurimi Christiani hac in parte acriter co-
arguendi sint, & fortasse magis quàm id ipse que-
am exprimere. Idem de Principibus illis dixero
Christianis, qui in rerum publicarum suarum
administratione animum ad spiritûs Diuini subli-
mitatem non euehunt, sed quibus satis est, si vel
finem illum moraliter bonum intendant, quem
etiam Ethnici Reges, ac Principes sibi proposi-
tum habebant; pacem scilicet Reipublicæ; qui
quod vitæ spiritualis arti non incumbant, reli-
quas suas actiones ab omni prorsus merito ste-
riles ac infecundas faciunt; cum tamen, si do-
ctrinâ spirituali vterentur, eademmet rationes
modò

modò quodam superiori ac Diuinò, maiori etiam suò meritò, maioriq̃ue etiam ad bonum publicum vtilitate facere possent. Circa duo hæc quæ adduxi exempla rogo, num propterea Princeps, vel studiosus, ille in regendo, hic in studendo, maiorem laborem habituri essent, si hæc officia spirituali quodam modò obirent; num quid honoris, commodi, aut voluptatis hoc pacto amissuri? Nequaquam; imò verò hi ambo labores, multò & facilius, & cum maiori consolatione, & vberiori cum fructu suscipient. Idem Philosophandum de artificibus, rusticis, famulis, &c.

Prius igitur lector, cuiuscunq̃ue demum statûs sit, apud se proponat spiritualiter viuere, Diuinæq̃ue bonitati confidat, hoc se in proposito ab illa adiuuandum, confortandum, & multò maioribus bonis, cum pace & satisfactione, conscientia suæ locupletandum.

Res planior fiat exemplo. S. Anselmus cum idam Religioso quærelam deponenti, quod à suis superioribus temporalibus curis implicaretur, quas ipse vt vitaret, sæcularem statum deseruerat, ita respondit. Omnis hominum vita similis est rotæ frumentariæ, quæ nunquam moueri & versari desinit, sed interest inter homines qui eam curant. Alij enim sic farinam defluentem negligunt, vt tota in flumen relapsa pereat. Alij partim seruant, partim negligentia perdunt. Alij demum subiectò sacco totam excipiunt. Ex primo genere sunt ij sæculares, qui nunquam
men-

mentem ac cogitationem ad æterna erigunt intenti caducis & terrenis. Ex secundo sunt qui licet in sæculo degant, aliqua tamen bona ac secularia peragunt, eleemosynas tribuunt, frequentes sunt in templo, ægrotos visitant. Atque ij pro operum mensura tantundem præmij accipient. Ultimi sunt Religiosi, qui quoniam ex superiorum suorum iussu eiusmodi rebus implicantur, quamvis temporale sit quod agunt, nihil tamen eis de suo labore deperit, quin etiam licet negotijs id exigentibus, quidpiam cogantur, vel propter communem disciplinam agere, vel de communi disciplina remittere, hæc tamen omnia obedientiæ virtus compensat, eaque farinam totam disfluentem, ac puram ita colligit & recondit, ut ad illos in omnem æternitatem alendos sufficiat. Quod ergo Religiosis obedientia, hoc secularibus pia intentio præstare poterit.

QVÆRES X.

An Idiota possint perinde ac docti exercere Actus charitatis?

R*esp.* Affirmatiuè. B. Ægidius vnus è primis S. Francisci socijs, die quodam dicebat S. Bonauenturæ: O beati vos qui scientijs estis exculti, quia permulta scitis, quibus potestis Deum laudare! nos autem Idiotæ quid faciemus? Respondens illi S. Bonauentura dixit: Gratia quæ inducere valet ad amandum Deum sufficit. Instat Frater Ægidius: Pater mi? Potestnè ignarus

rus tantum amare Deum, quantum literatus ? Potest inquit S. Bonaventura : imò tibi dico, quod simplex quæpiam Fæmina, tantum potest Deum diligere, quantum Doctor Theologie. Hoc audito Frater Ægidius abreptus amoris fervore exclamavit : O humilis & simplex Fæmina, Salvatorem amato, & poteris tantum valere apud Deum, quantum Frater Bonaventura : quò dictò tribus horis mansit in Ecstasi. Voluntas equidem non perspicit bonum nisi interueniente intellectu, eò autem perspectò non habet illò opus ad exercendum amorem : vis enim delectationis seu gaudij quod sentit, vel sentire intendit ex vnione sui obiecti, eam sat potenter trahit ad amorem, & ad desiderium eius fruitionis, ita vt notitia boni ortum tribuat amoris non mensuram. Quemadmodum enim cognitio iniuriæ cuiuspiam factæ eum commouet ad iram, quæ si non subito suffocetur, ferè semper fit maior, quam requirat subiectum, eò quod passiones non sequantur cognitionem quæ illas commouit ; sed frequenter relinquunt à tergo, & accelerent gradum sine villo termino, & limite versus suum obiectum. Porro id adhuc magis euenit in sacro amore, quia voluntas nostra non est applicata per cognitionem naturalem, sed per lumen fidei, quæ certos nos facit de infinitate boni in Deo contenti, nobis præbens sufficientissima argumenta amandi Deum totis nostris viribus. Et S. Thomas (quem pro se citat Franciscus de Sales, de amore Dei lib. 6, Cap. 4.) asserit persæpe eueni-

re, vt simplices, quin & sœminæ ipsæ abundant
maiore deuotione, & communiter capaciores. sint
Diuini amoris acquirendi, quàm gnari, & docti.
Ratio huius potest peti ex Apostolo, qui dicit :
scientia inflat, charitas edificat. Vnde S. August.
lib. 8. Conf. Cap. 8. ait : surgunt indocti, & cæ-
lum rapiunt, nos cum doctrinæ nostris sine
corde : ecce vbi ? volutamur in carne & sangui-
ne, &c.

QVÆRES XI.

*An occupationes legitime nos in usu & praxi
amoris Diuini impediunt ?*

Respondet Franciscus de Sales lib. 12. de a-
more Diuino, Cap. 4. quod in omni bono
statu actus amoris Diuini possunt exerceri : Cu-
riositas, ambitio, inquietudo, cum inaduertentia
& inconsideratione finis, propter quam sumus
in hoc mundo, in causa sunt, quod millies plura
habeamus impedimenta, quàm negotia ; plures
obscurationes, quàm operationes ; plus longè
occupationis, quàm faciendi operis. Et hæc
sunt impedimenta, ac remoræ, id est : inanes,
vanæ, superflue occupationes, quibus dum nos
inhæremus ab iisdem diuertimur, & auertimur
ab amore Diuino, quo fit, vt quæ vocationis no-
stræ sunt negligamus. Rex David, & post eum
S. Ludouicus, inter innumera pericula, labores &
negotia, quæ siue in pace, siue in bello habuerunt,
non intermittebant verè cantare. *Quid mihi est
in calo ? & à te quid volui super terram ? o Deus*

cordis mei. S. Bernardus non diminuēbat progressum quem in Sacro amore intendebat, & facere consueuerat, esto in medijs aulis, & exercitijs summorum Principum & Monarcharum versaretur, vbi toto corde sese impendebat, vbi negotia inter eos controuersa, pacificè componeret, & ad DEI gloriam & obsequium reduceret.

Probè calleo, Theotime, monitum sapientū
Exeat aula qui velit esse pius.

Nulla fides, pietasq; viris qui castra sequuntur.

Hinc Israëlita iustissimam habebāt causam, se apud Babylonios vrgentes, vt sibi cantarent de Canticis Syon, excusandi, & dicendi, *Quomodo cantabimus canticum Domini in terra aliena!* At, aduertisne etiā, miseros illos homines fuisse, non solum inter Babylonios sed insuper Babyloniorum captiuos & quicumque autem est mancipium fauorum aulicorum, successuum, & promotionum, palatiorum, nec non gloriæ bellorum: actum est; *ō DEVS* / nequit ille cantare canticum Diui amoris. Verū est, qui non est in aulis, non in bellis, non in palatijs, nisi ad proba pro Dei honore præstanda officia. Deus afflittis, & duicedo cælestis ei est, locò epithematis supra cor ad eum à peste, quæ passim in dictis locis regnat præseruandum.

Laborantes quoque fuerunt, Noë S. Iosephus, S. Vitalis, S. Ildorus & sexcenti alij, nihilominus & per illos labores, in vnione DEI proficiebant; nec enim per solam orationem, sed
etiam

etiam per operationem, & patientiam aduersitatum possumus imperante charitate Deo vni-ri, prout animaduertere licet in tot Martyribus, & Confessoribus, tot cruciatus, tot ægri- tudines, despectus, &c. patienter ferentibus: imò est communis sententia Magistrorum spiritualium, quòd magis & plùs possumus mereri per afflictiones, quàm per actiones: sint exemplo Tob. Lazarus. Thobias & sexcenti alij. Vide Reu. S. Brig. lib. 4. cap. 32.

QVÆRES XII.

An in paruis rebus amor Diuinus possit exerceri.

Respondet Franciscus de Sal: lib. 12. de Amore Dei cap. 6. in hunc modum. Sunt nonnulli, qui faciunt proposita exhibendi Christo obsequia, comprimis excellentia per actiones item excellentes, perq; extraordinariam rerum aduersarum tolerantiam; sed actionum huiusmodi & tolerantia rerum molestarum, nec est præsens occasio, nec fortè vnquam est futura. Et his quidem propositis & delineationibus animorum sic factis, credunt se magnum amoris opus, & actum fecisse: sed persæpe, perq; graui-ter hallucinantur ipsi, & decipiuntur egregiè, vt in hoc apparet: quod complexi voto, solum magnas in futurum cruces, vt illis videtur magno ardore & studio, fugiunt præsentis, quæ longè sunt minores. Næ illa profectò maxima est tentatio, esse tam promptum in imaginati-

one, tam esse ignauum in executione.

Auertat D E V S ardores à nobis illos imaginarios, qui sæpenumerò in intimis nostrorum cordium recessibus, alunt vanam & abissam nostri ipsorum æstimationem. Magna & excellentia opera non semper, nec ubiq; nobis sunt obuia, sed omni horâ, imò, & momento possumus excellenter parua, id est magno cum amore exercere. Auerte, amabo, Theotime, quod sanctus quispiam, qui dat propter D E V M haustum aquæ frigida pauperi, & sitibundo viatori, rem præstat exigua, vt videtur, sed intentio, sinceritas, & dilectio, quibus animat suum opus, tantâ pollent excellentiâ, vt aquam istam simplicem, in aquam vitæ, & quidem æternæ conuertant.

Apes inter lilia volitantes, sicut & inter rosas, interque flores colorum varietate iridem referentes (cuius & nomen habent) prædantur, sed non minorem prædam agunt super flores minutos, rorem v g. marium, & thymum, imò non solum plus mellis ex ijs colligunt, sed etiam melioris, eo quod in paruis istiusmodi vasculis, mel includatur melius, ac proinde etiam melius conseruetur. Certè in humilibus, & ad speciem contemptibilibus deuotionum exercitijs charitas exercetur, non solum frequentius, sed communiter etiam maiori cum humilitate, & quod hinc sequitur vtilius & commodius. Inclinationibus & minus gratis alterius humoribus aliquid concedere, suffragari etiam (vbi tamen abest peccatum)

com) agrestibus & molestis agendi proximi modis, victoriæ contra nostras ipsorum affectiones & passionēs, renuntiatio minimarum etiam nostrarum inclinationum, conatūs superandi nostras auersiones & repugnantias, acceptatio sinceræ & fraternæ admonitionis ob nostras imperfectiones; continuus labor, quem subimus, & pugna quam inimus, in continendis nostris animabus; in æqualitatis & constantiæ officio; amor nostri ipsorum abiectiōi, benedicta & gratiosa acceptatio & receptio, quā nostri ipsorum contemptum, quā censuras nostræ conditionis, nostræ vitæ, nostræ conuersationis, ac nostrarum denique actionum humili excipimus animo; Theotimæ, plus emolumenti spiritualis conferunt nostris animabus, quam non dico scire, sed ne imaginari quidem valeamus. Suppono autem ea omnia fieri, acceptari, ferrique iuxta normam cælestis dilectionis: Charitas enim vera; patiens est, benigna est, non irritatur, non inflatur, &c.

QVÆRES XIII.

Qua est praxis charitatis proximi.

Resp. Sicut in amicitia humana, eodem amore diligimus socios, vel seruos imò & canem amici, quo diligimus ipsum amicum, quamvis amor hic sit reflexus: ita proximum non alio respectu magni æstimare, ipsi bonum, vel bene vel le debemus, quàm respectu ipsius DEI, si amorem nostrum meritorium esse volumus: Videlicet quia est imago & similitudo DEI, creatus ad

communicandum cum bonitate Diuina, ad participandam gratiam, & ad fruendum gloriâ sempiternâ, &c. Vnde amare proximum per charitatem est amare DEVM in homine, vel hominem in DEO: est amare solum propter amorem ipsiusmet DEI, & creaturam propter DEVM.

Quod vt melius in praxim deducatur, opus est in quolibet homine, etiam infimæ sortis principaliter aduertamus animam ipsius, illique ex animo optemus, vt sit pura à carnalibus desiderijs, concupiscentia rerum terrenarum non fadata, vt sursum corde ad DEVM & cælestia feratur, vt sit in amicitia DEI, eiusque amore prædita, aptaq; ad felicitatem æternam.

Imperceptibilis est nobis præstantia & nobilitas animæ cuiuslibet hominis adeo vt CHRISTVS. B. Baptistæ Veranæ, prout habetur in Chronico S. Francisci Tomo 2. lib. 7. cap. 14. hæc dixerit.

Quantum pretiosior est anima corpore & tu non potes intelligere, nec persona viuens, quia ego tantum cognosco nobilitatem animæ & vilitatem corporis ac miseriam; quia ego solus feci vtrumque, & consequenter non potes tu, nec alia creatura vlla, pæne esse capax pænarum crudelissimarum. Et quia in modo peccandi est grauior vnus, quàm alter, & vnum peccatum, quam aliud; hinc est causata qualitas & quantitas pænæ. Sed pæna quæ me crudelius cruciabat, erat, quod viderem membra mea,

mea, id est damnatas animas, nunquam, nunquam, nunquam debere reuniri mihi capiti eorum. Et hoc nunquam est illud, quod cruciat in æternum, & cruciabit illas infelices animas, super alias pœnas, quas habent, & habebunt in æternum. Adeo me afflixit hæc pœna nunquam, ut de nouo promptè elegissem pati, & denuo paterer has omnes disunctiones, omnibus his modis, qui fuerunt, sunt & erunt, non tantum semel, sed multis & infinitis vicibus, dum modo non tantum omnes, sed vnâ animam solam vidissem debere reuniri, integritati aliorum membrorum meorum vitalium, aut electis, qui viuunt in æternum spiritu vitæ, procedente à me vita vitali. Hic nota, quàm mihi cara fuerit vna anima, quia pro vna anima voluissem pati tot replicatas pœnas, quas tibi dixi ad reunendam mihi. Et ita scias, adeo affligere illas animas, pœnam huius nunquam, quod & illæ vellet mille, & infinitas pœnas pati, dummodo sperarent aliquo tempore reuniri mihi vero capiti suo. Et ita iuxta qualitatem & quantitatem pœnæ, quam mihi dederunt, separando se à me, ex mea iustitia vera, illis correspondet qualitas, & quantitas pœnæ. Et quia me afflixit super omnia illud nunquam ita volo, ut istud nunquā eos cruciet super omnes pœnas quas habent & habebunt in æternum. Et hic cogita quantam mentalem pœnam, pro omnibus animabus damnatis in corde meo vsque ad mortem senserim, videndo illas separari à me, & postea in igne æ-

verno vri. Atque vt per contrarium res magis elucescat, accipe illud documentum de pretio animæ ad cælum destinatæ, ex Reuel. S. Brigittæ lib. 6. cap. 31. Vbi cum Christus quæreret ex Diabolo, quid vellet dare pro quadâ anima, quam viderat in cælum ascendere? sic respondit: Omnes animas quæ sunt in inferno ab Adam, vsq; ad horam hanc, libenter darem pro ea: & adhuc tam amaram pœnam pati vellem, tanquam si cuspides gladiatorum innumerabilium infingerentur in vna columna, cuspis iuxta cuspidem tam densissimè, vt non esset distantia vnius acus inter cuspides, & ego libenter inter hæc transirem à summo cælo vsque ad infernum, vt illa stella. (id est anima) daretur in potestate mea. Inde colligere licet, quanti meriti sit animam alicuius DEQ; lucrari, quanti demeriti, scandalizares, optare vt in inferno ardeat, &c.

QVÆRES XIV.

Qui sunt actus charitatis proximi.

Resp. primò. Sicut homo qui seipsum ordinate diligit, imprimis sibi vult bona animæ, ita per charitatem debet velle omnibus gratiam DE 1. bona spiritualia, felicitatem æternam. 2. Velle bona temporalia, quatenus ad æternum bonum conferunt. 3. Latari de profectu spirituali & felicitate temporali proximi: dolere de malis, ac cupere remedium adferre. 4. Proximum (etiam inimicum) magni facere, omniaque facta illius in meliorem partem interpretari. Si

tenta-

tentatio non potest vinci, corrigere siue per se, siue per alios. 5. Neminem obloqui, neminem temerè iudicare; sed defectus proximi saluâ conscientia excusare. 6. Omnes iuuare verbo, obsequijs, bonis operibus, & paratum esse vitam corporis pro salute animæ alterius, si necesse fuerit, iuuante D^{eo} profundere.

Huc spectat misericordiæ virtus quâ dolemus & tristamur de miseria proximi tam animæ quam corporis, cum proposito subueniendi. Opera misericordiæ tam corporalia, quam spiritalia sunt passim omnibus nota, vtinam & in exercitio.

Dices ? Si proximo semper charitatis affectus exhiberentur, cresceret insolentia sine modo. *Resp.* Etiam in hoc passu per charitatem est procedendum, videlicet affectu maternali, sicut enim Mater, licet aliquando filium suum obiurgat, vel castigat; non tamen erga illum deponit affectum maternalem; sic & superioribus contra inferiores cum delinquant est agendum. Iniuriæ ab alijs irrogatæ vel patienter ferendæ, vel per amicos satisfactio requirenda, vel iure sine odio, sed zelo iustitiæ vindicandæ.

Porro in puniendo leges clementiæ debent obseruari, vti sunt. 1. minas remittere. 2. defectus non mirum exaggere. 3. Pænas minuere, seueritate tamen vti in procaces, & commune bonum lædentes. 4. In pænis infligendis famam proximi in quantum fieri potest seruare.

Petes.

Petes, quomodo noſter affectus contra proximum nobis inimicum, vel ingratum, eſt corrigendus?

Respondet ad hanc difficultatem Ioannes à IESU MARIA, de instructione Nouitiorum cap. 1. in hæc verba. Si DEI amor, à quo amor proximi genus ducit, cordi ſemel hæſerit, eſto proximus ſit deformis, inſolens, iracundus, importunus, rudis & alijs vitiis labibus notatus, quæ odium parere ſolent, nunquam DEI amatori ad proximi dilectionem ratio efficaciſſima deerit: DEI quippè bonitas, pulchritudo, manſuetudo, ſapientia, & virtutes vniuerſæ, quibus proximus fortasſe caret, luculentiffimè ſplendet, & propter illas proximus diligendus eſt. Quis enim vnquam amauit? qui ob decorem, quo trahitur, labores, tædia & inuicunda multa non tulerit? Sed licet proximus non amabilis appetitui modo diſpliceat, rationi placere poteſt: eſt quippè (præter rationem illam à DEI decore virtutibusq; petitam) DEI FILIVS, eſt æternæ beatitudinis capax, & IESU CHRISTI ſanguine redemptus, eſt mihi ad exercitium & meritum vtilis, eſt fortasſe iſta, à quo ex prædeſtinatione æterna ſalus meo dependeat? Quibus certè rationibus duriora quæq; corda ſuccumberent.

Vt enim vna reliquarum energia te prodatur, quis adeo ſit inſanus, vt proximum, quem ad regnum ſempiternum prædeſtinatum exiſtimat odiſſe, aut lædere, aut certè non amare poſſit?

possit? An corpus illud quod cælos supergressum, & ineffabili pulchritudine, ac luce in æternum decorandum est, mihi hoc speranti non placeat? Quomodo non ei arrideo, & sempiternæ pacis, cum Rege illo fœdus inire festino?

At verò quamvis ratio nulla subesset, auctoritas tamen Domini nostri IESU CHRISTI aientis: *hoc est præceptum meum, ut diligatis inimicem, sicut dilexi vos*, inquit, id est. Quemadmodum ego DEVS, sapiens, magnus, decorus, vos homines stultos, prauos, deformes, perdoctores, infamiam, & mortem amaui, sic mutuo & vos. Hoc est FILII DEI testamentum, cuius exortes, hæreditatis expertes futuros esse planissimum est.

Si ergo volueris esse inimicus inimico tuo, per hoc constitues te inimicum DEO, nam tunc voluntas tua opponet se voluntati DEI, & sicut præferre DEI voluntatem rebus omnibus est essentiale punctum amoris Diuini; ita illam postponere in aliquo casu, erit contemptus eiusdem.

QVÆRES XV.

Quæ est brevis & facilis praxis amandi Deum pro idiotis.

Resp. Esse Symbolum Apostolicum cum Oratione Dominicâ: Et imprimis si hæc verba; *Credo in DEVM*: in eo sensu quem Catechismus Rom: & expositio Theologorum conti-

continet; aliquis sincero corde proferet; non tantum fidei, spei; verum etiam feruentis charitatis actus eliciet. Nam hæc vocula (in) significat tendentiam quasi ad summum bonum. Hinc distinguit D. August. hos modos loquendi: *Credere DEO, credere DEVM, & credere in DEVM.* Credere DEO, est credere vera esse quæ loquitur: credere DEVM, est credere, quia est, quod etiam dæmonibus conuenit: credere in DEVM, est in DEVM pio quodam affectu ferri & tendere, quod dæmonibus nullâ ratione quadrat, qui credunt solâ euidentiâ conuicti. Conuenit tamen etiam id peccatoribus qui quâdam affectione mouentur cum fiducia obsequendæ misericordiæ imperfectè quidem ijs conuenit, perfectè autem iustis, qui actu fidei per dilectionem operantis in DEVM feruntur, cum perfectâ in eum confidentia.

Vel etiam si dicatur illo sensu, qui ex ritu baptizandi apertè colligitur, nam præmissis abrenuntiationibus diabolo; & peccato, cum dicitur: *Credo in DEVM*, hic sensus genuinus habetur: spretis pompis ac operibus diaboli, posthabita naturæ meæ per peccatum originale vitiatæ corruptione, totum me per gratiam CHRISTI ad DEVM vnum & trinum confero, ipsum me in fidele eius obsequium, & obseruantiam ipsius mandatorum trado & deuoueo: aduertere insuper excellentissimam Patris cœlestis potentiam, quæ in cæli & terræ creatione manifesta elucet; & IESV FILII DEI; erga me-

morem,

mōrem, quo ipse pro salute meâ ac totius mundi ex *MARIA* Virgine natus, crucifixus, &c. qui sedens ad dexteram Patris me cum gloria exspectat æterna, meque ad illam hîc multis modis inuitat : credens quoque Spiritus Sancti eximiam super me bonitatem, qui mihi sanctificationem animæ, & gratias suas cœlestes offert ad vitam æternam possidendam : credens inquam omnia hæc ; me ipsi cunctis postpositis ac me ipso contempto pro fideli famulo, aut potius mancipio subiecto, nec iam amplius mihi, sed illi ; non secundum me, sed secundum ipsam viuere decerno & hæc in actionibus meis particularibus exsequi conabor.

Et quia viuâ fide credo impendere mihi diem iudicii, in quo & de verbo otioso rationem redditurus sum, & in hoc meo corpore resurrecturus, ac in cœlestibus delicijs cum *DEO* habitaturus ; hic in magno timore *DEI*, & sollicita mei custodia peruisam, ne Dominum *DEVM* aliquando meâ inobedientiâ offendam ; sed vt datam mihi in baptismo fidem, in obseruatione mandatorum eiusdem ad mortem vîq; fideliter obleruem.

Idem poterit efficere in ipso Oratio Dominica ; vt illam recitans saltêm ad instar Filij prodigi suam gratitudinem cum animi contritione & submissione ; & amorem filialem protestetur, quod se hucusque in peccatis suis tolerauerit, ad infernum non detruserit, ipsi suum paternum amorem per Filium suum *IESVM* offerat ; inde-

que ex

que ex animo cupiat ipsi omnem honorem, reuerentiam, laudem à se, & ab omnibus quam maximam exhiberi; ipsius Regiæ potestati se funditus subijciat, vt hic in regno ipsius gratiæ; post quantocyus gloriæ persistat: eius Diuinâ voluntatem, suâ prorsus derelictâ in omnibus tam asperis quàm prosperis perfectè perficiat, ei que se totaliter resignet, & alius ad præfata pro viribus adducat.

In eâdem Oratione Dominica excitabit in se actus amoris erga proximos; quando sibi & illis optabit, & à Deo desiderabit necessaria animæ & corporis, remissionem peccatorum, robur contra tentationes, omnis mali amotionem: & per occasionem opera mitericordiæ corporalia & spiritualia ipsis exhibebit.

Quæ omnia supradicta exemplo, spiritu, & ope CHRISTI Domini Saluatoris sui perficere conabitur; cuius tota vita in ardentissimo amore DEI, & hominum salute; in multis actionibus & cruciatibus ac orationibus propter nostram etiam informationem transgebatur: siquidem ille ardentissimè & efficacissimè desiderabat & procurabat (qua Homo Deus, & mediator noster) per multas fatigationes, labores, molestias & crucem, gloriam Patris sui cœlestis; & bonum nostrum: vt quæ nos suo spiritu imbueret, istam formulam huius Orationis propter nos composuit; vt nihil aliud per totam vitam nostram magis desideremus & procuremus, quàm honorem DEI & proxi-

proximorum salutem spiritualetm & corporalem (ex amore DEI) quisque iuxta suam vocationem, & talenta à DEO accepta, spirituales spiritualibus, rustici laboribus, diuites eleemosynis, &c. Talem dispositionem animi in rusticis & alijs Mechanicis CHRISTVS Dominus in lib. 2. Reuel. S. Brigittæ Cap. 20. reliquit his verbis: Tertius (id est rusticus) habebit tam firmam fidem quod dicet sic: tam firmiter credo, quod quasi videam quæ credo; spero etiam omnia quæ promiserat DEVS. Voluntatem habebit faciendi bona, & proficiendi in bono, & ommittere mala. Erit sapiens sicut serpens, qui stabit in cauda, & caput leuabit ad cælum.

Quia verò humilitas (præsuppositâ fide) est fundamentum vitæ Christianæ; etiam huius virtutis actus omnes, etiam rudissimos CHRISTVS docuit per illa verba. *Deus propitius esto mihi indigno peccatori.* Vt suam vilitatem ac defectus agnoscens, se se DEO subter omnem creaturam subiiciat, nullumque etiam vilissimum despiciat, &c.

Hæc Oracuncula, vel etiam particulæ Orationis Dominicæ; si sæpius per diem usurpentur (possunt autem facile à quibuscunq;) breuiter ad magnam perfectionem sincerò corde orantes promouebunt.

Sed valdè dolendum est, quod contrarium in quibusdam eueniat, nam hæc Sancta Oratio licet tam brevis, attamen à paucis DEI cultoribus

ribus, sapius in parco usu habetur, & dum recitatur, tunc properanter sine vlllo gustu, sine deuotione, sola consuetudine quasi animali, quodsi deuore dicitur, tunc aliquando infideliter, cum vita illam recitantium cum eadem non cōcordet. Quæ enim hæc est fidelitas modo omne bonum Deo optare, & orare, vt nomen eius sanctificetur; regnum eius dilatetur, voluntas eius fiat, proximo bene prosperetur, tentationes vincantur, &c. interim postposito DE I timore & amore, peierare, superstitiones sectari, festa violare, decimas quæ pro honore DE I ampliando debentur denegare, Ecclesiastica bona opprimere, proximo in fama, rebus, &c. nocere, subditos affligere, tentationibus se vltro exponere, &c. Hæc à Confessarijs breuiter per opportunitatem; à Parochis & prædicatoribus latius inculcari poterunt.

P R A X I S

*Interna in compendium redacta amoris
Diuini.*

OMnipotens, venerande Pater, metuende, colende
Vnde mihi omne bonum, quo nullus amicioꝝ vnquam
Est mihi poterit pietas, virtusque suprema.
Cum meritis Christi tibi me totum offero supplex,
Cum M A R I Æ meritis, electoꝝumque tuorum,
Me tibi submitto, cupiens tibi viuere soli.
Omnia amore tui, quamuis gratissima sperno,
Me quoque despicio totaliter atque relinquo,
Præ reliquisq; tibi pio & integro adhæreo corde.
Complaceo nimirum quod sis D E V S Optimus ex te,
Quod sine principio, quod sis sine fine beatus,

Supre-

Supremus rerum Dominus, solusque Creator.
Plus mihi te facio, quam me, quam cuncta creata,
Te mihi nil melius, nec erit prastantius vnquam,
Solus es excellens, totus laudabilis in te.
Optima quæ tibi vis toto desidero corde,
Quæ tibi sunt placita, hæc cupio facere, & tolerare,
Obque tui offensas summo tabesco dolore.
Non mea, sed tua laus; sit honor tuus, atq; voluntas,
Atque secundum illam quæcunq; peregero fiant,
Quæ pro te faciunt magno complector amore.
Optinam omnes te noscant, venerentur, adorent!
Te recolant, cunctis adiment te viribus omnes,
Semper ubiq; tuis perfecte legibus insent.
Asperitas mihi sit, mors, sit, contemptus, egestas;
Tu mihi diuitiæ sis, gloria, deliciaeque,
Sim tuus æternum, mihi finis tu ultimus esto.
Ne me projicias à te; sicut mea facta requirunt,
Sed bonitate tua serua, tege me, atque gubernas,
Vt tecum citius valeam sine fine manere.
Suppetias affer, fraudes exunge malignas,
Vt vitij moriar, magnâ at virtute decorus,
Contans sincero tibi semper iungar amore.
Spes mea tota in te est, cordis fiducia tota,
Es sublimè potens, sapiens, miseransq; bonusq;
Plus quoque amas me, quam omnes, vel quam ego
diligam me ipsum.
Sis Deus ipse Deus, felix super omnia regnans,
A cunctis semper quam maximo honore colendus,
Infinito es enim, ac supremo dignus honore.

§. 5.

De instrumentis profectus Christiani.

QVÆRES I.

Quæ sunt instrumenta profectus Christiani?

Resp. Instrumenta quibus Christianus bene
X 2 vten-

utendo possit in dies magis ac magis declinare, à malo, & facere bonum in honorem ac placitum DEI, alia sunt remota, alia proxima. Remota quidem sunt res creatæ, quibus ita moderatè ad virtutes exercendas est utendum, ut medicinà ad sanitatem, quando autem animæ officiunt, omninò abijciendæ, de quo iam supra. 2. Sunt vires animæ & corporis, per mortificationem legibus Diuinis subiectæ.

Proxima autem sunt hæc sequentia. Primum est, & potissimum. Gratia DEI de qua Saluator ipse. *Sine me nihil potestis facere.* Illam paratus est DEVS præstare ritè petentibus se, & inspirationes suas & motiones obseruantibus, & quod in se est facientibus. Vnde licet homo ex se non possit abstinere omninò à peccatis, imputantur tamen illi ad reatum, quia (vt D. Thomas 1. 2. q. 109. art. 8.) ex suo defectu non præparatur ad gratiam per quam natura corrupta & ad malum semper procliuis, ita roboratur ac perficitur, ut possit non solum vitare peccata, sed etiam per viam virtutum ad suæ perfectionis culmen peruenire. Secundum est cognitio sui cum cognitione DEI (de qua etiam supra) quæ in omni actione, tentatione, in prosperis, in aduersis, debet adhiberi : de qua ille versiculus : *Quid sis, quid fueris, quid eris, semper mediteris.*

Cognitio DEI, res CHRISTIANO more consideranti ipsa se ingerit, ut docet Psalmos : *Celi enarrant gloriam DEI, &c.* & D. Augusti,

gust. lib. 11. Confess. Cap. 14. Ecce Domine cæli & terra clamant, quod facta sunt. Et alibi clamant, vt amem te. Dicitur hic animo Christiano, aliter enim *v. g.* cælum considerat, nauta, agricola, Philosophus, &c. aliter Christianus, quem omnia possunt ad timorem & amorem DEI excitare, & promouere. Et in hoc genere cognitionis excelluit D. Antonius asserens ipse, libros suos esse creaturas DEI, & plures sancti.

Sacra quoque Scriptura, modò rectâ mente capiatur, DEVM & CHRISTVM eius nobis insinuat, illius virtutes eiusque beneficia nostris animis personat. Tertium instrumentum est, exercitium matutinum, in quo post gratiarum actionem te offeras, & omnes tuas actiones & afflictiones CHRISTO, & penes eius merita Patri coelesti in laudem eius æternam, in adimpletionem eius Diuinæ voluntatis, in vniõnem sempiternam, &c. res agendas dispone, aliquod vitium tibi familiare ad eradicandum, & virtutem acquirendam tibi assume, &c. Quartum est diligentia in agendo, vt bonum opus peragas tanta ac tali intentione, & attentione, & virium contentione, ac si illud iam vltimum foret, vltima Oratio, vltima Confessio, Missæ Sacrificium, &c. quo expedito anima tua ex corpore migratura esset iudicanda, &c. Quintum melioris boni electio, dæmon enim si te non poterit à bono auocare, saltè minus persuadebit; vnde præter opera debita, etiam ope-

ra supererogationis commendantur. Sextum, recollectio animi, vt te supra te reflectas, quo animo, affectu, diligentia res peragas. Septimum est memoria præsentiæ Diuinæ crebri reflicata, cum pio ad eum affectu: cum enim Deus magis sit præsens animæ nostræ, quàm ipsa corpori; equum est vt ipsa quoque ad ipsum se sapius referat. Potest autem id facili, absque capitis fatigatione præstari, cum v. g. aliquis se ad DEVM habebit, modò vt reus ad Iudicem clementissimum, vt Filius prodigus ad Patrem benignissimum, modò vt mendicus ad Benefactorem, vel cliens ad Monarcham aliquem, amicitiam suam sibi offerentem, cum & DEVS PATER offerat sibi suum paternum amorem, vnà cum Filio suo, vt illum amando, ametur & ipse à Patre cœlesti: vel si officia sibi iniuncta propter DEVM, & coram DEO, vt seruus coram Domino, miles coram Duce, discipulus coram Magistro, (licet de illo assidue non cogitent) exactè persolvere studeat, iuxta illud Psal. *Prouidebam Dominum in conspectu meo, &c. Oculi mei semper ad Dominum, &c. Ecce sicut oculi seruorum, &c.* Potest etiam & quidem magis proficue sapius in mentem excitari præsentiæ CHRISTI in quantum homo est; modò orantis, modo laborantis, turbas docentis, pascantis, modo nos ad persecutionem vitiorum, vel ad aliquam suam virtutem in speciali, suo exemplo, suis verbis inuitantis: vt sic in CHRISTO manentes, nostra per ipsum gratiora Patri cœlesti

cælesti offeramus. Nec solum hæc præsentia DEI hic circumscribenda, sed ad proximos extendenda est, ut singulos ad imaginem DEI creatos, CHRISTI Domini sanguine redemptos, cum ipso æternum regnatos aspicimus, & si peccatores sint DEVM ipsos ad pœnitentiam vocantem, conservantem, &c. Ex quo & amor proximi, & reuerentia, & pax, & alia plurima bona possunt oriri. Octauum. Recordatio quatuor nouissimorum, præcipue aduertendo, an ex hoc tuo actu, sis habiturus in hora mortis consolationem. Nonum. Dissidentia sui: scriptum est enim. *Qui stat, videat ne cadat, Beatus, qui semper pauidus*: præsumptio enim de suis viribus, aut meritis; semper est periculosa, & peccaminosa: cum omnis sufficientia nostra sit à DEO, & ab istiusmodi fallo sapientibus, DEVS suas gratias etiam in senectute auferit, de quo clarius in Reuel. S. Brigittæ lib. 5. inter 13. Decimum. Oratio. Vndecimum. Mortificatio.

Sunt & alia exteriora instrumenta profectus Christiani, ut potè bona societas, pia colloquia, probata exempla, vitæ Sanctorum, amor silentij, solitudinis, auditio verbi DEI, pia lectio, boni consiliarij, monitores, custodes, Magistri, Gubernatores: Item rectus vsus Sacramentorum, pœnitentiæ, Eucharistiæ. Item renouatio animi per hebdomadam, mensem, annum, exercitia spiritualia. Tandem vita Regularis: cum enim in hoc statu Religiosi, non tantum proxima, sed etiam remota impedimē-

ta perfectionis à se remouerint, cum sua omnia quæ habebant, vel habere poterant; imò corpus suum & animam D^Eo per vota solemnia, paupertatis, castitatis, obedientiæ consecrauerint, peculiaribus statutis se ad eadem vota perfectius, iuxta cuiusque statum seruando obstringerint; maioribus etiam auxilijs à D^Eo muniuntur, & adiuuantur, vt non tantum communi modo, verum etiam sublimiori pulchritudinem, sapientiam maiestatem, iustitiam, &c. concipiant, hinc interiore vigilantia conscientiam suam custodiant, ne quid mali in oculis tanti legislatoris committant. Affectus ardentes amoris, reuerentiæ, zeli, honoris Diuini, &c. in se excitent; summam cum deuotione in suis Orationibus, Meditationibus, cum D^Eo agant, ipsi in auditione Missæ, cum intensiore animi eleuatione assistant, &c. Item actus charitatis erga proximum, cum propensiore studio faciant omnem consolationem, subsidium ex animo asserre desiderent, denique tutius & perfectius mandata D^Ei obseruantes, facilius vitam æternam consequentur.

QVÆRES II.

Quæ instrumenta ex supra dictis debeant esse omnibus in frequentiore usu?

Resp. Mortificatio, & Oratio: nam per mortificationem charitas vitia expellit; per orationem autem virtutes congregat & sicut auis duabus

duabus alis sursum se eleuat ; ita nostra pietas Christiana hisce duobus instrumentis ad DEVM & cælum euehitur. Vtrumque hoc instrumentum omnibus omninò est necessarium. Miserrimus ille est qui multos psalmos, multa rosaria, coronas, aliasque preces (Ioannes à MARIA Discal. de vita spirituali) profundit, & interim amore proprio, iudicijs temerarijs, tumore animi, iracundiâ alijsque vitijs laborat, Saluator enim ait: *Non omnis qui dicit Domine, Domine, &c.* Nec ille beatus, qui corpus suum ieiunijs, laboribus, alijsque molestijs affligit, affectus insuper suos reprimat, & interim negligit Orationem ; siquidem iuxta decretum Saluatoris : *Oportet semper orare & non desicere.* Nam sine inuocatione Diuini auxilij, nihil potest esse stabile & solidum. Vnde D. August. de Eccl. dogmatibus Cap. 16. nullum credimus ad salutem, nisi DEO inuitante venire, nullum inuitatum salutem suam, nisi DEO auxiliante operari, nullum nisi orantem auxilium inuenire.

QVÆRES III.

Quid est quotuplex sit mortificatio ?

Respondeo cum Magistris spiritualibus. Mortificatio est spontanea ob DEI amorem, & studium virtutis ; inordinationis repressio seu cohibitio.

Est autem duplex : alia animæ, alia corporis : nam per virtutem humilitatis in animâ.

XX

morti.

mortificatur proprium iudicium, propria voluntas, amor proprius : in corpore autem mortificatur concupiscentia cum suis passionibus, per Sacram disciplinam, cohibitionem, & repressionem, de quâ re suprâ S. q. 6. & 7. &c. Hic autem duo superaddo ; primum non debere aliquem turbari multum dum agitur concupiscentijs, sed debere esse sollicitum ne consentiat ; aliud enim est sentire tentationes, aliud consentire ; qui illas abominatur, animo si non potest aliter refugit ; inuitus patitur ob amorem DEI ; ille meretur ; nam scriptum est : *Beatus vir qui suffert tentationem, &c.* qui autem illas vult, illas approbat, ipsis oblectatur, hic deliquit ; peccatum enim cum per consensum consummatum fuerit, generat mortem. Secundum est : illum qui post confessionem ex aliqua passione quam negligit in se vincere, in peccatum mortale cadit, in eoque ad aliam confessionem inforDESCIT ; nunquam facturum aliquem profectum in vita Christiana, qui sit cum merito gloriæ cælestis ; imò magno se periculo salutis exponere ; nam ex defectu mortificationis, CHRISTVS docet paucos esse electos. Quapropter istiusmodi dum aliquo casu labitur ex passione, conferat se ad humilitatem, contritionem, orationem, & prouideat occasiones labendi, ac se contra ipsas muniat, contendatque per angustam viam intrare ad beatitudinem, nec tam magni illas faciat, vt cum ipsis indomitis malit in inferno ardere, quam cum edomitis gaudere

in cæ.

in celo. Proinde nulla dies sibi transeat sine linea alicuius mortificationis, multa enim sunt in anima & corpore quæ Diuinæ voluntati contrariantur, omnino cōcercenda; vel saltem non permittenda. Porro hic in illicitis non peccabit, qui se & à licitis aliquando cautè restringet.

QVÆRES IV.

Quid & quotuplex sit Oratio?

R*esp.* Oratio secundum D. Thomam 22. q. 13. art. 13. est ascensus intellectus, seu eleuatio mentis in DEVM; sub qua continetur reuerentia DEI, postulatio, obsecratio, gratiarum actio, oblatio, petitio, de quibus Apostolus ad Philip. 4. Oratio est duplex, alia Mentalis, quæ solo intellectu & voluntate perficitur, cuius finis est, morum reformatio, & unio cum DEO. Alia vocalis quæ mente & voce peragitur, habetque pro principali intento laudem DEI & supplicationem præsertim publicam.

Mentalis trifariam diuiditur; in piam cogitationem, meditationem, & contemplationem. Pia cogitatio, est mentis in DEVM, cum humili & deuoto affectu conuersio (L. August. lib. de spiritu & anima) quod commodè fieri potest ex aliqua cognitione creaturæ S. Scripturæ, siue ex dictis, vel factis Sanctorum, aut ex alijs obuiis occasionibus. Varij autem affectus pias cogitationes solent comitari; præcipue gratiarum

ciarum actio, confusio, sui oblatio, petitio, quos consequuntur orationes eiculatoriæ; v. g. Aspiciat quis lumen solis, lunæ, stellarum, poterit statim cogitare illud D. August. Confess. Cap. 14. Tu Domine fecisti ea qui pulcher es, pulchra sunt enim: quia bonus es, bona sunt enim: quia es, sunt enim; sed nec ita pulchra, nec bona sunt, nec sunt; sicut tu condider eorum: gratias D E O agit pro tam splendidis creaturis in sui commodum factis, se confundit coram D E O ob tenebras suarum actionum; offert se ad opera lucis præstanda, & gratiam a D E O rogat. Audit quis de peccato alterius, exclamat illud cuiusdam Eremitæ: vix mihi, peccatori, quia sicut ille nolens victus est, ita ego hodie vel cras: D E V S in nomine tuo saluum me fac: videt quis amentem, cæcum servilis conditionis, claudum, &c. cogitat, cur non ego sed hic? Ergo te D E V S meus diligam totis viribus meis, & his propter te misericordiam præstabo, &c. Eiusmodi cogitationes summo cum profectu spiritûs à bonis Christianis vsurpantur; siquidem per eas D E O magis magisque (sine vlllo dispendio laborum suorum) appropinquant. Plures praxes illarum Pater Andreas Capella Carth. in suo manuali exer. B. Franciscus Borgia, in Tract. de operibus Christianis, in Collyt. Spir. Drexellus de Intentione conscribere.

QVÆRES V.

Quid sit Meditatio?

Resp. Meditatio est attentâ cogitatio rei aliquius piæ, ordinata ad excitandos in voluntate pios & stabiles affectus. Seu est vehemens quædam animi applicatio ad res cum intimo cordis sensu commentandas, per quam exclusâ varietate & distractione cogitationum homo in animo suo studet penitus sentire, quid singulari quæ meditatur sint, quantamque illi necessitatem imponant bene viuendi. Itaque differt à lectione, & ordinaria mentis cogitatione, quia ista cum leuior sit, per multa vagetur; illa attentior, non ita varia. Meditari scriptionem vel metricam, vel solutam, est scribere, non quod primò occurrit menti; sed quod post attentam & diuturnam mentis agitationem: meditari lectionem ex Tullio, vel Virgilio, est illam non obiter percurrere, sed legere, relegere, artificium eius, figuras, periodos, &c. notare. Ita meditari Diuina, est aliquid pium mente volueri, cogitare, recogitare, nunc vno, iam alio modo, quasi videres illud oculis, &c. Differt à speculatione rei piæ, vt cum quis ad scribendam Orationem v. g. de Natiuitate CHRISTI, attentè de illa cogitat, quod ista ordinata sit ad scientiam; illa ad mouendos affectus; ad stabile odium peccatorum, ad virtutes CHRISTI Sanctorumque sectandas, ad fugamque huius vel illius vitij, cui præcipue est homo deditus, &c.

Le mda

In meditatione mea exardescet ignis (inquit Propheta) hoc est feruor animique promptitudo excitabitur, vt fugiam noxia, & amplectar vtilia; Imò hæc affectuum stabilis suscitatio finis & fructus præcipuus est meditationis, præcipuaque in excitandis his affectibus cura est ponenda; nec ante illos excitatos facile ab vno puncto ad aliud est transeundum. Quapropter duobus alijs nititur meditatio, intellectus & voluntatis operatione. Intellectus enim res, quæ sumuntur meditandæ, expendit, obseruat, cognoscit, inter se confert, ac simul atque latis eas vidit, & excussit voluntati proponit, eas vt optet & amet, earumque visione excitetur & inflammetur in DEVM. Quocirca orationis mentalis finis non est mente discurrere, conceptus pulchros ertere, res bene capere & cognoscere (quæ operationes sunt intellectus) sed affici ijs cognitis, eas amare velle desiderare, quæ voluntatis operationes sunt.

QVÆRES VI.

Quot sunt partes Meditationis?

Resp. Esse tres: prima est præparatio siue recollectio sui ad DEVM: secunda trutinatio punctorum: tertia colloquium. Præparatio alia est remota quæ in remotione impedimentorum, & assumptione necessariorum ad dona DEI in meditatione percipienda consistit: alia proxima quæ debitam ante DEVM consistentiam suggerit. Primò enim necesse est,

est, ut post præparatam Meditationis materiam (cuius puncta vel in memoria vel in libro habebis) imaginariam & intellectivam, potentiam ab omnibus curis & creaturis abstrahas, eamque ad propositum negotium serio applies, cum præsentatione loci, personarum, aliarumque circumstantiarum, quæ ad eam materiam pertinent: deinde ut te Deo supplex listas, orans ut tuum intellectum suis Divinis veritatibus illustret, & voluntatem pijs affectionibus inflamment, vires ad vitia eradicanda, virtutes inferendas, profectum in amore sui subministret. Facies autem id adinstar illius, qui frigore afflictus in appricum, vel ad ignem se exponit, ut calefiat. & vires refractas ad operandum resumat; vel adinstar discipuli suum Magistrum pro instructione adeuntis; vel adinstar famelici ad cenam invitati; vel mendici, qui è suo paupere ergastulo egressus, sinit se benefactori suo, de cuius bonitate & liberalitate bene est persuasus, eius beneficentiam supplex demissamente exposulat, ipsius verba consolatoria, & subventiones pias gratus excipit, gratias agit, ad maiorem observantiam ipsius se obstringit: scriptum quippe est; *Accedite ad eum, & illuminamini.*

De tali præparatione nos admonet Ecclesiastes. *Ne temere quid loquaris neque cor tuum sit velox ad proferendum sermonem coram DEO, DEVS enim in calo, & tu super terram. Ecce Ecclesiastici 18. Ante orationem prepara animam tuam,*

tuam, &c. id nos suo exemplo docuit Abraham Gen. 18. dum ait : *Loquar ad Dominum cum sim pulvis & cinis.* In quibus verbis tria sunt pensanda. Primò quia est pulvis & cinis, & forte reus damnationis æternæ. Secundò quia ut eum consideres, quem est allocutus, quia est Dominus Deus tuus, &c. Tertiò. Ut quæ dicenda sunt mediteris : hinc illa Psalmistæ verba usurpa : *Audiam quid loquatur in me DEVS; Benedictus es Domine, doce me iustificationes tuas, & scrutabor legem tuam. Bonitatem & disciplinam, & scientiam doce me; aut dicto Psalmo de profundis : subiunge orationem. Veni sancte, vel Actiones nostras.*

Secunda Pars Meditationis est Punctorum trutinatio, quæ ut melius perspicias considerabis illa, cum suis circumstantijs, in hoc versiculo contentis.

Quis, quid, ubi, quare, quis fructus, qualiter unde.

Deinde ex illis punctis devotos intra te pro ratione materiæ affectus concitabis illosque per tempus præsens, præteritum, futurum, dilatabis, quorum præcipui in subiectis versiculis tibi proponuntur.

Cogito, demiror, confirmo, me reprehendo.

Conqueror, ac metuens, execror ac doleo.

Spem sumo, grates do, amo, & offero, & opto.

Propono, obsecro, servidus aggredior.

Hoc ago, meq. malum reprimo, præsentia Christi

Verget, suspiro, collige me, renovo

Exempo

Exemp. G. Vis aliquem fructum spiritua-
lem ex illis verbis Psal. 5. decerpere. *Mane,*
aslabo tibi & videbo, quia non DEVS volens
iniquitatem tu es : Cogita inprimis : quis,
quid, ubi detestetur ! & aduerteres, quod DEVS
supremus Dominus ac legislator non tantum
illa facta, dicta, verum etiam minima cogita-
ta, quæ recedunt à lege ipsius odio habeat pec-
catum neque in cælo, neque in paradiso, ne-
que in terra, etiam in sibi amicissimis consi-
stere patitur, sed ad profundum inferni infra
omnes creaturas deturbat. Deinde expende
quare ? & cognosces, quia peruersitas, malitia,
impuritas, turpitudine, quæ in peccato reper-
itur ; opponit se præcellentissimæ sanctitati, bo-
nitati, puritati, & pulchritudini Diuinæ ; quia
contrariatur rectissimæ voluntati DEI, quia
quandam rebellionem & contemptum
DEI in se continet ; tenetur enim creatura
suo Creatori subesse, suis potentijs ipsi seruire,
eius beneficijs non abuti, &c. Vnde sicut tu il-
lud mancipium, quod multis beneficijs affecisti,
dum tibi rebellat à te proijcis, multò æquius id
DEVS tibi facere potest, &c. Qui fructus pec-
cati ? utique pessimi in sublatione, tot bono-
rum ; tot malorum illatione, & in hac, & in al-
tera vita. Qualiter : vnde ? pœnas minando
horrendas, & æternaliter puniendo, siquidem
per peccatum Dominus infinitæ Maiestatis of-
fenditur, & peccator qui in peccato moritur,
in æternum obduratur. Et quamvis DEVS

posset

posset omnia peccata in hominibus impedire; per aciores pœnas statim inflictas, &c. nihilominus quia hoc rectissimæ & suauissimæ DEI gubernationi repugnat, id non facit: nam hominis liberum arbitrium, quod in nullo vult lædere, deprimeretur, homines cōactè & seruiliter, non liberè, non amicabiliter DEO obedirent: DEVS autem nos vult habere amicos & non mancipia hîc, & in Patria cœlesti. Denique quia omne peccatum ex amore inordinato ipsius hominis procedit, cum peccando plûs amat se & suam voluntatem, aut concupiscentiam, quàm DEVM, nihil ferè vult propter eum relinquere, vel tolerare; ideo indignus est cui DEVS suam charitatem præstet.

His trutinatis excita in te affectus contra omne quod in te aduersatur DEO, & quidem mirare te tam temerarium & audacem fuisse in perpetrandis tot sceleribus, tam ingratum DEO tanto benefactori, in tanta pericula salutis incidisse. Fatere te coram DEO maximum peccatorem, & confundere, quod ipsum in eius Diuinis mandatis, & beneficijs toties vilipendisti; quia à te, & ab omni creatura dignissimus omni obseruantia, & cui tot titulis obstrictus es. Deinde tuam obliuionem & neglectum DEI, vecordiam, ingratitudinem, malitiam coram DEO reprehendas. Expostula tecum quòd ob res tam fruiuiolas; tanta mala perpetrasti, tam diu in luto vitiorum hælisti. Time horrenda iudicia DEI supra te, ni seriò resipiscas, &c. Tandem te ad
spem

Ipſem miſericordiæ DE I eleua ; actum contri-
tionis præcipuè ex eo motiuo, quod DE VM à
te ſummè æſtimandum & diligendum propter
te poſtpoſuiſti, offendiſti, &c. Lauda DE I lon-
ganimiſſimam, quod te tam diu ad pænitentiam
expectauit, cum alios propter minora peccata,
& pauciora, quam ſint tua condemnauerit. Vnde
ad maiorem amorem DE I, ad tui mortifica-
tionem, & ad fidele obtequium, ac promptiorem
obſeruantiam illius Diuinæ voluntatis, quouſ-
que vita ſuperſtes, te offeras. Opera ſatisfactoria
aſſumas, &c. Atque ita ex hac meditatione hūc
fructum referas, vt iugem præſentiam DE I in
tuis actibus tibi memores, inde timorem DE I
odium & fugam ſeriam peccatis, demum dignos
fructus pænitiæ facias. Simili modo in alijs
materiis meditationum procedes, licet non cum
omnibus circumſtantijs, aut affectibus, nec eodē
modo uſurpandis.

Tertia pars meditationis eſt colloquium ;
quod iuxta materiam ſubiectam vel occurrentes
affectus eſt cum DE O faciendum ; vel pro-
prijs verbis, vel alicuius Pſalmi, aut orationis.
Meditatio non ſolum ipſius meditantis, verum
& aliorum mentes ditare abundè poteſt. Paro-
chus enim ſiue alius concionator, per illa quæ
bene mente ſua digerit, ad eaque bellè afficitur ;
multo magis (ex ſententia etiam Eccleſiaſtico-
rum Rhetorum) populum excitabit ad bonum ;
quàm per hæc quæ ſimplici memoria concepta
ſtultiſſime. Aduertimus ſermones prædicatorios

S. Antonii de Padua, S. Vincentii, &c. Simpliciter stylo conscriptas; attamen in Vitis ipsorum legitur, plures ab ipsis ad DEVM fuisse conuersos, certè non ob aliam causam, quàm quia ardentibus Diuino amore sermones ad suos Auditores depromebant. Clariùs hac de re Christus lib. 4. Reuel. S. Brigittæ Cap. 7. in hæc verba: tales sunt multi qui de virtutibus sciunt disputare, sed non eas viuendo virtuosè seruare; ideò & eorum animæ periclitantur, quia verba plurima sunt, & facta non apparent. Nunquid sic fecerunt prædicatores mei? nequaquam. Ipsi certè monebant peccatores non verbis sublimibus, sed paucis & charitatiuis parati dare animas suas pro animabus eorum, ideò propter charitatem eorum, alii obtinuerunt charitatem, nam ardor docentis plus, quam verba animum audientis informabant; nunc autem plerique loquuntur de me ardua, sed nullus sequitur fructus, quia flatus solus non incendit ligna, nisi & inniculus scintillæ cōoperetur.

QVÆRES VII.

Quotuplex sit Oratio vocalis?

Resp. Elle duplicem: publicam videlicet & priuatam: vtraque vt DEO placeat absolui debet, eadem præparatione, attentione, deuotione, reuerentiâ, quâ mentalis, aliàs voluntariis mentis distractionibus infecta, potius erit DEI irrisio, quàm Oratio, vt docet S. Thomas 2.2. quæst. 83. art. 13. ad 3. Vnde istiusmodi Orationi

tioni quadrabit illud Psal. 108. *Oratio eius fiat in peccatum.* Et illud 1. Reg. 2. *Qui glorificat me glorificabo eum, qui contemnunt me erunt ignobiles.* Nec enim minoris conditionis debet esse (& hoc apud vilissimum hominum reum fortè mortis æternæ, &c.) **DEVS** Opt. viro aliquo nobilis, quem cum reuerentia, & honesta corporis compositione alloquimur. Vnde in recitatione horarum Canonicarum, aut in auditione Missæ notabilis, seu per notabilem partem durans mentis distractio, ac deliberata, seu perfectè voluntaria, est peccatum mortale. (Bresserus lib. 6. Cap. 15.) cum per talem actum non satisfat obligationi Ecclesiasticæ. Et quamuis nō desint aliqui Theologi docentes per externam deuotionem satisfieri, nihilominus excludi volunt omnes fabulas, aliasque occupationes, cum verâ & interna deuotione incompatibiles.

Secundùm eorum doctrinam in aliis Orationibus, quæ ex bona voluntate sunt voluntaria distractio, etiam est peccatum graue veniale. Probant ex illo Scripturæ Malach. 1. *Si offeratis cecum ad immolandum nonne malum est, &c.* Si ergo Pater ego sum, ubi est honor meus; si Dominus ego sum, ubi est timor meus. Isaïæ 29. *Populus iste ore suo & labijs suis glorificat me, cor autem eius longè est a me.* Et D. Augusti: in Psal. 85. *Oratio tua locutio est ad DEVM, quando legis DEVS tibi loquitur, quando oras cum DEO loqueris.* Vnde apparet bene consistere hæc duo, quòd nè qui-

dem venialiter preces omittendo, totam Orationem quæ non est ex præcepto (non dico hic de interruptione, necessaria quæ non est peccatum) pecces tu inter orandum te distrahendo; quicumque enim facit ac suscipit aliquod officium, munusque, etiamsi voluntariè, debet illo bene fungi, cum debitis circumstantiis.

Vt autem horæ Canonice sine tædio, & cum maiori merito absoluantur, debent per illas offerri Patri cœlesti mysteria Passionis **CHRISTI** in illis versiculis contenta.

Matutina ligat Christum, qui crimina purgat
Prima flagris cruciat, dat causam tertia mortis
Sexta cruci nectit, latus eius nona bipertit
Vespera deponit, tumulto completa reponit.

Item pii affectus excitari, attentio in principio Psalmorum renouari, &c. planè ita offerat Psalmos aut versus Psalmorum aliasue orationes DEO, sicut ille, qui amico numerat sigillatim nummos aureos. Hunc modum **CHRISTVS S. Gertrudi** insinuat.

QVÆRES VIII.

Quomodo rudibus deuotio in oratione commendanda?

Resp. Vt orantes cogitent se alloqui illum, qui licet non videatur, attamen maxime & præcipue est, qui regit cælum, terram, qui facit ver, ætatem, &c. qui ipsis dedit hos oculos, manus, cor, intellectum, qui ipsorum vitam, hic & nunc tanquam nutrix infantem sustentat, à quo

quo omne bonum procedit, qui illos in gloria æterna expectat. In aduersis optimè de DEO præsumant, qui ipsos non pro hoc mundo, sed pro altera vita creauit, vbi nullus luctus, nullus dolor: & si patienter hic mala tolerauerint; ibi abundè remunerabuntur, quia sic necesse est, vt post hanc hyemem sequatur perpetua æstas.

QVÆRES IX.

Quod est efficacissimum instrumentum ad vitam Christiano more traducendam?

Resp. Amor & imitatio Christi: CHRISTVS enim non tantum est Redemptor vnus cuiusque nostrum, sed etiam Magister, lux, via, exemplar sanctè & piè viuendi: & parum fuisset CHRISTO redimere nos, nisi etiam ipse vitæ suæ sanctissimæ exemplo nos docuisset, quomodo redemptioni nostræ còoperari deberemus. *Debuit quidem homo ille inquit S. Leo etiam esse DEVS vt lapsò homini afferret remedium: sed debuit etiam ipse DEVS Maiestatis esse homo, vt eadem præberet exemplum ideoque vt supra in primo capite dictum est, nos ad sui imitationem in Sacro Euangelio admonet.*

In tribus ergo præcipuè est nobis Christus imitandus. Primò in actibus tam internis quàm externis. Vt v. g. in cogitationibus, desideriis, in sermonibus, in operationibus, vt spiritum eius modumque agendi imbibamus. Porro spiritum eius possumus haurire, primò ex Oratione

ipſius dicta Dominica, in qua vt ſupra oſtenſum eſt clarè oſtendit, quales cogitationes, qualia deſideria concipere debeamus, iſſque ardere erga DEVM, & erga proximos noſtros reſpectu DEI. Deinde ex Sacra Euchariftia in qua eundem CHRISTVM ſumimus ſummo deſiderio erga honorem Patris ſui cœleſtis flagrantem, & noſtram ſalutem, hîc ille nobis imprimat illum ſpiritum ſuum, illas actiones, illa merita, quæ in corpore mortali exhibebat, noſque illa iuxta noſtram diſpoſitionem, plus vel minus participamus. Vnde & ille dixit: *Qui manducat meam carnem & bibit meum ſanguinem in me manet & ego in eo. Qui manducat me & ipſe viuet propter me.*

Secundò. Nobis eſt imitandus in virtutibus, quæ in eius corde verbis & actibus tanquam in theſauro latebant, gemmæ pretioſæ, vt non tantum deſideria noſtra eius deſideriis, verba noſtra eius verbis conformemus; ſed etiam, in illis verbis & actibus, virtutum heroicos actus diſtinctè intueamur, & quali ad ditandam noſtram paupertatem plenâ manu hauriamus. Vnde boni Chriſtiani ex quolibet Euangelio cuiuslibet Dominicæ aſſumunt ſibi aliquam virtutem CHRISTI ad imitandum, per illam ſequentem hebdomadam, & in alia faciunt recollectionem qualiter ſe in illa exercuerint, ac pro negligentia eliciunt actum contritionis, defectus ſuos & ex præterito & præſenti Euangelio, præſertim quando abſolutâ Prædicatione facit cū ipſis

Pastor

Pastor ipsorum communem confessionem, faciuntq; firmiora proposita in posterum melius Christum in sua vita imitandi.

Tertiò. CHRISTVS est sequendus in statu vitæ; ita enim illam vitam suam mortalem attemperauerat, vt omnibus hominibus cuiusque statûs norma viuendi existeret. Nam propter laboriosos duxit vitam laboriosam, propter contemplatiuos contemplatiuam, propter diuites misericordem, beneficam, &c. vt non tantum, per suos annos; ætates vitæ nostræ; verum etiam per suas actiones, nostras actiones; per suas afflictiones corporis & animi; nostras ærumnas, per suos status, statum cuiusque nostrum consecraret; nos denique & omnia nostra suis meritis exornaret, ac gratiosos Patri suo cœlesti offerret.

Hinc sequitur quod nos & omnia nostra debeamus illius sanctissimis meritis per pios & humiles affectus coniungere, ac cum eiusdem meritis DEO Patri offerre, ipsum deniq; CHRISTVM sæpius exorare (siquidem nihil meritorium sine illo possumus agere) vt ipse nos dirigat, adiuuet, suæ sanctæ humanitati conformet, & in sancta perseuerantia ad vitam æternam deducat; breuiter dicendo, ita nobis agendum est, vt per ipsum, & cum ipso, & in ipso, seu in ipsius amore Patri eius cœlesti seruiamus, more primorum discipulorum CHRISTI, quibus ille dixit. *Pater amat vos, quia vos me amastis.* Vnde Apost. 1. ad Thessal. 5. *Sive vigilemus, sive dormiamus, semper*

cum Christo uiuamus. Et sæpius alibi admonet, vt Christum induamus, in Christo Domino nostro nos peragamus. Vita nostra sit abscondita in Christo: imò ipse Christus hoc requirit à nobis Luc: 11. *Qui non est mecum contra me est.*

Hunc etiam modum præscribit nobis Ecclesia, in prima Horarum Canoniarum, vbi Patrem caelestem orat, vt nos, sua virtute saluet per Christum Dominum nostrum, vt ad nullum declinemus peccatum, &c. Deinde ipsi Christo supplicat vt ille dirigere & sanctificare & regere dignetur corda & corpora nostra, &c. Quæ duæ orationes dignæ sunt vt sæpius in die per crebra suspiria vsurpentur, etiam signo aliquo adhibito ad memoriam earum reficendam. Cum autem sufficientia nostra sit ex Christo, necessarium est, vt defectus nostri, infiniti valoris ipsius meritis, ad supplendum quàm humillimè offerantur, præcipuè in fine vitæ.

Atque ita fiet vt per imitationem Christi quâ hominis, imitemur etiam ipsum DEVM: nam sicut DEVS se ipsum perfectissimè cognoscit, se ipsū perfectissimè amat, propter se ipsum omnia perfectissimè operatur, omnes imperfectiones, inordinationes, iniquitates odit; ita & nos attendentes Christi actionibus, doctrinis & passionibus; DEVM perfectiùs cognoscemus, ipso oblectabimur, & propter ipsum (nos & cuncta peccata abnegando) omnia quo poterimus meliore modo & feruentiore operabimur, sincere patienter, constanter vsque ad finem. Hæc confidentia
& fami-

& familiaritas ad Christum unicuique à pueritia inculcanda est, ut in ipso cum tempore crescat ad salutem æternam.

Qualiter autem quisque præcipuè Sacerdotes in praxi ac re ipsa, debeant esse in animo & erga Christum dispositi, piè pro more suo Bloſius ostendit in sua instructione spiritali illis verbis: tu præclarus vestitor siderum, nudus, contemptus, vulneratus, & immensis doloribus afflictus pro me pependisti in cruce, pro me fudisti purissimū sanguinem tuum, pro me mortuus es. Amplector vlnis animæ meæ venerandam crucem tuam, & eam pro tui honore atque amore osculor. Præsta ut ad te pleno desiderio semper aspirem, & in te dulcissimè respirem. Ecce Domine ecce cōstituo me in infimo loco, infra omnem creaturam, quia indignus sum quem terra sustineat, subſterno & subiicio me omnibus hominibus. Complector, complector omnes sicut possum sincero amore. Relinquo propter te omnia caduca (dum sunt cum offensa tua.) Respuo quidquid tu non vis. Renuntio omni delectationi sensualī. Renuntio omni vanitati & impuritati, renuntio omni propriæ quæſitioni & immortificationi. Resigno, resigno me tibi funditus. Omnem voluntatem meā in tuam transfundo. Fiat Domine fiat voluntas tua in me & de me, fiat voluntas tua in tempore atque æternitate. Offero me paratū ad perferendum cum auxilio gratiæ tuæ quidquid tibi placuerit. Hoc modo amabit suum Saluatorem, si quæ coram ipso protestatur corde & ore, eadem ope-

re exequi conabatur effugiatque illam S. Pauli 1^o Cor. 16. 22. maledictionem dicentis. *Qui non agnoscit Dominum nostrum Iesum Christum sit anathema Maran Acha.* Clariora media possunt facile Confessarii ex locis S. Scripturæ, quæ passim voluunt in Missalibus, & Sacris Breuariis (sic vocatis quia in se breui compendio continent credenda, speranda, diligenda, & facienda) pro se & aliis desumere.

De hoc amore Christi sunt verba D. Virginis ad B. Brigittam lib. 4. Reuel. Cap. 32. Nullus est talis ac tantus peccator in mundo, qui dicit corde, quod filius meus Creator & Redemptor omnium est sibi amicissimus in corde & intimus; quin non statim parata sum venire ad eum sicut mater charitatis ad filium &c. qui etsi promerisset profundissimam inferni pœnam, haberet tamē nihil curare de honoribus mundi, nec de cupiditate & voluptate carnis, quam detestatur Ecclesia nihilque desideraret nisi solam sustentationem suam; tunc ipse, & ego; statim essemus bene concordēs. Ex his collige ad quem finem quisque debeat in hac vita omnes suas cogitationes, studia, desideria, labores siue spirituales, siue corporales, confessiones, &c. dirigere, nimirum ut tanquam verus Christianus exemplo & ope Christi, per feruam fugam vitiorum, & exercitium virtutum, præcipuè amoris DEI; optimè sit dispositus erga ipsum DEVM, resque Diuinas, & erga proximos respectu DEI, ac in seipso maneat bene ordinatus; ut hoc modo existens Deo fidelis usque ad mortem, accipiat coronam vitæ, ubi in amore perfectissimo Deo in æternum perfruatur.

DECRETA
SANCTISS. IN CHRISTO PATRIS
AC D. N. D.
ALEXANDRI
PAPÆ VII.

In Cōgregationibus Generalibus Sanctæ Romanæ & Vniuersalis Inquisitionis habitis.

Feria V. die 24. Septembris. 1665.

In Congregatione Generali Sancta Romana & Vniuersalis Inquisitionis, habita in Palatio Apostolico Montis Quirinalis, coram Sanctiss. D. N. D. Alexandro Diuina Prouidentia Papa VII. ac Eminentissimis & Reuerendissimis DD. S. R. E. Cardinalibus in tota Republica Christiana aduersus hæreticam prauitatem Generalibus Inquisitoribus, à Sancta Sede Apostolica specialiter Deputatis.

SANCTISSIMVS D. N. audiuit non sine magno animi sui mœrore, complures opiniones Christianæ disciplinæ relaxatiuas, & animarum perniciem inferentes, partim antiquatas iterum suscitari, partim nouiter prodire: & summam illam luxuriantium ingeniorum licentiam indies
magis

magis excreſcere, per quam in rebus ad conſci-
 entiam pertinentibus modus opinandi irrepiſit alie-
 nus omninò ab Euangelica ſimplicitate, Sancto-
 rumque Patrum doctrina, & quem ſi pro recta
 regula fideles in praxi ſequerentur, ingens ere-
 ptura eſſet Chriſtianæ vitæ corruptela; Quare, ne
 vlllo vnquam tempore viam ſalutis, quam ſupre-
 ma veritas DEVS, cuius verba in æternum per-
 manent, arctam eſſe definiuit, in animarum per-
 niciem dilatari, ſeu verius peruerſi contingeret;
 idem Sanctiſſimus D. N. vt oues ſibi creditas ab
 eiufmodi ſpatioſa, lataq; per quam itur ad perdi-
 tionem, via, pro Paſtorali ſollicitudine in rectâ
 ſemitam euocaret, earundem opinionum examen
 pluribus in Sacra Theologia Magiſtris, & deinde
 Eminentiffimis, & Reuerendiſſimis DD. Cardi-
 nalibus contra hæreticam prauitatem Generali-
 bus Inquiſitoribus ſeriò commiſit. Qui tantum
 negotium ſtrenuè aggreſſi, eique ſedulo incum-
 bentes, & maturè diſcuſſi, vſque ad hanc diem
 infraſcriptis propoſitionibus, ſuper vnaquaque
 ipſarum ſua ſuffragia Sanctitati ſuæ ſigillatim ex-
 poſuerunt.

1. Homo nullo vnquam vitæ ſuæ tempore
 tenetur elicere actum fidei, ſpei, & charitatis, ex
 vi præceptorum Diuinorum ad eas virtutes perti-
 nentium.

2. Vir equeſtris ad duellum prouocatus po-
 teſt illud acceptare, ne timiditatis notam apud al-
 ios incurrat.

3. Sententia aſſerens, Bullam Cænæ ſolum
 prohi-

prohibere absolutionem hæresis, & aliorum criminum, quando publica sunt, & id non derogare facultati Tridentini, in qua de occultis criminibus sermo est. Anno 1629. 18. Julij in Consistorio Sacræ Congregationis Emin. Cardinalium, visa & tolerata est.

4. Prælati Regulares possunt in foro conscientię absolvere quoscunq; sæculares ab hæresi occulta, & ab excommunicatione propter eam incurta.

5. Quamvis euidenter tibi constet Petrum esse hæreticum, non teneris denuntiare, si probare non possis.

6. Confessarius, qui in sacramentali Confessione tribuit Pœnitenti chartam postea legendam, in qua ad Venerem incitat, non censetur sollicitasse in confessione; ac proinde non est denuntiandus.

7. Modus euadendi obligationem denuntiandæ sollicitationis est; Si sollicitatus confiteatur cum sollicitante, hic potest ipsum absolvere absque onere denuntiandi.

8. Duplicatum stipendium potest Sacerdos pro eadem Missa licitè accipere, applicando petenti partem etiam specialissimam fructus ipsimet Celebranti correspondentem, idque post Decretum Urbani VIII.

9. Post Decretum Urbani potest Sacerdos, cui Missæ celebrandæ traduntur, per alium satisfacere, collato illi minori stipendio, alia parte stipendij sibi retenta.

10. Non

10. Non est contra iustitiam pro pluribus sacrificijs stipendium accipere, & sacrificium vnum offerre; Neque etiam est contra fidelitatem, etiamsi promittam promissione etiam iuramento firmata, danti stipendium, quod pro nullo alio offeram.

11. Peccata in confessione omissa seu oblata ob instans periculum vitæ, aut ob aliam causam non tenemur in sequenti confessione exprimere.

12. Mendicantes possunt absolvere à casibus Episcopis reservatis, non obtenta ad id Episcoporum facultate.

13. Satisfacit præcepto annuæ Confessionis, qui confitetur Regulari Episcopo præsentato, sed ab eo iniuste reprobato.

14. Qui facit confessionem voluntariè nullam, satisfacit præcepto Ecclesiæ.

15. Pœnitens propria auctoritate substituere sibi alium potest, qui loco ipsius pœnitentiam adimpleat.

16. Qui beneficium curatum habent, possunt sibi eligere in Confessarium simplicem Sacerdotem, non approbatum ab Ordinario.

17. Est licitum Religioso, vel Clerico, calumniatorem, graua crimina de se, vel de sua Religione spargere minantem, occidere, quando alius modus defendendi non suppetit, vti suppetere non videtur, si calumniator sit paratus vel ipsi Religioso, vel eius Religioni publice & coram grauissimis viris prædicta impingere nisi occidatur.

18. Licet interficere falsum accusatorem, & falsos testes, ac etiam Indicem, à quo iniqua certò imminet sententia, si alia via non potest innocens damnum evitare.

19. Non peccat maritus occidens propriam auctoritate uxorem in adulterio deprehensam.

20. Restitutio à Pio V. imposita Beneficiariis non recitantibus, non debetur in conscientia ante sententiam declaratoriam Indicis, eo quòd sit poena.

21. Habens Capellaniam collativam, aut quodvis aliud beneficium Ecclesiasticum, si studio literarum vacet, satisfacit lux obligationi, si Officium per alium recitet.

22. Non est contra iustitiam, Beneficia non conferre gratis, quia collator conferens illa beneficia Ecclesiastica pecunia interuenientes, non exigit illam pro collatione Beneficij, sed veluti pro emolumento temporali, quod tibi conferre non tenebatur.

23. Frangens ieiunium Ecclesiæ, ad quod tenetur, non peccat mortaliter, nisi ex contemptu vel inobedientia hoc faciat, puta, quia non vult se subiicere præcepto.

24. Mollities, sodomia, & bestialitas sunt peccata eiusdem speciei infimæ, ideoque sufficere dicere in Confessione se procurasse pollutionem.

25. Qui habuit copulam cum soluta, satisfacit confessionis præcepto, dicens, commissi cum soluta graue peccatum contra castitatem, non explicando copulam.

26. Quan-

26. Quando litigantes habent pro se opiniones æquè probabiles, potest Iudex pecuniam accipere pro ferenda sententiâ in fauorem vnius præalio 27. Si liber sit alicuius iunioris & moderni, debet opinio centeri probabilis dum non constet, reiectam esse à Sede Apostolica tanquam improbabilem.

28. Populus non peccat, etiamsi absque vlla causa non recipiat legem à Principe promulgatam.

Quibus peractis, dum similium Propositionum examini cura, & studium impenderetur, interea idem Sanctissimus rematurè considerata statuit & decreuit, prædictas propositiones & vnamquamque ipsarum, vt minimum tanquam scandalosas esse damnandas, & prohibendas, sicut eas damnat, ac prohibet: ita vt quicumque illas aut diuini docuerit, defenderit, ediderit, aut de eis etiam disputatiuè publicè aut priuatim tractauerit, nisi forsan impugnando, ipso facto incidat in excommunicationem, à qua non possit (præterquam in articulo mortis) ab alio quacumque etiam dignitate fulgente, nisi à pro tempore existente Romano Pontifice, absolui.

Insuper districtè in virtute sanctæ obedientiæ, & sub interminatione Diuini Iudicij prohibet omnibus Christi fidelibus cuiuscumque conditionis dignitatis ac status, etiam speciali & specialissimâ notâ dignis, ne prædictas opiniones, aut aliquam ipsarum ad praxim deducant.

Ioan-

Alexandri VII.

355

Ioannes Lupus, Sanctæ Romanæ & Vniuersalis In-
quisitionis Not. &c.

Loco ✱ Sigilli.

Anno à Natiuitate D. N. IESV CHRISTI
millesimo sexcentesimo sexagesimo quinto, Indictione
tertia, die verò 2. mensis Octobris, Pontificatus au-
tem Sanctiss. in Christo Patris D. N. D. Alexandri,
Diuina Prouidentia Papæ VII. anno undecimo, su-
pradictum Decretum affixum, & publicatum fuit ad
saluas Basilicæ Principis Apostolorum, Cancellariæ A-
postolicæ, ac in acie Campi Floræ, ac in alijs locis soli-
tis, & consuetis Verbis, per me Carolum Melanum, e-
iusdem Sanctiss. D. N. Papæ & Sanctissimæ Inquisiti-
onis Cursorem.

FERIA QUINTA
DIE DECIMA OCTAVA
Martij Anno 1666.

In Congregatione generali Sanctæ Romanæ & Vni-
uersalis Inquisitionis, habita in Palatio Apostolico
Montis Quirinalis coram Sanctiss. D. N. D. Ale-
xandro Diuina Prouidentia Papæ VII. ac Emi-
nentissimis, & Republica Christiana aduersus hæ-
reticam prauitatem Generalibus Inquisitoribus, &
Sancta Sede Apostolica specialiter deputatis.

SANCTISSIMVS D. N. post latum decretum
die xxiv. Septembris proximè elapso, quo viginti
octo Propositiones damnatæ fuerunt; examina-
tis sedulo & accuratè vsque ad hanc diem infra scri-

ptis alijs quadragesimum quintum numerum implentibus, per plures in Sacra Theologia Magistros, ac per Eminentissimos & Reuerendissimos DD. Cardinales aduersus hæreticam prauitatem Generales Inquisitores, eorum suffragia singillatim super vnaquaque ipsarum audiuit.

Propositio 29. In die Ieiunij, qui sæpius modicum quid comedit, etsi notabilem quantitatem in fine comederit, non frangit ieiunium.

30. Omnes officiales, qui in Republica corporaliter laborant, sunt excusati ab obligatione ieiunij debent se certificare, an labor sit compatibilis cum ieiunio.

31. Excusantur absolutè à præcepto ieiunij omnes illi, qui iter agunt equitando, vt eumque iter agant, etiamsi iter necessarium non sit, & etiamsi iter vnius diei conficiant.

32. Non est euident, quod consuetudo nō comedendi oua & lacticia in Quadragesima obliget.

33. Restitutio fructuum ob omissionem horarum suppleri potest per quascumque Eléemosynas, quas antea Beneficiarius de fructibus sui beneficij fecerit.

34. In die Palmarum recitans officium Paschale, satisfacit præcepto.

35. Vnico officio potest quis satisfacere duplici præcepto pro die præsentis, & crastino.

36. Regulares possunt in foro conscientie

vti privilegijs suis, quæ sunt expresse reuocata, per Concilium Tridentinum.

37. Indulgentiæ concessæ regularibus & reuocatæ à Paulo V. hodie sunt reualidatæ.

38. Mandatum Tridentini factum Sacerdotis, sacrificanti ex necessitate cum peccato mortali, confitendi quamprimum, est consilium, non præceptum.

39. Illa particula *quamprimum* intelligitur, cum Sacerdos suo tempore confitebitur.

40. Est probabilis opinio, quæ dicit, esse tantum veniale, osculum habitum ob delectationem carnalem, & sensibilem, quæ ex osculo oritur, secluso periculo consensus vterioris, & pollutionis.

41. Non est obligandus concubinarium ad eiiciendam concubinam, si hæc nimis utilis esset ad oblectamentum concubinarij, vulgo *regalo*, dum deficiente illa nimis ægrè ageret vitam, & aliæ epulæ tædio magno concubinarium afficerent, & alia famula nimis difficile inueniretur.

42. Licitum est mutuanti aliquid ultra sortem exigere, si se obliget ad non repetendam sortem vique ad certum tempus.

43. Annum legatum pro Anima relictum, non durat plus quam per decem annos.

44. Quoad forum conscientie, reo correcto, eiusque contumacia cessante, cessant censuræ.

45. Libri prohibiti donec expurgentur possunt

sunt retineri, vsque dum adhibita diligentia corrigantur.

Quibus maturè pensatis, idem Sanctissimus statuit, ac decreuit, prædictas Propositiones, & vnamquamque ipsarum, vt minimum, tanquam scandalosas esse damnandas, & prohibendas, sicut eas damnat, ac prohibet: Ita vt quicumque illas, aut coniunctim, aut diuissim docuerit, defenderit, ediderit, aut de eis etiam disputatiuè publicè aut priuatim tractauerit, nisi forsan impugnando, ipso facto incidat in excommunicationem, à qua non possit (præterquam in articulo mortis) ab alio quacumque etiam dignitate fulgente, nisi à pro tempore existente Romano Pontifice, absolui.

Insuper districtè in virtute sanctæ obedientiæ, & sub interminatione Diuini Iudicii prohibet omnibus Christi fidelibus, cuiuscumque conditionis, dignitatis, ac statûs, etiam speciali, & specialissimâ notâ dignis, ne prædictas opiniones, aut aliquam ipsarum ad praxim deducant.

Ioannes Lupus, Sanctæ Romanæ & vniuersalis Inquisitionis Notar.

Locus ✠ Sigilli.

Anno à Natiuitate D. N. IESV CHRISTI millesimo sexcentesimo sexagesimo sexto, Indictione quarta, die verò 23. mensis Martij, Pontificatus autem Sanctiss. in Christo Patris D. N. D. Alexandri Diuina Prouidentiâ Papæ VII. anno vndecimo.

ciño, supradictum Decretum affixum, & publicatum fuit ad valuas Basilicae Principis Apostolorum, Cancellariae Apostolicae, ac in acie Campi Florae, ac in alijs locis solitis & consuetis Urbis per me Carolum Melanum eiusdem Sanctiss. D. N. Papae & Sanctissimae Inquisitionis Cursorem.

FERIA QUINTA.

DIE II. MARTII.

Anno 1679.

In Generali Congregatione S. Romanae & Vniuersalis Inquisitionis habita in Palatio Apostolico Vaticano coram Sanctissimo D. N. D. INNOCENTIO diuina Prouidentia Papa XI. ac Eminentissimis, & Reuerendissimis Dominis S. R. E. Cardinalibus in tota Republica Christiana contra hereticam prauitatem Generalibus inquisitoribus à Sancta Sede Apostolica specialiter deputatis.

SANCTISSIMUS D. INNOCENTIUS PAPA XI. praedictus ouium sibi à Deo creditarum salutis sedulo incumbens, & salubre opus in segregandis noxijs doctrinarum pascuis ab innoxijs a fel. record. Alexandro VII. Praedecessore suo inchoatum proseguere volens, plurimas propositiones partim ex diuersis, vel libris, vel thesibus seu scriptis excerptis, & partim nouiter adinuentis Theologorum plurium examini, & deinde Eminentissimis, & Re-

uerendissimis Dominis Cardinalibus contra hæreticam prauitatem Generalibus inquisitoribus subiecit. Quibus propositionibus sedulo, & accuratè sæpius discussis eorundem Eminentissimorum Cardinalium, & Theologorum votis per Sanctitatem Suam auditis. Idem Sanctissimus D. N. re postea maturè consideratâ statuit & decreuit pro nunc sequentes propositiones, & vnamquamque ipsarum, sicut iacent, vt minimum tanquam scandalosas, & in praxi perniciosas, esse damnandas, & prohibendas, sicuti eas damnat, & prohibet. Non intendens tamen Sanctitas Sua per hoc Decretum alias propositiones in ipso nõ expressas, & Sanctitati Suæ quomodolibet, & ex quacumque parte exhibitas, vel exhibendas vllatenus approbare.

1. Non est illicitum in Sacramentis conferendis sequi opinionem probabilem de valore Sacramenti, relicta tutiore, nisi id vetet lex, conuentio, aut periculum grauis damni incurrendi. Hinc sententia probabili tantum vtendum non est in collatione Baptismi, Ordinis Sacerdotalis, aut Episcopalis.

2. Probabiliter existimo, Iudicem posse iudicare iuxta opinionem etiam minus probabilem.

3. Generatim dum probabilitate, siue intrinseca, siue extrinseca quantumuis tenui, modo quid agimus, semper prudenter agimus.

4. Ab infidelitate excusabitur infidelis nõ credens ductus opinione minus probabili.

5. An peccet mortaliter, qui actum dilectionis Dei semel tantum in vita eliceret, condemnare non audemus.

6. Probabile est, ne singulis quidem rigorose quinquennijs per se obligare præceptum charitatis erga Deum.

7. Tunc solum obligat, quando tenemur iustificari, & non habemus aliam viam, qua iustificari possumus.

8. Comedere, & bibere usque ad satietatem ob solam voluptatem non est peccatum, modo non obstitit valetudini quia licite potest appetitus naturalis suis actibus frui.

9. Opus coniugij ob solam voluptatem exitum omni penitus caret culpâ, ac defectu veniali.

10. Non tenemur proximum diligere actu interno, & formali.

11. Præcepto proximum diligendi satisfacere possumus per solos actus externos.

12. Vix in sæcularibus inuenies, etiam in Regibus superfluum statui. Et ita vix aliquis tenetur ad eleëmolyam, quando tenetur tantum ex superfluo statui.

13. Si cum debita moderatione facias, potes absque peccato mortali de vita alicuius tristari, & de illius morte naturali gaudere, illam inefficaci affectu petere, & desiderare; non quidem ex displicentia personæ, sed ob aliquod temporale emolumentum.

14. Licitum est absoluto desiderio cupere mortem Patris, non quidem vt malum Patris, sed vt bonum cupientis, quia nimirū ei obuentura est pinguis hæreditas.

15. Licitum est filio gaudere de parricidio parentis à se in ebrietate perpetrato propter ingētes diuitias inde ex hæreditate consecutas.

16. Fides non censetur cadere sub præceptū speciale, & secundum se.

17. Satis est; actum fidei semel in vita elicere.

18. Si à potestate publica quis interrogetur, fidem ingenuè confiteri, vt Deo & fidei gloriosum consulo, tacere, vt peccaminosum per se non damno.

19. Voluntas non potest efficere, vt assensus fidei in se ipso sit magis firmus, quam mereatur pondus rationum ad assensum impellentium.

20. Hinc potest quis prudenter repudiare assensum, quem habebat supernaturalem.

21. Assensus fidei supernaturalis, & utilis ad salutem stat cum noticia solum probabili reuelationis; immò cum formidine, qua quis formidet, ne non sit locutus Deus.

22. Nonnisi fides vnius Dei necessaria videtur necessitate mediij, non autem explicita Remuneratoris.

23. Fides latè dicta ex testimonio Creaturarum, similiuè motiuo ad iustificationem iustificat.

24. Vocare Deum in Testem mendacii levis non est tanta irreuerentia, propter quam velit, aut possit damnare hominem.

25. Cum causa licitum est iurare sine animo iurandi, siue res sit levis, siue grauis.

26. Si quis, vel solus, vel coram alijs, siue interrogatus, siue propria sponte, siue recreationis causa, siue quocumque alio fine iuret, se non fecisse aliquid, quod reuera fecit, intelligendo intra se aliquid aliud, quod non fecit, vel aliam viam ab ea, in qua fecit, vel quoduis aliud additum verum, reuera non mentitur, nec est periusus.

27. Causa iusta vtendi his amphibologijs est, quoties id necessarium, aut vtile est ad salutem corporis, honorem, res familiares tuendas vel ad quemlibet alium virtutis actum, ita vt veritatis occultatio censeatur tunc expediens & studiosa.

28. Qui mediante commendatione, vel munere ad Magistratum, vel officium publicum promotus est, poterit cum restrictione mentali prestare iuramentum, quod de mandato Regis à similibus solet exigi, non habito respectu vel ad intentionem exigentis, quia non tenetur fateri crimen occultum.

29. Vrgens metus grauis est causa iusta Sacramentorum administrationem simulandi.

30. Fas est viro honorato occidere inuasorem, qui nititur calumniam inferre, si aliter hæc ignominia vitari nequit; idem quoque dicendum,

dum, si quis impingat alapam, vel fuste percutiat, & post impactam alapam, vel ictum fustis fugiat

31. Regulariter occidere possum furem pro conseruatione vnius aurei.

32. Non solum licitum est defendere defensione occisiua, quæ actu possidemus, sed etiam ad quæius inchoatum habemus, & quæ nos possessuros speramus.

33. Licitum est tam hæredi, quam legato rio contra iniuste impediẽtem, ne vel hæreditas adeatur vel legata soluantur, se taliter defendere, sicut & ius habenti in Cathedrali, vel Præbendam contra eorum possessionem iniuste impediẽtem.

34. Licet procurare abortum ante animationem foetus, ne puella deprehensa grauida occidatur, aut infametur.

35. Videtur probabile omnem foetum, quãdiu in ytero est, carere anima rationali, & tunc primum incipere eamdem habere, cum paritur, ac consequenter dicendum erit in nullo abortu homicidium committi.

36. Permissum est furari, non solum in extrema necessitate, sed etiam in graui.

37. Famuli, & famulae domesticæ possunt occultè heris suis surripere ad compensandam operam suam, quam maiorem iudicant salario, quod recipiunt.

38. Non tenetur quis sub poena peccati mortalis restituere quod oblatum est per paucos fur-

ca furta, quantumcumque sit magna summa totalis.

39. Qui alium mouet, aut inducit ad inferendum graue damnum tertio non tenetur ad restitutionem istius damni illati.

40. Contractus Mohatra licitus est. Etiam respectu eiusdem personæ, cum contractu retrouenditionis præuie inito cum intentione lucri.

41. Cum numerata pecunia pretiosior sit numeranda, & nullus sit, qui non maioris faciat pecuniam præsentem, quam futuram, potest creditor aliquid ultra sortem à mutuatario exigere, & eo titulo ab usura excusari.

42. Usura non est dum ultra sortem aliquid exigitur, tamquam ex beneuolentia, & gratitudine debitum, sed solum si exigatur tamquam ex iustitia debitum.

43. Quidni nonnisi veniale sit detrahentis auctoritatem magnam sibi noxiam falso crimine elidere?

44. Probabile est non peccare mortaliter, qui imponit falsum crimen alicui, ut suam iustitiam, & honorem defendat. Etsi hoc non sit probabile, vix vlla erit opinio probabilis in Theologia.

45. Dare temporale pro spiritali non est simonia, quando temporale non datur tanquam pretium, sed duntaxat tanquam motuum conferendi, vel efficiendi spiritalis, vel etiam quando
tempo-

temporale sit solum gratuita compensatio pro spirituali aut è contra.

46. Et id quoque locum habet, etiam si temporale sit principale motuum dandi spiritualis; immò etiam si sit finis ipsius rei spiritualis, sic ut illud plaris æstimetur, quam res spiritualis.

47. Cum dixit Concilium Tridentinum eos alienis peccatis communicantes mortaliter peccare, qui nisi quos digniores, & Ecclesiæ magis utiles, ipsi iudicauerint ad Ecclesias promouent, Concilium, vel primo videtur per hoc digniores non aliud significare velle, nisi dignitatem eligendorum sumpto comparatiuo propositiuo; vel secundo locutione minus propria ponit digniores, ut excludat indignos; non verò dignos; vel tandem loquitur tertio quando sit concursus.

48. Tam clarum videtur, fornicationem secundum se nullam inuoluere malitiam, & solum esse malam, quia interdicta, ut contrarium omnino rationi dissonum videatur.

49. Mollities iure naturæ prohibita non est. Vnde si Deus eam non interdixisset, sepe esset bona, & aliquando obligatoria sub mortali.

50. Copula cum coniugata, consentiente marito non est adulterium; adeoque sufficit in confessione dicere, se esse fornicatum.

51. Famulus, qui submissis humeris scienter adiuuat herum suum ascendere per fenestras ad stuprandum virginem, & multoties eidem subseruit deferendo scalam aperiendo ianuam, aut quid simile

simile cooperando, non peccat mortaliter, si id faciat metu notabilis detrimenti puta ne à domino tractetur, ne toruis oculis aspiciatur, ne domo expellatur.

52. Præceptum seruandi festa non obligat sub mortali, seposito scandalo, si absit contemptus.

53. Satisfacit præcepto Ecclesiæ de audiendo sacro, qui duas eius partes, immò quatuor simul à diuersis celebrantibus audit.

54. Qui non potest recitare matutinum, & Laudes, potest autem reliquas horas, ad nihil tenetur, quia maior pars trahit ad se minorem.

55. Præcepto Communionis annuæ satisficit per sacrilegam domini manducationem.

56. Frequens Confessio, & Communio, etiam in his, qui gentiliter viuunt, est nota prædestinationis.

57. Probabile est, sufficere attritionem naturalem, modo, honestam.

58. Non tenemur Confessario interroganti fateri peccati alicuius consuetudinem.

59. Licet sacramentaliter absolueret dimidia-
tè tantum confessos ratione magni concursus Pœnitentium, qualis v. g. potest contingere in die magnæ alicuius festiuitatis, aut Indulgentiæ.

60. Pœnitenti habenti consuetudinem peccandi contra legem Dei, Naturæ, aut Ecclesiæ, et si emendationis spes nulla appareat, nec est neganda, nec differenda absolutio, dummodo ore proficiat, se dolere, & proponere emendationem.

61. Potest aliquando absolui, qui in proxima occasione peccandi versatur, quam potest, & non vult omittere, quinimmo directè, & ex proposito quærit, aut ei se ingerit.

62. Proxima occasio peccandi non est fugienda, quando causa aliqua utilis, aut honesta nõ fugiendi occurrit.

63. Licitum est quærere directè occasionem proximam peccandi pro bono spirituali, vel temporali nostro, vel proximi.

64. Absolutionis capax est homo quantumvis laboret ignorantia Mysteriorum Fidei, & etiam si per negligentiam, etiam culpabilem nesciat Mysterium Sanctissimæ Trinitatis, & Incarnationis Domini Nostri Iesu Christi.

65. Sufficit illi semel Mysteria credidisse.

Quicunque autem cuiusvis conditionis, status, & dignitatis illas, vel illarum aliquam coniunctim, vel diuim defendit, vel ediderit, vel de eis disputatinè, publicè, aut priuatim tractauerit, vel prædicauerit, nisi forsan impugnando, ipso facto incidat in excommunicationem latæ sententiæ, & qua non possit (præterquam in articulo mortis) ab alio quacumq; etiã dignitate fulgènte, nisi à pro tempore existente Romano Pontifice absolui.

Insuper districtè in virtute Sanctæ obedientiæ, & sub interminatione Diuini Iudicij prohibet omnibus Christi fidelibus, cuiuscumq; conditionis, dignitatis, & status, etiam speciali, & specialissimè notâ dignis, ne prædictas opiniones, aut aliquant ipsarum ad praxim deducant.

Tandem

Tandem vt ab iniurijs contentionibus Doctorum, seu Scholaſtici, aut alij quicumque impoſterum ſe abſtineant, & vt paci, & charitati conſulatur, idem Sanctiſſimus in virtute Sanctæ Obedientiæ eis præcipit, vt tam in libris imprimendis ac manuſcriptis, quam in Theſibus, Diſputationibus, ac Prædicationibus caueant ab omni cenſura, & nota, nec non à quibuſcumque conuiciis contra eas propoſitiones, quæ adhuc inter Catholicos hinc inde controuertuntur, donec à S. Sede recognitæ ſuper iſdem propoſitionibus iudicium proferatur.

*Franciſcus Ricchardus Sanctæ Romanæ, &
Vniuerſalis Inquiſitionis Notarius.*

Loco ✠ Sigilli.

*Anno à Natiuitate D. N. IESV CHRISTI
Milleſimo, Sexcentefimo Septuageſimo nono. Indiſtione ſecunda, die verò 4. menſis Martij. Pontificatus
autem Sanctiſſ. in Chriſto Patris & D. N. D. Innocentij diuina Prouidentia Papæ XI. anno tertio, ſupradictum Decretum affixum & publicatum fuit ad
valuas Bafilicæ Principis Apoſtolorum, Cancellariæ Apoſtolice, ac in acie Campi Floræ, ac in alijs locis ſolitis, & conſuetis urbis per me Franciſcum Petinum
eiusdem Sanctiſſ. D. N. & Sanctiſſimæ inquiſitionis
cuſorem.*

Aa

Bullæ



Bulla Cœnæ Domini.

Literæ Processus S. D. N.

PAVLI PAPÆ V.

lectæ in die Cœnæ Domini.

Anno M. DC. VIII.

PROOEMIUM.

PAULUS Episcopus Servus Servorum
DEI. *Ad futuram rei memoriam.* Pasto-
ralis Romani Pontificis vigilantia, & solici-
tudo, cum in omni Christiana Reipublica pace,
& tranquillitate procuranda, pro sui muneris
officio assidue versatur; tum potissimum in Ca-
tholica fidei, sine qua impossibile est placere Deo,
unitate, atq; integritate retinenda; & con-
servanda, maxime elucet; nimirum, ut fideles
Christi non sint parochi fluctuantes, neq; cir-
cumferantur omni vento doctrina, in nequitia
hominum ad circumventionem erroris, sed o-
mnes occurrant in unitatem fidei, & agnitio-
nis filij Dei in virum perfectum, neque se in
huius vitæ societate, & communione ledant, a-
ut inter se alter alteri offensionem præbeat,
sed potius in vinculo charitatis coniuncti, tan-
quam unius corporis membra sub Christi capi-
te, eiusque in terris Vicario Romano Pontifice
Beatis-

Beatissimi Petri successore, à quo totius Ecclesiæ unitas dimanat, augeantur in edificationem, atq; ita Diuina gratia adiutrice, sic presentis vita quiete gaudenut, ut futura quoque Beatitudine perfruantur. Ob quas sanè causas, Romani Pontifices prædecessores Nostri, hodierna die, quæ anniuersaria Dominica Cœna commemoratione solennis est; spirituales Ecclesiasticæ disciplina gladium, & salutaria iustitiæ arma, per ministerium summi Apostolatus, ad Dei gloriam, & animarum salutem, solenniter exercere consueuerunt. Nos igitur, quibus nihil optabilius est, quàm fidei inuiolatam publicam pacem, & iustitiam, Deo auctore, tueri vetustum, & solennem hunc morem sequentes.

C A N O N I.

EXcommunicamus, & anathematizamus ex parte DEI Omnipotentis, Patris, & Filij, & Spiritus Sancti, auctoritate quoque Beatorum Apostolorum Petri, & Pauli, ac Nostra, quoscunque Hussitas, Wicleffistas, Lutheranos, Zuinglianos, Caluinistas, Vgonotos, Anabaptistas, Trinitarios, & à Christiana fide Apostatas, ac omnes, & singulos alios hæreticos, quocunque nomine censeantur, & cuiuscunque sectæ existant, ac eorum credentes, receptatores, fautores, & generaliter quoslibet illorum defensores, ac eorum libros, hæresim continentes, vel de Re-

ligione trahentes, sine auctoritate Nostra, & Sedis Apostolicæ. Scienter legentes, aut retinentes, imprimentes, seu quomolibet defendentes, ex quavis causa publicè, vel occultè, quouis ingenio, vel colore. Nec non Schismaticos, & eos qui se à Nostra, & Romani Pontificis, pro tempore existentis obedientia, pertinaciter subtrahunt, vel recedant.

C A N O N II.

Item excommunicamus, & anathematizamus omnes, & singulos, cuiuscunque statûs, gradûs, seu conditionis fuerint: Vniuersitates verò, Collegias, & Capitula, quocunque nomine nuncupentur, interdicimus, ab ordinationibus, seu mandatis Nostris, ac Romanorum Pontificum, pro tempore existentium, ad vniuersale futurû Concilium appellantes; nec non eos, quorum auxilio, vel fauore appellatum fuerit.

C A N O N III.

Item excommunicamus, & anathematizamus omnes, Piratas, Cursorios, & latunculos maritimos, discurrentes mare Nostrum, præcipuè à Monte Argentano, vsque ad Tarracinam, ac omnes eorum fautores, receptatores, & defensores.

C A N O N IV.

Item excommunicamus, & anathematizamus omnes, & singulos qui Christianorum quoruscunque nauibus, tempestate, seu intransuersum, ut dici solet, iactatis, vel quomodocunque nauis
fragis

fragium passis, siue in ipsis, nauibus, siue ex ipsâ
iecta in mari, vel in littore iuenta, cuiuscun-
que generis bona, tam in Nostris Tyrrheni, &
Adriatici, quàm in cæteris cuiuscunque maris re-
gionibus, & littoribus, surripuerint, ità vt nec
ob quodcunque priuilegium, aut longissimam, e-
tiam immemorabilis temporis possessionem, seu
alium quemcunque prætextum excusari possint;

C A N O N V.

Item excommunicamus, & anathematizamus
omnes, qui in terris suis noua pedagia, seu Ga-
bellas, præterquam in casibus sibi à iure, seu ex
speciali Sedis Apostolicæ licentia permissis, im-
ponunt, vel augent, seu imponi, vel augeri pro-
hibita exigunt.

C A N O N VI.

Item excommunicamus, & anathematizamus
omnes falsarios Literarum Apostolicarum,
etiam in forma Breuis, ac Supplicationum, gra-
tiam, vel iustitiam concernentium, per Roma-
num Pontificem, vel S. R. E. Vicecancellarium,
seu gerentes vices eorum, aut mandato eiusdem
Rom. Pont. signatarum: necnon falsò fabrican-
tes Literas Apostolicas, etiam in forma Breuis:
& etiam falsò signantes Supplicationes hujusmo-
di sub nomine Romani Pontificis, seu Vicecan-
cellarij, aut gerentium vices prædictorum.

C A N O N VII.

Item excommunicamus, & anathematizamus
omnes illos, qui ad Saracenos, Turcas, & alios
Christiani nominis hostes, & inimicos, vel hæ-

reticos, per Nostras, siue huius Sanctæ Sedis sententias, expresse, vel nominatim declaratos, deferunt, vel transmittunt, equos, arma, ferrum, filum ferri, stannum, chalybem, omniumq; alia metallorum genera, atq; bellica instrumenta, ligamina, cannabem, funes, tam ex ipsa cannabe, quàm alia quâcunq; materiâ, & ipsam materiam, aliaque huiusmodi, quibus Christianos, & Catholicos impugnant: necnon illos, qui per se, vel alios, de rebus statum Christianæ Reipublicæ concernentibus, in Christianorum perniciem, & damnum, ipsos Turcas, & Christianæ Religionis inimicos, necnon hæreticos, in damnum Catholicæ Religionis, certiores faciunt, illisque ad id auxilium, consilium, vel fauorem quomodolibet præstant; non obstantibus quibuscunq; privilegijs, quibusvis personis, Principibus Rebuspublicis, per Nos, & Sedem prædictam hætenus concessis, de huiusmodi prohibitione expressam mentionem non facientibus.

C A N O N VIII.

Item excommunicamus, & anathematizamus omnes impediētes, seu innadentes eos, qui vidualia, seu alia ad vsum Romanæ Curie necessaria adducunt: ac etiam eos, qui, ne ad Romanam Curiam adducantur, vel afferantur, prohibent, impediunt, seu perturbant; seu hæc facientes defendunt per se, vel alios, cuiuscunq; fuerint ordinis, præeminentiæ, conditionis, & statûs: etiamsi Pontificali, seu Regali, aut aliâ quâcunq; Ecclesiasticâ, vel mundanâ præfulgeant dignitate,

C A N O N IX.

Item excommunicamus, & anathematizamus omnes illos, qui ad Sedem Apostolicam venientes, & recedentes ab eadem, suâ, vel aliorum operâ interficiunt, mutilant, capiunt, detinent, necnon illos omnes, qui jurisdictionem ordinariam, vel delegatam à Nobis, vel à Nostreis Iudicibus, non habentes, illam sibi temerè vendicantes, similia contra morantes, in eadem Curia audent perpetrare.

C A N O N X.

Item excommunicamus, & anathematizamus omnes interficientes, mutilantes, vulnerantes, detinentes, capientes, seu deprædantes Romipetas, seu Peregrinos, ad Urbem causâ deuotionis, seu peregrinationis accedentes, & in ea morantes, vel ab ipsa recedentes: & his dantes auxilium, consilium, & fauorem.

C A N O N XI.

Item excommunicamus, & anathematizamus omnes interficientes, mutilantes, vulnerantes, percutientes, capientes, carcerantes, detinentes, vel hostiliter insequentes, S. R. E. Cardinales, Patriarchas, Archiepiscopos, Episcopos, Sediq; Apostolicæ Legatos, vel Nuntios, aut eos à suis Diocelibus, Territorijs, Terris, seu Dominijs eicientes, nec non ea mandantes, vel rata habentes, vel præstantes auxilium, consilium, vel fauorem.

C A N O N XII.

Item excommunicamus, & anathematizamus omnes illos, qui per se, vel per alias personas

Ecclesiasticas quascunque, vel seculares, ad Romanam Curiam super eorum causis, & negotijs recurrentes, ac illa in eadem Curia prosequentes, aut procurantes, negotiorumq; gestores, aduocatos, procuratores, & agentes, seu etiam Auditores, vel Iudices, super dictis causis, & negotijs deputatos, occasione causarum, vel negotiorum huiusmodi, occidunt; seu quoquomodo percutiunt, bonis spoliant: seu qui per se, vel per alios, directè, vel indirectè, delicta huiusmodi committere, exequi, vel procurare, aut in eisdem auxilium, consilium, vel fauorem præstare non verentur, cuiuscunque præminentia, vel dignitatis fuerint.

C A N O N XIII.

Item excommunicamus, & anathematizamus omnes, tam Ecclesiasticos, quàm seculares cuiuscunque dignitatis, qui prætexentes friuolam aliquam appellationem à grauiamine, vel futura executione Literarum Apostolicarum, etiam in forma Breuis, tam gratiam, quàm iustitiam concernentium; nec non citationum, inhibitionum, sequestrorum, monitoriorum, processuum, executorialium, & aliorum decretorum, à Nobis, & à Sede prædicta, seu Legatis, Nuntiis, Præsidentibus, Palatii Nostri, & Camere Apostolicæ Auditoribus, Commissariis, & alijs Iudicibus, & Delegatis Apostolicis, emanatorum, & quæ pro tempore emanauerint, aut alias ad Curias seculares, & laicam potestatem, recurrunt, & ab ea instante Fiscus procuratore, vel Aduocato, appellationes

lationes huiusmodi admitti, ac literas, citationes, inhibitiones, sequestra, monitoria, & alia prædicta capi, & retinere faciunt. Quive illa simpliciter, vel sine eorum beneplacito, & consensu, vel examine executioni demandari; aut ne tabelliones, aut Notarij, super huiusmodi Literarum, & processuum executione, instrumenta, vel acta conficere, aut confecta parti, cuius interest, tradere debeant, impediunt, vel prohibent, ac etiam partes, seu eorum agentes, consanguineos, affines familiares, notarios, executores, subsecutores, literarum, citationum, monitoriorum, & aliorum prædictorum, capiunt, percutiunt, vulnerant, carcerant, detinent, ex Ciuitatibus, locis, & Regnis eijciunt, bonis spoliant, perterrefaciunt, concutiunt, & comminantur per se, vel alium, seu alios, publice, vel occultè: Quiq; alias quibuscunq; personis in genere, vel in specie, ne pro quibusvis eorum negotijs prosequendis, seu gratijs, vel literis impetrandis ad Romanam Curiam accedant, aut recursum habeant, seu gratias ipsas vel literas à dicta Sede impetrent, vel impetratis vtantur, directe, vel indirectè prohibere, statuere, seu mandare, vel eas apud se, aut Notarios, seu Tabelliones, vel alias quomodolibet retinere præsumunt.

C A N O N XIV.

Item excommunicamus, & anathematizamus omnes, & singulos, qui per se, vel alios, auctoritate propria, ac de facto, quarumcunq; exemptionum, vel aliarum gratiarum, & Literarum

Apostolicarum prætextu, beneficiales, decimarum, ac alias causas spirituales, & spiritualibus annexas, ab Auditoribus, & Commissarijs nostris, alijsque Iudicibus Ecclesiasticis, auocant, illarumq; cursum, & audientiam, ac personas, Capitula, Conuentus, Collegia, causas pias prosequi volentes impediunt, ac se de illarum cognitione tanquam Iudices interponunt. Quine partes actrices, quæ illas committi fecerunt, & faciunt, ad reuocandum, & reuocari faciendum, citationes, vel inhibitiones, aut alias literas, in eis decretas; & ad faciendum, vel consentiendum eos, contra quos tales inhibitiones emanarunt à censuris, & pœnis in illis contentis absolui, per statutum, vel alias compellunt, vel executionem Literarum Apostolicarum, seu executoriarum processuum, ac decretorum prædictorum, quomodolibet impediunt, vel suum ad id fauorem, consilium, aut assensum præstant, etiam prætextu violentiæ prohibendæ, vel aliarum prætensionum, seu etiam donec ipsi ad nos informandos, vt dicunt, supplicauerint, aut supplicari fecerint, nisi supplicationes huiusmodi coram Nobis, & Sede Apostolica legitimè prosequantur, etiam si talia committentes fuerint Præsidentes Cancellarium, Consiliorum, Parliamentorum, Cancellarij, Vicecancellarij, Consiliarij, quorumcunq; Principum Secularium, etiam si Imperiali Regali, Ducali, aut aliâ quâcunq; præfulgeant dignitate, aut Archiepiscopi, Episcopi, Abbates, Commendatarij, seu Vicarij fuerint.

C A N O N X V.

Quiue ex prætenso eorum officio, vel ad instantiam partis, aut aliorum quorumcunq; personas Ecclesiasticas, Capitula, Conuentus, Collegia Ecclesiarum quarumcunq; ad suum Tribunal, Audientiam, Cancellariā, Consilium, vel Parlamentum, præter iuris Canonici dispositionem, trahunt, vel trahi faciunt, vel proeunt, directè, vel indirectè, quouis quæsito colore, Necnon qui Statuta, Ordinationes, Constitutiones, Pragmaticas, seu quæuis alia Decreta, in genere, vel in specie, ex quauis causa, & quouis quæsito colore, ac etiam prætextu cuiusvis consuetudinis, aut privilegij, aut alias quomodolibet fecerint, ordinauerint, & publicauerint, vel factis, & ordinatis vñ fuerint, vnde libertas Ecclesiastica tollitur, seu in aliquo læditur, vel deprimatur, aut alias quouis modo restringitur, seu Nostris, & dictæ Sedis, ac quarumcunq; Ecclesiarum iuribus quomodolibet, directè, vel indirectè, tacitè, vel expresse præiudicatur.

C A N O N X V I.

Necnon qui Archiepiscopos, Episcopos, aliosq; Superiores, & inferiores Prælatos, & omnes alios quoscunq; Iudices Ecclesiasticos ordinarios quomodolibet hac de causa directè, vel indirectè carcerando, vel molestando, eorum, agentes, procuratores, familiares, necnon consanguineos, & affines impediunt, quominus suâ iurisdictione Ecclesiasticâ contra quoscunq; citantur secundum quod Canones, & Sacre Con-

stituta.

stitutiones Ecclesiasticæ, & Decreta Conciliorum generalium, & præsertim Tridentini statuunt: ac etiam eos, qui post ipsorum Ordinariorum, vel etiam ab eis delegatorum quorumcunq; sententias, & decreta, aut alias fori Ecclesiastici iudicium eludentes, ad Cancellarias, & alias Curias seculares recurrunt, & ab illis prohibitiones, & mandata, etiam pœnalia Ordinarijs, aut delegatis prædictis decerni, & contra illos exequi procurant. Eos quoq; qui hæc decernunt, & exequuntur seu dant auxilium, consilium, patrocinium, & fauorem in eisdem.

C A N O N XVII.

Quiue iurisdictiones, seu fructus, redditus, & prouentus, ad Nos, & Sedem Apostolicam, & quascunq; Ecclesiasticas personas ratione Ecclesiarum, Monasteriorum, & aliorum Beneficiorum Ecclesiasticorum pertinentes, usurpant, vel etiam quâuis occasione, vel causâ sine Romani Pontificis, vel aliorum ad id legitimam facultatem habentium, expressâ licentiâ sequestrant,

C A N O N XVIII.

Quiue collectas Decimas, Taleas, Præstantias, & alia onera Clericis, Prælatiis, & alijs personis Ecclesiasticis, ac eorum & Ecclesiarum, Monasteriorum, & aliorum Beneficiorum Ecclesiasticorum bonis, illorumq; fructibus, redditibus & prouentibus huiusmodi, absq; Romani Pontificis speciali, & expressâ licentiâ, imponunt; & diuersis etiam exquisitis modis exigunt, aut sic imposita, etiam à sponte dantibus, & concedentibus

ribus recipiunt. Necnon qui per se, vel alios, directè vel indirectè, prædicta facere, exequi, vel procurare, aut in eisdem auxilium, consilium, vel fauorem præstare non verentur, cuiuscunque sint præeminentiæ, dignitatis, ordinis, conditionis, aut status, etiam si Imperiali, aut Regali, præfulgeant dignitate: seu Principes, Duces, Comites, Barones, & alij Potentatus, quicunque etiam Regnis, Prouincijs, Ciuitatibus, & Terris quoquomodo præsidentes, & Consiliarij, & Senatores, aut quauis etiam Pontificali dignitate insigniti: Innouantes Decrèta super his per sacros Canones, tam in Lateranensi nouissimè celebrato, quàm alijs Concilijs generalibus edita, etiam cum censuris, & pœnis in eis contentis.

C A N O N X I X .

Item excommunicamus, & anathematizamus omnes, & quoscunque Magistratus, & Iudices, Notarios, Scribas, Executores, Subexecutores, quomodolibet se interponentes in causis capitalibus, seu criminalibus contra personas Ecclesiasticas, illas processando, banniendo, capiendo, seu sententias contra illos proferendo, vel exequendo, sine speciali, specifica, & expressa, huius sanctæ Sedis Apostolicæ, licentia: quique eiusmodi licentiam ad personas, & casus non expressos extendunt, vel alias perperam abutuntur, etiam si talia committentes fuerint Consiliarij, Senatores, Præsidentes, Cancellarij, Vicecancellarij, aut quouis alio nomine nuncupati.

Item excommunicamus, & anathematizamus omnes illos, qui per se, seu alios, directè, vel indirectè, sub quocunq; titulo vel colore, inuadere, destruere, occupare, & detinere præsumperint, in totum, vel in partem Almam Urbem, Regnum Sicilia, Insulas Sardinia, & Corsica, terras citra Pharam, Patrimonium Beati Petri in Tuscia, Ducatum Spoletanum, Comitatum Venusinum, Sabinensem, Marchia Anconitanam, Mafsa, Trebaria, Romandiola, Campaniam, & maritimas Prouincias, illarumq; terras, & loca: ac terras specialis Commissionis Arnulphorum, Ciuitatesque nostras, Bononiam, Cesenam, Ariminum, Beneuentum, Perusium, Auenionem, Ciuitatem Castelli, Tudertum, Ferariam, Comadam, & alias Ciuitates, terras, & loca, vel iura ad ipsam Romanam Ecclesiam pertinentia, dictaq; Romanæ Ecclesiæ mediatè, vel immediatè subiecta, necnon supremam iurisdictionem in illis Nobis, & eidem Romanæ Ecclesiæ competentem defacto usurpare, perturbare, retinere, & vexare varijs modis præsumunt, necnon adhaerentes, fautores, & defensores eorum, seu illis auxilium, consilium, vel fauorem quomodolibet præstantes.

§ I.

Volentes præsentis Nostros Processus, ac omnia, & quæcunq; his Literis contenta, quousq; alij huiusmodi Processus à Nobis, aut Romano Pontifice pro tempore existente fiant,

aut publicentur, durare, suolque effectus omnino sortiri.

§ II.

CÆterum à prædictis sententijs nullus per alium, quàm per Romanum Pontificem, nisi in mortis articulo constitutus, nec etiam tunc, nisi de stando Ecclesiæ mandatis, & satisfaciendo, cautione præstitâ, absolui possit, etiam prætextu quarumvis facultatum, & indultorum, quibuscunq; personis Ecclesiasticis, Secularibus, & quorumvis Ordinum, etiam Mendicantium, ac Militarium Regularibus, etiam Episcopali, vel maiori dignitate præditis, ipsisq; Ordinibus, & eorum Monasterijs, Conuentibus, & Domibus, ac Capitulis, Collegijs, Confraternitatibus, Congregationibus, Hospitalibus, & Locis suis, necnon laicis, etiam Imperiali, Regali, & aliâ mundanâ excellentiâ fulgentibus, per Nos, & dictam Sedem, accuiusvis Concilij Decreta, verbo, literis, aut alia quacunq; scriptura, in genere, & in specie concelsorum, & innouatorum, ac concedendorum, & innouandorum.

§ III.

Quodsi fortè aliqui contra tenorem præsentium talibus, excommunicatione, & anathemate laqueatis, vel eorum alicui absolutionis beneficium impendere defacto præsumplerint, eos excommunicationis sententiâ innodamus, grauius contra eos spiritualiter, & temporaliter, prout expedire nouerimus, processuri.

§ IV.

DEclarantes, ac protestantes, quacumque absolutionem etiam solenniter per Nos faciendam, prædictos excommunicatos sub præsentibus comprehensos, nisi prius à præmissis cum vero proposito ulterius similia non committendi, destiterint: ac quoad eos, qui contra Ecclesiasticam libertatem, ut præmittitur, statuta fecerint, nisi prius statuta, ordinationes, constitutiones, pragmaticas, & decreta huiusmodi publicè reuocauerint, & ex Archiuis, seu Capitularibus locis, aut libris, in quibus annotata reperiuntur, deleri & cassari, ac Nos de reuocatione huiusmodi certiores fecerint, eos non comprehendere, nec eis aliter suffragari; quin etiam per huiusmodi absolutionem, aut quoscumque alios actus contrarios, tacitos, vel expressos, ac etiam per patientiam, & tolerantiam Nostram, vel successorum nostrorum, quantocumque tempore continuatam, in præmissis omnibus, & singulis, ac quibuscumque; iuribus Sedis Apostolicæ, ac S. R. E. vndecumque; & quodocumque; quæsitis, vel quærendis, nullatenus præiudicari possent, aut debere.

§ V.

Non obstantibus Privilegijs, Indulgentiis, & Literis Apostolicis generalibus, vel specialibus supradictis, vel eorum alicui, seu aliquibus alijs cuiuscumque Ordinis, Status, vel conditionis, dignitatis, præminentiae fuerint, etiam si ut præmittitur, Pontificali, Imperiali, Regali, seu quavis Ecclesiasticâ, & mundanâ præfulgeant dignitate.

gnitate; vel eorum Regnis, Prouincijs, Ciuitatibus seu locis, à prædicta Sede ex quauis causa, etiam per viam contractus, aut remunerationis, & sub quauis alia forma, & tenore, ac cum quibusuis clausulis, etiam derogatorijs, concessis, etiam continentibus, quod excommunicari, anathematizari, vel interdici non possint per literas Apostolicas. non facientes plenam, & expressam, de verbo ad verbum de indulto huiusmodi, ac de ordinibus, locis, nominibus proprijs, cognominibus, & dignitatibus eorum mentionem. Nec non consuetudinibus, etiam immemorabilibus, ac præscriptionibus, quantumcunq; longissimis, & alijs quibuslibet obseruantijs in scriptis, vel non scriptis, per quæ contra hos Nostros Processus, ac sententias, quominus includantur in eis, se iuuare valeant, & tueri.

§ VI.

QUæ omnia quoad eorum omnium tenores, ac si ad verbum nihil penitus omissio intererentur, præsentibus pro expressis habentes, penitus tollimus, & omnino renocamus, ceterilq; contrarijs quibuscunque.

§ VII.

VT verò præsentis Nostri Processus ad publicam omnium notitiam facilius deducantur, chartas, seu membranas, Processus ipsos continentes Valuis Ecclesiæ S. Ioannis Lateranensis, & Basilicæ Principis Apostolorum de Vrbe appendi faciemus, vt ij, quos Processus huiusmodi

concernunt, quoad ipsos non peruenerint, aut quod ipsos ignorauerint, nullam possint excusationem prætere, aut ignorantiam allegare, cum non sit verisimile, id remanere incognitum, quod tam patenter omnibus publicatur. Insuper ut Processus ipsi, & præsentēs Literæ, & singula in eis contenta eò fiant notiora, quò in plerisque Ciuitatibus, & locis fuerint publicata, vniuersis, & singulis, Patriarchis, Primatibus, Archiepiscopis, Episcopis, locorum Ordinarijs, & Prælati, vbilibet constitutis, per hæc scripta committimus, & in virtute Sanctæ Obedientiæ distictè præcipiendo mandamus, ut per se, vel alium, seu alios, præsentēs Literas, postquam eas receperint, seu earum habuerint notitiam, semel in anno, aut si expedire viderint, etiam pluries in Ecclesijs suis dum in eis maior populi multitudo ad Diuina conuenerit, solenniter publicent, & ad Christi fidelium mentes reducant, nuntient, & declarent.

§. VIII.

CÆterum Patriarchæ Archiepiscopi, Episcopi, Alijque Locorum Ordinarij, & Ecclesiarum, Prælati, necnon Rectores, ceterique curam animarum exercentes, ac Presbyteri seculares, & quorumuis Ordinum Regulares, ad audiendas peccatorum Confessiones quauis authoritate deputati, transumptum Literarum penes se habentes, easque diligenter legere, & percipere studeant, Volentes earundem præsentium transumptis, etiam impressis, Notarij publici manu subscriptis, & sigillo Iudicis Ordinarij Romanæ Cur-

riæ, vel alterius personæ in dignitate Ecclesiastica constitutæ munitis, eandem prorsus fidem in Iudicio, & extra illud, ubique locorum adhibendam fore, quæ ipsis præsentibus adhiberetur, si essent exhibitæ, vel offensæ. Nulli ergo hominû liceat hanc Paginam nostræ Excommunicationis, Anathematizationis, Interdicti, Innouationis, Innodationis, Declarationis, Protestationis, Sublationis, Reuocationis, Commissionis, Mandati, & Voluntatis infringere, vel ei ausu temerario contraire. Si quis autem hoc attentare præsumpserit, indignationem Omnipotentis DEI, ac Beatorum Petri, & Pauli Apostolorum eius, se noverit incursurum. Datum Romæ apud Sanctum Petrum Anno Incarnationis Domini Millesimo Sexcentesimo Octauo.



I N D E X

Summatim supra posita cōtinens.

C A P V T I.

De Confessione rudium.

§. 1. De iuuandis rudibus circa mysteria fidei.

I. **R**udes tenentur sub peccato mortali scire mysteria fidei in symbolo contenta
Folio, 1.

II. Præcipue hos principales articulos: Quod Deus sit. Quod sit Remunerator. Quod sit SS. Trinitas. Quod Filius Dei sit Incarnatus. 2.

III. Item tenentur scire Orationem Dominicam, Salutationem Angelicam, Decalogi Præcepta, & Ecclesiæ, & Sacramentorum Naturam quæ recipiunt. 6.

IV. Hæc autem aliqua cognitione intelligere obligantur saltem quoad substantiam. 7.

V. Hos articulos: Quod sit Deus, quod sit remunerator de necessitate salutis quisque explicitè scire tenetur & credere. Item secundum communioem sententiam; Quod Filius Dei sit pro se, homo factus. Omnes autem etiam rudissimi articulos cunctos fidei; implicitè credere necessario tenentur. 10.

VI. Datur inculpabilis ignorantia articulo-

I N D E X.

*rum fidei apud infideles, qui, si faciunt Deo
excitante quod in se est, saluantur; resisten-
tes, derelinquuntur. Similiter inter Here-
ticos. Secus qui habent rationes persuaden-
tes, ut de sua fide dubitent: tunc enim te-
nentur extraordinariam diligentiam adbi-
bere, ut veritatem cognoscant; siquidem agi-
tur hic de re maximi momenti.* 14.

*VII. Confessarius tenetur interrogare poeni-
tentem de notitia fidei, ac docere ignoran-
tem, quantum tunc capere potest: alias ni-
hil valens percipere, sub conditione absol-
uendus: nequaquam tamen ad SS. Eucha-
ristiam admittendus.* 19.

Brevis cathecbisatio rudium. 22.

*VIII. Parochi magis ac clarius obligantur ad
hac docenda, quam Confessarij; & quidem
sub peccato mortali.* 25.

*IX. In multis casibus tenentur rudes actus fi-
dei elicere.* 28.

*§. 2. De iuuandis rudibus quoad materi-
am confessionis.*

*1. In hoc passu Confessarius debet se munire
patientia & discretionem ad examinandum
penitentem; qui si nullam materiam affe-
rat appareatque bonae voluntatis, nec valde
pridem confessus potest sine Sacramentali*

I N D E X.

absolutione, ad S. Eucharistiam admitti, vel si Confessario videbitur, inculcet ipsi, ut se reum faciat, & doleat pro negligentia ad Deum, & circa suam salutem, quod more bruti se non reflexerit super suos actus, quales fuerint. 29.

Peccata Communia rusticorum recēsentur. 37.

II. Confessarius interroget Pœnitentem de Peccato, de quo dubitat an illud reticeat, & responsioni illius acquiescat, alias si pro certo scit per se, illud temerè celantem non absoluat. 40.

III. Qui nequit Peccatorum Numerum recensere; saltem edicat consuetudinem; ut Confessarius statum pœnitentis intelligat. Magis autem laboret Confessarius, ut pœnitens ad contritionem, & firmum propositum emendandi se excitet; quàm ut nimis exactè peccata sua declaret. 41.

IV. Quando nulla spes in pœnitente, qui in malo statu bona fide versatur, apparet; admonitiones & interrogationes dimittat Confessarius; commodius tempus expectando. 45.

V. Pœnitens qui tantum in genere apprehendit malum, & facit illud, iudicandus est de culpa veniali, si sit bonæ voluntatis; securus si peruersa. 53.

I N D E X.

¶ I. Enumerantur cause, propter quas repetenda est confessio invalida. 59.

§. 3. De quibusdam similibus in ignorantia rudium.

*I. P*erpetuo amenti debet dari Eucharistia in articulo mortis, si antea petierat, & Christianè vixerat, & non sit periculū irreuerentis. Extra periculum expectanda sunt lucida intervalla. Idem de Daemoniacis censendum. Semifatuus etiam potest dari iuxta prudentiam Confessarij. Amentes antea pie viventes etiam ligandi ad percipiendam extremam unctionem. 72.

II. Surdi simul, & muti, positò, quod possint nutibus edoceri, tenentur confiteri, & communicare; & iste cuius idioma ignoratur. Surdus, mutus, cecus, à natiuitate, præter Baptismū nullū potest suscipere Sacramentū. Secus, si ante his usus fuerat. 75.

III. Cum idiotis Schismaticorum & hereticorum leniter agendum. 79.

§. 4. De Superstitionibus quæ vt plurimū ex ignorantia fiunt tollendis.

*I. M*ateriales venesica de astutijs diaboli sunt præcauenda: formales benè examinanda, & per inuocationem specialis Divini auxilij ad resipiscendum admonenda.

I N D E X.

- Non omnia quæ videntur superstitiosa, sunt talia. Somnii non faciliè credendum. Dies aliquos & euentus fortuitos est vanum obseruare. Astrologia & Chiromantia non est simpliciter reiicienda. Zingari omnino repellendi. à Pag. 80. vsq; ad Pag. 106.*
- II. Pacisci ut quis post mortem appareat, est periculosum*
- III. Plura sunt iudicia Spiritus apparentis boni, vel mali. 107.*
- IV. Superstitio cognoscitur cum verba vel facta nullam habent connexionem cum effectu. Antipatia vel Sympathia hic multum non suffragatur, multò minus Philosophia occulta. 110.*
- §. 5. De remediis maleficiorum.*
- I. Communia maleficia sūt quadruplicis generis. Non faciliè credendum esse aliquem maleficiatum. Signa Maleficii sunt plura. Maleficia sunt tollenda per Spiritualia & Naturalia remedia, quæ tamen benedicantur à Pagin. 112. vsq; ad 123.*
- II. Eodem modo philtora amatoria. 123.*
- III. Ab incubis vexati per veram penitentiam sunt puniendi, sicut & qui se demoni deuouerunt. 123.*
- IV. Contra terrores nocturnos exorcizatio. 125.*
- V. Re.*

I N D E X.

- V. Remedia contra maleficia iumentorum 127
 Modus coercendi maleficos. 311.
- VI. Suspectas de maleficio, illicitum aquâ probare. 132.
- VII. Lycantropi Magi sunt puniendi: per magiam autem tales effecti; rebus sacris ut maleficiati curandi. Maniaci, medicinis sanandi. 133.
- VIII. S. Eucharistia sub cutem alicuius inserta excindatur, & in Ciborio reponatur. 136.
- IX. Rudibus inculcandum, ne nimium affectû in rebus terrenis ponant, parati semper ea relinquere. Sapius per crebra suspiria orent, ut suis laboribus Deus benedicat, magisque intendant ut sint in gratia Dei, & postea in gloria eterna. 136.

C A P V T II.

De Confessione Puerorum.

- I. **C**um Pueris præsertim villanis, leniter in hoc foro agendum. 138.
- II. Post expletum septennium, pueri præsumuntur habere usum rationis, & posse peccare mortaliter, an sint capaces Sacramentorum omnes, præsertim in pagis, Parochi est advertere. 140.
- III. Interrogationes cum Pueris in Confessione sunt caute faciendæ, ac muniendi tempesti-

I N D E X.

*uè contra turpes cogitationes, & insultus:
puella etiam contra iocos & lusus.* 142.

*IV. Pueris S. Eucharistia deneganda qui non-
dum ipsius spiritua'em gustu percipiunt.* 145

*V. Potest illis extrema Vnctio dari, licet sunt
absq; peccato.* 146.

*VI. Impuberes non subiacent casibus reserva-
tis & censuris magis autem corriguntur
verberibus quàm absolutione Sacramenta-
li.* 147.

*VII. Ante septennium completum possunt eti-
am carnibus vesci, & ante vigesimum pri-
mum annum expletum, sepius uti cibis ieiu-
nii: sunt tamen assuescendi ad unicam refe-
ctionem. Ad consequendum Iubileum, poen-
itentiam explendam, vota, vel ob publicū bonū
tenentur cum alijs rigorosè ieiunare.* 147.

*VIII. Simplicissimo stylo sunt instruendi in re-
bus fidei & morum.* 150.

*IX. Tenetur curare Parochus, etiam inuocato
brachio seculari, ut infans viuus ex utero
Matris mortue ad baptizadū eximatur.* 154

C A P V T III.

*De Confessionibus in Peccatis inuetera-
torum.*

*1. I*ndurati sunt suauiter à Confessario reci-
piendi, fortiter admonendi, & munien-
di contra peccata. 155a

I N D E X.

Qualis satisfactio imponenda? 162.

I I. *Nolens proximam occasionem peccandi deferere, ordinariè non est absoluendus. Ex gravi necessitate in illa existens, si nulla sit spes vitandi peccati, etiam sine absolutione dimittendus.* 168.

I I I. *Idem censendum de existente extra statum periculosum, si nullatenus studeat vitam suam corrigere.* 174.

I V. *Pro recidiuis plura remedia.* 175.
Media ad publicos tollendos abusus insinuantur. 176.

V. *Confessiones Generales, ex partialibus antea inualidis attentè sunt audienda ac si illa quæ primo fiant.* 180. *Mendacium veniale non vitiat Confessionem. eodẽ q. Qualiter confessiones excipiende mulierum. eodem q. agrotorum? eodem q.*

V I. *Argumentatio illa vel sum prædestinatus, vel non: quidquid egero nihil proderit, ostenditur esse falsa, stulta & vana.* 186.

V I I. *Roborantur Pusillanimes circa perseuerantiam.* 197. *Cautella circa discursus de prædestinatione.* 199.

C A P V T IV.

De iuuandis penitentibus in profectu vitæ Christianæ.

§. 1. *De Natura & fine vitæ Christianæ,*

I N D E X.

- I. **V**ita Christiana practicè loquendo : est
Deum plus infinities, quàm optima que-
què apud se æstimare, ipsius legibus se tota-
liter subdere, peccata sollicitè vitare, pro-
priam voluntatem in omnibus abnegare, af-
fectus & propensiones malas in se per vim
mortificare, bona per exercitium virtutum,
presertim charitatis, constanter agere, &
mala perpeti ; idque ad exemplum & præ-
scriptum Christi ipsius gratiam sæpius inuo-
cando. 202.
- II. Tenentur omnes in hac vita proficere. 210.
- III. Regula vniuersalis actuum vite Christi-
ana, est voluntas Dei, à Christo præcipuè per
Euangelium suum declarata. 212.
- IV. Finis vite Christiana est perfectio Christi-
ana, siue amicitia pura & stabilis, hominis
cum Deo. 214.
- V. De necessitate salutis tenentur omnes ad
hanc amicitiam tendere. 216.
- VI. Ut quis in vita Christiana proficiat, neces-
se est primò, ut ab abnegatione propria vo-
luntatis, & amoris proprii, incipiat ; ac non
sibi, nec secundum se viuat. 221.
- VII. Talis abnegatio acquiritur per cognitio-
nem sui, & Dei ; ad finem vsque vite con-
tinuanda, qua faciliè exerceri potest, in re-
cita-

I N D E X.

citatione Symboli & Orationis Dominica. 223

§. 2. De impedimentis vitæ Christianæ.

I. **N**atura nostra per peccata corrupta, omnino per vim est corrigenda. 225.

II. Plures sunt modi quibus peccata mortalia sunt vitanda. 228.

III. A Venialibus pro viribus cauendum. 231.

IV. Modi quibus vitia extirpanda. 238.

V. Occasiones proxime peccatorum necessariæ per effectum sunt propulsandæ remotæ omnino per affectum. 242.

VI. Anima potentia per exercitium virtutum corrigenda. 247.

VII. Passiones animi domandæ per imperium rationis & sanctam violentiam. 248.

VIII. Corpus per asperitates coercendum. 255.

IX. Contra amorem sui inordinatum certandum semper; præcipue per displicentiam ac contemptum sui in quouis actu. 255.

X. Modi tentationes vincendi. 256.

§. 3. De exercitio virtutum.

I. **V**irtus est qualitas animam facilitans ad perfectè operandum. Virtutes aliæ intellectum, aliæ voluntatem perficiunt; erga Deum, Proximū, seipsum operantem præcipue charitas. 257.

II. Modi virtutis exercenda. 261.

III. Timor Dei, humilitas, patientia, charitas, debent esse in usu peculiari. 266.

IV. Exercitium virtutum est uniuersale, speciale specia-

I N D E X.

- cialissimum. 267.
- V. Virtus in quolibet actu debet inchoari à fuga vitij, continuari per rectam actionem, perfici per stabilem ad Deum directionem. 268.
- VI. Tepiditas animi plurimum nocet exercitio virtutum. 271.
- §. 4. De Exercitio amoris Divini.
- I. **A**d cognoscendam charitatem theologicam præcognoscenda est natura amoris. 272.
- II. Amor rationalis, alter est concupiscentiæ, alius benevolentie. Amor benevolentie sine redamatione, est simplex benevolentia: reciprocus autem utriusque cognitus, & fundatus in aliqua communicatione, dicitur amicitia. 275.
- III. Amor sensitivus animam sedat, rationalis perficit, sed non totaliter: nam id solus amor Divinus efficit. 277.
- IV. Charitas est amicitia hominis ad Deum nobis si-um amorem Paternum per filium suum offerentem Charitas ut plurimum vocatur amor Dei. 278.
- V. Versatur principaliter circa Deum: secundario circa ea quæ Deus amat. Ideo Deum maximi aestimamus, ei que optima quæque volumus, obedimus, quia ex se est dignissimus: alia autem diligimus, quatenus participant bonitatem Dei. 280.
- VI. Charitatis actus, alij sunt ex ipsa charitate elicti, alij ab ipsa in alijs virtutibus imperati, seu ad Deum directi. 281.
- VII. Conditiones amicitie hominis ad Deum declarantur ex conditionibus honeste amicitie humane. 284.
- VIII. Ad

I N D E X.

- VIII. Ad donum charitatis recipiendum, nos per auxilia nobis à Deo oblata debemus disponere. 297.
- IX. Ut opera nostra sint meritoria vitæ æternæ debent ex amore erga Deum fieri. 299.
- X. Perinde Idiota ac docti possunt, actus charitatis exercere. 305.
- XI. Occupationes legitimæ non obstat exercitio charitatis. 307.
- XII. Charitas etiam in parvis & in aduersis rebus exercetur proficue. 309.
- XIII. Ut vera charitate diligamus proximum primò animam in ipso spectemus. 311.
- XIV. Principaliter debemus hominibus bonum animæ optare ac procurare, deinde alia necessaria etiam inimicis. 314.
- XV. Actus interni charitatis erga Deum & homines & nosmetipsos per sinceram recitationem orationis Dominicæ facile possunt exerceri. 317.
- Aliud compendiosum exercitium charitatis erga Deum. 322.
- §. 5. De Instrumentis profectus Christiani.
- I. Horum alia sunt remota alia proxima. 323.
- II. Oratio & mortificatio debent esse in frequentissimo usu. 328.
- III. Anima mortificanda per humilitatem; Corpus cum suis potentijs per serium dissensum voluntatis & sanctam violentiam. 329.
- IV. Oratio est assensus mentis in Deum cum pio affectu. Diuiditur in mentalem & vocalem. 331.
- V. Meditatio est studiosa mentis applicatio ad res Diuinas in ordine ad renouandum animum. 333.
- VI. Partes meditationis sunt, I. Recollectio mentis ad

I N D E X.

- Deum.* 2. *Propositarum sibi rerum attentata trutinatio ad pios affectus excitandos & virtutes exercendas.* 3. *Deuotum colloquium.* 334.
VII. Oratio vocalis & publica & priuata. 340.
VIII. Rudibus cognitio Dei est per effectus eius inculcanda. 342.
IX. Efficacissimum medium ad vitam Christiano modo traducendam est amor & imitatio Christi. 343.

E R R A T A.

IN Pagina 16. Versu 1. Lege *Idolis* non *dolis*.
 Pag. 29. *¶* 1. 1. assentiri non assentire. Pag. 72. *¶* a fine 10 1. inciderat non incideret. Pag. 73. *¶* a fine 6, 1. energumeno non energumento. Pag. 101. *¶* 13 1. priores non priore. Pag. 105. *¶* a fine 14. 1. felix non felix. Pag. 131. *¶* a fine 3. 1. aduocet non aduocent. Pag. 165. *¶* a fine 5. 1. aliquod n. aliquot. Pag. 166. *¶* 13. 1. sua non sui. Pag. 168. *¶* a fine 10. 1. Confessionem non commem. Pag. 196. *¶* 12. 1. Nonne non necne. Pag. 198. *¶* 11. 1. emolumentum. non monumentum. Pag. 201. *¶* a fine 13. 1. misericordiae non misericordia. Pag. 215. *¶* 15. 1. passiones non possessiones. Pag. 217. *¶* 16. 1. excludat non excludit. Pag. 241. *¶* 11. 1. per quam non potius quam. Pag. 277. *¶* 10. 1. dignitate non dignit te. Pag. 284. *¶* a fine 3. 1. quomodo enim, non qui enim. Pag. 289. *¶* 12. 1. mollem non molle. Pag. 290. *¶* 2. 1. impertijt non impetijt. ibidem *¶* a fine 6. 1. me non te. Pag. 295. *¶* 4. 1. propensius n. aequaliter. Pag. 299. *¶* a fine 7. 1. in indiuiduo non in diuiduo. Pag. 302. *¶* 1. posse n. possint. Pag. 309. *¶* 8. 1. Iob non Tob. Pag. 315. *¶* a f. 5. 1. exaggerare n. exaggere. Pag. 319. *¶* a f. 7. 1. in ipsa oratione, non in ipso oratio. Pag. 320. *¶* 8. 1. alios n. alius. Pag. 333. *¶* 4. 1. cohibitionem n. cohibitionem. Pag. 337. *¶* a f. 2. 1. obuijs n. obuijs. Pag. 340. *¶* a f. 10. 1. igniculus n. inniculus. Pag. 350. *¶* 5. 1. eruptura n. ereptura. Pag. 361. *¶* 15. 1. exercitum n. excitum. Pag. 364. *¶* a fine 1. 1. ablatum non oblatum.

Cetera leniora beneuolus lector corrigat.

uti

ex-

34.

40.

cul-

42.

odo

43.

olis.

fine

rgu-

non

131.

ae 5.

Pagi

196.

men-

teri-

non

Pagi

110.

modo

molo-

1.

qua-

duo.

non

314.


310.

a co

340.

eru-

tum.



Biblioteka Jagiellońska



stdr0001602



1. L.
Kantabon
1853